







میرزا سلیمانک اردوسنه کیتدیلمر ، علی قولخانک چادرینه
مسافر اولدیلمر .

عباس ارقداشلری ارسنده، جزمی ده؛ برایکی کون
صکره وطنه عودت ایچون ینسه درویش قیافتنده یوله
کیهرک؛ عالم اختفاده غائب اولدیلمر .

برنجی جلدک نهایتی



تشبیه اولنه جق درجه ده بطی بر بولده کور یردی .
 لوحه نك تحریرینی او یله بر زمانده ا کمال ایلدی که ؛
 امید خیالاتک عینی اولان ؛ صبح کاذب ؛ حقایق عالمک
 مثالی اولان ؛ صبح صادق نقطه سنه تحول ایتدی .
 مشرقده بر قانلی بلوط ، او بلوطک اطرافنده طو پراق
 رنگنه تحول ایتش بر قورقونج پوص ، او پوصک آلتنده
 بیومش مزار شکلی کوستر بر قاقچر کین طاغ ،
 او طاغ لک التنده کیمی یکی طوغمش ده فانی اولدیغنی
 بیلدیکی ایچون تبسمه باشلامش بر قاقچر کیمیک ، کیمی فنا
 بولدیغنی حالده ینه فانی اولدیغنی اکلایه مامش اوچ بش
 صولوق یاپراق کورینور و بو اوچه تماشا نك کافه سنده
 عظمت الهیه تجسم ایدر طور یردی .

جزمی شاعر ایدی شاعر لک بر حالی ده واردرکه :
 نظر خیالی سوق ایتدیکی بر یر طور بر کن طبیعت خزاین
 بدایع نك نه قدر جواهری وارسه کافه سیله برابر ایاغنه
 کلسه ینه هیچ برینی کوره مز او جهتله بالاده عرض
 ایتدیکم لوحه ی تماشا ایدن یالکزجه عباس ایدی
 جزمینک اشتغالی یازمغه منحصصر قالمدی .

یازی بتدی ایکی ارقداش ارقه لرنده کی قور یچی
 لباسندن صویندی لر ؛ مصیبتدن ظاهرده قالمش بر نمونه
 اولمق ایچون ؛ بر مزارک اوستنه آتدی لر ، درویش ائوابیله

یوکسلکه سوق ایدردی هاتف
کچسهک بيله اوج مهر وماهی
کلزدی شهادت اولمسیدی
اجلالکه تا ابد تناهی
یوکسلدی اورتبه کیم مقامک
عرش اولدی سریر احتشامک

برحالده که یازی بی بتیرمک ایچون برطرفدن قورومق
اوزره اولان قانی صباحک؛ عالم حیاتی برقاچ ساعت
کورمکدن ویا دهاطوغریسی کندینی عالم حیاته برقاچ
ساعت کوسترمکدن محروم اولدیغی ایچون ایتدیکی کریه
الم دینلکه شایان اولان؛ شبنمیه ایصلاتمغه چالیشیر،
برطرفدن ده وقت کچمامک اوزره شعرینی؛

« باشلادقجه بن سوزهباشلار هجومه واردات
شویله کیم طاقت کتیرمز آنی تقریره زبان »

وصفنه لایق اوله جق قدر؛ سریع سویلدیکی
حالده قلمنی قان طومش قاتلارک حرکات مذبوحانه سنه

ای زبدهٔ صنعت الهی
انسان ایدی فطرتک کماهی
جاری ایدی هر معامله کده
احکام اوامر و نواهی
فکر کدی ذکایه مطلع نور
قلب کدی شجاعتک پناهی
عزمنده نصیب اولیدی فرصت
بر کونده کدا ایدردی شاهی
تقدیر جناب کبریا ده
علویتک بودر کواهی
کوکل کده کی سائق حمیت
کوستردی جهانہ فیض راهی
تاریخ کی کوش ایدردہ غافل
آہزینہ چشم انتباہی

(ونحن اناس لاتوسط بيننا
لنا الصدر دون العالمين او القبر)

قاعده سنه اتباع اتملیدر یا بوراده عادل کرایک
قدرینی کوستره جک بر حرکت ایدرز یا خود مزارلر
حاضر طور یور شو قاره طوپراق بزى ده قبول ایده جک
قدر بر قوجاق بولمقدن هیچ بروقت عاجز قلمز عادل
کرایه فلك وفا اتمدی بزده می بی و فالح ایده جکز ؛ بن
وظیفه می بیلیم باشنک اوجنه ؛ ولو تحتهدن اولسون ؛
بر اشارت دیکوب ده اوزرینه شاننی اعلا ایده جک ،
اغیارک رغنه طرفدارلرینک غیرتنی کوستره جک برشی یازمد-
قجه شورادن شورایه قلدالم حتی یازه جغم شیئی قائمه
یازه جغم ! . . » دیدی ایکی رفیق غیرت اولیله مصیبت
اره سنده بر تحتهد بولدیلر مزارک اوزرینه دیکدیلر ،
برقوریمش دال پارچه سی کسدیلر جزمی اودال پارچه سنی
الینه الدی ، جریحه سنده کی صارغیلرک اوزرینه بولاشمش
وحالا قوریمامش اولان قانیله او تحتهد پارچه سنک اوزرینه
ارتجالاً سویلیدیکی شو برقاچ ییتی تحریر ایلدی :

فلان اولدیغنه حکم ایلدی ؛ ینه مقصودینی ارایه بیله -
جکی دائره نك خارجه چیقیمیله جق قدر؛ یوکسکجه برس
ایله « جزمی ! جزمی ! » دیه سویلنمکه باشلادی .

جزمی بوصدانی ایشتدی؛ هاتفدن کلمش برندای
دعوت استقبال ایدرجه سنه؛ سرعتله مزاردن وجودینی
بتون بتون صیردی، عباسک یانه شتاب ایلدی .

درویش خرقه لری حاضر دی نه فائده سی وارکه
جزمینک یاره سی قبری کوروب چیقیمیله اچیلدی، برکه
دها صارمغه محتاج اولدی عباس؛ ایکی اوچ ساعت
قدر قانی طور دیرمق، یاره یی صارمق ایچون؛ بیلدیکی
تدبیرلری اجرا ایله اوغراشدی جزمی یوریمکه مقتدر
اوله بیلدی ایکی سی بردن ارقه لینه خرقه لینی کیدیلر
عباس پارمغنی اوزاندی، جزمی به مشرقی کوستردی
صبح کاذب عادل کرایک، پریخانک امیددی قدر
پارلاق برضیا کوسترمکه باشلامشیدی جزمینک فکری
ایسه تشبئنک نتیجه سندن قانلی، کندی کیردیکی مزاردن
قورقونج برحالده ایدی عباس صبح کاذب قدر سرعتله
اورادن غائب اولغی توصیه ایدردی جزمی مزار کبی
بولسدیغی یرده قالمق رأیندن کچه مزیدی نهایت جزمی
عباسه توجه ایتدی « بنم فکریمه کوره انسان اولان

ذوقك، شوقك نتیجه سی بومزاره کیرمکدر احتمال که
شمدی بری کلیر، چیتقا بیله حکم دلیکی قپار، حیاتم زائل
اولور ملائکه سؤال باشیمه چوکر دنیا ایچون انلرده
بوجوابی ویریرم اوت! بوجوابی ویررم.

آه فقط عادل کرایک، پر یخانک، هله اوغراشدیغمن
شو مبارک مقصدک بویله بر نتیجه ویرمسی عدل الهی به
توافق ایدرمی ایدی! . . .

صوص خیث! انسان قورقوسندن مزارلر ایچنه
صاقلانیورسک ده ینه لوح محفوظک تحقیق اسرار یله
اوغراشمغه جسارت ایدیورسک! . . .

یوللو؛ کندی اخلاقنی مصور اولمقله برابر بولندیغی
حالك الجآآنی ده کوستیریر؛ برقاچ سوز سو یلندی، صیر یله
صیر یله ینه مزاردن باشنی چیقاردی عباس ایسه
اوصرده موقعنه کلش، قوینندن بر شمعنه چیقارارق
یاقش، جزمی بی ارامقله مشغول بولمشیدی . شمعنک
ضیاسی جزمینک باشنه دوشوبده سایه سی اوزادقجه
وجزمی چیقمغه چالیشدیغی صرده سایه سنک اوزامسی
دخی بیودکجه قبردن؛ اسکی اعتقادله کوره یاقلاشمقله
بیومک شانندن اولان؛ بر جادی چیقبورظن ایتدی،
براز اورکدی، کری چکلدی شمعنک چکل مسیله سایه ده
بالطبع شکلنی دکیشدیردی عباس اورالده اویله جادی

اعتقادنده بولنان فیلسوفلر کبی؛ چر کینلکنی، قوقشلغنی
دوشونمک ایسته میهرک ینه یرینه براقدی «عجبا سنده
بنم کبی برانسانی ایدک! عجبا عادل کرایک پریخانک؛
او یوسفه، زلیخایه ثانی عد اولنه جق قدر کوزل اولان؛
چهره لرینک ایچنده ده بویله چر کین برکیکمی واردر!
عجبا؛ حسن مجرد، عدل محقق اولان؛ حضور الهی یه
بو قدر چر کین، بو قدر ایکنج برچهره ایله می کیده جکز!
او یله اولیوب ده نه اوله جق؟ .. دها دونکی کونه قدر
بچاره عادلک، زواللی پرینک تصورلری کوزمزنک اوکنده
هپ خیالاتدن معدود دکلی ایدی؟ اوخیاللر بو کون
حقیقت اولدی همده نه قانلی حقیقت! ...

یا بو کون حقیقت بیلدی کمز عالم یارین خیال اولیه جقمی؟
اوله جق! یارین اولمزنسه او برکون اوله جق! شبهه یوق
که اوله جق! همده نه قورقونج خیال! ...

خیر خیر! انسانیت البته بو جسم دکدر . مزارده
روح بولمزن بر کره روحی کوره بیلسه کیم بیلیر نه قدر
کوزلدر! بویله میکندن، اتدن یا پیلش بر وجود حقیره نه قدر
زینت و یریور! دنیاده نیچون کیسه اک کوزل رسامک
یادینغی تصویری برچر کین قیر قدر سوه میور!

دکل! دکل! بشقه عالم وار انسانیتک ذوق
او عالمده در ایسته بو عالمده کوردیکمز اقبالک، اجلالک،

فکرینه دوشدی، نهایت او شهیدک انتقامی المق بویله
بر یهوده فداکارلغه مرجع اولدیغنه حکیم ایلدی .

بو ایکی مطالعه اوزرینه تسلیم وتوکل ایله عباس
کلنجیه قدر بای حال بر یرده اختفایه ذهننده قرار ویردی،
یلدیزلردن دوشن، سونمش مشعللردن قالان خفیف
خفیف ضعیلاره اطرافنی ارادی، باش طرفندن چوکش
بر مزار بولدی اوغراشه اوغراشه ایچنه کیردی، تلقین
امامه ویا ورود منکرینه منتظر بر میت کبی اوزاندی .

الینی بر طرفنه آندی، صغوق، قاتی بر شیئه راست
کلدی مسح ایله انسان کلهسی اولدیغنی آکلادی وجودنده کی
یاره؛ اورایه کلنجیه قدر وخصوصیله مزاره کیرنجیه دک
روحانی و جسمانی چکدیکی مشقتلاره اچیلق و بلکه
کندینی اماته ایله؛ او فطرتده اولان بر صاحب حیت
ایچون مزارندن فردوس مکافاتده کی مقامنه بر منظره
اولق درجه سنه کلهشدی .

بر طرفدن ایسه بر چوق موزیات وجوددن،
اثوابندن بر شیلر قوپاروبده تعیش ایتکه چالی شیرلردی
الینه الدیغنی کله بی براز دهها اویردی، چویردی، سوابق
قبحیاتی ادراک ایتکله برابر اعتراضی انسانیتته مطابق
کورمیان ویا تعبیر آخره «بزه نسبت سابقلر نه قدرده
ایسه بزذنصره کله جکره نسبت بزده او قدرده قاله جغز!»

سایه‌سندہ کشکول بدست اولہرق ایستدیکمز یرہ قدر
کیدہ بیلیرز .

جزمی — کیت، کتیر! درویش اولورزده ینہ علی
قولخانک یانہ کیدرز .

بو محاورہ اوزینہ عباس؛ ایکی جانی محافظہ ایدہ جک
برجسم ظاہری ارامق برصاحب وجدانہ کورہ نہ درجہ
غیرت و یررسہ او درجہ شوق و شتاب ایله؛ جزمینک
یانندن ایرلدی .

جزمی او قدر دهشتلی، او قدر خلاف مأمول بر طاقم
وقایع و فجایع قارشیسندہ تک و تنہا قالجہ ایرانلیلرک اوتہدہ
بریدہ کزینان قورمچیلرینی قبرستانک سرولندن تفریق
ایدہ مدی؛ سایہ لرک یوکسلسی جہتیلہ؛ کندینی برغول بیانی
دهشتکاهی ایچندہ کورمکہ، بریامیاملر مملکتی ارہ سندنہ
ظن ایتکہ باشلادی، اختفایہ بر محمل آرہدی، بادی
تصورده عثمانلیلق غیرتی خاطرینہ کلدی، عادل کرایک
پریخانک؛ مقبرہدہ اولسون؛ یانہ اتیللق ایستدی، او مر تبہ
لایق ارلمدیغنی دوشوندی، حجاب ایتدی، بو حجاب اوزرینہ
فطرتک کندینہ احسان ایلدیکی جلادت مر دانہ خاطرینہ
کلدی . بو کورینان سایہ لرک هر بری بر جلاد
اولسہ جلہسنہ قارشی طورمق واو یولده شهید اولوبدہ؛
عادل کرایک ایاغی اوجونده اولسون؛ برمرار مفخرت بولوق

جزمی — او بر تحف کیدیش اولور ! میرزا سلیمان
ایکیمزیده اوستمزده کی قان لکه لرندن بیلیر؛ یالکز بزی
اولسه ضرری یوق؛ علی قولیخانی ده خیانتنه بزدن ایکی
شاهد طوته رق آصدیرر !

عباس — (براز تأملدن صکره) غریب حالدر
وقتیله اسراف ایتمک ایچون پاره حر یصلرندن ایکن سایه-
کرده سنیت، عثمانلیلق خدمتنه کیردکن صکره بو عالی
مقصدک ترو یچندن بشقه برشی دوشونمدم حتی سزدن
الدیغم پاره لرده بنم کرمده طور ییور .

آه ! بیلم نیچون شو پرتوله رضا قولی خبیثلرینه
اعتماد ایتمشکرز ! انلرک شمیدی یه قدر بر فناغنی کورمدم
فقط چهره لرینی کوردیکم وقت بر درلو ایلدکه قابل
اولدقلرینه حکم ایتمدم . شههم وار ! بزه خیانت ای تدیلرسه
انلر ایتمشلردر .

جزمی — معناسز شهبه نک لزومی یوق ! الیزده
اولان ایکی بیچاره نه یاپه بیله جک ؟ بولندیغمز تهلکه دن
قور تیلمغه بر چاره دوشونمدم .

عباس — چاره وار : بن شمیدی شورادن کیدرم ؛
بولندیغمز یره یارم ساعت مسافه ده اولان ؛ تکیه دن یارم
التون ویررم ، ایکی قات درویش اثوابی الیرم او خرقلر

ياره لشم عثمانلی بايراغنه نه قدر بکزيور! يد قدرت؛
يکوجود محبت ياراتديغي؛ ايکي شهيدک سيمالنده خدمت
ايتدکلى مقصدک نه پارلاق، نه کوزل بر نشانه سنى تصوير
ايلش! بن والله العظيم بونلرى قبرلر يته بو وضعده دفن
ايدرم! ملائکه سؤاله مقصدلرينک نمونه سيله کورنسونلر! ..»
ديدى عباس ايله برلشديلر، قازدقلى مزاره ايکي بيجاره يي
او وضعده توديع ايلدیلر .

او ايکي وفالى يار ايلرسيچون ايده جکلى حرکاتى
دوشمکه باشلاديلر اره لرنده شو محاوره جريان ايلدى :
عباس — يانکزده پاره وارمى ؟ ..
جزمى — بش يوز التون قدر وار! بزم پرتوله
رضا قولى يي بوله بيلسهک انلردهده بر خيلى پاره اوله جق .
عباس — سزک اختفا کردن برى انلرک کورنديکي
يوق احتمال که فرار ايتشلردر قاچديلرسه دون کچه کي
عربدهده تلف اولشلردر .
جزمى — بز نه يابه جغز ؟ ..
عباس — چاره سز على قوللخانک يانته کيده جکر،
همده قوريجى قيافتنده کيده جکر .

ملحوظ اولان بر محاربه ده اولورز ! . . « يولو بر چوق
سوز سويلدی جزى بو سوزره قانع اولمديسه ده قلبنده
ضعف، ذهننده تلاش کوستروب ده؛ متانت و حميتجه
خدمتکاري مقامنده بولسان؛ بر داغستانلى قوريجيدن
اشاغى قالمق قورقوسيله ملزم کورنمکدن بشقه چاره
بوله مدی .

شهراده لرینه صوگ خدمت لرینی ایفا ایچون بر کوزل
مزراقازدیله شهیدلری قالدیرمغه کیتدیله بیچاره لک سبب
موتی اولان جریحه لری ایکی سنک ده باشنده ایدی او جریحه لر دن
سیلان ایدن قان ایله چهره لری بتون بتون شفق رنگنه
بویانمش، عادل کرایک چهره سننده یلدیز قدر بر نقطه
ایله پریمخانک چکه سننده ایکی طرفه طوغری هلال قدر
بر اچیقلاق قالمش ایدی .

جزى بو تماشایی کورنجه طبیعت شاعرانه سی هر درلو
حسیات حزن و ماتمنه غلبه ایتدی، شهیدلری بر برینک
قویننه کتیردی، عادل کرای ایله پریمخانک باشلرینی؛
یوزلنده قلان بیاضلقلر آی یلدیز شکلی حاصل ایده جک
صورتده؛ بر برینه یاقلاش دیردی شهیدنه ک قان ایچنده
اولان صاچلریله ایکی سنک چهره سندن مستطیل بر شکل
حاصل ایلدی .

عباسه توجه ایتدی « باق تموج ایتش، او جلری

کیدیکز، راحت ایدیکز بوندن صکره سنه بزده کفایت ایدرز! . . .» دیهرك عربه جیلرله برابر دفع ایلدی، ارقداشلرینه بر قاچ بیوک چ-وقورلر قازدیردی، هر برینه اول امرده شهریارک؛ کویا وجودی بر یرده بولنور ایسه جادی اولوبده عباد اللهی بر بشقه یولده ازعاجه باشلامسندن قورقارمش کبی؛ هر پارچه سنی بر چوقوره بر اقدقدن وشیطان رجم ایدر کبی اوزرینه برخیلی طاشلرده اتدقدن صکده دیکرلرینی دفن ایتدیرمکه باشلادی .

میدانده جزمی ایله عادل کرای وپریخانک نعشلرندن بشقه بر شی قالینجه ارقداشلرینی ده شهره اعاده ایلدی، برازصو بولدی، جزمیه-نک یوزینه سرپهرك بایغینلیغنی ازاله ایتدی، یاره سنی ییقادی، صاردی بر مشعله نك التنه اوطوردیلر وقعهی جزمیه اطرافیله نقل ایلدی .

جزمینک اغزندن چیقان لقردی «شهرادهلر کیتدی ده بنی نیچون اولمکه بر اقدک؟ . . .» سوزندن عبارت ایدی عباس «هیچ او یله لقردیمی اولور! بر واسطه تلف اولمقله بر مقصددن ال چکوبده همان اولوویرمک انسان کاریمیدر؟ . . . یارین فرصت دوشوررسه ک غازی کرای ایله بر ایش کوررز ولوکه الده بر بشقه پریخان اولمدیغندن او صورت محال اولسون! قارشى طرفه کچرز مذهیمزک اعلاى شاننه چالیشیرز اوله جکسه ک امیدغلبه

جزمی اورا—دیخی زمان یره بایغین اوله رق دوشمش
ایسه ده یاره سی مهلك دکل ایدی؛ دوشمشیه برابر البسه -
سی قاتلانهرق قورش—ونك چیقیدیخی یری قپادیغندن
پك زیاده قان ده ضایع ایتدی بیچاره فاجعه نك ختامنه
طوغری آیش ایسه ده عباس؛ ایکیسندن بشقه میدانده
کیسه اولدیغندن استفاده ایدرك؛ پك درلو سوزله اولو
حالنده یاتمه جزمی بی اقناع ایتشیدی .

نوبت جنازه طاشیمغه کلنجه جزمی بی کندی آموزینه
الدى، برعربه یه کوتوردی، آندی؛ یار واغیار نظرندن
حفظ ایچون اوزرینه ده برقاچ اولو وضع ایلدی جزمی
وجودینك ضعی ونعشلك اغرغیله ینه بایتمشیدی .

قوربیچار؛ جنازه لرك کافه سنی عربله یرا شدیرد کدن
صکره برقاچ مشعله یاقارق؛ مزارلغه طوغری یوریدیلر
مشعله لرك دومانه قاریشیق ضیاسی مقتوللرك اوته سنده
بریسنده اولان طونوق قان پارچه لرینه عکس ایتدکجه
تعریفی ناقابل برشکل مدهش پیدا ایدر و بیاغی بوکاربان
مصائبك حالی احوال آخرتدن عد اولنسه پك ده مبالغه
ایدلماش اولوردی .

اوچ چاریکده قبرستانه واردیلر عباس جنازه لری
عربله ردن ایتدیردی، رستم خان طاقنی « سز اقشامدن
بری ایاقده سکر هم یول یوریدیکز هم ایش کوردیکز

مذهب یارینه یمن و یررک کندی حرکتنه تقلیددن ایرلاملرینی
و هیچ کیسه به هیچ برشی سوئلاملرینی تلقین ایلدی .
بریکی قاتلر خانزاده نك اؤطه سندن چیقهدقلری
صرهده اولا ارقداشیله برابر؛ اشارت تفکنی اتان؛ معهود
قور یچی و صکره رفقاسیله عباس اره لرینه قاریشدی
عباس صوقیله صوقیله رستم خانک یانه واردی، مراسم
تعظیمی ایفادن صکره « جناب کراره یسک تممیدکه
شاهزاده ، خانزاده دشمنلرندن خلاص اولدیلر . بشقه
بر فرمانکز یوقیدر ؟ . . . » دیدی .

رستم خاندن « ایش قالمدی بو کیجه مملکت وسرایک
محافظه سیله مشغول اوله جغز ! » جوانی النجه « یا اقدم !
بومیتلری سرایده براقلمده تعفنی ایتسونلر ؟ . . » سوزیله
مقابله ایدرک یانه لزومی قدر آدم الوب جنسازهرک
او کیجه دن شهرک خارچنده کی مزارلغه نقل و دفنی اچون
امر استحصال ایلدی، همان ارقداشلرینی یانه طو پلادی،
برشی سزدیرمامک اچون رستم خان طاقندن ده برقاچ
کشی آلدی .

آدم کوندردی، لزومی قدر او کوز عربه سی طو پلادی
فقط اوزمان قزوینک سوقاقلرنده عربه کزمنک ممکن
اولمیدین بونلر شهرک کنارنده طور دیلر قور یچیلرده
میتلری اورایه قدر اوموزلرنده، قوجاقلرنده طاشیدیلر .

«بجر فنا رفت و ناچیز شد!
فلك گفت خندان كه این نیز شد!»

یتنی ایراد ایله خونخوارانه برده حکمت فروش-شلق
ایدرک اوطه دن چکلدی توابعی ده ارقه سنه دوشدیلر.

علی قولیخان طاقندن بری؛ ازدحام اره سندن
صیریلهرق؛ خانک کوشکننده قالان یکر می بش قدر
رفیقارینه وقعهی خبر ویرمکله انلرده سلاجلانهرق
رؤسای مقصدک امدادینه شتاب ایتدیلر رستم خانک
خارجده براقدقلری نوبتجیلر؛ قور یجیلرک کافه سنی
حرکتده متفق بیلدکلری ایچون؛ باغچه یه کیرملرینه مانع
اولمدیلر.

فقط بوقوه معاونه حشرات عادل کرایک اوطه -
سنده بولندیغی زمان کلش یعنی وقعه محلته پک وقتسز
یتشمش ایدی.

عباس؛ ارقداش لرینک سرایه کیردیکنی کورنجه
اویچاره لری ده بیهوده یره مهلکه یه اتلقدن منع ایچون؛

روح نایسنگ ده جانی کبی مهلکه ده بولندیغنی کورنجه
جسمنده نه قدر اثار حیات قالمش ایسه بریره طوپلادی ؛

« بنشینم و سر به پیش پایت

برخیزم و جان کنم فدایت ! »

یتنی اوقویه رق یرندن طوراندی ؛ یاره لی ارسلان
کبی برصوات مقاومت شکنانه ایله ؛ قهر اعدایه باشلادی
عادل کرای ایسه ؛ معشوقه سنده کوردیکی آتش حیتمک
تأثیر یله ؛ بتون بتون بر بارقه جلادت کسپله رک ؛ وقتیه هر
بری اللی التمش کشی یه مقابل اولان ؛ تاتار قهرمانلرینک
نسل نجیبی اولدیغنی تمامیه اثبات ایلدی شو یله که ایکی
شهزاده بر قاچ یرلرندن مجروح اولدقلری حالده ایاقلرینک
اوجنه اون بش قدر قور یجینک لاشه سنی سردیلر .

رستم خان تلفاتک تکثر یله بتون بتون بر لهیب
غضب کسپله رک « قلیچله اوغرا شیر طور رسکز ! تفکر کزی
هانکی دشمنه صاقلایور رسکز ؟ آتش ایتمسه کز آ ! » دیه
فریاده باشلادی قور یجیلر وقته نک هول و غرابتنه
منضم اولان جان قور قوسیه دوشدکلری غفلتدن متنبه
اولدیلر ، ایکی بیچاره نک اوزرینه اللی التمش تفک بردن
بوشالده رق ایکینسی ده برآنده شهید ایتدیلر .

رستم خان اوزمان اوطه یه کیره بیلدی ؛ پر یخانک
قانلی وجودینی بر نظر غیظ و تحقیر ایله سوزهرک

دیرسکز؟..» دیه جک اولدی پریخان همان لقر دینی
کسه رک « صوص خانزادم! بو کوپکر حق نعمتی ده
ولی نعمتی ده اتمک کبی کسلییر، ینیر برشی ظن ایدر لر بونلرله
مخاطبه شانکره یاقیشمز!..» دیدی، نظری او صرده ده
قپونک اوکنه کلان رستم خانه تعلق ایتدی «آه او-
زرمزه صاریلان اژدرک باشی کوزمک اوکنده طور ییورده
یز حالا کیملره اوغراشیورز!» دیه رک خانی تپه مک ایچون
قپویه طوغری اوغرا دی او زمانه قدر پریخانک اوتهدن
بری کوکلرده براقدیغی نفوذک تأثیر یله اوزرینه برید
رعشه دارایله سلاح چکن قور یجیلر سردار لرینی
تهلکه ده کورنجه مسلاک غیرتی و بر درجه یه قدرده مجا-
زات آیه قور قوسیه بتون بتون خوف وانصافی قالدیر-
دییر، پریخان صول مهنسک آلتندن آغرجه یاره لدییر .
بیچاره قز! جریحه سنک تأثیر طاقت کداز یله وجودینی
اداره دن قاهر ق آغراغر برقاچ آدم کوری چکلدی،
عادل کرایک ایاقلری اوچنه دور یلدی . قور یجیلر؛
حالك دهشتیله برقاچ دقیقه بهت ایچنده طور دقدن صکره؛
شاهلرینک همشیره سنی ممت حالنده ودشمندن الدقلری
اسیرک ینه حیاته بولندیغنی دوشوندییر، سراپا غضب،
سراپا تهور کسلدییر، قطعی برعزم خونخوارانه ایله عادل
کرایه برقاچ طرفدن هجوم ایلدییر . بیچاره پریخان!

وفداکارانه بر اقدام ایله؛ افندیلرینک یش نظرنده برر
برر فدای جان ایلدیلر .

فداییلر؛ اوطهده کی اشیا ایله کندیلرینی محافظه-
دن زیاده؛ کندی وجودلرینی افندیلرینه سپر ایلدکلرندن
بونلرک عمومی قربان اولنجیه قدر شهزاده لره بر جریحه
یله طوقونماش ایدی .

وقتا که شهزاده لر تنها قالدیلر؛ قان کورمش بر چفت
ارسلان کبی بر برلرینه ظهیر اوله زق ومدافعه بی بتون
بتون ترک ایدرک؛ حشراتک اوزرینه صولتسلر کوسترمکه
باشلادیلر .

سلاح قوللانمقده اولان مهارتلی جهتیله دشمندن
لااقل ایکی آدم تپه لنمدکجه وجودلرینه بر یاره طوقوندیر-
مه نك احتمالی یوق ایدی . یکر می دقیقه دن زیاده
اوغراشدیلر ، بر ایکی کره مهاجلی اوطه دن طیشاری
اوغراشدیلر فقط ارادل؛ کهساره چارپان طالعهلر کبی؛
کری چکلدکجه صولتلیرینه بر قات دهها دهشت ویررک
عودت ایدرلردی .

عادل کرای؛ پریخانک اوته سندن بریسنندن سیلان
ایدن قانلری کورنجه؛ وقار مردانه سنی بتون بتون غائب
ایدرک صائللره مخاطبه یه تنزل ایدی « بو معصومه شا-
هکزک همشیره سیدر! .. سز حق نعمتی بویله می کوزه-

قان بوريمش سفاك و متهور قوريجى آيـلديلر .
 كندى نفسلىرى ايچون همان سلاحه مراجعتى تنزل
 عد ايدهجك بر حال وقار وتوكلده طوران ايكي شهزاده؛
 يوللرنده جان ويرن فداكارلك حالى كورنجه موقعـلر يـنه
 لايق، فزيات جليلـلر يـنه مطابق بر طور اصدقاـپـرورانـه
 ايله؛ اوفاجق فرقهـلر يـنـك رياستنه كچـدـيلر؛ اك بيوك محـاـ
 ر بهـلـره نمونه اولهـجق، اك بيـوك سرعـسـكرلر يـ غـبـطـه يـه
 دوشيرهـجك بر طرزده؛ مدافعـه يـه باشـلـاـدـيلر .

عادل كرايك تعليميله اصحاب مدافعـهـنـك هر برى؛ اوـ
 طهـدهـكى اشـيـادن بر يـنى او كـنه سپر ايـدرـك؛ دفع صائـل ايله
 اوغراشير، خانزاده ايله پريخان ايسه بر بر ينى محـافـظـه
 ايتـمـكـله برابر عاجز قالان عسـكـرلر يـنـك ده امداد يـنه يتـشـير
 ايـدى نه فائـده سى وار كه مدافعـلـردن تلف اولانلرـك؛
 فوت اولمش فرصت اقبال كـي؛ تلافيسى قابل اولمز،
 صائـلـردن هـلاك ايـدـيلـانـلـرـك؛ حاضرلـمـش افات سماويه
 كـي؛ برى دفع ايـدلـد كـجه يـر يـنه ايـكـيـسى اوچى كـليـردى .

پريخان طرفدارلى بر ساعتدن زياده كـنـدـيلـر يـنـك
 اون بش يكرمى مثـلى دشمنـله اوغراشهـرق؛ حيفاكه تاـ
 ريخـلـره يـيـله يازيله مامش اولان؛ نامـلـر يـنى قياـمـتـه قدر
 السنه ستايشده طولاشمغه شايان ايدهـجـك قدر مر دانه

قالمدیغنی کورنجه؛ شهزاده لرینی محافظه ایچون کری
کری کوشک داخلنه چکلمکه باشلادیلر .

سلاح سسی، عسکر شمتاسی قپویه طوغری تقرب
ایدنجه پریخان برمدتنبری بولندیغی غشی حالندن کندینی
طوپلایه رق « خانزاده م ! . . . نیچون بوملعونلره بیهوده
یره کندمزنی تلف ایتدیره جکز ! . . . دون اقشام جزمی یه
سپارش ایتدیگمز اپک زردبان کلدیمی ؟ شوپنجره دن
اشاغی اینرز بلکه جزمینک اوراده ادملرینی بولورز
بوله مسه قده احتمال که طالع مز واردر کچه نک قرانلغندن
اوزره مزه بر پرده چکیلیر دشمن کوزندن مستور قالیرز،
رسمت سلامتیه چیقارز « دینجه عادل « اوت زردبان
کلشیددی باقهلم برتجره ایدلم ! . . . « سوزیله پنجره یه
یاقلاشوبده زردبانی طابق ایچون خارجه باش کوسترنجه
اوزرینه یکرمی قدر تفک بردن اتلدی حتی برقورشون ؛
صاغ اوموزینک اوستندن صیرتارق ؛ اثوابنی پاره لدی .
بوبادره اوزرینه بیچاره لک ایکیسی بردن « اوطرفدن
امید قلمدی « دیدیلر، ینه کمال متاتله قاتلرینک ظهورینه،
اجلرینک حلولنه انتظار ایلدیلر .

کورلتی یاقلاشه یاقلاشه اوطه قپوسندن ایچری
پریخان طرفدارلندن بر اون اون ایکی قدر ؛ هربری
برقاچ قهرمانه بدل ؛ فداکار ایله، اللیدن زیاده کوزلرینی

ایدک!.. دنیاده حیاتک لذتی بر بردن آیرلماقدن عبارت
 بیلان ایکی یار صادق ایچون بر زمانده، بر مکانده اکیال
 حیات ایتمکدن بیوک سعادت می اولور!.. خصوصیه هم
 معصومز، هم بر مقصد مقدس یولنده فدا اولیورز ارده
 برده دولت شهادته نائل اوله جغز...» دیدی پر یخانک
 قلبنده کی میل معالی، روحنده کی بیوکلک بوسوزلره بردن
 بره انجلا ایتدی اولوم قورقوسی، دشمن تهلکسه سی
 فکرلری بتون بتون اره لرندن ضایع اولدی؛ بر اکلنجه
 مجلسنده ایمشیر کبی؛ نظر عاشقانه لرینی بر برینک سیر
 جانله، قلب صادقانه لرینی بر برینک اذواق محبتنه وقف
 ایلدیلر، معصومانه تبسملره، مستغنیانه ستملره، نشاط پرورانه
 لطیفه لره باشلادیلر فقط عمر لرینک همان بر قاج دقیقه دن
 عبارت قالان شو دوره ختامی صحبتدن زیاده طویه
 طویه بر برینی کورمکه صرف ایدرلردی.

بر یکر می دقیقه مدت انلر بو حال استغراق ایچنده
 اکلنمکده، باغچه ده کیلر ایسه جان بازار یله اوغراشمقده
 ایدیلر پر یخانک اکثر عونیه سی؛ بر قاج دشمن تلف ایتدکن
 صکره؛ وفات ایتدیلر اقلیت ازالدقجه اکثریت اطرافدن
 دو کیلوب کلان غالب طرفدارانیله چوغالیردی عاقبت
 پر یخانک طاقی؛ کوشکک مدخلنی محافظه به اقتدارلری

وزیر بویله امر می ویرر؟ .. یوریکز! .. او کوکزه حائل
 اولانلری اوریکز! ...» دیدی یرندن حرکت ایلدی
 حتی قورجیلردن قارشیسنه طوران بر بیچارهینی کندی
 قلیجیله تلف ایتدی پریخان طاقی هر نه قدر رستم خان
 عوننه سنه نسبت قبول ایتدیجک درجه ده از ایسه ده هر بری
 بر فرقه یه مقابل عد اولنور فداکارلردن ایدیلر موقعلرنده
 ثبات ایتدیلر خصم لریله قلیج قلیجه کلدیلر باغچه ده
 بر بیوک هنکامه کیرودار آچیلدی .

پریخان ایسه عادل کرایک یانه کیردیکی کبی قلیچی
 یره فرلاندی، خانزاده نک بیونته صارلدی عشق و مأیو-
 سیتدن مرکب بر نظر غریب ایله یوزینه باقدقن،
 و برنجی دفعه اوله رق بر دفعه آغزینی اوپدکن صکره
 «عادلجکم! سنک هلاککه بن سبب اولیورم بر دقیقه لق
 حیاتکه بتون عمری فدا ایتک ایسترکن حیاتم عمرکی
 اضاعه ایدیور! ...» دیدی غایت حزین بر آه ایدرک
 کوزینک یاشی بر لطافته طاملامغه باشلادی که هر کرپکنه
 بر الماسپاره تعلیق اولمش ظن ایدیلردی عادل کرای
 ذاتاً اولوم عذابنی کچیرمش، ذاتاً تسلیم روح ایلش ده
 دییاده بشقه بر قوه معنویه ایله قالمش کبی بر مکان
 فوق العاده ایله «نه اولیورسک ایکی کوزم! .. بو تأثرک
 فائده سی نه در؟ .. نه زمان اولسه یر آلتنه کیره جک دکلی

قاچغه چالیشر . بز شاهمرك همشیره سندن امینز دولتمزه
ایتدیکی خدمتلی انکار ایدرسهك حق نعمتی کوزارمزده
طوریر . پریخانك ناموسنه ذره قدر خلل ویرهك
شمدییه قدر کیسه دن بر سوز ایشتمك . شاهك صادق
بنده سی ایسهك همشیره سنك عادل گرای ایله برابر
بولندیغنی سویلرز، چاغریر، سؤال ایدر اندن صکره
بزرده نه امر ویرسه آتی اجرا ایدرز » یوللو مخاطبه یه
باشلادی .

رستم خان؛ قور یچینك طرز افاده و صورت استدللا-
لنده اولان قوتی کورنجه؛ محاوره اوزادیغنی تقدیرده او-
راده کی حشراتك عزمنه بتون بتون خلل کله جکنی،
و بر کره شاه پریخاننی یاننه چاغریر، عسکر آنك الزامیاته
طوتیلیر ایسه کندیزی ایچون دنیاده هیچ بر امید نجات
قالیه جغنی دوشونهرك و بر قاچ ساعت صکره جلادلر او-
کنده بیك درلواذیتله تلف اولمقدن ایسه اوراده ترك جان
ایدوب کیتکی دها خیرلی کورهرك بختنك بر صوك تجربه-
سی اولاق اوزره همان سل سیف ایله « بو غیرتسزلر سفا-
هت رهبرک کندن لذت آلمشیر! ... قیونك اوکنده بکلده،
بکلده بزیده کندیلرینه بکرتنك ایستلر . بز بورایه
وزیرك امریله کلدك تاتار اوغلنی ده، یاننده بولنسان
قاریلری ده اعدام ایده جکر شاهك فرمانی اولسه هیچ

البسه سیله بلوطلی هواده طوغش بدر منیر کبی؛ گاه کورینه رک، گاه غائب اوله رق کوشکک زردبانته یتشدی و قلیچنک ارقه سیله اوره اوره اوکنده کی غلبه لکی ارالیه رق کوشکه اتیلدی .

پریخانک؛ اوزمانه قدر اطرافنی احاطه ایدن؛ طرفدارلری کوشکه متوجه اولدقلری حالده پریخان ایچری کیرنجه زردبانک الت طرفنده طور دیلر، بردن بره یوزلرینی رستم خانه چویردیلر، اکر تعرض کوریرلر سه مقابله یه حاضر اولدقلرینی کوستیر بر وضع خصمانه ایله صف باغلدیلر رستم خان بونلری «ایکی بدبختک خلوتخانه سفاهتنی می بکایه جکسکز؟ . . . کولک کرده هیچ غیرت یوقیدر؟ . . . ولی نعمتکزک ناموسنی بویله می کوزه دیرسکز؟ . . . کبی بر طاقم اقناعیات ایله کندینه میل ایتدیرمک و بو صورتله عسکر اره سنه قلیچ دوشمکسزین مقصدینی اتمام ایتک ایستدی فقط بری طرفدن؛ قرانلق جهته یله کیم اولدیغی وهانکی طاقدن بولندیغی بیلنه میان؛ بر قور یچی «درایت فوق العاده سی دنیا نظرنده مسلم اولان پریخان دکل حتی بر دیوانه اولسه بو قدر غلبه لک اره سنده سفاهت مقصدیله خانزاده نک او طه سنه کیرمز! . . . سفاهت ارزوسنده اولانلر؛ شهریار کبی؛ موعدینه کیسه کورمدن کیدر، سودیکنک یانندن کیسه کورمکسزین

هجومی کورنجه «آه! بو آدم لر اللهك غضب آتشلرندن
یارادلمش بر شیطان اولدیردیلر نه درجه مأجور اولد-
قلرینی بیلیورلر!... شمعی نوردن مخلوق بر ملک معصو-
مک جاننه قصد ایده جکرده شیطان کی قیامته قدر ملعون
اوله جقلر... زهیه کی دیورسکز؟ شاهکرك مسافرینه قصد
ایدوبده خاندانمزی الی الابد خلقك لسان نفریننده می
براقه جقسکز؟...» فریادله رستم خانی یرنده بر اقدی،
عادل کرایک دائره سنه شتاب ایلدی .

پر یخانک عادل کرایه کوستردیکی طرفدارلق قور یجیلر
نظرنده رستم خان طرفندن آنکده شهر یاره شریک تهمت
اولدیغنه دائر ایراد اولنان سوزلری بر دلیل بدیهی ایله
اثبات ایلدیکندن پر یخانک اطرافنه طو پلانان قور یجیلرک
بر طاقی ناموس غیرتیه، بر طاقی ده؛ اسافلک حالی اولان؛
چوققره قاتیلق، غالبه معین اولق دنائتیه ینه رستم خان
طرفنه کچمکه باشلادیلر پر یخانک یاننده قالانلر؛ علی
قولینان قور یجیلر یله رستم خان طاقندن قزک مرزیات
جلیله سنه مفتون اولان؛ یتش سکسان قدر صاحب
جلادتدن عبارت ایدی .

بونلر پر یخانک، رستم خان طاقی ده بونلرک اطرافنی
احاطه ایدرک جمعیت قیزک حرکتنه اتباع ایتمکه باشلادی.
پر یخان قور یجیلرک ظلام تحشدی اره سننده؛ بیاض

شاهی به قدر هجوم واوراده شهر یاری اعدامه جرأت ایدن؛
اراذل مقتوله بی صاحب لرندن سور کلیه رکه باغچه یه چیقاردیلر؛
جسمنده کی مادیاتکده آریجه بر ط. باقم جنایتلری وار ایش
کبی؛ اعضاسنک هر برینی قلیچلر، بیچاققرله بری برندن
آرمغه باشلادیلر.

رستم خان او خونخوارلرک بولندقلری تهور عقورا.
نه بی؛ جانی قورتارمق وبلکه تشبثی اتمام ایتک ایچون؛
بر یوک فرصت اتخاذا ایدرک «شو دیوانه لره باق! جانسز
قالبدن نه ایسترسکز؟ خیانتنه شریک اولان پریخان؛
بر قابده یمک یدیککز، بر باراغک آلتنده جان آلوب جان
ویردیککز؛ ارقداش لکره قصد ایدیور، شاهکرک ناموسنی
لکه لیان تاتار اوغلی شو کوشکده اوطوریور!» دبه اواز
بلند ایله قور یجیلری اکمال فتنه ایچون تحریکه باشلادی.
ذاتاً تهوردن قودورمش، قان دوکک ارزوسیه چیلد.
یرمق درجه سنه کلش اولان قور یجیلری بو سوزلر؛ ایکی
آدم اولدیرمکه دکل؛ بتون مملکتی یاقغه، بتون ایران خلقنی
محو ایتکه سوق ایچون یسه کافی ایدی اصحاب تهور
شهر یارک نعش صد پاره سنی براقدیلر، ایکی فرقه اولدیلر،
بر طاقی رستم خاک یانته، بر طاقی عادل کرایک کوشکنه
طوغری شتاب ایتدیلر.

پریخان؛ عادل کرایک کوشکنه طوغری وقوع بولان؛

حیاتده اولدیغنی اکلا دیغنی ایچون؛ تخلیصنه برچاره بولمق
 نیتله یانندن ایرلمدی برده تفکی اتان معهود قور یچی؛
 غالباً حدت آدمی اولدیغنی کبی غوغا آدمی ده اولمدیغندن؛
 بر موقع سلامتده بولمق ایچون اولار رستم خان قور یچیلرینه
 قاریشدیغنی حالده؛ اصل غوغا ظهور ایدرسه انلر ارسنده
 چیقاجغنه، مخاطره وار ایسه انلر ایچنده بولمقده اوله جغنه
 حکم ایدرک؛ قارغاشه لاق ارسنده بر سهولتله غلبه لکدن
 ایرلمدی، ارقداشینی ده یانسه آلدی، تفکی اتدیغنی موقعده
 اختفا ایلدی .

رستم خان؛ وقعه نك كسب ایتدیکی حال وشکلی کو-
 رنجه؛ بیاغی بتون بتون وله کتیرمشیدی پر یخانک خوف
 شم شیر یله نه مقصدینی ناقص بر اققه، نه ده اجرا آتنده دوام
 ایتکه جسارت ایده بیلردی ذهنی؛ ایکی مقناطیس اره-
 سنده قالمش معدن پارچه سی کبی؛ بر موقع ترددده صا-
 پلانمش قالمشیدی یالکر؛ مشرقدن ضیای سحر طا-
 غلدقجه اغر اغر غرب طرفنه ییغیلان قرانلق کبی؛ پر یخان
 اطرافده کی ازدحامی سوکه سوکه یانسه تقرب ایتدکجه؛
 توابعیسه برابر؛ قدم قدم کلدیکی جهته طوغری چکیلیر
 طورردی .

بویله رستم خان ایچون خوف جان امید غلبه یه بیک
 قات فائق کورندیکی بر زمانده ایدی که؛ قور یچیلردن دائرة

صاحبی رستم خان اولدیغنی درك ایدرك غایت تأثیرلی
 بر صدا، غایت دهشتلی بر وضع ایله « ملعون! عثمانلی
 ملکک یاریسنه استیلا ایدیور سنی شاهک امریله حربه
 کوندر دیلر غوغادن قاچق، قحبه لکنی ستر ایتک ایچون
 بشقه بر چاره بوله مدق دولتک اداره که ویردیکی عسکری
 اغراضکک اجراسنه آلت ایتدک شاهک حرمنه کیرمکه،
 مهماننی اولدیرمکه، خزینه سنی یغمایه ویرمکه، بلکه جاننه
 قصد ایتکه چالیشیورسک او یله می ۹۰۰ « دیدی یالین
 قلیج رستم خانک اوزرینه اوغرا دی .

دائماً وهله بویله وقایع عظیمه هندکاملرنده نفوذت حکمی
 التنده بولمغه الیشمش اولان قور یجیلرک بر طاقی؛ مجرای
 قدیمی بولمش سیلر کبی؛ پریخانک اطرافنه آقوب کلکه
 باشلادی؛ وقعدنک مبادیسنده رستم خان طاقنک کثرتدن
 قورقوبده بانچی نك اوته سنه بریسنه صاقلانان؛ علی
 قولخان قور یجیلری ده پریخانک اطرافنده بولنانلره التحاق
 ایتدیلر .

بولردن یالکز عباس؛ قور یجیلرک اخلاقنی تجارب
 عدیده ایله پک کوزل او کرشم اولدیغنی جهته نصل اولسه
 غلبه رستم خان طاقنده قاله جغنه حکم ایلدیکندن؛ بیهوده
 یره جان ویرمکدن ایسه بر جان قور تارمغی ده خیرلی
 کوردی جرمینک؛ اره صره وجودنده کورینان حرکتلردن

حمل ایتدیلر پریخان ؛ کیسه نك عادل کرایه ویا خود
 کندیسنه تعرض حالنده بولمدیغنی کورنجه؛ براغاجک
 التنه چکلدی؛ انجام کاره انتظار ایله برابر؛ باغچه نك
 بر طرفندن بر طرفنه چالقانقده اولان خلق ارسنده
 عنایت دیده لرندن هانکی قوریجی به تصادف ایدرسه یاته
 چاغرر، وقعنه ک سببنی، ماهیتنی او کرمک ایستردی
 قوریجیلرک ایسه کافه سی؛ ایشک ختامنه قدر کیسه یه
 افشای اسرار ایتمک ایچون یمنلی بولمقلرندن؛ « بورایه
 امر ایله کلدک » سوزندن بشقه بر جواب ویرمز لردی .
 کندی بر عالم حیرت ایچنده وهله ایشدن ذره قدر
 اولسون معلومات المق اندیشه سنده ایکن صول طرفندن
 بری بر صدای مهیب ایله « اوزر کزده شاه کزک هیچ
 حق نعمتی یوقیدر ؟ ولی نعمت کزک؛ مسافری اولدیغنی،
 اسیر ایکن شهزاده لردن زیاده عنایات والتفات کوردیکی
 حالده؛ عرضنه قصد ایدن تاتار اوغلنی حالامی یاشاده -
 جقسکز ؟ . . » دیه قوریجیلری تعزیره باشلادیغنی
 ایشیدنجه ترتیب اولنان دام خیانتک ماهیت واهمیتنی
 تمامیه اکلادی بردن بره جوهرنده کی علویتک خواص
 لازمه سنندن اولان مکانت فوق العاده ایله، بر خزینه
 معالی اطلاقنه شایان اولان وجداننده نه قدر قابلیات عزم
 واقتدار وار ایسه بریره طوپلایه رق و سسندن امرک

ایچننده بلاسنی بولدی، بر چاریک مدته روحنی مالک
جحیمه تسلیم ایلدی. فقط او کیجهنک فاجعه جانکدازی
بو نکلده ختامه ایرمدی :

فورمچیلرک؛ رئیس فتنه اولان؛ رستم خاندان
الدقلمری امر «سرای شاهیده کی قادیلردن بعضیلری
کیجهلری عادل کرای ایله کوریشه رک خاندان صفوینک
ناموسنه خلل ویردکلرندن باغچهده تفک سسی ایشید-
یلدیکی کبی همان عادل کرایک اوطوردیغی گوشکه هجوم
ایله اوراده بولنانلری پاره لکدن» عبارت ایدی .

هجومه حاضرانیر حاضرلنمز قارشیلرنده شهر یاری
بولدیلر، تهتی اکا منحصر کوردیلر، تهورلرینی، غضبلرینی ده
اکا حصر ایتدیلر شهر یار؛ عادل کرایک اوطه سندن
چیقمقله برابر؛ نظرلرینه باغچهده تصادف ایتدیکندن
انکله مشغول اولدقلمری صروده خانزاده بی خاطرلرینه
کتیرمدیلر . هله پریخاندن قطعاً شهه لری بیله یوق ایدی
قرنک مشرب جهانداورانه واطوارمر دانه سنی؛ حیدر میرزا
وقعه سندن بری؛ تمامیه ییلدکلرندن یالین قلیج باغچهده
بولنسنی؛ کندیلری کبی؛ خاندانک ناموسنی وقایه مقصدینه

صارلدیلر، یره اوردیلر؛ قودوز کویک، زهرلی یلان
 کبردر کبی؛ وجودینی پارملکه باشلادیلر خبیثه بر فریاد
 استرحام ایدرسه مقابلنده یوز ضربه نفرینه اوغراردی!..
 شاه ایسه شهر یارک حکومته متعلق دسایسندن، از عاجاتندن
 بیرار ایدی فقط علیل اولمدن حسنه حاصل ایتدیکی
 مقتونیت کولکنده تاممیله باقی ایدی؛ شهر یارک پر یخانه
 سو یلدیکی کبی؛ کندینی زنجیدن فرق ایتمک نرده قالیر!..
 صوک کوردیکی زمانده کی شکلنی عینیله ذهننده صاقلامش،
 وحی ییل کچدکجه سیماسنه عارض اوله بیله جک تغیرلی
 خیالنه بیله کتیرمامشیدی.... دنیاده بر بیوک اکلنجه سی
 قالدی ایسه شهر یارک خاطرنده اولان خیال حسنی ایدی
 وجداننک الصوک تسلیمی، عمرینک الیوک سعادتق اولان
 شهر یاری قورتارمق ایچون ایتدیکی وعدلر، وعیدلر قالدی
 فقط صداسی دائماً قارینک این استرحامی، قور بچیلرک
 فریاد تهوری ارسنده غائب اولور کیدردی بیچاره نک علیل
 اولسی؛ هر زمان ایچون بیوک بر مصیبت ایسه او کیجه
 یانی باشنده جریان ایند هائله یی کوره مدیکتمدن طولای؛
 کندنجه بر نوع بختیارلق عد اولنه بیلیردی.

شهر یار؛ کندی افعالیه جناب حقک غضبنی دعوت
 ایند جهنمیلر کبی؛ عذاب آخرتک اشدتیلرینی دنیاده
 کچیره رک بیسک فریاد مایوسیت، بیسک اضطراب حرمان

تهدكهنك اهميتنى لايقيله تقدير ايدرك؛ قرانلقدن استفاده
ايتدى، اغاجلرك يپراقلىرى ارهسندە غائب اولدى .
رستم خان طاقى؛ عادل كرايك دائرهسندن چيققان
شهر يار اولديغنى و پريخانك ايسه آنى اره يوب كلديكنى
كورنجه؛ غيظ و تهورلر ينى بتون بتون شهر ياره حصر
ايتديلر؛ همان ملعونه ينى تحرى ايدە ايدە اغاجلر ايچندن
اوغراتديلر او كمال تلاش ايله سرايه طوغرى كيدر،
قوريجيلرك الك جرأتلى ، الك مهور كروهى ده ارهسندن
تعقيب ايدردى .

شهر يار طوغرى بجه شاهك خوابكاهنه صغندى
زواللى عليل ! اويقودن اوياندى، زوجه سنى حياه سینه
الدى قوريجيلرك دفعى ايچون بر طاقم كلات اقناعيه
ايراد ايتكە باشلادى شهر يار ايسه پريخانك، عادل كرايك
فته ترتيبيله اوغراشدیغنى، دولت، شيعيت مخاطره ده
بوانديغنى اكلاتمغه چالشدى فقط سوزلرى؛ غيرت زورى،
ناموس داعيه سيله عادتاً جنون حالنه كلش اولان؛
قوريجيلرك شتوم غليظه و تشنعات كستاخانه لرى اراسنده؛
محاربه لرده دغدغه سلاح ايچنه قارشى مجروح ايكلديسى
كبي؛ كيسه نك قولاغنه كيرمدى . قارى يى شاهك يانندن
ايرديلر؛ كويا كه قوريجيلردن هر برى سيئاتندن برينك
عذابنى اجرايه مؤكل زباني ايدى؛ قوللرينه، صاحبلر يته

ینه بر وادی بلا، بلکه بر عالم عذاب اچیلدیغنی دفعهٔ
اکلادی وارلغی بتون بتون اره دن غائب اولدی عادل
کرای ایله شهر یاردن بشقه دنیاده بر موجود بولندیغنی
تخطر ایده مامکه باشلادی .

یرندن صیچرادی؛ حیدر میرزا وقعه سننده استنادگاه
اقتداری اولان واو زماندن بری او طه سنندن بر دقیقه
ایرلیان؛ خراسانی قلیچنی قاپدی؛ ارقه سنه بر جار المغی
یله تخطر ایتمکسزین؛ بر بیاض کچه لک لباسیه
طیشاری اوغرادای شهر یارک دأره سنی طولاشدی کندینی
اوراده بولینجه؛ صیدینی غائب ایتمش شیردرنده کبی؛ کمال
دهشته عادل کرایک کوشکنه طوغرلدی پریخان ایله
شهر یار یولده؛ نور ایله ظلمت کبی؛ بر برینه قاوشدی لر چهره -
لرینه باقیلسه؛ وجدانلرندن عکس ایدن حال ایله؛ بری
صفوت فداکارانه دن کوزل، بری خیانت کیندارانه دن
چیرکین کورینیردی .

پریخان؛ حیات سعادتتجه اجل قضا حکمنده بیلدیکی؛
ملعونه نی رهگذار عزمنده کوردیکی کبی «آه! شهر یار!
باق شو ملعونه یه! . . بو وقت زه لرده کزیورده یردن
یوزینه جهنم علوری فرلامیور، کوکدن باشنه غضب
بیلدیملری یاغمیور! . .» دیه باغراق بر طرز هائل
ایله اوزرینه یوریدی فقط بر یکی خبیثه؛ دوشدیکی

کندینی پریخان ظن ایده جکلرندن و حتی شهر یار اولدیغنی
بیلسه لرده؛ کیجه وقتی بر کنج آدم ایله بولندیغنی کورنجه؛
غیرتیرینه یدیره میه جکلرندن قیامت کندی باشنه قوپاجغنی
لایقیله اکلادی، دهشتندن تو یلری اور پردی، صاچلرینک
کولکه سی چهره سنک هر طرفنه عکس ابتدی اوموزینک
اوزرنده باش یرینه کیرپی شکلنده بر شی کورنمکه باشلادی،
کمال سرعتله چارشینی ارقه سنه الدی؛ عادلکرایه بر سوز
سویلمکه مقتدر اولقسزین؛ قپودن طیشاری فرلادی .
عادلکرای ایسه؛ قادینک هیچ اومولدیق بر زمانده
کندی یانته کلمسنه، کلیرکلز قانندن، اولومدن بحث ایتسنه،
خصوصه بیه بویله مناسبتسز بر وقتده سرای شاهی
ایچنده ایشیدیلان تفک سسی اوزرینه اوقدر تلاش ایله
اورادن یقیلوب کیتسنه باقارق؛ ارده کندی علیه
ترتیب اولنمش بر سوء قصدک وجودینه قطعاً حکم ابتدی،
همان یرندن قالقدی، سلا حلامغه باشلادی .

بری طرفده بیچاره پریخان؛ خیال اقبال ایله عالم
تصورده بیله مثلی کوچ بولنور بر سعادت ایچنده؛ او کیجه
کینمک ایچون کیتیردیکی قوریجی اثنوینی وجودینه اویدر-
مقله اوغرا شیرکن تفک سنی ایشیدیکی کبی؛ سامعه سنه
صور محشرک صدای هول انکیزی کلش کبی؛ بولندیغنی
غفلت سکوندن بردن بره کندینی الهرق رهگذار املنده

نه‌یایه‌لم ! ایران خَلقنی شهر یاره صایب ایله ویرمامش لر بزه
صایبسنز بیله تسلیم ایتدیلر قضا ایله یاکلشلق ظهور
ایدرسه نیچون حقم اولان احسانی اله‌میه جق ایشم ! ...»
کبی براز مدت سویلندی طوردی . بو صروده ایسه
مملکتک ساعتی؛ عمر بشردن بر ساعت ده اا کسیدیکنه
تأسفله فریاد ایدر کبی؛ بر صدای هائل ایله دردی چالمغه
باشلادی ساعتک چالمسی ختام بولونجه قور یجی
تفکنی اوزاندی بز قاچ ثانیه نشان الدی بر شمشک
ضیاسندن استفاده ایدرک نشاننی طوتدیردی تفک آجی
آجی پاتلادی جزمی بولندیغنی موقعده طوپراغه
سرلدی ! ...

رستم خان طاقی بو ایشارتی ایشتمدکری
کبی سرایک هر قپوسندن هجومه باشلادیلر علی
قولخانک قور یجیلری؛ بو قدر غلبه لکه قارشنی طور مقده
اولان عجز لرینی یلدکلرندن؛ هر بری باغچه‌نک بر کوشه سنه
کیرلندیکی کبی تفکی آتان معهود قور یجی ایله ارقداشی
رستم خان طاغنه قاریشیدیلر اصحاب اتفاقدن موقع
شبانده یالکز عباس قالمشدی که اوده بر اغاجک یاپراقلی
اره سنه صاقلانه رق جزمی بی کوزه دردی .

شهر یار بویله وقتسنز تفک صداسنی ایشتمدیکی کبی
ترتیبسک بتون بتون هبا اولدیغنه و بلاکه قور یجیلر
خانزاده ایله برابر بولندقلری زمان اوطه‌یه کیرلرسه

بر مجادله طوتردیلر عادل کرای قادینک کلیشنی تصادفدن بشقه بر شیئه حل اتمز ایدی فقط؛ مقصدینک اجراسنه تثبث اولنه جغنی کیجه؛ اویله بر تصادفک ظهورینه بک فنا مضطرب اولور و پریختاه بر خبر کوندرمک ایچون ذهننده چاره بوله مامغله برابر شهریارک اوطه سنه کلدیکنی البته جزمی طاقندن برینک کورمش وسائر زده خبر ویرمش اولسنی دوشونه رک تسلی بولوردی .

بری طرفدن ایسه قوریجی ارقداشندن او کیزلی مسافرک هانکی قپودن چیقدیغنی صوروبده شهریارک اوطوردیغنی دائره دن کورندیکنی او کره نجه یأس و تردد ایله آغزینی، قاشلرینی اویناده رق بر زمانلر کنندی کندینه « بزم ارقداشک کوزلری ده یا کلش کوره بیلیر بریکی ذاتاً عادلک یاننه کلیه جکدی احتمال که پریختان ؛ نوبتجیلره کندینی سزدر مامک ایچون ؛ او قپودن چیقمشدر هم نصل اولسه بوفرستی غائب اتمکه کلز ایش افندمزک ایستدیکی کبی اولمزه یارین بش یوز آلتوندن محروم اولورز جزمی الدن چیقارسه ضایعات انک اوچ درت مثلنه وارر ذاتاً قطعی امر مز وار عادل کرایک اوطه سنه کیرلیدیکی زماندن صکره ساعت چالمغه باشلادیغنی کبی سلاحزی بوشالده جغز چارشب التنده کی مخلوقک کیم اولدیغنی بن کرامتله می بیله حکم ؟ اما بر فئالق وقوع بولورمش

ودهشت ویرمک قابل اوله مزدی عادل کرای حیرتله
 نظرینی شهر یارک چهره سنه دیکه رک دقتلی دقتلی باقار ،
 کوکلنده کی خفایایی سیماسندن سیر ایتکه چالیشیردی .
 شهر یار برخیلی زمانلر اطفار غلبه سنده اسیر اولان
 خصمنک بولندیغی توحش واضطرابی تماشا ایله تسکین
 غیظ ایتدکن صکره سوزه باشلایه رق « خانزاده
 حضرتلری ! ایشته یانکره کلدک !... ایشته پریخان
 فاحشه سنک سیئاتنی برر برر یوزکره قارشی سویلک ایچون
 کلدک ! مکتوبکزی نه وقت نشر ایده جکسکر ؟ بنی
 نه وقت بر قلیج ده ایکی پارچه ایتکه همت بیوره جقسکر ؟
 اوف ! بو کیچه جانم قان ایستیور یا بنم قائم دوکیله جک
 یابشقه لرینک قاننی سیر ایده جکم . . . هله سزک کی ،
 پریخان کی شهراده رک قانی اولور ایسه ! . . . کنجسکر ،
 عاشقسکر ! طمارلر کزده کی قان البته دهاز یاده قاینار ، کی
 مجنونانه و فقط جلادانه برطاقم سوزلر و عادل کرای ایسه
 « قودوردیکز ایسه بنم باشمه مسلط اولمیکز قانه او قدر
 مرا قکز وارسه وجود کزدن چیقانلری ده سیر ایده بیلیرسکر
 کیفم یوق بورادن دفع اولیکز تعجیز ایدیورسکر ! »
 بوللو خطابلراه شهر یارده بوکا مقابله « ینه می وصلت
 مواعده لری وار ؟ اره کزه رقیب اولورم دیه می بنی دفع
 ایتکه چالیشیورسکر ؟ » طرزنده جوابلر ایله شدتلی

عباس — ایسترسه کز شمدي آدم اوچوررم .

بو محاوره دن صکره عباس جزمینک یانندن ایرلدی
قور یچی ده کلدیکی کبی غایت آهسته برطور ایله ینه اسکی
مقامنه چکلدی ارقداشنک یاننه کلدی؛ کندی جزمی بی
دی کلیمکه ایکن؛ سرایدن سیاه چارشبله بری چیقارق
طوغری عادل کرایک او طهسنه کیتدیکنی خبر آلدی .

خبر مصیبت کبی سیاهلر ایچنه غرق اولوب
عادل کرایک یاننه کیدن مخلوق شهر یار ایدی قادین
شاهدن ایستدیکی یولده حرکتیه اذونیت النجه عادل
کرایک بر کره کوروب ده نظر تحقیری، تعریضات جانکدازی
ایله ازه ازه تشفی صدر ایتک ارزوسندن بر درلو کندینی
الهمدی ده پریخانک موعدینه بر ساعت قدر زمان
اولدیغندن طوغریجه خانزاده نک یاننه کیدرک حتی اشناق
بیله ایتکسزین چارشینی آچدی بلای نازل کبی بر گوشه یه
اوطوردی کوزلنده بر قور قیج خونریزک نشانه سی،
چهره سننده بر مدهش انتقام مسرتی کورینوردی رنکی
اودرجه صولمش، وجودی او قدر ضعیفلش ایدی که
هیأتی تکرار جانلانش جنازه یه بکزدی حقیقت آخرتدن
بری عودت ایدوب ده عادل کرایه کورونسه ایدی؛ او یله
بر امید کیچه سننده خصوصیه معلوم اولان ماجرازدن
صکره؛ شهر یارک احوال ایله یاننه کلدی قدر حیرت

رماندن ایکی قات زیاده قور یچی وار سببنی صوردم
بر طاقی «بز خانک ارقه سندن یارین حرکت ایده جکرز
ارقداش لر مزه وداعه کلدک» دیورلر فقط اوضاع
او اوضاعه بکره مز! تاشورالره قدر صوقولورلر، هر کسی
کوزلیورلر، هر لقردی بی دیکلمکه، او کر نمکه چالیشیورلر
برشیدنی قوشقولاندیلر طورلرینی بر درلو بکنه مدم .

جزمی — بدلال نه دن قوشقولانه جقلمر ؟
دیدکاری کبی ارقداش لری ایله کورشمکه کلش لردر باغچه ده
کزر، اکلیبرل لقردی دیکلدکر ینک اهمیتتی یوق هر کس
ایچون متجسسلاک طبیعی دکلیدر یا ! خصوصیه بویه
یوک یرلده طاش لردن ، اغاچ لردن ذینانک حوادث
او کره نیلیر ظن ایدرلر .

عباس — احتمال که سزک دیدیککرز کییدر فقط
بو قدر غلبه لک اره سنده بزم تصور فعله چیقلمز ذره قدر
احتمیاط سزلق مقصدی بتون بتون بر باد ایدر .

جزمی — طوغر یدر ! خان همان یارین حرکت
ایتمور یا ! ته لکه لی اوله جغنه وارسون ایکی کون صکره
اولسون فقط بریکیلره نصل خبر ویره بیلیرز ؟

عباس — مدخل معلوم !...

جزمی — خان ایچون نه پیاغمز ؟ بیچاره اندیشه -

سندن هلاکی اولسون ؟

کورمکه واسطه ایسه یالکز سرایک بعض پنجره لردن
باغچه یه عکس ایدن خفیف خفیف ضیالره اره صره
چاقمده اولان دهشتلی دهشتلی شمشکرك انجلاسی ایدی.
معهود قوریجی دهها پر یخانک ظهورینه بر خیلی
زمان اولدیغندن اکا دائر ایده جکی حرکتی وقت مرهونه
تعلیق ایله نظر تحریسی جزمینک حالنه حصر ایتشیدی
ساعت اوچی کچدیکی صره ده ایدی که جزمی عباسک
یانه کیدرک بر شی سویلدی عباس اورادن ایرلدی
باغچه نك اوتنه سنی بریسی طولاشمغه باشلادی .

قوریجی ذاتاً جزمی بی ومقصدینی بیلیر ایسه ده
او کیجه ایچون ترتیب اولنان تشبثدن خبردار اولدیغندن
جزمیدن بر قاچ لقردی وشهر یاردن بر قاچ کیسه آلتون
قامق نیتسیله اطرافی تجسس ایشنی یاننده کی ارقداشینه
تودیع ایتدی؛ قوش صیدینه چیقان ییلان کبی؛ یرلده
سورینه رک وحرکتنده بر یپراق قلدانمسنه ییله میدان
ویرمامک ایچون نهایت درجه لرده آهسته طورانه رق
بر چاریک قدر مدته جزمینک سوزلرینی ایشیده ییله جک
بر یره صوقولدی او ائنده عباس دخی کلدیکندن
زیرده کی قیصه جق محاوره لرینی دیکلمکه باشلادی .

جزمی — نه خبر عباس ؟

عباس — رستم خان طامقی غلبه لک قبولده هر

اڄاڻلر اره سنده؛ ڪنڊيلري ڪيمسيه ڪورنميه جڪ و فقط
عادل ڪرايڪ ڪوشڪي ايله پر ڀڃاڻڪ دائره سني ڪورهيله جڪ؛
بر موقعه اختفا ايلدي .

بو ڪوشڪ ايله دائره سرايڪ صاڻ طرفنده بولنه رق
او طرفڪ ڇپوسني محافظه ايسه علي قولبخان طاقتن
عباس رفاقتنده ڦالانلره مودوع ايلدي بونلر بر اقسام
اوليڪي قرار وجهله جزمي ني برابرالرق موقعلرته ڪلڊيلر
سرايڪ صول طرفنده ڪي ڇپولري رستم خان طاقتن محا-
فظه سنده اولديغي ڪي رستم خان ده ميرزا سليمان طرفندن
الديغي امر اوزرينه ڪونش غروب ايدر ايتز همان يانده
ڪي عسڪرڪ بر طاقتله قزوينه عودت ايدرڪ شهري احا-
طه ايلدي بيڪ بش يوز قدر قور بچيله سرايڪ اطرافني
قوشاتدي صول طرفنده ڪي ڇپولرڪ قرق اللى ڪشيدين
عبارت اولان محافظلرينه ده بر او قدر آدم دهه علاوه
ايلدي .

سرايڪ باغچه سي بيوك بيوك اڄاڻلر ايله ترتيب اولنه
خيابانلره منقسم اولديغندن بر برينه بر يولده قارشي
ڪلڊڪجه ڪيمسيه ڪيمسيه ڪورمڪ ممڪن اوله مزدي يالڪز
معهود قور بچينڪ اختيار ايتديڪي پر وار ايلدي ڪه بڪلديڪي
ڪوشڪ ايله دائره نڪ ايڪيسندن بشقه دهه بعض ڪنر-
ڪاهلري و خصوصيله جزمينڪ طوتديغي موقعي ڪوررايلدي

شهریار — اویقوسوز قالیرم، راحتسز اولورم، کیچه
کوندز اوغراشیرم اگر عادل ایله تنها کور نشدیکنه
یاخود بوراده اوله بر فساد ترتیبه اوغراشدیغنه دأر بر
صحیح خبر آله بیلیرسه م اوزمان ایجابنه باقارز .
شاه — پک مناسب اولور .

بو محاوره بیچاره علیه کوره اویقویه طالمقله اوغرا-
شان بر چوجغفک مثل دیکلمسی قیلندن ایدی شهریارک
ایسه پریختانی مدافعهده شاهدن بر سوز ایشدکجه قلبنه
برخنچر صاپلانیر، کندی بر سوز سوبلکه مجبور اولدقجه
صانکه جکرینک بر پارچهسی قوبارده آغزندن دوکیلیردی
محاوره دوام ایتدیکی مدت برجهنم عذابی کچیردی معافیله
مقصدینی استحصال ایلدی چونکه اگر ایستدیکی کبی
پریخان ایله عادل پاره نیرسه عسکرک حرکتدن کندی
مسئول اولزدی فقط تشبثنده موفقیت حاصل اولمزه
قوریحییه وردیکی امری شاهدن آلدیغی مأذونیتله اسناد
ایتمک نظرنده پک قابل کورینوردی .

شاه ایله شهریار بو محاوره ایله مشغول ایکن «شمذیلک اسمم
جعفردر» دیان معهود قوریحی یاننده بر ارقداشیله باغچهده

شاه — ممکن دکل ! پر بخاندن بکا خیانت ممکن
دکل ! همشیره م بنی تخمدن ایندر مکه نیچون محتاج
اولسون ؟ ذاتاً دولتی آنکله سن اداره ایتیمور میسکز ؟

شهریار — حقکز وار شاهم ! جاریه کزده بر درلو
اینانق ایسته میورم محبت دنیاده مؤثر بر قوتدر ؛
افندمزه چکدیکم ابتلادن بیلیم ؛ دنیاده انسانه خیال
و خاطره کلز شیلر یابدیرر هله همشیره کزک اره صره ینه
خانزاده ایله کوریشدیکنی ایشید میورم حال بوکه بر آیدن
زیاده در جاریه کزی هیچ یانلرینه چاغرمیورلر طوغریسی
بو جهت ذهنه بعض شبهلر کتیریور .

شاه — اوراسی قولای ! شبهه کز وارسه پر بخان
بوراده دکلی ؟ چاغرر، استنطاق ایدرز .

شهریار — هیچ نصل اولور شاهم ! شمدی بر روایت
اوزرینه بحث ایدیورز یا ایشد کلرمن یالان ایسه بیچاره
قز؛ ایله بیوک بیوک افتارله اوغراد یغنی کوردیکی کبی ؛
کدرندن هلاک اولور دولتکزک اک قوی بررکنی ییقیلر
صکره بر پر بخان ده زده بولورز !

شاه — او جهته دهه حق وار ای نصل ایدهلم ؟
شهریار — جاریه کز ذاتاً افندمکز راحتی ، دولتکزک
سلامتی ایچون وجودینی فدا ایتشلردندر .
شاه — بیلیم ! الله راضی اولسون .

شهریار — شبهه یوق شاهم! اگر عادل قریمه کچمک
نیتنده ثابت اولسه بونیتی قوتلندیرمک ایچون ارده بر
صهریت حاصل ایتک بیوک بر معاوتندر . فقط عادل
اسکی نیتنده ثابت کبی کورنمیور برده عسکر طاقی
بونلرک اره سنده کی محبت ادب دأره سندن چیقدیغنی
سویلیور .

شاه — اینانمه ! اینانمه ! پری ایچون او یولده نه
سویلرلرسه یالاندر .

شهریار — جاریه کرده اینانمیورم نه چاره که عوام
خصوصیله قورجیلر پک قولای سوز اکلامز بونلر یالاکز
سؤ ادب اسنادینه قناعت ایتمیورلر پریخان شمخالک
همشیره زاده سی دکلیدر یا! اوجهته کندیسنک سنی اولدیغنه
ذاهب اولیورلر کویا افسدمزک علتندن، شهرزاده لک
بوراده بولنمامسندن استفاده ایدوبده بر فتنه چیقمارمق
وفتنه قوتیله دولتمزی، مذهبی میحو ایدرک عادل کرابی
تخته کچیرمک، ایرانده برسنی حکومتی تشکیل ایتک ایستیور
حتی بونک ایچون شمخالدن جزمی بک نامنده برآدم جلب
ایتمش ائک وساطتیله فتنه ترتیب ایدیور دیورلر
هرکس نه بیلسون! پریخانک حیدر وقعه سنده کوستردیکی
جرات خاطرلرده اولدیغنی ایچون حقنده نه سویلنسه
اینانیرلر .

جاریہ کزہ تشریک بیوردیکز۔ غالباً الدائمشنز! غالباً انلر
بر بریلہ محبتہ قویولمشلر! تصورمزک اجراسنہ خانزادہ نک
موافقتی قوہ قریبہ یہ کلثیمکن بر آیدن بر یدر او تدبیرلرک،
او تصورلرک ارہدہ لقردیسی بیلہ قلمدی .

شاه — بر بریلہ محبتہ قویولمشلرایسہ فنعم المطلوب!
ایکیسی دە کنج! ایکیسی دە شاهزادہ!... نکاح ایدرز
اصل قریمی الہ کچیرمک اوزمان ممکن اولور .

شاهک سوزلری شهریارجه اولدن معلوم ایسهده
انسان ایچون؛ محبت کبی، کین کبی؛ امراض نفسانیہده
مقصدینک خلافتہ اولان ظنلرینک حقیقت چیمهسنہ
تحمل قولای اولدیغندن شهریارک الدیغی جواب اوزریته
انفعالات نفسانیہسی وجودینہ اودرجه شدتلہ استیلا
ایادی کہ سیماسنہ چوکن شکل هائلنی بر کره کورنلر
ایچون کوکلنده کی خفایایی بر بر کشف ایلمک قابل او-
لوردی شاهک عماسی قوجه بردولتک ادارهسنی شهریارک
کیفتنه برامش اولدیغی حالده قادینجہ بو عمادن حاصل
اولان استفادہلرک الک بیوکی ینہ او کیجه کی حالنک زو-
جندن مستور قلمسیدر دنیلہ بیلیر .

شهریار بیک بلا ایله وجداننده کی غلیانلره واندن
سنہ عارض اوله بیلہ جک تحوللره غلبه ایدرک ینہ مح-
وره سنده دوام ایتمکدن چکنمدی .

جزمی شاعر لکندن بتون بتون تجرد ایدرک خیالی
فعلیاته، مادیاته حصر ایلدیلدیکندن هوانک بو حالنی
کورد کجه وایک یکر می سکزی اولق مناسبتیه مهتاب
کورنمامک طبیعی بواندیغنی دوشوند کجه کجه یه عارض
اوله جق ظلمت هول انکیزی هر نظر تجسسسه قارشی
کندی لری ایچون اک امین، اک مکمل بر پرده استتار عد
ایدر، سوینیردی .

اقشام اولدی کونش؛ محاربه میدانلرینک قانلی چامور -
لرینی اندیرر؛ بر رنگ حزین ایچنده غروب ایلدی .
کوزلرنده کی عا جهتیه بیدارلق زمانی اویقودن
قرانلق بر حال ایچنده یاشایان شاه دها ساعت بره واریر
وارمز بر وقتلر الشدیغنی، سودیکی، اکلندیکی عالم روشنا-
ینک رؤیاده اولسون مشاهدده سیله تلذذ ایتک ایچون
اوبومق ایستدی شهریار؛ اشکنجه یه مأمور اولمش
برجلاد کبی؛ ایغنتک اوچنه دیکلادی دولته دائر مهم
سویایه جکری اولدیغندن بر مقدمه طوتدیرارق
ویاننده کی جاریه لری دفع ایدرک اره لرنده شو یله بر محاوره
جریان ایلدی .

شهریار — معلوم شاهانه کزدرکه عادل کرای ایله؛
عثمانلی طور اغنه کچهرک؛ قریمی ضبط ایتک ایچون
بر تشبثده بولنمشدق همشیره کز پر یخانی ده مکلمده

اوزاردی فقط انتظار نه قدر اوزارسه امیدلرینک
کوکلرینه ویردیکی تلذذدن ده؛ حیات ایچنده بر دیگر
حیات سعادتته نائل اولمش قدر؛ ذوقیاب اولورلردی .

ایچلرنده یالکز شهریار ایچون بر اندیشه جک قالمش
ایدی که اوده قوریجی یه ویردیکی آچیق امر دن تولد
ایده بیله جک مخاطره ایدی قوریجی تفکی اتارده یینه
مقصد حاصل اولمز واو حالده طوتیلوب ده امری اراز
ایدرسه پریخانک ایده بیله جکی شکایتلره مقابل شاهه
ویر یله جک بر جواب حاضرلق نظرنده الزم کورندی
بو یولده نه قدر اتعاب فکر ایتدی ایسه مسئله یی
بر درجه یه قدر زوجنه اچقندن بشقه چاره بوله مدی
پریخان ایله سؤال وجوابه میدان بر اقامق ایچون وقعهی
غایت خفیف بر صورتده بیان ایتکی وخصوصیله افاداتی
اقشام اولوبده شاهک عالم انزوایه چکیله جکی زمانه
تصادف ایتدیرمکی ذهننده قرارلشدیردی .

اوکون هوایه؛ ماتم لباسلرینی آندیرر؛ بررنک ظلمانی
چوکشیدی بلوطلردن؛ اغلایه اغلایه کوزلرنده یاش
قالمش یتیمان مصیبت زده کبی؛ اره صره بر قاچ طمله
یاغمور دوکیلور ایدی اوزاقدن اوزاغه ایکیده برده چاقان
شمشکر فلکک تصورات بشر اوزرینه بر رخنده
استهزاسی قیاس اولنوردی .

غیظ و کینه منقلب اولدی «آه ! خانزاده حضرتلرینک
بزدن پرواسی یوق ایمش! عادل کرای افندمن ایستسه
مکتوبمزی نشر ایدر، بزی رسوای عالم ایلر ایمش! قلیچنی
چکرسه وجودمزی ایکی پارچهیه آبرومش ! کوونسونلر !
انلر قوللرنده کی قوته کوونسونلر !!! . باقهلم کندینه
مغرور اولوب ده صالحینه صالحینه میدانده کزن ارسلانلرک
اغازلر ارسنده ، قامشلقلر ایچنده صاقلانان اژدرلره
غلبه سی ممکن اوله بیلیرمی ایمش ؟ » یوللو برخیلی
سویلند کدنصره ؛ آوینک یواسی اوکنه یاتمش ازغین
قاپلانلر کی ؛ اکنه ، بوینه سرلدی امیدبله ، راحتیله
اویقوسنی او یومغه باشلادی .

شهریار نه درجه انشراح ایله یاندی ایسه آندن بیک
قات زیاده مسرتله او یاندی عادل کرای ایله پریخانک
منونیتلری ، انبساطلری ایسه تعریف اولنمز درجه لرده
ایدی ایکی طرف ده کندیلرینی برعید سعادت عرفه -
سنده قیاس ایدر واقصای املرینه وصول ایچون
کونشک غروبنه انتظار ایلر ایدلر نظرلرنده او کونک
هر دقیقه سی رمضان و بلکه ایام قیامت سماعتلری قدر

قوریچی — یا ساعت بشه انتظار ایتمز زده دها اول
برلشیر دها اول آریلیرل ایسه ؟

شهریار — سن خنزیرک ایتک ایسته مزسه نه قدر
مستعد اولیورسک اول برلشیرل ایسه سن ده برلشدکلری
وقتدن صکره برنجی دفعه ساعت چالغنه باشلادیغی کبی
تفکیکی بوشالدرسک .

قوریچی — بواحتیاطمک براحسانه دکریری یوقیدر؟
شهریار — جهنم اول شورادن یانمده پاره قالمدی
ایرتسی کون بش یوز آلتون ویره جکز دیدک یا !

قوریچی — « فرمان افندمزک ! الیدیغم امرلی
حرفی حرفنه اجرا ایدرم بو آلتون کیسه لری ده نیچون بو قدر
کوچولدی ! » دیه مرلدانه رق او طه دن چکلدی . شهریار
همان الینه بر قلم اله رق ایرتسی کیجه ساعت بش راده لر زده
پریخان عادل کرایک او طه س سنده بولنه جغندن و احتمال که
دها اول برلشه جکلرندن ترتیب اولسان قوریجیلرک بجه
حال اقسام اولور اولمز سرایده حاضر بولمسنی واتیله جق
تفک سینه انتظار ایتمسنی میرزا سلیمان بر تذکره ایله توصیه
ایتدی ، نذکره بی کوندردی کندی ده صوینسدی ، یانغنه
کیددی عادل کرای ایله او زمانه قدر کچیردیکی ماجرای هر
دراو تفصیلاتیه کوزینک اوکنه کتیردی کوکلنده نه قدر
یاره وارسه آری آری تازه لندی کافه حواس و قابلیاتی

قوریجی — یابری اوریلورسه ؟ ...

شهریار — اوریلویورسون ! ایران خلقنی زه صابی
ایله تسلیم ایتدیلریا !

قوریجی — صکره نه اوله جق ؟

شهریار — اوراسی سنک وظیفهک دکل ! سن
بولندیغک یردن بر طرفه چکیمله جکسک ایرتسی کونی
صباحلین یانمه کله جکسک ؛ اکر خدمتکی لایقیله یرینه
کتیرر ایسهک ؛ بش یوز التون احسان اله جقسک
صیاجقسک معاینه ایده جکسک اکیکی وارسه تماملايه -
جغز قلبی وارسه دیکشدیره جکز .

قوریجی — یاتفک آتدیغم ایچون نوبتجیلر طوتارسه ؟

شهریار — اوراسنی دوشوندک (یصدینک اوزرندن
برکاغد الور الینه ویرر) شو امری الیرسک کیم طوتارسه
کوستیرسک . اوقو !

قوریجی — (اوقور) « بویکجه شروانلی جعفرک

ایتدیکی حرکت دولتجه کوریلان لزوم اوزرینه بنم
امرمله اجرا اولمشدر ... » پک اعلا ! اتاجغمز تفکک
باروت پاره سنی بواحسانلردنمی ویرملم ؟

شهریار — آج کوزلی کوپک ! (اوکنه اللی

آلتونلق برکیسه دهها اتهرق) آل بوده سکا باروت پاره سی
اواسون !

ایده جسک دنیا ده صاغ اولدجه کیمسه یه سویلیه جسک
جانک بوسرک التنده در اغز کدن برلقردی چیق—دیغی کبی
جانک ده برابر چیقار .

قور یچی — سر صاقلامق ایچون نه قدر تهید
بیورسه کز قائلم عمرده بر سر فاش ایتدیگی بیلیورم
کرک کندیه متعلق اولسون کرک بشقه سنه . . . بنم
بیلدیگی کیمسه نک بیلامسی پک مر اقدر سر صاقلایان
انسان کنندی هر درلو مخاطره دن محافظه ایدر ، بشقه -
سنک بیک یولده یا کلش معلوماتیله ا کلنیر عجباً دنیا ده
اندن لذتلی برشی وارمیدر ؟ الله بیلیر مزاره کیرد کدن
صکره حامی سؤال ملائکه لرینه بیله قاچ یوز طو پوزدن
صکره سویلیه جسک .

شهریار — اکلا دق کوزه لک ایسته مز ! ویره جسک
امر کوچ برشی دکلدن یارین کیچه قور یچی ائوابکله ،
سلاحکله باغچه یه کیررسک بر مناسب یره صاقلانیرسک
پریخانن کوزتلسک او کچر عادلک یانه کیدر سن بکلسک
مملکتک ساعتی بشی چالغه باش—لادیغی کبی الکنده کی
تفکی بوشالدرسک .

قور یچی — اتدیغم تفکله کیمی اوره جنم ؟
شهریار — کیمسه بی اوره جق دکلسک تفکی هوایه
بوشالده جسک .

قوریچی — یارین کیجه ساعت بشدن اول ینه براشه -
جکلر شهر یار بوخ-بری ایشیدر ایشتمز صالمغه حاضرلنش
کوپکلر کی یوزینک سیکرلری دهشتلی برحال ایله چکیلوب
اچیلغه اغزینک کنارلری یوقاری برونک اوجی اشاغی
میل ایتکه کوزلری بیویه بیویه یرندن فرلایه جق کی
قور قیج برحال حاصل ایتکه وجودینک هر طرفی تعریف
اولمز برکین وحدتله ایری ایری تترمه مکه باشلادی قوریچینک
اوکنه الیشر التونلق ایکی کیسه التون دها آندی ارهلنده
بتون بتون بشقه بر بحث آچیلدی .

شهر یار — بنی دیکله سنن یارین علی قولینخان ایله
کیمه جکسک .

قوریچی — نصل کیمه جکم امر ایدرسه نه یاپارم .
شهر یار — کیمز سک .

قوریچی — لطیفه می بیوریورسکن بنده کز قوریچی
برآدم غوغایه کیم دیه جک اولسه م اودقیقه ده اولدیرر .
شهر یار — سن آنک یارین اولدیره جکنی دوشونورسک
سرایدن چیمق ایسترسه ک بن شمدی کبرته جکم اوراسی
هیچ خاطر ینه کلیمورمی .

قوریچی — قولکزه امر وتهدیده احتیاج یوق خان
افندمرک طرفندن براراده کیدر قالیم .

شهر یار — پک اعلا پر بهانه بولور کوندررز بوراده
قاله جقسک شمدی بر تعلیمات ویره جکم تمامیه اجرا

شهریار — (اوکنه برکیسه ده‌ا اتارق) ال قپودن
دکلدکی ؟ نه سویلشدیلر .

قوریچی — (کیسه‌یه باقهرق) بو کوچک یا .
شهریار — اللی التوندر صوردیغمه جواب ویرسهك آ
کوپك آغزندن الماسمی دوکیورسك دانه‌سنی یوز التونه‌می
الملی .

قوریچی — حدت بیورمیکز ولیة النعم افندمز سو -
یلورم قپولزنده بر بکچی وار ایدی غالباً محرملرندن ایدی که
برساعت قدر اورادن آیرلمدی مجلس طاغیله جغنه یقین بر
طرفه چکلدی بنده کزده اوزمان براز دکلیه بیلدم
شهریار — نه سویلشدیلر .

قوریچی — هپسنی ایشیده‌مدم که

شهریار — دیمک که برازینی ایشتمسك سویلسهك آ
قوریچی — ایکی کشی لقردی ایدرسه قپونك اوکنده
دیکلیمان ادم سوزلرینك برازینی اولسون ایشتامک قابل
اولورمی ! هیچ افندمزكده بو قدر کوچک کیسه ایله احسان
ویردکلرینی کورماشدم .

شهریار — بردها ویررم فقط سویلیه جکک لقردی
دکرسه هپسنی الندن اله جغم .

قوریچی — فرمان افندمزك فقط لقردی دکرسه
بریرینه ایکی دانه ده‌ا احسان بیوررمیسکز . .
شهریار — ویررم چابوق سویله !

ایچون انک کبی عذرلر بولیور صای خنزیر چابوق (چابک)
اول یوقسه بر دقیقه ده جهنه کیدرسک .

قوریچی — اغر اغر صایمزسه م صکره حسابی شاشررم
تکرار صایمغه احتیاج مس ایدرینه افندمن بککر تعجیز
اولورسکز .

شهر یار — های نفسکک صایسی توکنسون بوکاده
بر بهانه بولدی صای نه قدر اغر ایسترسک صای ایشته
بنده بشقه پاره ویرمیه حکم .

قوریچی — افندمن صاغ اولکز بشقه ده احسان
بیوررسکز ویرمه کرده قولکزینه تشکردن عاجزم .

شهر یار — برسکوت غضب الود ایچنده طورر قوریچی
عریض و غمیق پاره بی صایدقن صکره یینه بحث شو
یولده دوام ایدر .

قوریچی — الله عمر ودولتکزی مز داد ایلسون .

شهر یار — تمام ایسه سویلیه جککی سویلسهک آ .

قوریچی — فرمان بیوریکز سویلیه یم .

شهر یار — دهانصل امر ایسترسک اوته کیلردن — شمدی

هانکی اوته کیلر دیه صوراجق ده بکا مر دار جکرلینی
یرندن سوکدیره جک — پری ایله عادلدن نه خبر ؟

قوریچی — دون کیچه ساعت درتدن بشه قدر برلکده

ایدیلر .

شهریار — اغزك قره طوپراقلاره طولسون ! شمدي
باشمزه برده شاعرلك چيقاره جقسك .

قوريجي — استغفرالله حدم دكل . جزمي بكدن
ايشتمدم مناسبت كلدي ده او قودم .

شهریار — سن جزمي بي بيليرميسك .

قوريجي — انسان انساني بيليكله كناهيمي ايشلمش

اولور .

شهریار — معلوماتكده كناهكده سنكله برابر يك
دينه كچسون بكا جزمي بي بيلديك بيلديك لازم دكل
ال شونیده بريكلردن نه بليرسهك اني سويله تام يوز
التوندر . دير او كنه بر كيه آتار قوريجي همان كيه بي
آچار آلتونلري صايغه باشلار محاوره شوطرزه تحول ايدر .

شهریار — ملعون نيه صايه جق ! شمدي سنك جلاد-
له هر كيككي آري آري صايديررم .

قوريجي — صايغرسه م مراقدن عقلم باشمده قالمز
صكره ايستديككز معلوماتي يا اكسك يا ياكلش ويريرم .

شهریار — عذرلرده بولور خنزير ! كچنده طوتديغمز
حيدود آدم صويمه سه م آجلقدن اوله جكدم صويمق ايستد-
يكم آدمي اولديرمسه م او بني اولديره جك ايدى نه يايه يم
حر كتمده معنورم ديميورم ايدى بوده انساني هلاك ايتك

تیلکی قدر ایشیدر چاغرله دن حضوره دخول ممکن
اولیورمی که خبر کتیره یم .

شهریار — کلمک ایستدکده ردی ایتدیلمر .

قوریچی — صیق صیق رخصت ایستکه جسارت
ایدر ایسه م خدمتی هر کس ا کلامز می خنی تحقیقاته مأمور
اولانلر هر کسک معلومی اولدقدن صکره دنیاده نه
اوکر نه بیلیرلر .

شهریار — سن کورندیکک قدر بدلا دکلمشک اره
صره معقول شیلرده دوشونیورسک .

قوریچی — هر کسک حالی اقتدارینی کورنشندن
ا کلامق ایستیانلرک حالنه اسف اولنور .

شهریار — نه خبرلرک وار بقایم .

قوریچی — خیرلر .

شهریار — کدی قدر کورن چیقاسی کوزلرک تیلکی
قدر ایشیدن کسبیه سی قولاقلرک دنیاده خیرلر دن بشقه برشی
کورمدی بر شی ایشتمدی .

قوریچی — بلکه کورمشدر احتمال که ایشتمشدر .

شهریار — ینه چنکانه لک طمرلری طوتدی پاره
ایسترسکده انک اچون سو بلیورسک اویله می .

قوریچی — « کرم بکلسه عیب اولمز کدالر پادشا -

لردن » .

فقط بو خبیثك بیک درلومر تکبلیکی بیک درلو مناسبتر
لکیله برابر بر طور ابلهانه ایچنده صاقلایه بیلدیکی شیطنت
برده احسان طمعی و مجازاة خوفیله خدمتنده ابراز ایده
کلدیکی علی العمیا اطاعت ترتیب اولنان دسایس خسیسه-
نك اجر آتجه هر کسك حالندن زیاده مدار امنیت ایدی
بناء علیه صیاد آوه چیقارکن خدمتکارندن زیاده کوپکنی
ارادیغی کبی شهر یارده او الچینی شمیدیکی ایشنده سائر
ادملرینه ترجیح ایلدی.

قوریچی یانته کلدیکی زمان شهر یار جاریله مندرک
بر گوشه سنه او طور مش یاننده بر قاچ کیسه التون
قویمشدی.

شهر یار شو صورتله مباحثه یه سلاح معنوی سنك تأثیرینه
کوه نان قوریچی ده زهرینك تأثیرندن امین اولدیغیچون هیچ
بر مخلوقدن قورقق قیامت قویسه حرکات بطیه سنی
دکشدیرمك شانندن اولیان انکر کلر کبی بو یولده مقابله یه
باشلادیلر.

شهر یار — سنی کوزجی قولاقجی نصب ایده جک
اولدق کوزلرک کور قولقلرک صاغر اولغه باشلادی بو قدر
زمان اولیور هیچ بر خبر کتیردیكک یوق.
قوریچی — سایه دولتکرده کوزلرم کدی قدر کورر قولقلرم

احتیاج مس ایده بیله جکیچون برده ایپدن مردیون ارسالنی
توصیه دن عبارت ایدی پریخانک اک صکره کی سوزی
« قزوینده کیجه ساعت التیدن صکره کلبر بیله حوالامز
رستم خنده البت قور یجیلرندن نوبجی براقشدر اما انلر
شهرک بزم کیده جکمز طرفنده بولنمز ولو بولنسه لر بر
قور یجی اشناغی ایدر کچرز خانزاده ایله بنده قور یجی
قیافته کیره جک دکلی بز؟ قرانلقده کوز کوزی کورمز
دکل که انسان انسانی فرق ایده ییلسون یارین اقشام
ساعت بشدن اول بوراده برایشیز » سوزلری ایدی اصحاب
مقصد بو قرار اوزرینه امید آتیلرندن لوح محفوظده کورمز
قدر امین اوله رق بر برندن ایرلدیلر .

بری طرفدن ایسه شهریارده کین مضر کی او یومز
حرص انتقام کی وقت مرهونه انتظاراً ترتیباتنک اکمالیله
اوغراشیدی .

دها آقشام قرانغی باصار باصمز خادم اغالرندن برینی
کوندردی حدت آدمی اولمیان احسان المهدن لقردی
سویلك ایستیمان الدیغی احسان تعداددن معاینه دن چکنمیان
بونسکله برابر قپو دیکلمکنده استراق اسرار ایتکنده برمهارت
فوق العاده کوسترن شمذیلک اسمی شروانی جعفر اولد .
یغندن بحث ایدن معهود قور یجی بی یانته چاغرتدی .
شهریارک دها صادق دها درایتلی آدملری وار ایدی

جرمینک مژدهٔ ناکهظهوری پر یخانی سرور وانشرا
حک حد انتہاسنہ واصل ایتک لازم کلیردی فقط
پر یخان دها عادل کرایده کوردیکی کشایش فوق العاده
ایله اوحد انتہانک خارجنه چیقہجق قدر مستغرق نشاط
اولشیدی .

مع مافیہ جزمی یہ خدمتنہ بحق مقابله ایدہ ییلہجک
برلسان التفات ایله تشکرلر عادل کرایہ روحدن وجداندن
کلمہ برطور خالصانہ ایله تبریکلر ایراد ایلدکن صکرہ
ذوقزده استغراق الویردی برازده صورت اجرایی دوشونہلم
دیہرک ایرتسی کون ایدیلہجک حرکتک ترتیبانہ عطف
افکار ایتدیلر .

بر مدت مذاکرہدن صکرہ صباح اغارمہدن اول علی
قولیخانک اردوسنہ یتشلمک ایچون کیجه ساعت الی صولر-
ندہ سرایدن چیققارق و خانک شهر کنسارندہ وسرایہ بر
چاریک مسافہدہ بولنان باغچہسنہ قدر یایان کیدرک اورا-
دہ اتلانمغہ قرار ویردیلر جزمی ایله عباس دها اقسامدن
ایکی اوچ صولزنده سرایہ کلہرک یکرمی بش قوریچی ایله
بکجیلکدہ ودیکر یکرمی بش قوریچی باغچہدہ کی حیوا-
نلرک محافظہسنده مأمور اولدیلر عادل کرای طرفندن
جزمی یہ ویریلان تعلیماتک بریدہ کرک کنندیسنہ وکرک
پر یخانہ بر رقات قوریچی اثوابی وشاید پنجرہدن اینلمکہ

شبنم‌رینی هنوز بلع ایده‌بیش و رد سحری کبی بررنک
طراوت کسلدی کوزلی کونشه طوتلش کوك یاقوتلر
کبی اطرافنه بر نور لطافت طاغتمغه باشلادی دهانی
مشخص تبسم شکلنه کیرمش وجودی بر اقبال ذی‌حیات
بر امید مجسم اولمش ایدی .

پر یخان عادل کرایک حالنه بر نگاه ایتمکله خورشیده
مقابل کلش ماهتاب کبی دفعهٔ معشوقنک پرتو انبساطندن
مستفید اولدی اوده باشند اشاغده مسرت کسلدی روحا-
نیت جسمنی استیعاب ایلدی بر حالده که اندامنه باقائلر قدرتک
بو جهاننه مخصوص اولان بدایع کونا کوننی تماشا ایچون
عالم بالادن پر یوزینه بر ملک اینمش قیاس ایدردی .

ایکی عاشق یکدیگرینک سیر جهاننده محو اولورجه‌سننه بر
قاچ دقیقه‌لر بر برینه وقف نظر ایلدکنصکره پر یخان
بولندیغی حیرت عشق عالمندن کندینی طوپلایه‌رق عادل
کرایک سیماسنده جولان ایدن بوشوق و سروره سبب سؤال
ایلدی .

جزمی متصف اولدیغی ظرافتله افندمن مکر صحیحاً
پری ایملر ابعاد مطلقه‌یه کنج‌ایشی قابل اولمیان خیالات
شاعرانه‌یی کسوهٔ امکان ایچنده جلوه‌ساز ایتمکله مقتدر
اولورلر مقدمه‌سندن طوتدردی ماجرای تفصیلاتیه برابر
نقل ایلدی .

جمله سندن اولق جهته کمال سرعت و تلاش ایله بو اجتماعک سببنی سؤال ایتمکه باشلادی .

عادل کرای جواب یرینه سودا زدکانه بر طاقم ملا -
طفه لره باشلادیغندن استغنا وحدتله بر کره یوزینه باقینجه
اره ده مأمولدن بیوک بر مسرت خاطره کلز بر امید طولا -
شدیغنی و هله تفرس ایلدی .

چونکه عادل کرای ساده اوغراشدیغنی مقصدی اساساً
قابل اجرا کورمز ایدی یالکز پر یخان قابل اجرا کور -
دیکنه باقاردی ده ساده قلب سودازده و فکر حیت پرورانه سنجه
دولتمه بر ایکنجی کشور قزان دیرمق کندینه بر روح ثانی
اضافه ایتمک امیدلری و لو خیالده اولسه او یله بر امید
ایچنده یشامغنی دنیاده ممکن اولان هر درلو اذواقک فوقنده
بولوردی اینانمق ایچون کوکلنه اجبار ایدر طورر ایدی
بناء علیه بویله رؤیاده مثالیه اکلتمکه چاشدیغنی معشو -
قهیی اویانوبده یتاغنده کورمش بختیارلر کی بونجه آمال
دورا دورک بردن بره کسوه امکانه کیردیکنی کورنجه قلبنده
روحنده نه قدر قابلیت انبساط و انشراح وار ایسه بردن
بره سیماسنده جلوه ساز اولدی جبهه سی افراط یأس و انواع
اندیشه ایله حاصل ایتدیکی رنگ ظلمانی و چین تر دددن
قورتلدی بللورین اینه لر کی بر نور صاف ایچنده قالدی
المندن تأثیرندن کلبرک خزان دیمیه بکزمین چهره سی

استحصانه چالشیدیغی مقصدك تقریندن می یوقسه بر
کونلردر احتیاطاً ملاقاتندن محروم اولدیغی معشوقیله
کورشمکه بر لزومی فرصت ظهورندمی دهها زیاده ممنون
اولدیغنی البته تعیینندن عاجز قالیردی شهزاده درحال بر اوفاق
پوصله یازدی عباس طاقندن اولان و بناء علیه دائرة
محرمیتده بولنان قپو نوبتجیسیمه پریخانه کونلردی .

پوصلهده ایشه دائر بر سوز اولدیغندن بویله ناکهاتی
بر دعوت پریخانه بیک درلو واهمه ار تحریک ایتک بیک
درلو اندیشه لری موجب اولق لازم کلیردی فقط دعوتی بر
قاچ کیچه لك افتراقك سوق طبیعیسنه حل ایدرك ذره
قدر تلاش ایتدی .

وجودینی ستر ایتکلن زیاده کوسترمک ایچون یاپیش
دینله بیله جک بر قات خفیف البسه کنندی پریشان
صاچلرینی اولدیغنی کیچه چهره سنک اندامنک اوموزلرینک
هر طرفنه طاغیده رق ارقه سنه سیاه بر چارشب الدی
غایت عاشقانه نهایت درجه دلفریبانه بر طرز ایله عادل
کرایک او طه سنه عزیمت ایلدی .

اوطه یه کیرو بده جزمی بی کورنجه مطالعه سنک بتون
بتون یا کلش اولدیغنی دفعه ادراک ایتدی پرده خفا
ایچنده حرکت ایدنلر هر حادثه دن بادی نظرده بر فناق
توهم ایتک طبیعت بشرك متصف اولدیغنی عاجز لکلر

فصل

جزمی اولری بر خیال شاعرانه دن عبارت عدا یادیکی
تشیك فعلیاتی بو درجه قوه قریبه کلدیکی کورد کجه
کوککنده اولان میل معالی و ارزوی اشتهار جهتلیله بویله
فوق العاده بر انقلابه واسطه اولدیغندن کندینی ابنای
بشركك بختیارلرندن صایمغه باشلامش فکرنده حاصل اولان
شوق و انشراح ایله مشرب لوندانه و عزم عالیهمتانه سنه
پر بشقه قوت کلمشیدی ایش بو درجهیه کلدکن صکره
ارتق هیچ احتیاطه حاجت کورمدی همان او کجه ساعت
حرت صولرنده ایرانه کلدیکی زمان مقصدینه مدخل وصول
اتخاذ ایتدیکی پنجره دن طوغریجه عادل کرایک اوطه سنه
کیردی ایرتسی کون ایچون قرارلش دیریلان حرکتی
بیان ایله اجرا آتک تفرعائی سـ ویلشلمک اوزره پر یخانکده
اورایه جلب اولنمسنی ایستدی عادل کرای ایچون جزمینک
بو تکلیفی شهر آیین سلطنته مقدمه اوله رق سور وصال
ترتیبی قیلندن ایدی خانزادهیه صورلسه بو قدر زماندن
یری هر دقیقه اجلاک اک اوغراق کدر کاهلرنده طولاشه رق

اولنسی مسئله سندن بشقه برتوصیه به احتیاج کورمدی
بر طرفدن علی قولخان وزیرک یانندن چیقجه طوغری
جرمینک اختفاخانه سنه کیتدی عباسی ده یانه جلب ایتدی
بونلرک ایکسینه ماجرای بر تفصیل اکلاندقدن صکره
تصورلرمزک فعله اخراجیچون بوندن بسوک بر فرصت
اله کچمز بن بر کره وزیر توکیف و یا اعدام ایدرم اندن صکره
خال اولان قزونی ضبط ایتکده نه کوچک چکیله جک! رستم
خان قوریحیلرینک بزم قدر قوتیمی وار غیرتیمی وار که اطاعتسزلک
ایتسه لبله تأدیبلرینه مقتدر اوله میه لم یابزم کزده بر بشقه حکومت
اعلان ایدنجه حزمه میرزا شاهلق داعیه سنه قالدیشردنه یاپار
قزوینده کی قوتله عثمانلی اردولرینک ارسندن نصل
قورتیاور عباس میرزانک یاننده کی خانلره چوجوغک شا -
هلغی ایچون امید و پروبده خراسانده بر تفرقه دها پیدا
ایتکده قابلدر هله نه درلو اولسه بوانقلابات و اختلالات
ارهنده عثمانلی عسکری بر قاچ هفته ایچنده قزویته یتیشه -
بیلیر یوللو ایضاح مرام ایتدی کندیسی وزیر ایله اردویه
چیقدیغی کونک کیجه سی عادل کرای ایله پریخانک نزدینه
کتیرلسنی جزمی ایله عباسه حواله ایلدی و بونلرک معاونته
امین ادملرندن اللی قدرده قوریحی براقدی .

او درجه لکه دار ایدر ایسه انی ده شاهلغه قبول ایتیر
عباسه بیعت ایدرز .

سلیمان — عباسک ده والده سی دکمیدر .

رستم — حضرت عباس حقیچون اوده قجه زن چهلک
ایدرسه وجودینی قالدیررز شاهه جاریلر تدارک اولور
خاندانی ینه ادامه ایدرز باخصوص عباسک نه وجودی
ته جانی واردرکه اوله داعیهره قیام ایده یلسون حزه
هیرزانک حتی یاشامسندن امید وار دکلم عثمانلیلر « بیرتیجی
قوشک عمری از اولور » دیرلر صمیمدر حزه عثمانلی
مچار به لرنده تلف اولسه بیله بر عشرت مجلسنده اعدامنی
ین تعهد ایدرم بوقجه نک کنندی ده اولادی ده ایرانه بر بلای
هیرم اولوب کیده جک خاندان صفوی نی بر باد ایتدیلر حزه
هیرزا عرضه تسلطده کوستردیکی جسارتک جزای معنویسنی
والده سنده خاله سنده کور یور شاهدن بشقه اعتماد کاهمز
قالدی کافه سنی بر صورتله دنیادن کوندرمک الزمدر
ینی هر امر کزه حاضر شاهنی اعما ایتدیلر ایسه طواشی
ایتدیلر انسان اولادلی قیلومبغه کی کوز قوتیله وجوده
کلزیا .

میرزا سلیمان بوسوزلره نظراً رستم خانک عزم وشدتی
کندی آرزوسنک مافوقنده بولدی ان شالله جناب حیدر
معینزدر دهرک ایچریدن آتیه جق سلاحه ایجه دقت

سليمان — افاده ده نتیجه بکلمك هیچ عادتکز دکلیدر
ارده بر او چنجی سوزی واریدی او او چنجینک کیم اولد -
لدیغنه دقت بیورمدیکز .

رستم — هر کیم اولورسه اولسون .

سليمان — شاه باشیچون علی حقیچون کیم اولورسه

اولسونمی .

رستم — بویمنلره نه احتیاجم وار .

سليمان — وار او چنجی بن اولسه م .

رستم خان — شاهدن بشقه هر کیم اولورسه اولسون

دینلماشمیدی .

سليمان — حزه میرزا بولنورسه عباس میرزا اولورسه

نه درلو حرکت ایدیله جک .

رستم خان — میرزالک ایکیسی ده دنیانک بر طرفنده

کزینیور افسدمز شهر یاردن بحث ایتمک ایسترسکز

صانیرم .

سليمان — فرض ایدیکز که تخمینکز صحیح اولسون .

رستم خان — شاهه بر فاحشه نك نه لزومی اوله جق .

شهر یارک ادبسنلکی بتون ایرانه طویلدی خاندان

صفوینک ناموسی برباد اولیور .

سليمان — حزه میرزانک والده سیدر .

رستم — حضرت حزه حقیچون میرزا ناموسنی

سليمان — بن يارين على قولخان فرقه سيله اظهار
سطوت ايچون قره باغ امدادينه چيقيورم .
رستم خان — على قولخانه امنيتكز بنده كردن زياده
ميدركه اني كوتوريورسكز .

سليمان — نيچون نتيجه كلامي ا كلامه دن جواب
ويررسكز ! سز قوريجيلركزي اله جقسكز سيرسريع ايله
تبريزك امدادينه كیده جكسكز .

رستم خان — بوراده كي فساد فرقه سني كيم باصديره جق .
سليمان — سوزمك نتيجه سنه انتظار بيورك ! تبريز
طرفه تجاوز فلان يوقدر سزك كيديشكز على قولخان
طاقني شبهه يه دوشورمامك ايچون بركوسترشدن عبارتدر
بزكيجه موقعمرزده قاله جغز سز مملكتده فتنه پيدا اولديغني
اعلان ايله جكسكز غروب شمسدن برايكي ساعت صكره
قزوينه كله جكسكز خانزاده نك كوشكي اطرافنده كوزجيلر
براقه جقسكز بر سلاح صداسي ايشيدلديكي كي خانزاده نك
بولنديغني دائريه هجوم ايله جكسكز .

پريخان عادل كراي ايله برابر بولنه جق ايكيستي
و حتى اوچي برابر محو ايديله جك يالكز
ولي نعمت شاهزك وجودي محافظه اولنه جق بشقه كيمسه نك
لزومي يوق .

رستم — فرمان سزك امر كزي عينيله اجرا ايدرم .

فائده حاصل اولق شهر ياركده برابرجه وجودی قالقمغه متوقف ایدی نظرنده ایکیسی خسته لکله زهرلی علاج حکمنده ایدیلر بری موجود اولدقجه دیگرینک فقدانی هر درلو مضرتی جالب اوله بیلیردی هیچ بر فائده یی موجب اوله مزدی .

میرزا سلیمان رستم خانی بو مطالعاتنه طرفدار ایتکدن عاجز قالمزدی نه فائده سی وار که خاندان صفوینک نه قدر اولاد ذکوری وار ایسه جمله سنک والده سی شهر یار ایدی . بناء علیه اکا تسلط اولنور ایسه اولادینک انتقامندن قور . تلق مطالعه سی رستم خانه پابند اقدام اولسندن قور قاردی . حال بوکه رستم خان بر جسور عسکر اولمغه برابر اولیله بر ایشک تفرعات واحتمالاتیله برابر عواقبینی کورمک خاصه سنه مالک اولان قوه نظر اصحابندن دکل ایدی . بوندن بشقه بروقت واسطه اقبال اولق ایچون پریخانای ایستیه رک اندن موافقت وشهر یاردن ده پریخانه اولیله بر قوتلی معین پیدا ایتماک ایچون مقصدینه معاونت کور . مدیکی جهته لکه ایکیسی حقننده قلبنده بر کین ایدی تقرر ایتشیدی . او جهته لکه میرزا سلیمان ایله ایتدیکی محاموره ده الزامه بیله حاجت کوسترمدی میرزانک مقصدینی کندی کندینه التزام ایلدی ایتدکلی مباحثه ده شو بولده در .

ايدرك كندى ترتيبنك بتون بتون قطعى التأثير اولديغنه
حكيم ايتمكه باشلادى على قولبخانى بيك درلوتلطيفات ايله
تسريع حرکت ايچون لازم كلان تداركاتى اكماله كوندز -
دى بو خصم مغفل يانندن آيرلدقدن صكره كمال سكينت
وسرور ايله كندينك امين ومستشارى على قولبخانك
رقيب اقتدارى اولان رستم خانى نزيينه دعوت ايلدى.

ترتبنى بي پروا تفصيل ايتدى على قولبخانى نه يولده
اغفال ايتديكنك تعريفنده ده نقصان برجھت براقدى
يالكرز شهريار ايله اتفاقنى كتم ايلدى.

چونكه اصل مقصدى دفع اغيار ايله حركلاتنده
استقلال حاصل ايتك ايدى فقط بو استقلالى هر حريص
عاقلك شانندن اولديغى اوزره خدمت ايتديكى ولى نعمتك
ايچندن يتشديكى ملك ممكن اولديغى قدر خيرينه صرف
ايتك ايستردى.

اعتقادنجه عادل كراى ايله پرخانك وجودىنى
قالديرمقاھ بر بيوك فتنه باصديرلش اولور فقط همان اوفتنه
قدر بيوك بر مضرت وجوده كليردى كه اوده عادل كرايك
يرينه بشقه بر معشوق شهوانى بولمقدن وهوسات ملعونه سى
بولنده هر شئى فدا ايتمكدن حيا ايتمه چكى مجرب اولان
شهريارك شاهه اعمال نفوذده منفرد قالمسى ايندى اوجهته
كندى فكرينه كوره پرخانك اتلافنده صحيح وجدى بر

— فصل —

میرزا سلیمان عثمانلیلرک قره باغه تبریزه هجوم ایتدکرینه
دائر ترتیب ایتدیکی مبالغه لره علی قولیخان اقلناعده کوچلاک
چکمدی .

بالعکس علی قولیخان بو حادثه یی تسریع مصلحت
ایچون برعانه غیبیه عد ایلدی چونکه شهردن
چیقار چیقماز عادل کرای ایله پریخان اردویه قاچرمق
وقزک سلطنتی اعلان ایله برابر وزیر ی توقیف ویا اعدام
ایله بتون بتونه عسکردن خالی قاله جق اولان قزوینک
اوزرینه یوریمک پک ممکن پک سهولتی کورنمشیدی .

بو ملاحظات خفیه اوزرینه ترتیبات عسکر یه ده کو-
ریلان سرعت وکندیسیله عسکرینه کوستریلان امنیت
ایچون وزیره بیوک بیوک تشکرلر ایدرک ایرتسی کون وایش
دها مستعجل ایسه همان او اقسام اراده بیور یله جق طرفه
حرکته حاضر بولندیغنی بیان ایلدی .

میرزا سلیمان علی قولیخانک بومسارعتی بر درجه یه
قدر اوغراشدیغنی مقصدک حصولنده امنیت قالدیغنه حل

عودت ایدر بوراره قدر کلیر امر ایتدیکنز خدمتی بتیرر.
شهریار — ایشته شمدی هر کسی حیران ایده جک بر
تدبیر ایشتدم ارککرده بزدن زیاده مکارلق اولدیغنه هیچ
احتمال ویرمزدم.

سلیمان — طبیعی دکدر سلطانم والده همشیره تر -
یه سندن قالمه یاخود زوجه معشوقه مجلسلرنده اوکره نله در.
شهریار — ایشک الک مهمم جهتی اونودق! قور یجیلر
ایکیسنی فصل بر یرده بوله جق.

سلیمان — دمن هر کیچه برلشدکلرینی بیان یور -
یور دیکز بر سلاح سسنه انتظار امر اییدیوردیکز.

شهریار — اویله در اویله در تنیه ایت همان یارین
کیچه کلسونلر بر سلاح سسنه انتظار ایتسونلر ایشدکلری
کبی عادلک بولندیغی دأریه هجوم ایتسونلر بری یرک دینه
کچمش اولسه اوچ دقیقه ده سوکیلی جانانک یانسه
یتشیر.

بونک اوزینه میرزا سلیمان قولکز یارین چیقارم رستم
خانده اقتضا ایدن تعلیماتی ویرم کوندزین کیدر کیچه
عودت ایدر سلاح سسنه منتظر اولور دیدی شهریارک
یانندن ایرلدی.

شهر یار — صکره نه یاپارز .

سلیمان — قولکرتک بر تدبیر خاطر یمه کلیر بیلیم سلطانجه
مقبول اوله جـق قدر صائبدر بر قاچ کوندنبری حدود
بویندن بر برینی متعاقب یوزلجه فریاد نامه لر کلوب طور ییور
عثمانلینک بر طرفدن تبریز بر طرفدن قره باغ حدودینه طوغری
تجاوزایتدیکنی خانلره امیرلره اعلان ایدرز قره باغ طرفدن
کلان دشمنه ذاتاً میرزا حضرتلری قارشی طوره جق دکللی انلرتک
احتیاط قوتی اولوق شایعه سیله بنده کز علی قولخان فر-
قه سنی الیر قزویندن بر مر حله اوته کیدرم رستم خانی ده
کنندی قور یجیلریله تبریزک امدادینه مأمور ایدرز
قولکز علی قولخاننه بر مر حله دن ایلری کیتیمه جگمیری
سویلرم بو حر کتدن مقصد دشمنه بر نمایش کوسترمکدن
عبارت اولدیغنه کندیسنی اقتناع ایدرم هله علی قولی
رستم خانک کندندن اول قزویندن چیقدیغنی کورنجه
شبهه یه محل بوله مز شبهه لنسه ده کیتیم دیه مز چونکه
مخالفتی ایچون بر معقول سبب کوسترمکه مقتدر اوله مز
بنده کز علی قولخان ایله کیدر ایکی اوچ ساعتک بر
مر حله ده او طوررم رستم خان ده قزویندن چیقار رستم خان
ذاتاً امیندر عسکرینک عمو میده عجمدر نه یاپله جق ایسه انلرتک
قوتیله یاپله جق خان قزویندن چیقدیغنی کونک کیجه سی
شهر ده فساد ظهور ایتش اولوق بهانه سیله عسکرینی طوپلار

جریانی صره سنده قزوینده بولنه میه جغنی سویلدی شهریار
بو قدر جق موانع ایله عزمنندن کیری قالیر طاقدن دکل
ایدی ینه شو یولده محاوره به باشلادی .

شهریار — مادام که علی قولیدن بو قدر اهنیتز منسلبدر
شمدی بوغدیر یوررز کیم نه دیه جک دنیا ده بهانه نک وسیله نک
وجودیمی قالدی .

سلیمان — اندن بیوک احتیاط سزلق اوله مز افشاردن
کرددن داغستانلیدن کورجیدن عشاردن مذهبی مشربی
شبهه لی نه قدر قور یچی وار ایسه هپسی آنک باشنده در
اگر معهود ترتیب صحیح ایسه مطلق بونلرک ارسنده پک
چوق اصحاب فساد اوله جق ! علی قولیخانی نه بهانه ایله
اولدیرر سهک اولدیرهلم بو حرکتی البته فسادلرینک طو-
یلدیغنه بر دلیل قطعی طوتارلر او حالده ایسه جانلرینی
قورتارمق ایچون همان بر بیوک فتنه او یاندرمغه قیام
ایده جکلرینه هیچ شبهه یوقدر .

شهریار — حقک وار علی قولیخانی قور یچیلری ایله
برابر شمیدن حدود بوینه کوندر سهک نصل اولور .
سلیمان — ظن چا کرانه مجه دها فنا اولور پر یخانه
کوه نیرلر کیتیزلر بلکه ترتیب ایتدکلری فسادی میدانه
چیقارمغه حدوده کیتک ایچون کوره جکلری اجباری بهانه
ایدرلر .

فکرینه دوشمشکر صکره خانزاده بی پریخان سومش لندن
قریمی المقدنسه کنديسنه ایرانی و یرمک ایستمش عادل
کرای ایسه پریخان دهها کنج تکلیفی دهها فائده لی بولمش
شمدی افندمز جه ایکیسنگ ده وجودی اورته دن قالتمق
لازم کلیور بو خدمت قولکره تکلیف اولنیور دکلی ؟

شهریار — (مستهزیانه) شیطان اولسه کرده انسانک
قلبه حلول ایتسه کز سرینی بوندن زیاده بیله مز سکر
چونکه حقیقت حاله بو قدر وقوفکر و وار ایدی دمندنبری
بنی سویلتمکه چالش مقده نه صفا بولدیگز .

سلیمان — (کذلک مستهزیانه) فکر مک صحته
اطمنان حاصل اتمک ایستردم افندمز شمدی او مقصد
حاصل اولدی فقط بیله مم که اراده بیور یلان خدمتک ایفاسنه
نصل مقدر اوله جغم .

شهریار — صحیحاً عاجز میسک یوقسه سنده می جمعیت
فساده داخلسک .

سلیمان — استغفرالله ایکیسی ده دکل فقط دوشوندیکم
بر ایکی جهت وار ذهمنده بر درلو انلره قرار و یره میورم .
شهریار — نه در دوشوندیکم جهت نه در .

صحبت بورایه کلنجه میرزا سلیمان اولاعلی قولیخانه بر
وجهله امنیت ایده میه جکنی ثانیاً کندی حقنسه کرک
شاهجه کرک شهرزاده جه هر درلو شبهاتی دفع ایچون وقعنه نک

کوندررم اوده برادری غازی کرای کبی اجلی کله دن خد
اختفایه چکلمش اولور .

شهریار — قولز بومیدی بکا بویله می امنیت ایده جکدک .

سلیمان — قولز بویله میدی قولکره بو یولده می امنیت

بیور یله جقدی .

شهریار — بن سکا نره ده امنیتسزک کوستردم .

سلیمان — یا قولکز افندمره نه یولده اطاعتسزک

اظهار ایدم .

شهریار — اکلنیورمیسک سویلدیکک لقلردیلردن

مقصدک نه در بن سکا باشمزده کی بلایی نصل دفع ایده .

جگمری صوریورم سن او طورمشک خانزاده بی قهقهه یه

کونزرم دیه خولیار قوریورسک اول خانزاده بی بوراده

طوتان بن دکلی ایدم شمدی نه بهانه بولورم ده قهقهه یه

کوندرلسنی ایستم هایدی خیانتنی سویلمش اولهلم پریخانک

تدبیرندن دسیسه سندن نصل قورتیلورز قارینک نه قدر

جسارتی نه قدر شیطنتی نه قدر نفوذی اولدیغنی بیلرمیسک

مادام که بر کره عادل کرای سومش مادام که بر کره بو دولتی

سودیکنه تسلیم ایتک ایستمش اوصاغ قالدقجه بزم حیاتمه

احتمال وارمیدر بو حقیقتلر هیچمی خاطر که کلیور .

سلیمان — سوزی خلاصه ایدهلم افندم وقتیه افندمر

عادل کرای سومشسکز او وسیله ایله برده قریمی المق

شهر یار — نه صوره جق ایسهك صور بنی مقدمه لر
گریز کاهلرله می اولدیره جکسك .

سلیمان — افدمز بو قدر لطفکزه جایه کزه مظهر
اولان عادل کرابی سورسکز دکلی ؟

شهر یار — دیلك قوریسون امامین حقچون سوم
قانی ایچمک ایستیورم کورمیسك کورمیورمیسك مجنونمیسك
ا کلامیورمیسك .

سلیمان — عفویکزی استرحام ایدرم دیلم طولاشدی
کله نی یا کلش سویلدم سور ایدیکز یرینه سورسکز دیمشم .
شهر یار — اغزك جهنم اتش لریله طولسون نه دیمك
ایسترسك فرض ایت که سوردم نجیب بر خانزاده ظن
ایدردم عثمانلیلره قارشی کندیسيله بر اتفاق یامق ایستدم
صکره خیانتنی علم الیقین او کړندم شمدی جایه می اوزرندن
الدم او بنی الدائمقله افتخار ایدیور بن انی جهنمه کو .
ندرملکه انتقام اله جغم مقصد شاهه بر خدمت دکلی بر
مملکت فتح ایده مدکسه بر دشمن دفع ایتش اولورز .

سلیمان — سلطانتک فکری بو قدر سیاسیاته معطوف
اولنجه بنده کزده بالطبع وظیفه مدن خارج سوز سویلیه مم
بعنایته تعالی شاهک بخت مسعودی قوتیله قریمی آیر بلکه
اسکداره قدر کیدرز دشمن پیوردیغکز ذاتک هیچ حکمی
یوقدر شمدی شاه حضر تیرندن امر الیرم قهقهه قلعه سنه

ده ممکن ایسه بربریمزه معاونت دولتیمزه بر خدمت ایده
بیلسهك

سلیمان — باشمله جانمله حاضریم فقط باشمدن جانمدن
قورقارم .

شهریار — بو قورقوی نصل دفع ایده جکزم .
سلیمان — بک قولایدر بکا امنیت توجه بیوردیکزم
امنیت ایکی طرفدن اولور قاعدهجه لازم اولان ده اول
بیوکلرک کوچکلره امنیتدر افندمز قولکرزه امنیت بیو -
ررسه کز بن ده افندمز امنیت ایدر دوشوندیکم شیلری
سویلم .

شهریار — امنیتم ایچون سنی نصل تأمین ایده بیله جکم .
سلیمان — سوزلیمه طوغری جواب احسان بیورر -
سه کز امین اولورم .

شهریار — هانکی سوز بکرزه یاکلش جواب ویردک .
سلیمان — استغفر الله ! صورتقلریمه دیه جکم تأدب
ایتدمده سؤال یرینه سوز قوللاندیم .

شهریار — (تردددن زیاده عزمی کوستر برطور ایله)
صور باقهلم .

سلیمان — کستا خلق ایدر سه م ان شالله مؤاخذه لره
غضبلره اوغرامم .

بر فساد ظهور ایندی سؤالنه نه جواب ویریرم شاهمزه
شهرزاده مزك قلیچندن نصل باشمی قورتاریرم .
شهریار — یا عادل کرای فساد میدانه چیقارسه
باشنی نصل قورتاره جقدك .

سلیمان — او یله بر فساد صحیحاً موجود اولدیغنی
بیلسم شاهه سویلرم میرزا حضرتلرینه یازارم شمیدین
اوکنی الیرم اورته ده طولاشان بر روایتدن عبارتدر حال
بوکه یایمق ایستدیگمز شیده بز محرك اوله جغز .
شهریار — سنی شاهدن حزه دن بن قورتاره مز می یم .
سلیمان — قرق سنه یه یقیندر ایش ایچنده بولنیورم
هیچ بز وقت صاغلرك جایه سنی اولورك انتقامندن مؤثر
بولدم .

شهریار — صحیحاً کندی حالکدن ده شبهه ویرمکه
باشلادك نه دیمك ایسترسك ده بر ساعت اولدی بز
احتیاطلی طورانه لم شری دوشونه لم ده خیر طرفی چیقارسه
بر شی غائب ایتمیز دین سن دکلیدك .
سلیمان — اوت ! فقط غائب ایده حکمز شیلری ده
تعداد بیوران افندمز ایدیگمز .

شهریار — میرزاسنده بر طاقم کیرلی کیرلی قورقور
قورندیلر وار بویله قارشی قارشی به اوزیلوب طور مقندن
ایسه بکا امنیت ایتهسك مقصدینی آچیقندن آچیغه سویلسهك

شهر یار قولنده وضعنده کوستردیکی بو قدر تجلد
بو قدر شدتن پک یوک تأثیرلر مأمول ایدردی فقط میرزا
سلیمان خبیثه نك ماهیتنی پک اطرافلی بیلدیکچون هر وضعنك
هر قولنك جعلی اولدیغنی ا کلامقدن عاجز دکل ایدی
یا لکز بو تفرسنی اظهار ایدوبده غیظ و تسلطنه هدف
اولماق ایچون ایشتدیکی سوزلرک طوغریلغنه اینانمش کبی
کورنمکله برابر کندینی هر درلو مضرتدن مصون ایده -
جک تأمینات احتیاطیه بی ترتیب و تدارکن دخی کیری
طورمدی خائفانه برطور ایله بحثی شو یوله نقل ایلدی .
سلیمان — کوزل افندم ! هر اراده کز عین حقیقتدر
امر کزی اجرا ایتسه م بنی شاهک میرزانک غضبندن انتقا -
مندن کیم قورتارر .

شهر یار — عجایب ! قور یجیلری سزک تحریک ایتد -
یک کزی ظاهر کرامتله بیله جکلر .

سلیمان — احتمال که بر کون قولکرزه اغبرار ایدرسکر -
ده افندم زده سویلیه بیلیرسکرز ده پک چوق سویلیه جکلر
ده بولنور مع مافیسه اندن احتراز ایتیم زیرا مادام که بنم
قنالغمه وقوفلری وار ایمش اوزمان خبر ویرمامش لر
شمدی سویلینلر یا کاذبدر یا بنمله شریک تهمتدر دیه بیلیرم
یا کندیمی قورتاریرم یا خبر ویرنلری ده بلایه اوغرادیرم
فقط سن بوراده وزیر دکلیدک نیچون دقت ایتدکده بویله

بتون غلبه ایندی اوضاعی دکشدیردی غضب واستهزادن
مرکب بر تدمم ایله محاوره‌بی شو یوله تحویل ایلدی .
شهریار — اکلاماره بونده محبت واردیمک ایستورسکز .
سلیمان — احتمال

شهریار — بو احتمال ده بر ضرر کور میورسکز چونکه
بر برینک کفوی ایمشله .
سلیمان — بنده کز کفوی اولدقلرنده شبهه یوق
دیمشیدم .

شهریار — وقتيله سزک همشیره بی کفو کریمی اولان
ذات بو یله ایلرجه کیجه یار یلری تنها اوطه لرده کورشد
کدنصکره می نکاخنه المشیدی .

سلیمان — خیر ولیه النعم او مقصد اوزرینه سو یلدم
صانکه عسکر طاقی بو یله بر فکره ذاهب اولور ایسه
شهریار — عسکر طاقی او یله بر فکره ذاهب اولور
ایسه آفرینلر او قور الفشلار ایدر او یله می شاهک قور یجیلری
کارخانه بکجیسی وزیر ی عاشق معشوق میانجیسمیدر شو
معتو هلغی براق کیت قور یجیلره امر ویر بو کیجه یارین
کیجه ساعت دردن صکره کوشک اطرافنی طولاشسونلر
بر سلاح سسی ایشتدکلری کبی دأره بی باصسونلر ایکیسنی
ده پاره لسونلر ایکی ملعون ایچون هم دولت الدن کیدیور
هم ناموس شاهی برباد اولیور .

نمشر بن قریمی الموق ایستیوردم انلر بزدن ایرانی المغی
کندیلرنجه دهامناسب کورمشلر.

سلیمان — عسکره بو حقیقتی نصل افهام ایده بیلیرز.
شهریار — پر یخان فساد یایمیه جقسه هر کسدن حتی
بندن کیزلی اوله رق کیجه وقتی بر اسیرک یاننده نیچون
یولنیور.

سلیمان — احتمال که بشقه سبیلرده اوله بیلیر ادب مانع
اولمسیدی سویلردم.

شهریار — (کمال حدت و دقتله سلیمانک یوزینه باقه رق)

سویله باقهیم ؟ رخصت و یردم نه دیمک ایستیورسک ؟

سلیمان — ایکی کنج ... بر برینک کفوی اولدقلر.
ندهده شبهه یوق احتمال که اره لرنده ...

سوز بودرجه یه کلنجه شهریار ایچون پر یخانک و خصو-
صیله کندیسنک عادل کرایه مجبتری وزیرجه معلوم
اولدیغنده هیچ شبهه قالمدی فقط میرزا سلیمانک بو تفرسنه
دلیل اوله جق اوفاجق براماره کوستر ایسه اغراضنی
آماننی بلکه حیاتی اقبالننی اویله بر روباه جه اتدیده نک
اطفار اقتدارینه تسلیم ایدرک پادشاه زوجه لکندن وزیر
اسیرلکنه تنزل ایده جکنی بالبداهه درک ایلدیکیچون قلبنده
ذهنده نه قدر قوت تمکین و شیطننت وار ایسه بریره طو-
پلایه رق بر قاچ ثانیه ایچنده امراض نفسانیه سنه بتون

سليمان — يا افندمر نصل اوليور كه شاهك همبشيره سي
دولتي مضمحل ايتك اچون عسكريني تحريك ايد يورده
حليله سي همسريني . — سلطنتني قورتارمق اچون عسكرك
حركتني فرمان بيورميور .

شهر يار — كيم ديدى ؟ — كا فرمان بيورميور ديه
كيم سويلدى ! آه ! قلمده نه وار ايسه هپسني ميدانه
دو كدرمك ايتيورسك ! بونلرك وجودى اورته دن قالقمدقجه
شاه اچون ده نجات يوقدر دولت اچون ده بنم اچون ده
سنك اچون ده هر كچه پريخان عادللك او طه سنده در
قور يچيلره سويله همان بو كچه دن كوشكه هجوم ايتسونلر
ايكيسنك ده جاتني جهنمه كوندرسونلر .

سليمان — كنديلرينه نه تهمت اسناد ايديم ؟ افند -
مزده اره صره خانزاده نك او طه سنه كيدر مشسكز .
شهر يار — آه ! شمدي كوكلم پاره نيسوي ره جك ! بن
كيدر دم فقط اويالانجى او حياسز خانزاده نك سوزلرينه
وعدلرينه اينانيردم ده كيدر دم كويا حدودى كچه جك ايدى
قريمى بزه وي ره جك ايدى شاهده بيلير .
سليمان — نصل اعتماد بيورديكز .

شهر يار — نصل اعتماد ايتدم ! آه ! نصل اعتماد ايتدم
اوراسنى بنده بيلم حتى پرى ملعونتي ده بن برابر كوتوردم
صاغلقله كوتورميدم بن نه دوشويوردم انلر نه دوشو -

شهریار ایسه هر امری ویرمکه هر تشبثی اختیار
ایتمکه حاضر ایدی فقط میرزا سلیمانک اخلاقی کندبجه
لایتمیه مجرب اولدیغیچون مسندنن وحتی حیاتندن قور-
قوبده شاهه ویا حزه میرزایه کشف راز ایده بیلمسنی
دوشونور. — بویله بر بادریه میدان قلامق ایچون تشبثک
وزیر طرفندن وقوع بولسنی تمنی ایدردی .

ایشته ایکی قوتلی فکر بودرلو مقاصد خفیه ایله
بر برینه یاقلاشمق . — بر بویه اتحاد ایتمک. ایستدیلمیر میرزا
سلیمانک تصورات و تشبثانده محرک اصلی حفظ جاه . —
حفظ اقبال آرزوری ایدی انک ایچون طبیعی مکالماتنده
دائماً تحفظی طوراندی شهریارک افکار و آماننده سائق
وجدانی قهر رقیب . — اخذ انتقام هوسلری ایدی انک
ایچون ایستدیکی کبی مدافعه موقعنده احتیاط حالنده ثبات
ایتمکه مقتدر اولامدی زبرده کی محاورده یازیلان سوزر یله
آچیلغه تجاوز ایتمکه باشلادی .

• شهریار — سبحان الله ! بودرجه اقتدارسز ایسه کز
باری ایشدن چکیلک زده یریکزه بر وزیر بولهلم نصل او -
لیورکه بر اسیرکندی حیاتی باغشلیان میرزانک عسکرلرینه
نوکرلرینه ولی نعمتلی علیهنه حرکت ایتمکه امر ویره -
بیلیورده بر وزیر شاهنی دولتی قورتارمق ایچون او یله
کافر نعمت بر اسیرک محوینه امر ویره میور .

شهریار — بن قادین ایکن فتور کتیرمدن سن وزیر
ایکن عجزمنه حکم ایدرسهک او زمان طبیعی قارش—یلرنده
مقاومت ایده میز .

سلیمان — شاهدن شهزاده دن امداد اولمیجه وزیر
نه یاپه ییلیر .

عجایب اصحاب جنایتی عسکرلر نوکرلر تأدیب ایتمزده
شاهلر شهزاده لری تر بیه ایدر .

سلیمان — استغفرالله ! عسکرلر نوکرلر تأدیب ایدر
فقط انلره تر بیه امرینی کیم ویره جک .

محاوره نك طرزندن لایقیله اكلاشیلیركه كرك شهریارك
كرك میرزا سلیمانك مقصدلری قور یجیلری ایقلاندرمق
و او قوتله پر یخان طاقنك وجودینی ازاله ایتمك ایدی بو
مقصدك اساسیجه ارالرنده بر اختلاف وار ایدی كه اوده
سلیمانك شهریارى آخرت یولنده دیکرله رفیق ایتمك آرزوی
خفینسنده بولمسندن و شهریارك او آرزودن بتون بتون
غافل اولمسندن عبارت ایدی .

بو آرزو مرتباتندن اوله رقی سلیمان خاندان شاهی
اعضاسی نظرنده هر درلو مسؤلیتدن بری کورنمك ایچون
فسادی شهریاره یاپدیرونده خبیثه یی ینه کندی قوردیغی
دامه دوشورمك عزمنده ثبات ایدر و قور یجیلری تحریك
ایچون اقتضا ایدن امرك شهر یار طرفندن ویرلمنی ایستردی .

سليمان — يا بز خيره اعتماد ايدرسه كده صكره شر
ظهور ايدرسه بر فوجه دولت محو اوله جق دكلى !
شهر يار — ار كك دكليسكن ! هيچ انصافكن يوقدر
مع مافيه بر دولتى فتنه دن مصيبتدن قورتارمق اچون لازم
اولان احتياطى . — شدتى اختيار اتمكه ضرورى بن ده
قائل اولورم هم سزه برايكى ساعته قدر و قعه نك كر چكدن
موجود اولوب اولديغنى او كره نيرم اكر موجود ايسه نه
تديير ايله دفع ايده جكن .

سليمان — وقعه يي حضور شاهى يه عرض ايده .

حزمى يز .

شهر يار — سن ديوانه ميسك ! پر يخانك تهمته بزلر
دكل بتون دنيا شهادت ايتسه افندمزه قناعت كله نك
امكانى وارميدر .

سليمان — ميرزا حضرتلرينه خبر كوندرسه ك نصل

اولور .

شهر يار — مملكتك حالندن هيچمى خبرك يوق
جزه نك خاله سنه نه قدر مفتون اولديغنى بيليور ميسك او
مجنونى كو كدن ملك نازل اولسه افتاع ايده مز .

سليمان — ديمك كه عجز حكومه . — اقتدار اصحاب
فتنه يه كچمش آنلر هر ايسدكلاريني ياپه ييله جكلر بز
قارشولنده مقاومت ايده جك بر قوت تدارك ايده ميه جكن .

ده کنديسى فساده داخل اولديسه او حالده پک بيوک بر
تهلکه ايچنده بواندريغىزى تعريف اقتضا ايتز اولكى افاده.
دن مرادم بو حقيقتى عرض ايتک ايدى.

شهر يار — احتمال که هم فساد موجوددر هم على
قولينک معلوماتى يوقدر.

سليمان — او احتمال وارد دکلدري سلطانم چونکه
على قولينک جزمى بکک کتديکنه عباسک هيچ برشيدن
خبرى اولديغنه دائر ويرديكى تأمينات او قدر قوتلى او قدر
اطرافلى ايدى که اکر بو تأمينات صحيح ايسه درويشک
عرضحالى بتون بتون يالان اولمق اقتضا ايدر او عرضحالى.
لك مندرجاتى يالان اولديغنه حکم ايدرسه ک فتنه نك وجو.
دينى دوشونمکه المزده بر اماره قالمز يالان اولديغنه حکم
ايدرسه ک او حالده على قولينک تأميناتى ستر مقصد ايچون
رياهه حمل اولتمق طبيعىدر.

شهر يار — پک اعلا سز ايکى شقک هانکيسنه ده
زياده احتمال وير ييورسکز.

سليمان — قاعده کليه در افندىز! بزشر جهتنى
دوشونه لم تدبيرمى اكا توفيق ايدلم طلعمز خير ظهور
ايدرسه نه غائب ايتش اولورز.

شهر يار — نصل نه غائب ايتش اولورز يهوده يره
بر طاقم تدبيرره قالفيشيله جق بلکه ارده قان دوکوله جک.

سنه قدر کورتورمکه باشلادیکن دیمک یولده کبه بر خاتونه
راست کلسه کز قرنده کی چوجغک یا قز یارکک اولدیغنی ده
تخمین ایده ییله جکسکز .

سلیمان — مرحت بیوریکز ! بنده کز او قدر شایان
استهزا بر کوهزلهک سو یلدم مساعده بیوررسه کز مرامی
ایضاح ایده م .

شهریار استیضاح ایچون چاغردیغمی یلدییکز حالده
ایضاحات ایچون مساعده ایستیشکره انسان نصل کولسون .
سلیمان — سویایه یم افندم ! معهود درویشک عر -

ضحالنده اسملری یازیلی اولان موسی کاظم ایله عباسی
ارادم موسی کاظمی بولسیره مدم میرزا حضرتلرینک یاننه
کیتش عباسی بولسیردم استنطاق ایتدم تهدید ایتدم
داغستانده اولان پدرنی سؤال ایچون جزمی بکی یالکز
بر کره کوردیکنی سویلر افاده سنده اصرار ایله برابر صدق
مقالنه علی قولیخان افشاری ده اشهاد ایدر علی قولیخان
کندیسنی تصدیق ایدیور جزمی بک بورایه کلدیکی زمان
پریخان خان حضرتلریله علی قولیخان کورشدیرمش
ورودینک اوچنجی کونیه جزمی عودت ایلش علی
قولیخانک افاده سی بومر کزده در اکر افشار افندیلرمرک
اعتمادی کبی صادق بر بنده ایسه درویشک عرضحالی
یالاندر او یله ترینب فلان یوقدر یوق تبدیل اخلاق اینوب

مترقبه صورتنده تلقی اولنه جغنی و او جهته کنیدی
عادل ایله پر یخانک تفریق و بلکه افناسنه بر واسطه تحری
ایدرکن وصالرینی تسریع و تسهیله حزه میرزا قدر قوتلی
بر معین پیدا ایتش اوله جغنی تیقن ایدردی .

بو مطالعه لردن طولایی مقصدینه وصول ایچون قابل
اجرا کوردیکی تدبیر قور یجیلری تحریکه منحصر قالمشیدی
بو تحریکک و سائطنی ذهننده ترتیب ایتدیکی صره ده
میرزا سلیمانی ده اتفاقنه اله بیلک امیدلرینه دوشمکه باشلادی
چونکه میرزا سلیمانک ذاتاً اقبالی حزه میرزا سایه سنده حا-
صل اولدیغی کبی آمال استقبالی ده ینه بالطبع وارث سلطنت
اولان حزه میرزایه منحصر ایدی .

بو امید اوزرینه میرزا سلیمانی نزدینه جلب ایدرک شویله
بر محاوره کساد ایلدی .

شهریار — میرزا قلغسای خان حضرتلریله همشیره من
پر یخان حضرتلرینک کمال کرملردن ترتیبینه چالشدقلری
وقعه حقنده الدیغکز روایتی نه درجهیه قدر کوتوره
بیلدیکنز .

سلیمان — والله افندمن ! ایتدیکم تحقیقلره تخمینلره
کوره ترتیب یا هیچ موجود دکلدنر یا پک مکمل اوله رق
موجوددر .

شهریار — میرزا سز فراستی بو کونلرده کرامت درجه-

اعتنا ایتمکه برابر یالکز عادل کرای اتلاف ایله اکتفا
ایتمز پر یخانی ده آخرت سفرنده اکا رفیق ایتک ایستردی .
خییته نك الك بیوک بر قوتی زوجی اوزرینه اعمال ایتدیکی
نفوذ ایدی لکن بو مقصدی ایچون او قوتی استعمالده
مقدر دکلدی چونکه شاه محمد عندنده پر یخانک نأثیری ده
شهریارک غلبه سندن از دکلدی پر یخان علیهنده شاهه
مراجعت ایلدیکی صورتده ایسه پر یخان سؤال کورمدن
مغائب اولق احتمالک خارجنده اولدیغندن بر کره ایش
سؤال وجوابه دوشر و پر یخانک قوه ناطقه سی حقیقت
حالی عادل کرایک انده اولان تذکره ایله مؤید اوله رق
میدانه چیقارسه کندی مزارینی کندی ایله قازمش اوله-
جغنده شبهه سی یوق ایدی) .

ترویج آرزوسنده اوغلی حزه میرزادن استعانه یه ده جسا-
رت ایده مزدی زیرا عادل کرای ایله پر یخانک فساد
ترتیبیله اوغراشدیغندن بحث ایسه خاله سنی مله کلردن
معصوم عد ایدن حزه میرزایی اقناع ایتک قولایلقله قابل
اوله میه جغندن ینه ایش مجاوبه لره مواجهه لره دوشمک او
حالده ایسه ینه وخامت عافیت کندینه قالمق مقرر ایدی
عادل کرای ایله پر یخانک بر لرینه محبتنی سویلک ایستسه
حزه میرزا نظرنده مزیات جلیله لرینه او قدر مفتون اولد-
یغی ایکی وجودک بر لشمک آرزوسنده بولنمی بر نعمت غیر

قدر تبدل ایلدی که بیچاره نك جاننه قصد ایتمکدن بشقه
بر شی دوشونمز اولدی آغوش تهالککندن قاچان عادل
کرای مزار قوحاغنه تسلیم ایتمکدن بشقه ذهنتده بر
آرزو قلمدی .

عزم جلادانه سنك اجر اسنجه دوشوندیکی صورتلردن
اك زياده مزاجنه خوش کلان بر کیجه عادل کرایک او-
طه سنه کیروبده کنسدی باشی اوجنه طوردیغی حالده
خانزاده بی بوغدیر مق ایدی چونکه بو صورت عادل کرایک
کندنجه سوهان جان اولان تذکره سندن بر فقره سنی فعله
چیقار مق اوله جغیچون تذکره دن کوکلنده حصوله کلان
تأثیراتك لایقیله انتقامی المق دیمك اولوردی برده عادل
کرایک جان ویررکن بوندن کوره جکی رغلمره تحقیر لره
قارشی ناز اولسون تعریض اولسون شتم اولسون انکسار
اولسون سویلیه جکی سوزلر کینه پلنکانه سنی ایدن ای
تسکین ایده بیلیدی فقط بولتدن بهره مند اولغه ذهنتده
بر دراو امکان بوله مدی چونکه عادل کرایک پریشان ایله
طرفدارلرینك نکه بانلغندن خالی دوشوره میه جکنه یقینی
وار ایدی .

بوندن بشقه عادل کرایه قصد ایدنجه پیک جانی اولسه
پریشانک قلیچندن خنچرندن برینی قورتاره میه جغنی پک اعلا
بیلیدی کنسدی ایسه حیساتی محافظه نهایت درجه لده

ایکی کیجہ صکرہ ایچون حاضرلدیغندن قرارلینک اجرا -
سنه زمان مساعد اولدی .

— طقوزنجی فصل —

عادل کرایدن شهر یاره کوندریلان صوگ تذ کره البته
خاطرده در .

قاری کندینی امیدینک صبح صفای ظهورنده عمرینک
عید اکبر سعادتنده بیلوب طوررکن عادل کرایدن امید -
ینک املنک بتون بتون خلافتنه اوله رق او یله بر تحقیره
او یله بر تهدیده اوغراینجه عادتا قودورمش عد اولنسه جق
بر حاله کلدی کویا که طمرلرنده قان یرینه ایرین طولاشمغه
باشلامشیدی .

کوکلنده کی اولدتلی محبتلر چوریمش قورتلانمش
میوهلر کی بر زهر ا کین غیظه تحول ایتشیدی ذاتاً سو -
دای خالص دکلدی که مصروف اولدیغی طرفدن حسن
قبول کورمینجه تأثیرینی کندی کوکلنده اجرا ایلسون
عادل کرای آرزوی شهوانیسنه خدمت ایده میه جکنی آچیقندن
آچیفه میدانه قوینجه نظرنده رقیب عالی اولان پر یخاندن
اشنع کورنمکه باشلادی بر قاچ ساعت اول یولنه جان
ویره جکندن بحث ایدن خبیثه بر قاچ ساعت صکره او

سکرنجی فصل

علی قولیخان میرزا سلیمانک مجلسندن ایر یلنجه عباسه
جزمینک داغستانلی اولدیغنه دأر اغزندن قاچردیغی سوز-
دن طولایی دوستانه بر خیلی تو بیخار ایتدکن و آنک
طرفندن ده متأرانه بر چوق اعتذار لر کوردکن صکره
کیجه اولدیغی کبی جزمینک یانته کیتدی میرزا سلیمان
وقعه سنی تفصیلا بیان ایلدی ایکیسی باش باشه و یردی لر
بر خیلی زمان تعاطی افکار ایلدی لر خلاصه مذاکره لر
عادل کرای ایله پر یخانک قان دوکدکن تنفرلینه بر چاره
ارامق اولدی چونکه ایکیسی ده ایش بو درجه ده شیوع
بولدقن صکره بر کون کچیرمک عمر ایچنده یالکز بر کره
اله کچه بیله جک بر فرصتی فوت ایتک حکمنده اولدیغنه
و برایکی کون ایچنده تشبثلری فعله چیقماز ایسه هپسنک
بردن محو اوله جغنه حکم ایتش لرایدی .

پر یخان ایله عادل کرای اقناع ایچون الدن کلان
تدبیره باشلا دیلر حتی اقناع ممکن اولمز ایسه کندی فکر لر یله
حرکته ده قرار و یردی لر حیفا که یوقاریدن بری اوقویه
کلدی کمز هائله نک صوک فصلنی اصل مرتبی اولان شهر یار

معامله‌یه ضمنی بر تهدید ایله مقابله ایتک ایچون سو یلدیکندن او مقاصد حاصل اولدقدن صکره عباسک حبسنی امر ایتمی استنطاقه التزام طبیعیسی داخاندن بر نتیجه ویرمکدن بشقه بر سببه مستند دکلدی او جهته علی قولیخانک تعز- یضنه «مقصدم صحیحاً عباسک حبسی دکلدی سرای شا- هینک بعض دأره‌لرنده اویله بر کفتکو پیدا اولمش مراق اولنش امر الدق هر طرفی تأمین ایچون عباس مسئول طو تدق سو یلدک بریری قالدیغنه دأر هر درلو اشتباهی دفع ایتک ایچون کندیسنی تهدید ایتدک بر شی یوق ایش که سو یلدی ظاهرده افاداته قانع اولدیغمزى کوسترسه ایدک ایتدیگمز تهدیدات حقسنز بر اثر تهور حکمنده قالیردی اوده حکو- متک وقعنه طوقونوردی ذاتاً عباسک حبسنی سزه - سواله ایتدکی حقننده تأمینات ویرمش شفاعت ایش بزدن رخصت ایش اولورسکز کندیسنی ینه خدمتنده ابقا ایدرسکز» سوزلریله مقابله ایلدی علی قولیخان ده الله عمرل ویرسون مقدمه سیله خفیفجه بر تشکر ایدرک ساعتلرجه اره‌لرنده جریان ایدن مسخره‌لکه بو صورتله ختام ویرلدی.

دکلیسک خیث! شمدی یابدقلرینک برر برر طوغریسنی
سویلیه جکسک یوقسه سنک هر اعضا کی دستره لاله پارچه
پارچه ایتدیریرم .

عباس — افدمززه یا کلش خبر ویرمشلر بهم—وده یره
وبالی الیرسکز بن کیم که فتنه قالدیرمغه قالدیشه جغم بنم
کبی عاجزه دنیاده کیم تابع اولور غمرده بر کوپک بسلیوب
ده ارقه مدن کر دیرمکه مقتدر اوله مدم .

سلیمان — سنی ملعون! بو عقلیه حکومتی الداتمغه
چالیشیور صور دیغم شیلری شمدی سویلر سهک جلاد او-
کنده برر برر تقریر ایدرسک خان حضرتلری شمدی بونی
قالدیر کرده قور یجیلرک زنداننده زنجیره اوژیکز .

عباس — حکم الکرده در نه ایسترسه کز یاه بیلیرسکز
مظلوملره الله امداد ایلسون .

عباس بو محاوره نک ختامیه له اوطه دن چیقجه علی
قولیخان حدت وترددن مرکب بر نظاره وزیر ی سوزهرک
«میرزا حضرتلری بو بیچاره بی نه جرمک صاحبی اولد-
یغیچون زندانه آتلم» دیه تقاضایه باشلادی ذاتاً میرزا
سلیمان مبادی محاوره ده عباس-دن هیچ برشی او کر نمک
قابل اوله میه جغنی وهله اکلادیغی حالده صکره کی لقر دیلری
علی قولیخانک تشبثانه وقوفنی کوسترمک و بوس-ورتله
آنک مجاسه سلاح ایله کلمکده اختیار ایلدیکی مناسبتهمز

— (علی قولخان یتہ بی پروا سوزہ قاری شہرق
ہتہ سمانہ) بو دیوانہ می مفسد حیلہ کار اولیور!

عباس — (علی قولخانہ) حامی پک اعلا بیلیرسک
الله ایچون سز سویلیکیز.

میرزا سلیمان — (علی قولخانک سوز یتہ هیچ التفات
ایتمہرک عباسہ) کوه زہلک لازم دکل دیورم صـوردیغم
شیلرہ جواب ویر.

عباس — ایشتہ نہ ارادہ بیور یورسہ کز اکا جواب
ویر یورم یا.

سلیمان — شمدی جزمینک نہ ایچون کلدیکنی بیلیور۔
سک اولہ می؟

عباس — نرہ دن بیلہ حکم عثمانلی طوپراغندن کلش
بر آدم بلکہ ازلدہ روحلرمز بیلہ کور شماش ایکن قوجہ
قزوین ایچندہ سرداش ایتمکہ فقیر عباسی می بولہ حق.

سلیمان — جزمینک نرہدہ اولدیغنی دہ سویلیہ جکسک
دکلی؟

عباس — بن او ادبجکری بر کرہ کوردم افندم او
زماندن بری ایاقلی جانورک نرہیہ کتدیکنی شمدی نرہدہ
اولدیغنی کرامتلہ می بیلہ حکم.

سلیمان — جزمی ایلہ برابر قور یجیلری ایقلاندیردغہ
قالقیشان — ایش طویلدیغنی کبی جزمی بی صاقلایان سن

عباس — شمدي به قدر نه سوال بيورديكرده جواب ويرمدم .

سليمان — جزمي بگله قاچ كره كورشديك .

عباس — يالكز بر كره جك كورشدم آنده ده خان حضرتلري برابر ايدي .

سليمان — طوغري سويله .

عباس — يلان سويلكه آليشق دكلم كه بوتنيهه احتياج اولسون .

سليمان — يلان سويليورسك سكا طوغري سويله ديورم صكره يلانك ميدانه چيقارسه آدمي چارمبخه كررل اوراسني دوشونمزيسك .

عباس — طوغري سويليورم يلانم ظاهر اولورسه ايستديككز جزاي اتمك الكرده در .

سليمان — شمدي جزمينك بورايه نيچون كلديكني بيليورميسك .

عباس — زه دن بيله جكم هيچ بنم كبي فقيرك اغزيته دوشه جك قدر حكمسز برپايش ايچون دشمن مملكتندن بورالزه ادمي كلير .

سليمان — سن تلكي طبيعتلي بر مفسد حيله كاره بكيورسك انساني جلاد انده سويلديرلر .

حائندن خبر صوردم او مبارکده بيلهمدی داغستانلی دکل
ایمش .

سلیمان — یا زهلی ایمش !....

عباس — (کنندینی طوبلایهرق) زهلی اولدیغنی
بيله میورم نهمه لازم که تحقیق ایدیم داغستانلی دکل ایمش
بکا پذیرمدن خبر ویرهمدی .

علی قولیخان — (تعمیره احتیاج کورمکله سوزه
قاریشهرق) خیر افندم داغستانلی ایدی بو بیچاره ننگ پدری
وفات ایتمش انی سو یلامک ایچون داغستانلی اولدیغنی
انتکار ایلدی .

سلیمان — (شبهلی بر طور ایله علی قولیخانه خطاباً)
کورشدکلری زمان سزده حاضر می ایدیکنز .

عباس — علی قولیخاندن سرعتلی طورانهرق)
شبه می وار حاضر ایدیلر یا بن قور یجی نفرلردن بر بیچا-
رهم ضابطم یانمده بولنمدقجه دشمن مملکتندن کلش
بر ادمله نصل کوریشه بیلیم باق ! غریب پدرم وفات ایتمش
خان حضرتلری انصاف ایدوبده بکا خبر ویرمدیلر باری
خبرم اولسیدی بش وقت نمازندن صکره روحنه بر فاتحه
اهدا ایدردم .

سلیمان میترزا — کوهزه لک لازم دکل صوره جغم شیلره

جواب ویر !

مغی دوشوندی فقط تحقیق و دفعیله اوغراشدیغی تشبثاته
اطلاعی بک ناقص اولدیغندن تدابیرینک اکلانه خدمت ایده جک
بعض معلومات المغه اولان شدت احتیاجی تصورینک
اجراسنه امکان ویردی .

بناء علیه ینه علی قولیخانه اعتمادنده بر نقیصه کوستر
مامک نتیسه و « ذاتاً ارهده بر شی یوق که نهیه معلومات
النه جق ایشیدیلان روایتلرک هب اراجیف قیلندن او
لدیغی تین ایدیور اما چاره سز وظیفه ده قصور ایتکه
کلز بر کرده عباسدن سؤال ایدلم بر آدمی استنطاق ایتک
وقع حکومته او قدر خلل ویرمز » مقدمه سیله عباسی
حضورینه دعوت ایلدی شو یولده استنطاقه باشلادی .

سلیمان — جزمی بکی بیلیرمیسک ؟

عباس — فصل جزمی بکی ؟

سلیمان — فصل جزمی بک اوله جق شمشالدن پر یخان
افدمزه هدیه کتیرمک بهانه سیله عثمانلی طو پراغندن کلان
جزمی بکی !

عباس — داغستاندن بر خیلی زمان اول بر میرزا
جزمی کلشیدی سؤال یسوردیغکز آدم او ایسه بر کره
کورشمش ایدم .

سلیمان — نه مناسبتله کورشدک .

عباس — داغستاینده پیرفانی بر پدرم وار ایدی آنک

اصحاب اتفاقك اك بيوك استنادكاهى اولان خاندان شاهى
اعضاسنى عليه بر قوه احتياط كنى ترك ايتك وبوصو -
رتله هر بلايى كندى اوزرينه دعوت ايلمكن هر نه
يايله جق ايسه دفعه ياپلق و طوپلانه بيله جك قوت فتنه نك
روحى مثابه سنده اولان پرىخان وعادل كراى عليهنده
استعمال اولمق تدبيرىنى بيك قات مرجح كوردى .

اوجهته على قولخان قارشو يته استمالته اغفال
مسلكنده دوام ايتك رآينده بولندى جزمينك عودتنه
متعلق بيان ايلدىكى تحقيقاته تماميله اينانمش كى كورند -
كدن بشقه على قولخانك بويله بر روايته او قدر اهميت
و يريلير ايسه حكومتك وقعنه خلل كله جكنه دارو يردىكى
رأى كويانهايت درجدهه تقدير ايله تلقى ايدرك خدمت
شاهيده على قولخان كى نظر حكيم اصحابندن كوردىكى
معاونتى كندنجه مدار موفقيت و باعث مفخرت بيلدىكنى
برلسان اطرا ايله بيان ايلدى بو تملقلردن مرادى ايسه
ممكن اولديغى قدر على قولخانى حسن اعتماد و خلوص
نيته اقناع ايتك و بوصورت ممكن اوله مز ايسه بارى على
قولخانك اطوارندن همان همان باشلايه جق كى كورينان
اعلان خصومت داهيه سنى بر مدت تأخير ايله كندى
تشبثاتنى اكمل ايلك ايدى ميرزا سليمان على قولخان
برقات دها اعتماد و يرمك امچون عباسى ده يانته چاغرما -

جزمی به برقات دها احتیاط و اختفا توصیه ایتدکن
و عباسه اقتضا ایدن تعلیماتی ویردکن صکره کوکلنده
خوفدن اندیشه دن ذره قدر بر اثر موجود اولدیغی حالده
قورقو حائنده کورنمکله وزیر ی تهید ایچون بولندیغی
عسکرلک صفتنک مرتباتدن استفاده ایدرک کنسیده
توابعی ده سلاحه مستغرق اولدیغی حالده وزیرک مجاسنه
عودتلیله جزمینک حالا قزوینده بولندیغنه دأر اولان
روایت صرف موهوم اولدیغی وکلدیکنک اوچنجی کونی
کیتدیکنه برقاچ یوز شاهد اوله رق اراده اولنور ایسه
آنلری وزیرک حضورینه جلب ایله حقیقتی اوکرنمک ممکن
بولندیغی و فقط بویله اصلسز برروایتیه او قدر اهمیت
ویریلور ایسه خلق ایچنده برطاقم کفتکولر پیدا اولندقدن
بشقه حکومتک وقعنه ده خلل کله جکنی سویلدی وزیرک
امرینه امثالاً عباسی برابر کتیردیکنی ده علاوه ایلدی .

میرزا سلیمان بو افاده لر دن هم جزمینک قزوینده هم ده
علی قولیخانک جزمی بی ویرمامک عزمنده بولندیغنه یقین
حاصل ایتشیدی فقط اعتقادینک اظهارنده بر فائده کورمد-
یکندن اجنبی بر آدمک وجود و عدمندن حکومت علیهنه
ایدیلان تشبثانجه بز یوک تأثیر اوله میه جنی مطالعه لریله
تسلی بولور و علی قولیخان آچیقدن آچیغه تعرض ایدوب ده
مقصدینک عمومیتنه خدمت ایده میه جک بر فتنه احدائیه

جرمینک اختفا کاهنی ایسه بر کندی برده کندی
 اول مناسبت پیدا ایتدیکی عباس بیلرردی عباس فی الحقیقه
 اوائل مصلحتده کار کنارلغنه بر ازده طمعکارلق قارشدیر-
 مشسهده جزمیدن علی قولیخاندن کوردیکی احسانلر آرزو-
 سنک بر قاچقات فوقنه چیققدن بشقه کیردیکی مسکده مشرب
 لوندا نه سنه فوق الغایه توافق ایلدیکندن دنیاده مقصدی
 اغورینه چالشمدن فدا کارلق ایتکدن بیوک لذت و آرزو
 کوره مامکه باشلامش و بناء علیه علی قولیخان نظرنده
 ظاهرده عادی بر قور یچی اولغله برابر حقیقتده اک امنیتلی
 اک قیمتلی بر رفیق اولوق مزیتنی قزانمش ایدی .

ایشته بو جهتلرله علی قولیخان تشبث نه درجه میدانه
 چیقمش اولسه کندیسنک اشتراکی میدانه چیقیمه جغندن
 بتون بتونه امین اولدیغی کبی پریخان و خصوصیه شهر یاریک
 جایه مطلقه سیله برابر میرزا سلیمانک او یله دلیل سز شبهه-
 لرله حقنده فنالق یامغه جسارت ایده میه جکندن ده مطمئن
 ایدی مع مافیه میرزا سلیمان طرفندن خلاف مأمول بر تسلطه
 قیام اولنور ایسه اکا مقابله خصوصنده دخی هر وقت
 یشنه سپر ایده بیله جکی بش التی بیک قلیجه کوه نور ایدی .
 احتیاطی اقتداری بو درجهده اولان علی قولیخان
 طبیعی وزیرک نه بعض تفرعاته حاصل ایتدیکی وقوفدن نه ده
 کندی حقنده کوستردیکی اتهام ضمنیدن احتراز ایلدی .

پریخانک خصوصت مشترک سنه هدف اواق مخاطره سی
اولسه علی قولیخانک ازاله سنی دنیانک اک قولای ایشلرندن
صایوب طوررکن محاورده کوستردیکی مکانت لاقیدانه دن
خانک محافظه حیاتبجه تمامیه امنیت بخش اوله جق قدر
بیوک بر قوته مالک اولدیغنه یقین حاصل ایتشیدی .

علی قولیخان فی الحقیقه جزمی واسطه سیله مقصده
داخل اولمشه ده شاید کندی بر بلایه اوغراسه ارده کی
واسطه اتصال ایله عادل کرای و پریخانیه مخاطره سنه
تشریک ایتماک ایچون جزمی بی بتون بتون عالم اختفایه
چکمش ایدی قوریمی رؤساسندن کندینک ایشده مدخلی
موسی کاظمین بشقه هیچ کیسه عین الیقین بیلز ایدی
چونکه مبادی تشبثنده رتبه سنک کوچکلکیله برابر
استقامت اخلاقی جهتیله چرکسلر . داغستانلیلر عندنده
محبوب قاوب اولان موسی کاظمی جزمی ایله اصحاب
اتفاق ارسنده واسطه ایتش و جمعیتک ریاستی انلره منحصر
کوسترمشیدی .

افراد جمعیت لزومی قدر چوغالدقدن صکره او واسطه
اتصالیه اورته دن قالدیرمق ایچون موسی کاظمی جزه
میرزانک یانسه کوندردی موسی کاظمک کیدرکن اصحاب
اتفاقه و یردیکی تعلیمات جزمیدن یابالذات و یا تحریراً
و یریله جک اوامرہ اتباع اولمسنی توصیه دن عبارت ایدی .

کلدیکندن ضرورت کورندیکی حالدہ بر قاچ فدایی قوتیلہ
و جودینی اورتہ دن قالدیر مق دخی اصحاب جمعیتجہ اسهل
امور عد اولنوردی پر یخان اعضای خاندانندن هیچ
بریسنه حتی نظرندہ اجلندن بیلہ متفرد اولان شهر یارہ
قصد اولندیغنی قطعاً ایستہ مز وعادل کرای ایسہ جانانک
بوفکر کریمانہ سنہ بیک جان ایلہ اشترک ایدردی علی
قولیخانہ کورہ ایسہ عموم خاندان صفوی اعضاسنک حیاتی
مقصدینہ متعلق الک کوچک بر فائده ایچون فدا ایتک اسهل
امور اولغله برابر مسلککنجه پر یخان ایلہ عادل کرایک امرینہ
اتباع مجبور یتندہ بولندیغندن وایدیلہ جک حرکتی حکومتدن
ازالہ ایدیلہ جک ذواتک فقط حیاتیلہ برابر آرزو اولنان
نتیجہ ایصال ایدہ بیلہ جکنہ دائر و یردیکی تأمینات مغفلا-
نہسی ایلہ اوایکی ذهن عاقبت بینی اقناعہ بر درلو مقدر
اولہ مدیغندن اوغراشیلان مقصد مقدسی قان ایلہ لکهدار
ایتمامک عزم قطعسی دە اجرا آتک تأخرینہ برقات دہا
یاردم ایدردی .

یوقاریکی محاورہنک قیصہ لغندن .- صغوقلغندن .-
بی پروالغندن دە ا کلاشیلیر کہ علی قولیخان سلیمان میرزا-
دن جرمی لفظنی ایشیدر ایشمز ایشک بر درجہ یہ قدر
وزیرہ عکس ایش اولدیغنی تمامیلہ تفرس ایلدیکی کبی
میرزا سلیمان دە بو محاورہ کلنجہ یہ قدر شهر یارک .-

ومر حتمه وموجب شكایت اوله جق هر فعلی سائرلك ظم
وتسلطنه محمول اوله كلديكندن ظهور ایدن انقلاب يالكز
عليل وعاجز بر آدمك ازوای طبعیسی اعلان اولمش وآنك
نامنه بيك درلوعتسافات ايله مألوف اولان بر قاچ متغلب
اورته دن قالدیرلمش حكمنده كورینه جكنسه نظراً هر كس
طرفدن كمال ممنونیتله قبول اولتمق علی قولیخانك اعتقاد
دنبه محقق ایدی بلكه حزه میرزانك بيله خاله سنك خصا
ئل عالیه سنه كوستردیكى مفتونیت قوتیله بر درجه یه قدر
اداره سی قابل اولوردی فقط شهریار حیاطده براقلسه حزه
میرزایه خاله سندن زیاده تأثیر نفوذ ایتدیره بیلك مخاطره سی
میدانده اولدیغندن واولدیرلسه حزه میرزایه هم والده سنك
قائندن هم اجدادینك سلطنتندن ال چكدیرمك ممكن او-
له میه جغندن عموم اصحاب جمعیتك اتفایقه تصور اولنان
انقلابك اجراسی میرزانك حدود بوینده حرب ايله اشتغالی
زمانه تعلیق اولمشیدی چونكه حزه میرزا ایچون
عثمانلی اردولرینك هدف مهاجراتنده ایكن مرکز سلطنتده
بویله بر حادثه ظهور ایدنبه ایکی آتش ارسندن كندینی
قورتاروبده والده انتقامی وسلطنت میرائی داعیه لر یله او-
غراشمغه میدان بولمق ومیدان اولسه بيله نتیجه سنده موفق
اولمق احتمالك خارجنده كورینوردی بوندن بشقه میرزا
شجاعت مفرطه سی جهتیله دائماً تهلكه لی موقعلرده بولنه

سليمان — خير! جزى بوراده اوله جق .
على قولخان — بوراده ايسه شمدى كيدر بولديرم
سليمان — سزك قوريجيلرده داغستانلى برموسى كاظم
ايله برده عباس وار ايمش انلرى ده ايستم .
على قولخان — عباسى كتيرهلم موسى كاظم حزه ميرزا
حضر تولىه كيتشدى بك لازم ايسه جلبيجون آدم كوندرك
اقتضا ايدر .

سليمان — او قدر لزومى يوق بردانه سى ده كافيدر .
على — (قبودن چيقارق) شمدى كيدر اقتضاسنه
باقارم .

على قولخان فى الحقيقه ميرزا سليمانك ظنى كى پريخان
تشبثاتك مركزى ايدى چركس وداغستانلیدن طوغريدن
طوغرى به حكيمى آلتنده وياخود جنسيت و سنيت مناسبتيله
كندينه ارتباط معنوى حالنده بولن ان آتى ايدى بيك قدر
قوريجينك رؤسا و خيرشناسانه مقصدى قبول ايتديرديكندن
همان ايستديكى ساعتده تقليب دولت اقتدارينى ده حاز
اولمشيدى هله بر كره پريخانك سلطنتى اعلان ايدلك
لازم كلسه اساس اداره سنى تحكيم ايدنجيه به قدر طبيعى
مذهب داعيه سى مستور طوتيله جفته و قز ايسه شاه اسماعيل
وقعه سندن برى ايرانك حكمدار معنويسى بيلنديكى كى
حكومتك خلقى ممنون ايده جك هر حركتى پريخانك در ايت

ترتب ایدہ جک لکھی تصویر دہ ذرہ قدر قصور ایتد کدن
صکرہ عسکر قوتیلہ بو ایکی قاری بی معشوق لریلہ برابر دولتک
باشندن دفع ایتک ایچون اقتضا ایدن تشبثاتی خانک غیرتہ
حوالہ ایتدی .

رستم خاندن بو یولده ایستدیکی کبی مواعید الدقندن
صکرہ علی قولیخانانی یاتنه دعوت ایلدی ارہ لرنده کچن
محاورہ شودر .

سلیمان — شمخالدن پر یخانہ جزمی بک نامندہ بر آدم
کلش .

علی قولیخان — اوت کلشیدی بعض هدایاسی وار
ایدی قولکرزہ مراجعت ایتدی کندم کورشدم .
سلیمان — بن بو دولتک بیکانہ سی میم بکا نیچون خبر
ویرمدیکر؟

علی قولیخان — دولجہ ایشی اولیان عادی ہدیہ
ایلہ کلش بر آدمی خبر ویربده بو قدر مشاغل ارسندہ
تصدیعه لزوم کوردماشدم .

سلیمان — بالعکس الزم ایدی جزمینک بورایہ بشقہ مقصد
اوزرینہ کلدیکی تحقق ایلدی اوزمان ورودندن خبرم
اولسیدی یابدیغی فسادی دہا مبادیسندن منع ایتمش او-
لوردق شمعی جزمی نرہدہ ایسہ بولدیر بکرزہ بکا کتیر بکرزہ-
علی قولیخان — جزمی دہا اوزمان عودت ایتشیدی .

پریخانہ مربوط اولدقندن بشقه تدابیر کایه سیله شهر یارلرده
فوق العاده امنیتنی قزاقمش بر داهیه اولدیغندن حقنده بویله
بر حرکتہ تشبث ایتدیکی کبی ینه ایکسینک خصومت مشتر-
که سنه هدف اوله جغنی و بیک جانی اولسه اللرندن قورتیله-
میه جغنی مطالعه ایلدیکندن علی قولیخاننی محرمیتنه الهرق
و بو صورتله آنکده منویاتنه محرم اولهرق اجراءت زماننده
حرکتنی تعطیل ایتک رأینه قرار ویردی .

اصل کنسینک اعتمادی ایسه قورمچیلردن مازندران
تفتکچیلرینک ضابطنی اولان وشاه عباس زماننده روان
مدافعه سنده بر شهرت فوق العاده استحصال ایدن میرفتاحک
— جد مادریمی بولنان رستم خانه ایدی .

رستم خان بر جرأت پلنکانه ایله برابر حیل سیاسییه ده
بر مهارت روبهانه یه مالک و عسکرینه نفوذی غالب بر آدم
اولهرق میرزا سلیمان ایسه حرمت و نسبت فوق العاده سی
اولدیغندن هر امرینه هم اطاعت ایدر هم ده عسکرینی
اطاعت ایتدیردی .

بو جهتله میرزا سلیمان اولا رستم خانی جلب ایدرک
ماجرائی تفصیل ایتدکن و ایرانده او یله سنی بر دولت
تشکلندن کندیلرینه و عمومه عارض اوله جق مضراتک
هر جهتنی و خصوصیه پریخان ایله شهر یار طرفندن عادل
کرایه کوسه تریلان محبتدن عرض حکومت و ناموس ملتہ

آندن استعانه به زمان مساعد دکلدی اولسه ده استعانه
ایتمزدی چونکه حزه میرزا طوغدیغی زمان والده سنک
اغوش تربیه سنده نه قدر زبون ایسه او یاشنده دخی پنجه
درایتنده او صورتله مغلوب اولدیغندن برسوزینه اینتاماق
مقابله ایتمک احتمالی اولدیغنه و پریخانک ایسه خصائل عا -
لیه سنی کندینه قبله اقتدا عد ایتدیکیچون حقنده بر - سوء
ظن وقوعی ییله کفر منزله سنده طوته جفنه امین ایدی .
بوجهته میرزا سلیمانک سرمایه اقتداری کندی درا -
یتنه انحصار ایتشیدی عزمنک اجرا سیچون بوله ییلدیکی تدبیر
ایسه - شهریار ایله محاوره ایدرکن بیک درلو مخاطره سندن
بحث ایلدیکی قوریچی ایقلاندیرمق خصوصندن عبارت
ایدی .

ایران دولتیجه اک عاجل اولان مخاطره عادل کرای
و پریخان اتقاقی اوله رق بونلرک تشبثی ایسه سنیلک نامنه
اولدیغندن اللرنده کی وسائطک مرکزی چرکس و داغستانلی
قوریجیلرک ضابطی اولان علی قولیخان اوله جغی میرزا
سلیمان کوره بدیهیاتدن ایدی او جهته میرزا سلیمان علی
قولیخان اورتهدن قالدیرمق و معیتنده بولنان قوریجیلری
همان حدود اوزرینه سوق ایدویر مکه ترتیبات فتنه بی
وسائط اجرادن محروم برافغی دوشونمز دکلدی .
نه فائده سی وارکه علی قولیخان جنسیت علاقه سیله

بر آدمی قبول ایتمک احتمالی ارلمدیغنی دوشونهرک اوخلیادان
بتون بتون فارغ اولدی .

بوندن بشقه شهریارک عصمتی ایرانجه پکده مصدق
اولدیغندن کندی ایله اولان محاوره سننده تهوره اغزندن
قاچردیغنی سوزلراچون صکره دن اختیار ایتدیکی تآویلارک
میرزا سلیمان نظرنده هیچ حکمی اولماش یعنی عادل کرایه
آنک دخی ابتلاسنه تمامیه احتمال ویرمشیدی .

بویله درایت مردانه وجسارت متحکمانه مالک ایکی
قادینک امراض نفسانیه نک اشدی اولان محبت ورقات
سائقه سیله ایران دولتی خطرکاه اضمحلاله دوشوره جک
بیک درلو تشبثله قالمشمدن کری طورمدققرینی و بوندن
صکره ده طورمیه جققرینی و بو تشبثلرک ایسه وزارتی حسبیه
اک بیوک مسؤالیتی و بلکه اک بیوک مهلکه سی کندینه عائد
اوله جغنی دوشوندی کرک قادینلری کرک عادل کرایه زندانه
واقتضا ایدرسه مزاره کوندرمکه حاضرلنان ودها حاضر-
لنسی محتمل اولان فتنه لرک اوکنی المغه عزم ایلدی .

بو یولده شاهه مراجعت ایتسه سوز اکلانمغه مقتدر
اوله میه جغنی و بلکه پریخان ایله شهر یاری کندینه خصم
جان ایده جکی جهته انلرک اتهامات مشترکه لری ارسننده
ازیلوب محو اوله اوله جغنی بیلیردی حمزه میرزا برقاچ کون
اول عسکر جمعیه چون مملکتدن چیقمش اولدیغیچون

امور نی بتون بتون میرزا سلیمان اداره ایدر و فقط کلیاتده
پریخان ایله شهریارک غلبه عرفان ونفوذندن استقلال
اداره بی قورتارمغه مقتدر اوله مزدی .

عادل کرای حادثه سنی ایشیدنجه خانزاده نک سیمواندام
ومشرب ومشوارنده اولان جاذبه خطر ربایه نظراً
پریخانک بوکا مقتونیتنده هیچ اشتباه ایتدیکی کبی قرک
شمخال اقر باسندن اولمغه برابر برید غالبه ودرایت فوق
العاده یه مالک بولنمی جهتلیله ایران حکومتک بولندیغی
عجز تام ارسنده محبوبنی تحت سلطنته چیقارمق هوسته
دوشمنی پک عقله ملایم کورر و بویله بر تشبثده پریخانک
یالکز چرکس طاقندن دکل مشهر اولان اخلاق کریمه سی
مناسبتیله — بر ظلم اجانکداز التنده ازلمکده بولنان —
عجملردن بیله معاونت کوره جکنی یقیناً بیلیدی .

حتی پریخانک مالک اولدیغی درایت عموم عندنده
حاصل ایتدیکی مقبولیته اولان اعتمادندن ایدی که کنیدی
نکاحنه الوبده او قوتله ایران دولتنی اداره ایتک آنک
دخی اخص مقصدندن ایدی .

فقط عادل کرای کبی اصالت فطریه ولطافت
جسمانیه ایله متحلی بر نوجوان طوررکن پریخانک طبیعت
بدایع پسندانه سی او یله عوام ارسندن یغشمش التمش یاشنده

قتله بر خطا كلك لازم كلسه كاغد النده در بنم پيا جغمدن
بر قاچ قات زياده تشهـير ايدر عسکر اولديغى حالده
يو يولده جلا دلغى ده كوزه اليور كوكلكرك فوقنه چيقسه كز
پرلك دپينه كچسه كز سزى بر ساعت يشاتمز .

ال التندن بر حر كتكزى ده ايشتميه يم بيليرسـكز كه
تحقيقه مقتدرم اكر ايشيديرسهم بزم خاندانده قليجه كوپك
قاتى بولاشد يرمق مشوم صايلير اما اوشامتى ده ارتكاب
ايدر سزى الله مالك جحيمه تسليم ايلرم عقاكى باشكه آل
بردن فارغ اول
عادل

كوي اكه تذكره دكل بر صاعقه ايدى شهر ياره واصل
اولور اولمز حاضرليه طورديغى دخه فساد بردن بره
فوران ايتدى كيمه طوقوندى ايسه محو و برباد ايلدى .

— یدنجی فصل —

ميرزا سليمانك شهر يار ايله اولان صحبتنى يوقارنده
بيان ايتشيدك .

شاهك ادراك و اخلاقجه اولان ضعفنه برده معلوليت
حتضم اولمق جهتيله وجوديله عدمى مساوى اولديغى كى
حوزه ميرزاده عسکرلكدن بشقه لوازم حكومتك هيچ
بر جهتمنده وقوف اولمديغندن دولت ايرانيهك فروعات

زنجی به بکره‌یان بر اعجوبه روزگارہ میل ایتک نصل ممکن
اولسون .

زوجکرتک نعمتی اوغلکرتک حیثیتی صاچکرتک آقتی
اشتهاکرتک دناقتی دوشونکرده بدن پر یخاندن فارغ
اولکرتک! اقشام بیچاره‌یه ایتدیکرکرتک اذاری اوکرندم تکرار
ایدرسه کز انتقامی زبایلره الديرمغه مجبور اوله جغم .

عقلکرتی باشکره دوشوریکرتک مکتوبکرتک الده سند
طور ییور بردها پر یخانکده بنمده حتی نامری لسانه آلیر
سه کز قزوینده هر حرفی آری آری کوزدن کچیرمدک
بر آدم براقیه جغمه پر یخانک حیاتنه یمین ایله سزی تأمین
ایدرم اما بنی‌ده بو یولده اتلاف ایدرلمش پر یخان صاغ
اولسون ذاتاً دنیانک نه صفاسنی سوردم که آخرته کیتمدکن
قاچنهم هیچ اولرسه الیکرتده شهید اولورده جناب حقندن
مکافاتنی کور یررم .

اسیرم بنی بر کیجه بوغذیر یو یرمک تسمیم ایتدیرمک
قولای الیکرتدن کلیر اوراسنی بیلیم فقط سزده شوراسنی
بیلیکرتکه بو کون قزوینده برادرم وار هر درلو استقبالی
آچیق هر درلو اقبالی حاضر یاشی دها یکر می بشه هتوز
وارمش عناصرینک حالی عمر طبیعی به قدر یاشامغه مستعد
ثروتی مدت عمرینی سعادت ایچنده کچیرمکه کافی ایکن
هرنه دن ایسه بنم یولده فدای جان ایتکه مراق ایلییور

یوتد کره بی الدیغی کبی قارینک پریخانہ ایتدیکی جفاره
حقارتلره خصوصیه بایفینلق بختنه هیچ طاقت کتیره -
هدیکندن والنده کی قوتی جانورک اطفار تسلطنی سوکهرک
شرندن کرک کندینی کرک پریخانای بتون بتون قورتار -
هغه کافی کوردیکندن همان شوکاغدی تسوید ایله
اولدیغی کبیجه شهر یاره کوندرمک احتیاطسزلانندن کندینی
اله مامشدی .

﴿ صورت تذکره ﴾

(عادل کرایدن شهر یاره)

سیما کرک بو حالیه برابر سزه ضروری کوستردیکم
یالانجی محبت اماره لینه جداً اینانیدیگره قائل اولوق ایرانده
هیچ آینه کورمامکه توقف ایدر ! مسخره لک پک اوزادی !
قرق یاشنده برقادینه یکرمی درت یاشنده بر آدم محبت
ایده میه جکنی البته سزده بیلیرسکز .

میل معالی ایله متصف اولان بر کوکل پریخان کبی
الهی بر نور مجسم امیدانده کزینوب طوررکن سنک کبی
سیرتنک ظلمتی چهره سنک روحسز بیاضلغی ایله دوز کونلی

ماجرایی و معهود تذکره‌نک سبب تحریرینی اطرافیه
اکلادی کندیله شهریار اره‌سنده گذران ایدن حادثه‌ینی
دوشونمکه باشلادی واقعا اعتقادنجه عادل کرایه اولان
محببتی و خصوصیه عادل کرایک کندینه کوستردیکی میلی
اعتراف ایتسی بر یوک خطا ایدی شو قدر وار که قاری
ذاتاً کندی محبتی تمامیه او کرمش اولدیغندن انکارکده
بر فائده‌سی اوله‌مز ایدی .

عادل کرایک کندینه اولان میلنه کلنجه شهریار
ایچون النده کی تذکره طوررکن بو باده ایشتدیکی سوزله
اعتماد ایتک ممکن دکل ایدی که قوللاندیغی لسانندن عادل
کرایه بر مضرت ترتب ایده بیلک خاطره کاسون کندینک
مکتوبی او قوددیغی صرده کوستردیکی یأس . — وجودینه
عارض اولان با یغینقله ساخته اوله بیلک قابلیتی بتون بتون
غائب ایلدیکندن شهریاره کندینسک عادل کرایدن بتون
بتون قطع امید ایتدیکنه اطمینان تام کتیرمش او اسنده
اشتباه اولنه‌مز دی بناء علیه پر یخان بو حادثه‌نک ظهورینی
شهریاری اغفالدده شمدی‌یه قدر ایتدیکی تدبیرک کافه‌سندن
مؤثر کوردیکی ایچون پک یوک تشکرله تحمیدله شایان
بر اعانه غیبیه عد ایدی .

بو شوق ایله همان قای الیه الارق کندی ماجراسنی
ده بر مفصل تذکره ایله بیان ایلدی حیفا که عادل کرای

وجودینه عارض اولان اور پرمک کتدکجه تزايد ایتدیکندن
یتاغنه چکلدی فقط غائب ایتدیکی آمالنگ حسرتیله
اولزدن دفن اولمش ده مزارنده دیرلمش بر بیچاره کبی
زماننی حیاتنگ ده ممانگ ده آلامنه قیاس قبول ایتیه جک بر
غریب عذاب ایچنده کچردی ودوشدیکی مضیق بلادن
قورتلوق ایچون هر نه جهته عطف نظر ایلسه قارشیسندن
عادل کرایک محبتندن محروم اولوق کبی خاک فنا قدر
دهشتلی بر سداستحاله پیدا اولدیغندن بر فرجه نجات
تدارکنی طاقت بشردن خارج کوریردی .

بو حال جاخراش ایچنده صباحه چیقیدیغنی ودوشونه
دوشونه برشی دوشمنکه بیلک اقتداردن کسیدیکی بر زمانده
ایدی که محرمی اولان جاریه لردن بری یاننه کیردی وینه
محرملردن بر قوریمچینک کتیردیکنی سویلیهرک یتاغنه
بر مکتوب براقدی .

پریخان مکتوبک کاغدینه باقوبده عادل کرایدن
اولدیغنی اکلادیغنی کبی کرامت محبت قدرتنی اظهار
ایدک وجدانی یرندن اوینادی فکرنده کی پرده شک مرتفع
اولدی کاغدک مألنی طبقی طبقنه کشف ایلدی .

مخشرده مزارندن قیام ایدن التفاتپورردکان الهی کبی
تعریفی ناقابل بر شوق ایله یتاغندن فرلادی مکتوبی
آجدی او کیجه عادل کرای ایله شهر یارینینده ظهور ایدن

آلہرق صیدینک قانی اچوبده یواسنه توجه ایدن اژدرل
کی صالنه صالنه او طه سنه چکلدی .

زواللی پریخان وجودینه عارض اولان بیخودلک
حالی طبیعتک قوتی و کنجلیکنک یاردمیله برابر انجق ایکی
ساعتده دفع ایده بیلش ایدی فکرینی ایسه آیلدقدن
صکرده بر ساعت اچنده انجق طو پلایه بیلدی .

• اک اول ذهننه تبادر ایدن مطالعه عادل کرایک
تذکره سی ایدی خانزاده بی صحیحاً روحندن زیاده سور
کندینی ده اکابر حیوة ثانیه بیلکی لوازم عمرندن . — احتیاء
جات انسانیه سندن عدایلر ایکن نظرنده بو تذکره عادلک
کندیسنه اولان او قدر التفاتلرینی او قدر محبتلرینی یالکر
جه اسارتدن قورتلق و یاخود بر اقباله نائل اولق اچون
ترتیب اولمش دسایس کاذبه دن عبارت کی کوسترنجه
دنیاده هیچ بر شئیته حتی کندی وارلغنه یله اعتمادی قالمغنه
باشلادی او وقته قدر نظرنده حیاتدن مقصد عادل
کرایدن کوردیکی التفاتلر ایدی انلرکده یالانجی اولدیغنه
حکم ایدنجه مقصد حیاتی اولکه منحصر اولدی کندینی
پنجره دن آتیوربده دنیانک آلامندن بر ایکی دقیقه اذیتله
قورتلغی نفسنجه اک بیوک سعادتلردن عد ایدردی فقط بر
یوفا اچون ترک جان ایدرک رقیبنی ارقه سندن کولدرمک
کوکلی چاره خلاص بیلدیکی او یله بر حر کتدن ده منع ایلر ایدی .

عادلک یالکز شهر یاری او ییلامق ایچون یازدیغی « بنی
کر چکدن سودیککزده برده بو حالدن قورتاره جغکز قطعی
بر جواب ویریکز » عباره سنه کلنجه بو لقر دینک عادل
کرای طرفندن او کونه قدر طوتیلان اداره کلام طرزینه
بکزر هیچ بریرینی کوره مدیکندن روحی وجودندن انتزاع
ایتمش کبی برحاله کلدی .

چهره سنده بر طمله قان . — اعضا سنک هیچ بر
یرنده جزوی بر حرکت اثری قلمدی انسان ایکن طاشدن
یا بیلش بر تصویره بکزه دی یالکز تذکره بی شهر یارک چهره -
سنه فرلاتمغه برده « سزه مبارک اولسون ! » دیمکه مقتدر
اوله بیلدی کوزلرینی شهر یاره دیکه رک ایکی اوچ ثانیه
میتانه بر نظره اندانی سوزدکن صکره اللری کلیدلندی
بایلمدی بر جسم جامد کبی یتاغنه سر بیلدی شهر یار
باشی او جنده او یله بر نشاطلی او یله بر مسرتلی طرز ایله
بیچاره نك حالی تماشا ایدردی که خارجدن بری کورسه
آنک حیاتی ده کنیدی عمرینه علاوه اولنش قیاس
ایده بیلیردی .

قاری بو ملعون انتقامندن طویه طویه استفاده
ایتدکن و خصوصیه بر یخانی هر نصل اولسه ازدیکنه
وعادل ایله اره سنده آرتق هیچ بر حائل قلمدیغنه بر امنیت
دیگر حاصل ایلمدکن صکره خانزاده نك تذکره سنی یردن

دو کله زنجیر را اچننده این ایت ! بزم دنیا ده آخرته
سوره جگمز صفاری دوشون ! سن حسد کدن قودور !
هر دقیقه بر کره کنديکی یه یه بیتیرینه و جوده کل
هر زمان دکشد کجه عذابک بر کره دهها تجمدد ایتسون .
شهر یار — شمدي عادل سنک اچون اولور اویله می .
پریخان — آنک یرینه سن کبر ! اقتضا ایدرسه اولور
نهظن ایتدک ؟ سوز بورایه منجر اولنجه شهر یار پریخانک
کولشیرینه تقلید یولنده فقط دهها اوزون دهها آچیق بر
قهقهه دن صکره « بعض حقیقت اولیور که قرانلقده
کورنسی قابل اوله میور » دیهرک یرندن فرلادی دیشاریده
براقدیغی مومی کتیردی قوینندن عادل کرایدن الدیغی
مکتوبی چیقاردی « شونی اوقور میسکز » دیدی پریخانه
اوزانندی .

پریخان بو تکلیفه « هر نقطه سی جکر بکه بر داغ
سیاه اولسون نهه لازم » سوز یله مقابله ایتدکن وشهر-
یاردن خانزاده نکدر اوقویکزده باق نه اکلار سکز جوانی
الدقن صکره کاغدی قاپدی شهر یار النده کی مومی
پریخانک یاننده بولنان بر اسکمله نک یانسه براقدی « غایت
مستهز یانه بر طرز ایله عادل کرایکز سزه مبارک اولسون »
دیدی پریخانک یانندن براقچ ادم کری چکلدی .
پریخان مکتوبی یوقاریدن اشانی اوقورکن بیچاره

ایچه بیلیه مامشک بن عادل سو یورسه م وجودیمی اور-
 ته دن قالدیروبده سنک کبی بر فاحشه نك النه ترك ایتک
 اچونمی سو یورم صانیرسک بالله سو یلرم ! هم سوقاغه
 فیرلارده بتون قزوین خلقنه ایشتدیره جک کبی سو یلرم
 اما عادل تلف ایده جکر مرش ذاتی بنده حیاته ده قاله جق
 دکلم یا ! بن غائب اولدق دن صکره عادل سنک کبی قودوز
 مزاجلی معا و نلر تلف ایتسه او کندی کندینی اتلاف
 ایدر بز بر بر یزدن صکره دنیا ده بر دقیقه یاشامغی عذاب
 ابدین دهشتلی صایارز سن اوراسنی بیلیرمیسک !

شهر یار — عادل سندن صکره بر دقیقه یاشامز او یله می
 سنک اچون حیاتی فدا ایدر او یله می ؟

پر یخان — عادل بندن صکره بر دقیقه یاشامز یا نه
 ظن ایدیورسک ! بنم اچون حیاتی فدا ایتز قیاسنده می
 بولنیورسک ؟ بر کره یاشکی دوشون ! عادل قدر اوغلاک
 وار قوجه لی بر قادینسک هیچ ارسلا نلر بشقه سنک آرتیغنه
 تنزلی ایدر بو صولوق چهره ک بو سونک کوزلر کله عادلک
 محبتنه نصل طمع ایدیورسک .

ایشته رغمکه بر بر یزدن ایرلیه جغز ! ایشته کورلککه
 یا برابر یاشایه جغز یا برابر اوله جکرز .

حسد کدن چاتلا کبرده بنی حبس ایتدیره جکک کوچک
 اوطیه بدل سن جهنمک اسفل سافلینه کیت ! آتشدن

.. الہ جنم انتقام ایلہ سکا او کرہ دہ حکم او یلہ بر کوچک
 او طہیہ حبس ایتدیرہ حکم سن زنجیرلر ایچندہ ایکیلیہ جکسک
 بن عادل ایلہ قارشیکہ کچہ حکم هر کیچہ ذوق ایدہ حکم
 قودوردیغکی .. کندی دیشلرکله کندیکی ییہ ییہ تلف
 اولدیغنی کورہ حکم .

پریخان — (اوزونجه بر قهقهه استهزادن صکره)
 خاتم افندی حضرتلری ! بزنی او کوچک او طہیہ حبس
 ایتدیرمدن اول لسانمزی دہ جادیلرہ افسون او قودیردہ
 اغزمز دہ حبس ایدر دکلی !

شهر یار — افسون او قومغہ حاجت یوق ! سن ذاتاً
 یلدیکی سویلیہ مزسک بر اقیورسک کہ سویلیہ میہ جکنہ
 سنی دہ اقناع ایدیم یلیرسک کہ بنم حالم سکا بکرہ مز شاه
 حریمی عادل کرای ایلہ بینمزدہ کی محبتی خبر ویردیکن کی
 آنی ناموس سلطنتہ تعرض ایتدیکیچون بندن بیکن قات
 بتر عذابلر ایچندہ تلف ایدرلر حالکنن قالکنن بالبداهہ
 ا کلاشیلور کہ عادل سویورسک سونجه تلف ایتکہ قیہ مزسک
 البتہ قیہ مزسک ! سویلیہ مزسک دیدیکم آنک ایچوندر
 شمدی یلدیکی سویلیہ میہ جککہ سندہ اعتماد ایتدک یا
 شمدی قوتک دزجہ سنی سن دہ ا کلادک یا .

پریخان — (ینہ بر قهقهه استهزا ایلہ) جلاد یو -
 رکلی کوپک ! سلاحنی فنا انتخاب ایتمشک ! دیشلریکی

احتمالی اوله من چونکه دمنجك سويليور دك يا ! اختيارينه
مالك بر قرسك خانزاده ايسه جنكيز اولادندندر سنى
سويهيلير الهيلير كنديسنى بو حالى اچون بدن بشقه كيمسه
تعيب ايدهن . — بدن بشقه كيمسه قباحلى بوله من
ياديفكرز اختلالى سويلرسه م ينه عاده برشى ديمرلز چونكه
بر اسيردر هر فرصته قورتلغى ايستر دنياده مجنونلر ييله
اكلاركه بر شاه همشيره سييله بر اسير يينده سويلشيلان
فسادى تصور ايدن ده ترتيب ايدن ده شاهك همشيره سى
اولق لازم كلير اسير اولنلر بوييله ايشلرده اولسه اولسه بر
قوه غالبه نك هوسنه الت اولمقدن بشقه هيچ برشى يامغه
مقدر اوله من .

او جهسته ايش ميدانه چيقديغى كى يالكز سنى
كبردرلر عاده بر شى يامرلز محافظه سنى دهها صقشديررم
كندم نظارت ايدرم او صورتله ايسديكم كى اكلنيرم .

پريخان — صوص ادبسنز!

شهر يار — ديكله تلاش ايمه ! بنى ديكله ! سنى
اولديرمكدن حاصل اوله جق كفتكو ناموس سلطنته طو-
قونه جغنى برادر يكلك كورميان كوزلى او كنده ايسديكم
شكله قويمق بنم اچون الك قولاي شيلردندر سنى اولومدن
قورتاره جغم كوشكمك قارشيسنده اوفاجق بر يره حبس
ايتديره جكم رقابتدن بر كوكلده نه قدر كين حاصل اولديغنى

پر یخان — ديلك قوريسون ملعون اسماعيله بن نه
ياپدم .

شهریار — قوريجيلر بر امر اليرز او نازنين كردنكره
بر ابريشم قلیج باغی کپررل اندن صكره خانزاده بی قیامتده
یا کورر سکز یا کوره مز سکز .

پر یخان — شو دیوانه به باق ! بنی اولومله قورقو -
ده جق ! کندیسی بر افترای حقیقت شكلنه قومغه
نفسنده اقتدار حس ایدیورده بن ده بر حقیقتی اثبات ایتکه
قدرت کورمیور فاحشه سن ایستدیک هذیانی سویلر سكه ده
بن بیلد کرمی سویله مز می یم ! بنم لسانم قلیجه می کلیر .
شهریار — اویله فنا فنا شملر ایدوب طورمه ! بو
کیجه هر شیشی کوزیمه اندم بن ده ادب سزلککه تقلید ایتکه
باشلادم .

پر یخان — های الله قهر ایتسون !

شهریار — صوص دیورم بنی دیکله ! بن هر بیلدی کمی
سویلم سن هیچ بر بیلدی کی سویلیه مز سكه بنم شاهدم
وار سنك یوق ! سن اولسه ده سویلیه مز سكه زیرا پك
اعلا دوشونورسك (شاهك همشیره سی اوله جغنه شیطانك
کریمه سی اولمیدك چونکه او صفته یاقیشه جق قدر عقلك
واردر) پك اعلا پك رعنا دوشونورسك که بن عادل اینله
اره کرده کی محبتی سویلر سه م اکا بر ضرر ترتب ایتك

کوره عمرینی چهره سنده کی تغیرلری بیله کورمکدن وحتی
کندینی بر زنجیه دن تفریق ایده بیلکدن، عاجز اولان بر
آدمه حصر ایتک سلطنت عالم اچون دخی چکیلیربلازدن
اولدیغنی سنده کوکلکدن اعتراف ایدرسک امینم که ذهننده
خیالم بیله قالماشدر قالمش اولسه ده شمیدیکی حاله بکره مز .
پریخان — جناب حق سنی ده قهر ایتسون سنک
مزاجنده بولنان قادیئلری ده .

شهریار — عقلکه هر نه کلیرسه سویله ! عادل
کرای سویورم مطلق سکا خانزاده دن ال چکدیره حکم .
پریخان — کندکده فلکدن زیاده می قدرت تصور
ایدیورسک که طالعک بیله آیرمقدن عاجز قالدیغنی ایکی
قلبی بر بردن تفریق ایتک امیدینه دوشور یورسک .
شهریار — کندمده او یله بیوک قدرتلر تصور ایتیمورم
یا لکز تدبیرمک تأثیرسز قالمیه جغندن امینم .

پریخان — نتیجه سنی ایکیمزده کوریرز دکلی ؟
شهریار — انتظاره حاجت یوق ! نتیجه شمیدن کو-
رینوب طور یورجرمی بوراده اختلال ایله اوغراشدیغنه
یاری مملکت خلقی شهادت ایدر شاهه بر کره ایش خبر
ویرلدیکی کبی اسماعیله ایتدکلریکک او آنده جزاسنی
بولورسک .

بتون بتون معلوم اولدیغنی اکلادیغندن انکارده بر فائده
کورمدی سوزینی شو وجهله تحویل ایلدی .

پریخان — قادین ! بن مختاره برقم عادل کرای
سودشم اکا وارمق ایستشم عیبیدر ؟ جنکیز اولادندن
قزینی همشیره سنی هانکی پادشاه دریغ ایدر ! یا سنک
انصافک . — هیچ بر شیئه ایمانک یوقیدرکه علیل ومصیبت
زده بر زوجک وارسنی کویلی کلبه سندن سلطنت سراینه
کتیرمش قوجه بر دولتک اداره سنی الکه تسلیم ایتش او
مجبوسلر کبی بر کوشه ده اوطوریور یرینه سن پادشاهلق
ایدیورسک بو نعمتک بو دولتک حقی دوشونمیورسک
— یکر می یاشنده بر قهرمان اوغلاک وار ! ایران سعادتنی
شوکتنی انک حیثیتندن شجاعتمندن بکلور کندیگک دکلسه
آنک اولسون ناموسنی خاطرینه کتیرمیورسک شهوتکله
بر بیچاره اسیره مسلط اولمشک هم خاندانمک عصمتنی پایمال
ایدیورسک هم او اسیری بندن قورتارمق ایچون حتمده
یک درلو افتراه قالدیشیورسک .

شهریار — ط — اور اقدم حدتک لزومی یوق حالزی
اورتیه قویهام عقمری باشمزه طوپلایه لمده انساجه قو -
نوشه لم سویلیه حکمز شیلری عقله تطبیق ایده ام سن
ایستدیگک قدر برادریکک نکاخنده بولمغنی بنم ایچون
بر شرف بر نعمت کبی کوستره بیلیرسک فقط بر انسانه

باتیرمق .- ایرانده برسنی دولتی تشکیل ایتمک کبی شیر
دوشونمکه .- هیچ شاهمزنک همشیره سی عادل کرای کبی
اسیرک اسیر محبتی اولمغه تنزلی ایدر !!

دون کیجه ساعت التی صولزنده شو نردبندن باغچه یه
اینوبده عادل کرایک یانته کیدن بر بچق ساعت اوطوران
بشقه سی ایدی !!

پریخان - شو تزویره .- شو شرتلکله باق !
ولوکه کیمش اولهیم عادل کرای ایله بنی کورشدیرن ارده
بر تدبیر سیاست چیقاروبده مذاکره قارشدیرن سن
دکلیسک ؟

شهریار - عجائب ! بانوی جهان افندمن خانزاده دن
ایریلیکن قپونک اوکنه کلوب ده « سزینه پریخان
سومیکز پریخان سزک یولکرده اقرباسنی بلکه جاننی فدا
ایدر بورآده کی تصورمن حاصل اولمزنسه عثمانلی ملکسه
کچرز جاریه کز اولورم سزک قدر عالیهمت بر قهرمانه
ایران شاهنک همشیره سندن مناسب اسیری اولور » یولو
نازل نیازل ایتمکی ده بنی تعلیم ایتمدم نفسکه اعتمادک وار
ایسه بو سوزلریکی انکار ایت باقهیم ایشیدنلر قپونک
اوکنده طور یور برر برر یاقه لزندن طوتار یوزینه
چار پارم .

سوز بوراره کلنجه پریخان ماجرای محبتک شهره یار

جانان کنديني قورتاره ميه جغني بن تصور ايده مزيم
قياس ايدرسكز! ياخود او جالده كي نور لطافتي كورمك
سزك او كوزل كوزل يكره مخصوصدر دنيا ده سز دن بشقه
هر كيم وار ايسه ياراسه طوپراغندن يارادلمش هيچ كيمسه
اونوردن استفاضه ايده مزيم ظن ايلرسكز؟ اوت! شهر-
يارده پريخان قدر طبيعت — پريخان قدر استعداد محبت
زهدن بولنه جق؟

پريخان — (شهر يارك جزمي شمخالدن كتيردلمش
اولق يولنده كي افاده سندن عادل كراي كبي استفاده ايله
جرمينك طوتلديغنه امنيت حاصل ايدرك) ادب سزك
الويرر! غالباً سن زوجك دن تختني آلبوده دوستك له
كنديكه شهوت يتاغني ياقمق ايسـ تيورسك كه قلبكده اولان
سيئات اغزندن دو كيليور! كندي وهمكي كندي تصويري
بشقه سنه اسناد ايتكده معني نه در؟ حدك وار ايسه فعله
چيقارمغه تشبث ايت! ذره قدر تشبث ايت! باقه لم
پريخانك النـ دن بيك جانك اولسه بريني قورتارمغه
مقتدر اوله بيلورميسك؟ بن ذاتاً شاه قزيم! قرداشمك
دولتنه نه دن كوز ديكه جكم كه او دولت بنمده دولتمدر
كهله كبي سايه سنده كچنديكي وجودك قانتي اچمكه
چالشق سنك كبي اسافله ياقيشير.

شهر يار — اوت! هيچ خانم افندي كندي خانداني

انگله اشتراکی قبول ایده میورسک . — اشتراک نه دیمک !
ذاتاً او تختده ذره قدر حقک یوق ایکن ولی نعمتک اندن
المق ایستیورسکده بن سنی دنیانک الک بیوک دولتی اولان
محبته می اشتراکه قبول ایده جکم .

سندن نه می ایستم ! حیاتی ... حیاتمک لذاندینی
ایستم عمر کدن قوپار یله جغنی بیلسم . نه اله جغم اکلا دکمی ؟
پر یخان — کیچه وقتی چیلدیردکسه بن تیمارخانه
بکیسی دکلم نصل محبت ؟ نصل تحت ؟ نصل اشتراک ؟
شهریار — تقلید اییدیور بریکندن الشمس ! اسرا -
رندن خبردار اولانلره دلیلک اسناد ایتمکی آندن او کرشمش !
بیلیورکه تقلیدک الک کوزلی ده مسخره لکدر مسخره لکی
بيله کندینه یاقشديره میور شو تجاهلله باق ! مجسم حقیقت
اولان شهرزاده ! جزمی الده طور یور دایکزدن نه مقصد
اوزرینه کتیرتدیککری بیلیورز ! شجرة الدر مقلد اوله -
جقسکز ابتدا واره جغکز آدمی پادشاه ایده جکسکز صکره
بچاره می تختدن دوشوره جکسکز ایاغکره باصه مق یابه -
جقسکز التکرده چکنینه جکسکز ازه جکسکز پرینه سز
چیمقا جقسکز دکلی ؟ مصور عصمت اولان بانوی جهان !
عادل کرای سزک کبی ریا پرده لری ایچنده صاقلی دکل
چهره سنی بن ده کور یورم بر کره مجلسنه کیرن قادین
خصوصیله سزک قدر عفتلی استغنا پرور اولور ایسه جاذبه

حقیقتله خیال بر برینه قارشیدی اول کوردیکی رۇیا
ایدی شمیدی بولندیغی حالی رۇیادر بر زمانلر آنی تفریق
ایدهمز اولدی نهایت بویله حاللرده معتمد اولان « کیمدر
نه ایسترسک » سؤالی ایراد ایلدی .

« کیم اوله جق ! سوکیلی عادل کرایکزیمی بکلیور
ایدیکز ! بنم ! بویله ظلمانی زمانلرده انسانی کوکللرده
براقدیغی کینلر . — دنیاده ارادیغی امللردن دهه زیاده
کلیر بولور اوراسنی بیلیور میسکز » جوانی النجه مخاطبنک
کیم اولدیغنی نه مقصدله کلدیکنی پک قولای اکلادی
یتاغنده طوغرلدی شهر یارک قارشینسه اوطوردی ارهلرنده
بر شدتلی معارضه جریان ایتکه باشلادی ایکی رقیب
کوکلرک ظلام خفاسنده مستور اولان ایکی غیظ قدیم
کی تقابل ایلدیلر بر برینی کورمز لر ایدی فقط ارهلرنده
هر مخاطبه کچدکجه چهرهلرنده و بلکه وجدانلرنده حاصل
اولان اک کوچک تأثیراتی کورمش کی حس ایدر لر ایدی .
معارضه لری شو یولده ایدی :

پریخان — قادین بندن نه ایسترسک ! بو وقت
اوطهمده نه ایشک وار کلبوس کی انسانی رۇیاسندده می
راحت براقیه جقسک ؟

شهر یار — براقیه جغم ! سندن نه می ایستم شوراده کی
ایران تحتنده اوطوران ارکک برادرک اولدیغی حالده سن

اورتر گاه بر دقیقه جق حسرتنه تحمل ایده من جه سنه
بر جهتی آچار تماشاسنده غشی اولور طورردی .

پر یخانک روحنده انبساط . — کوکلنده صفا بر در-
جده ایدی که بولندیغی حالک رؤیا اولدیغنی بیلک دخی
لازم کلسه ایدی بتون عمرینک بویله بر رؤیا ایچنده کچمنسه
بیک جان ایله قائل اولوردی کویا که بر انسان دکل طبیعتک
فردوس فیوضاتنده یکی پیدا اولمش بر شکوفه رنگین ایدی
ژاله لاله پرورش بولور نورلله تنعم ایدردی .

ایشته پر یخان خواب جان پرور ایچنده ایدی که
اصول اصول قیوسی آچلدی سیاه جاره بورنمش بر قادین
نده کی شمعدان ایله اوطه نك داخلنه طوغری بر قاچ کره
باقدی شمعدانی خارجه بر اقدی ایجری کیردی قیوی
قیادی .

بو وقه دن بر ایکی ثابیه کچر کچز پر یخان وجودینه
بر شی طوقندیغنی وطوقنن ماده نك کندیسنی خفیف
خفیف صارصدیغنی حس ایلدی او نازنین او یقوسندن
اویاندی اطرافنه باقدی شونی حس ایتدی که استقبال کبی
نظر تعلق ایتمز بر قرانلق ایچنده قالمش . — اجل کبی
نا مشهود بر جسم ذی حیات یانسه چوکش — میت کبی
صغوق اللریله بدنی صارصیور .

ویقو خار یله یردن بره کندینی طوبلایه مدنی ذهننده

پیشکاهندن بر اوفق صو آقاردی اما بر صورتده خفیف
اقرار و اوقدر معوج شکلر پیدا ایدردی که کچدیکی صحرانک
لغاقتدن ایریله میور واره صره کلدیکی طرفه عودت
ایتمک ایستیورده سائقه روزکاره مقاومت ایده میور کبی
کورینوردی باشی اوجلرنده بر صالقم سکود وار ایدی
داللری یاپراقلری رسوایان محبته پرده استتار اولمغه شایان
اوله بیله جک قدر پریشان ایدی .

صحرانک اوته سنده بر یسنده اوبک اوبک اوقدر متنوع
اوقدر متلون چچیکلر ییغلمشیدی که فیاض قدرت اورلری
تزیین ایچون فلاکک سحاب رنگ آمیزینی پارملشده
اوته سنه بر یسنه طاغتمش ظن اولنوردی .

مرغان سحرک نغمه لری اوقدر حزین اوقدر مؤثر
ایدی که هر بری وجدان عاشقانه یه ترجان اولمش الفاظ
ایله تعریفی قابل اولیان اذواق محبتی کوکلره افهام ایله
اوغراشیورلر قیاس ایدیله بیلیردی .

کویا که پریشان او صویک کنارینه اوطورمش
آرقه سنی او صالقم سکوده طیامش ایدی عادل کرایده
دیزینه یاتمش پریشانک مثالی جالیله مقایسه ایچون
او یومش ایدی .


قز پریشان ص - اچلرینی شهراده نک یوزینه دوکهرک
جالی گاه کونشدن بیله قصقانی برجه سنه بتون بتون

اتمام ایده مدی شهریار بوضورتله مقصد محبتنی حاصل
وسـعادت آتیه سنی امین ییلدیکندن عادل کرای تصـور
ایتدکجه کوزلی نور صفا ایله وجودی روح نشاط ایله
طولارایدی .

دنیا ده برالمی براندیشه سی قالدی ایسه اوده رقیب مغلوبی
عد ایلدیکی پر یخاندن برستشکاه وجدانته هوس تمالک ایله
یاقلاشمغه جسارت ایلدیکندن طولایی ظالمانه بر انتقام آلمق
آرزوسنک کولکنه و یردیکی اضطراب ایدی .

عادل کرایک شهریارک دائره لری بوتلاشلره اضطرابلره
تهدیدلره تحقیرلره تحقیقلره تجسسره مجادلره ائتلافلره هر
زماندن زیاده کشاده بولندیغی او ایله بر لیله غرابده پر یخان
هر شیدن بیخبر و قور یچینک افاده سنندن ا کلاشلدیغی
اوزره بر کیجه اول عادل کرای ایله بر بزم تنهائیده بر یچق
ساعت قدر وقت کچیردیکیچون تماشا ی جلاله دل سیر .
تشبثلری قوه قریبه یه کلمک جهتیه عمرینک سعادتندن
امین اوله رق یاتسو وقتنی بر ساعت کچر کچمز یتاغنه
یاتمشدی .

رؤ یاده عادل کرای کورر صباح آپتملش کونش طوغمش
کوزلی نور ایله طولمش ظن ایدردی .
کویا که معشوقیه بر صحرا ده ایدیلر بولندقلری یرک



جل ایدردی بونکله برابر عادل کرای بر ککره کندیله
کچنمکه قرار ویردکن صکره سعادت حیاتی برابر کچنمکده
بولسنی دخی محال عد ایلزدی .

واقعا پر یخاتک رحجان حسنی . — طراوت شبانی . —
زیور عصمتی خاطره کتیرمز دکل ایلی فقط کندی ده
پر یخاندن بتون بتون بشقه طرزده بر جاله مالک اوله رق
هر قلبه کوره ایسه بر بشقه نوع حس اولدیغنی و یوز -
لرجه مبتلاسی اولان بر کوزلدن یوز لرجه نفرت ایدر آدم لرده
بولندیغنی بیلدیکندن وعادل کرایک صوک محاوره لرنده
اغزندن چیقان « باری کندینک حسنده شیوه سنده اولان
کالی بیلسه باری جالنگ اداسنگ ار ککله درجه تأثیرنی
یکی او کرته جک اولسه » یولو سوزلری خاطره کتیرد کجه
پر یخاتک طراوت شبانی کشایش جالنجه بر نقصان و طور
عصمت پرورانه سنی شیوه ناشناس لغنه بر هان کبی کوررک
عادل کرای نظرنده کندی قدر بیله تأثیر حاصل ایدمه دیکنه
قطعياً حکم ایلدی فقط طبیعت بشرده نه ضعف عزیدرکه
شهر یار بو حکم قطعیه بیله برابر عادل کرایک محاوره اثناسنده
صاچلرینه آق دوشدیکنه دأر ایتدیکی تعریضی ده خاطره
کتیردی کویا دلیل زائل اولنجه حقیقت ده تحول ایدرمش
کبی آینه ننگ قارشیسنه کچوبده کمال اعتنا ایله اوچ بوش
بیاض قبلی قو پارمدقجه حسنده اولان غرور و اطمینانی

شهریار — آدک ندر ! سنی ایستدیکم زمان زرده
بولدیرهیم !

قوریجی — علی فولی قوریجی لرند نم شمديک اسم
شروانی جعفر در .

شهریار — شمديک نه ديمک ! زمان دکشدکجه انسا -
نک اسمی ده می دکشیر .

قوریجی — اولانغان شیدر افدمز ! زمان هر شیئی
دکشدیره بیلیر قوریجی بو سوزدن صکره سجده شکران
عادتتی بر کره دهها اجرا ایدرک چکلدی .

شهریار یالکز قالجه قوریجینک عادل کرایدن ایشد -
یکنی سویلدیکی « اللهم ! شو قادینک النندن ده نصل قور -
تيله جغم » سوزینی عینيله پریخانه معطوف قیاس ایدرک
عادل کرایک آنی ده سومدیکنه اعتماد حاصل ایتکه باشلا -
مش و خانزاده نک « بنی کرچکدن سودیککره ... بر قطعی
سوز و یریکز » عباره سنی دوشونهرک آنک تأثیری ایسه بو
اعتمادی اطمینان درجه سنه واردیرمش ایدی .

دوشونور دونور عادل کرای پریخانه روی دل کو -
سترمش ایسه پریخانک کوستردیکی محبتلر اوزرینه آنی ده
اسارتدن قورتلوق مقصدینه خدمت ایتدیرمک ایچون کو -
سترمش اولدیغنه ذهنده قرار و یرر و بو دفعه کندندن
قطعی سوز ایستسنی پریخانک تدا بیرندن امید کسدیکنه

اوتہ کنکدہ بریکنی سومدیکنی آپیقنن آچیغہ کوستر .
شهریار — (برکیسه التون دها آتہرق) اویله بر فرصت
ایکہ کچدی ده پر یخان فاحشه سنی نیچون طوتمدک ! بدلانیچون
طوتمدک ! طوتمش اولسیدک سنی احیا ایدرم سکا اون
یک آلتون ویردم .

قوریچی — (التونی النده طارتهرق) اه عمر کزه برکت
ویرسون افندمز ! پر یخان می طوته یم شاهک همشیره سنه
طوقنمق قولکرک حد میدر ؟ دمین افندمز صایوردیکز
انسانک یاری بلنه قدر وجودینی باشی اشاغی کومدیرو بده
اویله کبرتمک وار کیکلرینک هر برینی آیری آیری قیردیر -
مق وار دینلی قوپاروبده کوپکلره آتدیرمق وار قلبنی
یاروبده ایچنده صاقلادیغی اسراری میدانه چیقارمق وار
یارینسی بر طرفه یارینسی بر طرفه آیرتمق وار جهنمه کوندر -
مک وار بونلرک هیچ بری ده درتیوز آلتون قرانمغه بکره میور .
شهریار — هایدی شمدی بورادن دفع اول ! بوندن
صکره سنی ایشمه قوللانه جغم آدم کبی خدمت ایدرسهک
احیا ایدرم .

قوریچی — ایدمز سه م نتیجه سی کبرمک اوله جق !
اوراسی معلوم ! قولکرز اولدقجه ایشمی بیلیر بندکاندم کو -
کلم التون کیسه سنی کفندن زیاده سور افندمز ! هر فر -
مانکرزی اجرایه حاضر م .

شهر يارك ارتق بتون بتون صبرى يانارق «ايران دولتنگ
 خزينه لارنى و یرسه مینه دهالایسته جکسک پاره قامق ایچون
 اذادن واز کچمه جکسک! شمدی سنی جلاده تسلیم ایده ایم عمر یکی
 اکسلده ایم قلب اچمه کبی طور اقلر ایچنده ایقلر التنده
 سورتیره یمده انسان اوزمک نصل اولور اکلارسک تهدیدیه
 آدم چاغرمق ایچون قپویه طوغریلنجمه قور یچی طورینی
 تبدیل ایله «افندم! بنده کز اطاعتسزلك ایتمد ایشته فرمانکز
 کبی ایشتدیکم لقردی عینیه سویلیورم» مقدمه سیله مکالمه
 کرشدی .

قور یچی — پر یخان عادل کرایک کوشکنه کتدیکی
 زمان ارقه سندن ایرلدیغمی و فقط نه قدر چالشم ایسه
 صحبتلرینی ایشیده مدیکی عرض ایتمدم پر یخان آیر یلیرکن
 «سزینه پر یخانی سومیکز! پر یخان سزک یولکر زده اقر باسنى
 بلکه جانی ترک ایدر بوراده کی تصورمن حاصل اولرسه
 عثمانلی ملککنه کچرز جاریه کز اولورم سزک قدر عالیهمت
 بر قهرمانه ایران شاهنگ همشیره سندن مناسب اسیرمی اولور»
 دیمشدی کندیسى او طه دن چیقارکن قولکر زردبان قپو -
 سنک ارقه سنه صاقلاندم کیتد کدن صکره عادل کرایک قپو -
 سندن ینه بکلمکه باشلادم اوده «قاج اولدی! قاج اولدی!
 اللهم شو قادینگ النندن ده نصل قورتیله جغم» دیه سویلنوب
 طور یوردی ظن ایدرم که لقر دیلر بر یکنک اوته کنی سودیکنی

شهر یار — چابوق (چاپک) سویله باقیم !
قور یچی — پارلمی صایمغه معاینه ایتکه مساعده
احسان بیورمز میسکز ایچنده قلی بولنور .
شهر یار — حزه نك باشیچون خبردن ده واز کچرم سنی
شمدی جهنمه کوندررم .

قور یچی — سویلیه ایم افندمز ! پر یخان عادل کرای
سو بیور اما عادل کرای پر یخانی سومیور .
شهر یار — نه دن بیلدک یالانچی خنزیر !
قور یچی — والله یالان دکل انی ده ایشدیکم لقر دیدن
ا کلام .

شهر یار — شمدی سکا بر کیسه التون دها ویررسه م
صایمغه دن . — نفس المهدن ایشدیکم لقر دی بی عینیه
سو یلمیسک .

قور یچی — صایسهم دها خیرلی اولور اما مادام که
اویله فرمان بیور بیورسکز دیشار یده صایارم .
شهر یار — (بر کیسه التون دها اترق) ال دیشا ریده
صای اکیسی قلی وارایسه ینه دکشدررز کافر بدلا لقر -
دی بی چابوق سویله هم عینیه سویله .
قور یچی — یا کسک یا خود قلب چیقوب ده دکشد -
یرمک ایچون کتیردیکم زمان قلپلری ا کسکلری بشقه
پردن بولدم ده قارش - دیردم ظن ایدرسه کز .

شهریار — یزید! سنک یاریکی بر طرفه یاریکی بر
بر طرفه آیردیرم .

قوریچی — ینه مراقدن قورتیله مزسکز چونکه
بیلدیکمک یاریسی او ایکی پارچه وجودمده قالیر .

شهریار — شو کافره باق! حالا التونلری النده اوروب
چویریور .

قوریچی — نصل او یرم چو یرم یا اچلرنده قلیپ
وار ایسه ا کسک بولنور ایسه .

شهریار — حیوان بزم الیزده قلیپ ا کسک التونمی
اولور .

قوریچی — قلیزنلر حیمه کارلر پاره نك نظرلرنده ذره
قدر قدری اولیان ا کابری براقوبده بزم کبی بر التونی
یوزنجی معاینه دن صکره الان فقرایی می الداده جقلر .

شهریار — (باشنه طوغری بر کیسه التون دها
آتهرق) الله بلاکی و یرسون! آل بونی ده آلده ا کسکی
حیمه لیس چیقارسه ا کمال ایت! تک سویلیه جکک لقردی بی
چابوق سویله!

قوریچی — کوردیکز می؟ تهیدیک نه قدر بیوک
مضرتی . — احسانک نه قدر بیوک فاندیسی اولیور دمین
قورقتدیکز معلوماتک بر ازینی صاقلادم شمدی ایکی قات
احسان بیوردیکز بنده کرده ایکی قات معلومات و یره جکم .

دیه رک «آل کوزلرینی قره طو پراق طولدیرسون»
عتایله اوکنه التون طولو بر قرمز ی اطلس کیسه آندی
قور یجی ایرانک اوزمانکی عاداتندن اولان سجده شکرانی
برینه کتیردیکی صروده کیسه یی بردن الهرق ایچنده کی
التونلری بر مر اجه جی دقتیه آغر آغر صایمغه و ایچلرنده
اکسی قاپی اولوب اولمیدنی اکلایق ایچون هر برینی
آیری آیری کوزدن کچر مکه باشلادی .

شهر یار — برقاچ دقیقه کال نفرت وحدتله قور یجینک
حالنه امعان نظر ایتدکن صکره بتون بتون عملدن
قاله رق شو سوزلره مجادلہ یی تجدید ایلدی .

شهر یار — کوپک نه صایورسک !
قور یجی — بوده سؤاله محتاجیدر ؟ تمامیدر
دکلیدر آنی اکلایه جنم .

شهر یار — شو ملعونه باق اله جنکی می تحصیل اید -
یورسک احسانک تمامی ا کسکیمی اولور .

قور یجی — خیر افندمن مقصدم او دکل فقط بو کیسه لر
یوز التونلقدرده ایچنده نقصانی وارمی دیه باقیورم .

شهر یار — یوز التون ^{بیر} برینه اللی التون ویرسه م نه
یا په جقدک ؟

قور یجی — بنده کرده ایشتدیکم سوزک یار یسنی سو -
یلیه جکدم .

کچر کچمز یوریمکه باشلادی کولکه یوریمزیا اکلادم که
 انساندر یرمه طوردم نه یاه جننه دقت ایتدم یوری یه یوری یه
 عادل کرایک کوشکنه چیقدی ترتیلرندن خبرم واریا شاید
 فساد طاقندن بری ایسه طومتق املیه ارقه سننه دوشدم
 باقدم که قبوقبالی اوکنده نو بتجی یوق اوراده ط—وردم
 لقردیلرینی دیکلمکه چالشم بر درلو ممکن اولدی بر بچق
 ساعت صکره قیویه یقین بر قاچ لقردی ایشتم ایچریده -
 کنک پریخان اولدینغی ده عادل کرای سودیکنی ده اکلادم .

شهریار — نصل لقردی ایشتدک!

قورمچی — پریخانک عادل کرایه محبتنی کوستر بر

قاچ سوز

شهریار — جهنم قاچغنی زبانی ! دها عذابک الویر -
 مدیمی نصل بر قاچ سوز سویله جکمیسک ؟ یوقسه قلبنی
 یاردیرهیم ایچنده صـاقلادیغک اسراری اویله می ظاهره
 چیقارهیم .

قورمچی — افندمز بیوکلرک شانی بویله خدمتله
 مکافات ایتکدر خدمت ایدن بنده پی اولومه قورقوتق
 دکل ! قواکز شمدی یه قدر ویردیکم خبرله احسان بکلیورم
 سز بنده کزی متصل جان قورقوسنه دوشور یورسکز
 سویایه جکمی اونوتدیر یورسکز .

شهریار — های الله قهر ایتسون ! مقصدی احسان
 ایشده جلادلر کبی بدن اشکنجه ایله پاره اله جق .

قوریجی — وار .

شهریار — ای سویلسهك آ؟ یزید! ..

قوریجی — تعریفه احتیاج قالدیمی یا؟

شهریار — یاربی! سن خیرلر احسان ایت! بو کوپك

مطلقا بو کیجه کبرمکه اوزنیور آدرینی سویلیه جکیسك

دیلمی تا کوکندن قوپارده یمده کوپکره می آتدیره یم .

قوریجی — پریشان ... عادل کرای .

شهریار — شوملعونك عنادته باق! بالله سنك هر

کیکنی آری آری قردیرمده کبرمکه حسرت اوله رق

یشادیرم .

قوریجی — افندم بونك ا کلاشلیه جق نه سی قالدی

ایشته پریشان عادل کرای سویور .

شهریار — دمندن بری او یله سویلسهك اولزمیدی

عادل کرایك پریشانی سومدیکنی نه دن بیلورسك .

قوریجی — سومدیکنی بیلدیکم یوق! یالکز سودیکنی

بیلورم .

شهریار — بریکنك سودیکنی نه دن او کړندك .

قوریجی — دون کیجه ینه نوبته ایدم کیجه ساعت

التي صولرنده حرم نردبانك شو باغچه اوزرینه اولان قپوسی

آچلدی کولکه پیدا اولدی کولکه سیاه ایدی اما بیلدیز

آیدنلغی ایله کیجهك قرانلغندن فرق اولنوردی براییکی دقیقه

کوره راحت قابل اوله مدیغیچون چاره سزینه سؤال وجوا-
بنده دوام ایلدی .

شهریار — طور قوریجی باقیم ! نه سویایه جکسک ؟
ق — کچن کیجه پربخنان ایله عادل کرای بربرینی
سویورلرمی دیه سؤال پیورمش ایدیگز انک جـوابنی
ویره جکدم .

شهریار — سویله ! نه اوکرنک ! بربرینی سویورلرمی ؟
قوریجی — بیله میورم .

شهریار — خنزیر ! اوکرندیگک بیله ما کمیدر ؟ جواب
بوکامی دیرلر پادشاهک حرمیله اکلنمکه می کلدک باللله سنی
یاری بلیکه قدر باشی اشاغی یره کومدیرده او یله کبردیرم .
قوریجی — خیر ! ایکسی ده بربرینی سودکلرینی بیله-
میورم دیمک ایستدم بریکی اوته کنی سـویور اما اوته کی
بریکنی سورمی سومزمی اکلایه مدم .

شهریار — بریکی هانکیسی ! اوته کی کیم ؟ بوهند-
یانلره بنی مراقدن هلاک ایده جکسک سویله کیم کیمی
سویور ؟

قوریجی — بری طرفده کی اوته طرفده کنی
شهریار — ديلك اللهك غضب قلیچلریله طوغرا-
نسون ! بری طرفده کی اوته طرفده کی نه دیمک بونلرک
آدی یوقی ؟

شهر یار — نه ایسترسک ! مکتوبی عادل کرایه کو -
توردکی ؟

قوریچی — کوتوردم افندم .

شهر یار — نه در ؟ خانزاده برشی می سویلیدی .

قوریچی — خیر ! هیچ برشی سویلیدی

شهر یار — ای نه ایسترسک ؟ مادام که برشی سویلماش
بووقت انسانی تعجیز ایتکده معنا نه در ؟

قوریچی — خانزاده یه پک او قدر اعتماد ایتسه کز خیرلی

اولور .

شهر یار — سنک نه وظیفه ک خیدث ! جهنم اول

شورادن .

قوریچی — کیده می افندم قولکز حدت آدمی دکلم .

شهر یار — بوحدت آدمی دکلم سوزیله بردن بره او -

یقودن او یانیر کبی کوزینک اوکنده طولاشان رؤیای

استقبالی غائب ایدرکینه سوابقک دهشتلی دهشتلی حقیقتلری

اچنه دوشمکه باشلادی قوریچینک میرزا سلیمان معهود

عرضحالی ویرن . — کندیسيله بر قاچ کیجه اول محاوره

ایدن آدم اولدیننی وسویلمک ایستدیکی لقردی البته بر خیر

مصیبت اواق لازم کله جکنی دوشوندی حرینی هیچ

سویلمتمک ایستدی فقط کولکده بر شهبه ظهور ایدنجه

ولو ییک فات آغر بر - حقیقتله اواسون حل ایتدکجه آسانه

ایچون دستور حرکت اتخاذا ایدرک کندی کندینه اکلنجهر
دوشونورذوقلراختراع ایدراملر بولور موفقیتلر ايجاد ایلردی.

قادین امیدوار اولدیغی سعادتک خیالنی بیله عین حقیقت
ظن ایدرک تصور اتندن مدت عمرنده کورمدیکی لذتله
حستفرق اولور وکافه آمالی بریره طویلانمش ده همان
او دقیقهده پیشگاه آرزوسنه صاچلمش کبی بیک درلو
اشواق محبتله اکلنیر طوررکن خادم اغاسی ایچری کیرهک
کاغدی کتیرن قوریمچینک کلدیکنی وکندیسنه عرض
ایدهجک بعض سوزلری اولدیغنی بیان ایدنجه البتده
عادل کرای طرفندن برطاقم التفاتلر کتیردیکنه ذاهب
اولدی «نه قدرده احتیاطسزلق! هیچ قوریمچی یه ده
لمقدیمی آچیلیر بندن کاغد کتورمدمی یا محرم
قیاس ایتشدر احتیاطسزلق اولوبده نه فنالق تولد ایده -
میلهجک بوندن صکره نه دن قورقومز قالدی قوریمچی
برهناسبیتسزلق ایدرسه نتیجه سی کندینک آخرته سفردن
عبارت اوله جق جهنمه قدر یولی وار شمدی آنی می دوشو -
شونه حکم ذاتی عسکر اولمش! اولک ایچون معاش آلیور»
یوللو کندی کندینه بر از سویلند کدن صکره خادم اغاسنه
قوریمچی بی ایچری کوندرمسنی امر ایلدی قوریمچی کلدی
شو صحبتته باشلا دیلر.

بر مکتوب کوندره یم جواب کلدیکی کبی بورادن چبقارز آنک
بولنیه جغی طرفه ده بزکیدرز همان الله سنی بکا باغشلا سون ده
ایسترسه بنم حیاتی ده السون سکا احسان ایلسون !

امضا

شهر یار

عادل کرای همان یأسک منتها سنه کلدیکی صره لرده
ایدی که قور یجی قپودن کیررک شهر یارک مکتوبنی اعطا
ایلدی مطالعه سندن بش اون کون قدر قاری بی او یالایه بیله -
چکنه یقین حاصل ایتدیکنندن بر قاچ ساعت لردن بری
چکدیکی عذاب روحانی زائل اولدی فقط او عذاب روحانیدن
وجودینه عارض اولان تعب . — کو کلنده مشغول اوله جق
بر کدر قالمینجه تأثیرینی تمامیه کو سترمه که باشلا دیغندن بشقه
ماجرایی پر یخانه او کیجه دن خبر ویرمک ایچون یورغونلغه
باقسه بیله نوبتجیلر ارسنده محرملردن کیسه بولنمدیغندن
تذکره یازمغی ضروری ایرتسی کونه تعلیق ایدرک یتاغنه
کیددی راجحه او یومغه باشلادی .

بری طرفدن ایسه شهر یار الدیغی امنیت جان بخش ایله
کویا که دنیا به بر کره دهها کلمش ایدی سوابقی حتی خیال سوابقی
وار لغندن بتون بتون ایرلش قیاس ایدر یا لکز حظوظات
حیاته متعلق اولان تجارینی بو عمر جدیدندن لایقیله استفاده

بودرجه حصوله قریب اولمش ایکن تهدیدنده دوام ایتمک
 دکل حتی بر از صوغوق طورانمش اولسه عادل کرایک مضبوط
 اولان مشرب استغنا پرورانه سی جهتیه یته مقصدی
 ضایع ایتمک و هیچ اولز ایسه بر طاقم تأخراره صعوبتله
 دوشورمک مقرر اولدیغنه حکم ایدرک کمال تهالک ایله زیرده
 صورتی محرر اولان کاغدی تحریر ایتدی قپوسنک اوکنده کی
 خادم اغاسنی چاغردی عادل کرایک کاغدینی کتیرن قور -
 یحیی ویرمک اوزره انه تسلیم ایلدی .

شهر یاردن عادل کرایه

ظالم ! سنی کرچکدن سودیکمه نصل قطعی سوز
 ایسترسک ! سنک ایچون قوجه بر سلطنتی ترک ایدیورم ایکی
 اوغملدن ایرلمغی . — دنیا نظرنده ملعون کورنگی اختیار
 ایدیورمده حال محبتمه اینانمیورسک ! بولندیفک حالدن قورتاره -
 یغمه ده عهد طلب ایتمک اقتضا ایدر میدی ؟ اسارتدن
 خلاص ایتمیجه سکا نصل مالک اولورم سکا مالک اولمسه
 دیاده نصل یاشارم ! هیچ بر بیچاره یه . — روحک عذاب
 ایچنده در آنی تخایصه چالیشرمیسک دیه سؤال اولنورمی !
 سن بنم روحم دکلیسک ؟ سنسز موتی حیاته ترجیح ایتد -
 یگمی حالا اوکرته مدکی ؟ اوزله ایکی کوزم ! شونده بش
 اون کونمز قالدی حمزه یه نه طرفه کیده جگنی ا کلامق ایچون

قورقدیغی مهلكه نفسنه دكل پر یخانه عائد اولدیغندن
واره دن یارم ساعت قدر وقت کچدیگی حالده شهر یاردن
برجواب ظهور ایتدیکندن تدبیرینک تأثیرنجه اولان امید
یواش یواش یأسه مبدل اولمغه باشلامشیدی . (شهر یاریک
جوابی یارم ساعت اوزادی چونکه ملعونه عادل کرایدن
ایرلقدن صکره قسوتلی کوکلرده صاقلانان کدر کی اوطه -
سنک برکوشه سنه چکیله رک پرده ظلام التنده استتار ایدن
جانی کبی خیانتنی اجرا ایچون اک اول تصادف
ایده جک فرصتی انتهازه چاره دوشونمکده ایکن عادل
کرایک کاغدینی النجه دفه ذهننه محاوره نك نهایتنده ایراد
ایلمدیکی تم دیدانه خانزاده دن جواب ظهورینه وقت
براقسزین اوطه دن چکلدیگی تبادر ایدرک کلان کاغدی
اوتهدیلره مقابله ظن ایلدی اویله مقابله لرده ایسه عادل
کرایک کرک تحقیر و کرک استهزاسنده اولان قوتی تجربه ایله
بیلدیکیچون اوقویه جنی سوزلرک تأثیریه غیظندن چاتلا -
یوبده انتقامندن محروم اولمق قورقوسیه مکتوبی الدیغی
آنده آچمغه جسارت ایده مامشدی نهایت بر اضطراب ایله
کاغدی آچه بیادی هر نکه سنی بر نوع تردد هر سطرینی بر بشقه
درلو احتراز ایله اوقودی اوزکای شیطانسیله مندرجاتنی عینی
عادل کرایک ظنی کی صرف حقیقت و خصوصیه بر نتیجه
خوف بر اثر مغلوبیت قیاس ایلدی مطلب شهوانیسی

سترسهك آئیده الداده بیلیرسك هله پریخان ایله جزمی ایله
خبرلشجه یه قدر ماعونه غفلت ایچنده قالسون ده ایلیرسنه الله
کریمدر» دیدی .

برازده ماشالله! ماشالله! بزم یالانچیلقده سارلرینک
معرفتی — غیرتی کبی الیشدقجه ترقی ایدر حالردن ایمش!
یاربی! بنم دنیاده نه لزوم وار ایدی!... آه! پریخان
پریخان!... سنک ایچون اختیار ایتدیکم شیلره باق!... آه!
آرده اولسهكده هرکله سی ایچون بر عمر ابدی ویرلسه
بن اوسوزلری لسانمه الیری ایدم یوللو سوسویلندی ورقه بی
شهر یاره کوندرمک ایچون برواسطه تحریرینه قیام ایلدی
قیوسنک اوکنه وارر وارمز بر قوریجی یه تصادف ایدرک
«ارقداش! زوجه شاهی شهر یار خانمه تقدیم اولنه جق
بر عرضحالم وار عجباً شمدی ایصالنه امکان بولنه بیلیری»
دینجه قوریجی تاتار شیوه سنی آندیرر برترکجه ایله درحال
کوتوروب ویره جکنی بیان ایدرک کاغدی الدی چکلدی .
عادل کرای شهر یارک کندینه کمال انهماک ایله کوستردیکی
هوسی پک اعلا بیلدیکندن کوندردیکی مکتوب ایله حاضر -
لنوب کلان بلایی برقاچ کون تأخیر ایده بیله جکنی و او قدر جق
بر زمان قرانلیدیغی حالده ایسه جزمی یه پریخانه معلومات
ویررک کندی تشبثلرینی تسریع ایله مخاطره نك بتون بتون
اوکنی المق قابل اوله جغنی مأمول ایتشیدی نه فائده سی وارک

الینه الدی بیله رک زهر ایچمکه باشلایان بیچاره لک چهره -
سنده کی علایم قدر حزین بر حال ایله شو مکتوبی تحریره
باشلادی .

عادل کرایدن شهر یاره

تنبیه کزه اطاعت ایتمه حالک هر جهتی کوزیمه الدم
عاقبتی ایچمه دوشوندم شمدی به قدر اکنجه بر حکایه قییلندن
عد ایلدیکم وقعنه نه دهشتلی بر حقیقت اولدیغی نظر مده
تمامیله تبین ایلدی حیاته قصد ایتمک یولنده اولان تهدید -
کزی فعله چیقاره جق قدر انصاف سز اولدیغی کزی بیلیم
فعله چیقارسه کزی بیه اهمیت ویرم چونکه عندمده اولمک
اسیر یاشامقدن یک قات اهوندیر بن ممکن دکل اسارته تحمل
ایده میه حکم بنی کر چکدن سودیک کزه برده بو حالدن قورتاره
جغکزه قطعی برسوز ویریکز نه وقت امر ایدرسه کز برابر
حدود اوزرینه چیقمنه حاضر م سکونت بولمق ایچون
جواب کزه انتظار ایدیورم .

امضا

عادل

عادل کرای مکتوبی بتیرد کدن صکره دقتله او قودی
برازده دونه رک « عجبا اعتماد ایدرمی ؟ البته ایدر ! شیطانک
کوکلنی بر امید ایله طولدیر او امیدک حصولنه امکان کو -

برده سو ديکندن آيرلىق وحتى يولنه جان ويرمكى اڭ بيوك
سعادت لردن عدايده بيله چكى جاناننى كندى اچون مخاطره ده
كورمك كې بر طاقم بلار منضم اولورسه دنيانك قره طو -
پراغه و بلكه جهنمه ترجيح اولنه ييله چك بر حالنى كوره مز -
او جهت لره عادل كراى نظر نده موتك بر حكى وارايسه
يا شاءغه نسبت اهون كور نمك دن عبارت ايدى حتى پريخانك
فراقى عندينده موت دن بيك قات شديد ايكن انى ده بر مجاهده
كاملانده ايله كوكلنه قبول ايتديره بيلير فقط او بيچاره يى
دوشورديكى مخاطره دن خلاص ايدمه مامك مطالعه سنك
وجداننه ويرديكى عذاب اليمدن بردرلو ككندى
قورتاره مزدي .

ساعت لرجه كاه فلجه دن طاقت شكن بر بهت . — كاه
جنون دن شديد بر تهور اچننده حال دن حاله انتقال ايدر ك
« شيطان بيله ملائكه يه فنالق ايدمه ميور بن بر ملكى هر درلو
لدايندن محروم ايدمه جكمده شيطان دن شنيع اوله جغم .
اولوم بيله ملائكه يه تقرب ايله ميور او قارى او شهر يار
بر ملكى حيات دن آيره جقمده موته رحمت او قوده جقم » يوللو
بر زمانلر سويلندى طور دى نهايت او يقودن او يانير . —
كابوس تسلطن دن قورتيلور كې بر غرب حال ايله « آه !
يالان ! .. يالان ... شوي لانجى دنيادن الحق اولان يالان !
چاره سكامى قالدى » ديهرك برين قالدى قلمى كاغدى

حسودانه سنک شدتی اویله جعلی التفاتلرله قناعته ده میدان
 ویرمدیکندن یأس. — ابتلادن مرکب برنظرله عادل کرای
 یوقاریدن اشاغی سوزهرک « یوق! یوق خانزادهم!
 ممکن دکل بوحاله تحمل ایده حکم سکا بن مالک اوله جغم
 یامزار اوزرمزه بر فلا کتدر چوکش نهایتنه قدر حکمنی
 اجرا ایوب کیده حکم بنی کندیمه متصرف ظن ایته! کوکله
 بر قوه غالبه استیلا ایتمش بکا هر نه ایسترسه یایدیر یور ایانمله
 — اختیارمله جهنمه اتلق المدن کلیر سنی بشقه سنک قویننده
 کورمکه قاتلانهم بحران محبت طاقت کتیر یله میه جک برحاله
 کلدی ایکی زده جان اوزرنده طور یورز بالله هم سکا هم
 کندیمه قیارم هیچ اولر سه فلک تصور لر رمزی انسان اولادینک
 ائصکره کی فراش مشترکی اولان طوپراق دوشکننده
 برلشدریر! دوشون! لذت حیاتی خاطر که کتیر! هر کسک
 دنیاه بر کره کلدیکنی اونومه! دوشون ده بکا بر قطعی
 جواب ویر یارینه قدر مهلت! یارین کیچه قونوشورز « دیه
 سویلنهرک او طه دن چکلدی .

عادل کرای بوبلای نا که نظرهورک اهیتمنی تمامیه تفرس
 ایتمش یعنی شهر یارک آرزوی نفسانیسیچون صحیحاً جانه قصد
 ایتمکدن جگنیمه جکنه حکم ایلشیدی او ادرجه علو همتله
 محلی یارادلمش بر کوکل اسارت کی بر مدنله دوشد کدن
 صکره حیاته طبیعی بر لذت بوله مز هله حیاتک اومشاقنه

بیلزسک ! والله بیلزسک ! ... بیلسهك براز حالمه اجیردكده
بكا بو معامله لری ایتزدك !

براز بكا لطف ایله نظر ایت ! بن او یله نفرت ایده جك
کبی چرکین اولوملری آراده جق قدر معجز می یم ! مرحت
ایت ! از یجق محبتکی التفاتکی کورسه م پر یخانکه خدمتکار
اولورم التفاتکک محبتکک یالاندن اولدیغنی بیلسه مده کند.
یمی الداتمه چالیشیم ! بو یالانجی التفاتک شفقندن مر -
چندن کلدیکنی بیلیم اکاده قناعت ایدرم» دینجه عادل کرای
« آی افندم بن سزه نه پایه یم محبتنه دأر بر ایما بيله ایتدیکم
حالده کندی اختراع ایتدی ککز یالانجی تدبیرله اشتراك
ایتمدی می ؟ بورادن قریمه برابر کچمکی تکلیف ایدن بن
دکلی ایدم تدبیرمن یولنده کیدوب طور میورمی شمدی نره دن
پر یخان مسئله سی پیدا ایتدی کزده کچه وقتی بو قدر اوزون
بر مجادله چیقاردیکز ایشیرده دوام ایدلم باقلم نتیجه سی
نه اوله جق فرصت فعلیاته کلنجه بن ده بر قصور کورر -
سه کز او وقت ایتدی کز کبری سو یلکه حقکز اوله یلسور»
سوزز یله مقابله ایلدی .

شهر یارینه بر قاچ دقیقه دوشندکن وعادل کرایدن
اوته دنبری کوردیکی معاملات متضاده یی بر برینه
تطبیق ایلدکن صکره پر یخان محبتکک و کندن دن
نفرتکک درجه سنی لایقیله تقدیر ایلدیکی کبی سودای

شهریار — سومدیککه بر یمین ایت الویرر!

عادل — والله چکلمز اولدیکز! تساضکز اسارتدن ده طاقتکداز ایمش یا .

شهریار — شمدی چکلمز اولدق اویله می؟ بقالم بنی چکلمز ایمش یوقسه اولوم عذابیی چکلمز.

عادل — انسان الکردن قورتلق ایچون اولمکی ده حیاته منت یلیور .

شهریار — ا کلاشیلور! ا کلاشیلور! ... اللریمه قانکردن خنا قویه جغم .

عادل — برارده صاچلریکزه سوره کز ده کوزل اولورسکز .

شهریار — آه! صاچلرمده بر قاچ بیاض وار نظرکز یالکز ا کا تصادف ایتدی اویله می؟ نه قدر قباحت بین ایمشکز! ده بر قاچ دقیقه اول حسنک شیوه مک کالندن تأثیرندن بحث ایدیوردیکز کوکلکزه لسانکزاره - سنده ن قدر نفاقلر وار ایمش .

عادل — شهریارلر بو سوزلرینی تحقیر واستهزادن مرکب بر قهقهه جق ایله کچیرمک ایستدی شهریار ایسه بر قاچ دقیقه کوکایله دوکشورجه سنه بر شدتلی تردد کچیردکن صکره شدتله عادل کرایک یانسه قوشه رق» عادل! عادل! حیاته قصد ایدیورسک! سکا نه قدر محبتم اولدیغنی

کندیگری ایاقده کوزلیگری آچیق کوروب طوررکن ینه
اویقوده سکرده صایقلیورسکز ظن ایدیورم .

شهریار — سؤالہ جواب ویر خانزادم ! مر ادک تحقیر
ایسه صکرده ایده بیلیرسک ! الله عشقنه سؤالہ جواب ویر !
عادل — نه جواب ویره م ! شو سؤال ایتدیگکز شینه
باقکز سنی براسیر طاغستاندن کیزلی برادم جلب ایتمکله
شیمی بر ممالکته سلطنته می نائل اوله بیلیرمش !

شهریار — یالان سویلامکه صدد دکشدیرمکدن بشقه
چاره بوله میور ! بن سزه انی صور میورم خانزادم ! پر یخانی
سویور میسکز ؟ سویور میسکز ؟

عادل — صفویلر سایه سننده فقردن سلطنته مالک
اولدیغیزی دوشونکز ! او خاندانک بو قدر لطفنی کورمش
ایکن اعضاسندن بر معصوم قرک نامنی ناموسنی ارکک مجلسنده
ورد زبان ایتک نه بیوک کفران نعمتدر !

شهریار — بنی بویله دقیقه ده بر خنجر اورر کی آغر
آغر اولدیرمکده نه لذت وار سویورم دیگکز سزده قور -
تیلورسکز بن ده خلاص اولورم .

عادل — بکا مطلقا یالان سویلتمکی ثواب می عد
ایدیورسکز .

شهریار — دیمک که سویورسک ؟

عادل — سبحان الله !

اولدیغنه ینه او آدمی قاندرمغه چالیشمق ایشیدلمش کوه -
زه لکلردن دکلدنر .

شهریار — سزه بو جسارتلری پر یخانک محبتی . — امید
معاونتی و یریور دکلی ؟

عادل — (کندی کندینه) سبحان الله ! باری عشق
ایله شهوتله نه قدر القم اولدیغنی نفسنده تجربه ایتماش
اولسه

شهریار — آه ! بن بشقه پر یخان بر روح !
بر ملک ! بر نور ! بن بن

عادل — باری کندینک حسنده شیوه سنده اولان کالی
بیلسه باری جمالک اداسنک ارککلرده درجه تأثیرینی یکی
او کرچکنه اولسه .

شهریار — البته پر یخانک حسنی شیوه سی دهاکالده در
الته جمالی اداسی ارککلره و هیچ اولرنسه قریم خانزاده -
رینه دهه زیاده تأثیر ایدیور که بزه ترجیح اولنیور .

عادل — باری پر یخانک بر کره یوزینی کورمش اولسه م .
شهریار — عادل جزمی بی کتیرتدیکک . — ایران
ثختی ایستدیکک طوغری اولمش اولماش اوراسی وظیفه م
دکل ! الله عشقنه دنیاده کیمی سورسه ک انک باشی ایچون
طوغری سویله ! شو قری سومیورمیسک ؟

ع — والله نه یالان سویلیه یم ! سوزلریکری ایشند کجه

واسراری او کرندیکندن بحث ایدوب طوررکن بر طرفدن
ده جزمینک شمخال طرفدن کلدیکنی سویلسنه نظر اوقعه
بر درجه یه قدر کندیسنه عکس ایش ایسه ده اویله جزمی
طوتلدیغنک وایشک کنهنه وارلدیغنک اصلی اولدیغنه
وشهر یارک اله بیلدیکی بر ناقص خبره کندی تدبیر واحتمیا-
طالرینه غلبه ایدهمیه جکنه حکم ایدرک بر قات دها اطمنان
وسکینت ایله محاوره یی شو صورتله نقل ایلدی .

عادل — ذهنکزه بر فئالق کلدی ایسه بکا مراجعت
بیهوده در حکیم ده دکلم نسخه یازمقده المین کلز .

شهر یار — اکلادم افندم ! یقین حاصل ایتدم شهرادم !
بکا خبر ویرنلرک روایتی عین حقیقت ایش ! ایران سلطنتنی
لایقیله قورمشسکز ! یایدیغی ایشک طوغریسی سویلدیکی
سوزلرک یالان اولسنیله ثابت اولان جانلر کی سزده اضطر-
بکزی کوسترمکه چالشدیغبکز تمکین ایله میدانه قویور-
سکز بر آق چهره یه نقاب یراشمدیغی کی او صفوتلی کو-
کلکزه ده یریا یاقشمیور .

عادل — طبیعت بویا ! انسان هر درلو خلیا قورا-
بیلیر بعضیلری خلیا سیله ده اکلنه یر فقط قوریلان خلیای
بشقه سنه دکلمک هله بر انسانک کندینه دائر هیچ یوقدن
بر شی توهم ایدوبده صکره دوشونیلان وهمک عین حقیقت

پاردی. اوطه سنک بر گوشه سنده یاییش اولان یتاغنه
کیرمک ایچون بلندن خنچرینی باشندن قلناغنی چیقارمغه
باشلادی.

شهر یار تهدیداتنده موت اعلامی قدر دهشت مأمول
ایدرکن عادل کرایه افسانه صداسی کبی اویقو کتیردیکنی
کورنجه یا الدیغنی روایتک بتون بتون یالان اولدیغنه و یاخود
ترتیب ایتدکلری فساد ارتق کیمسه دن احترازلی قالمیه جق
قدر قوت بولدیغنه ذاهب اوله رق کندنجه بو احتماللرک
برنجیسی لذت حیاتدن دکرلی ایکنجیسی سکرات موتدن
دهشتلی اولدیغندن بویله مزار طاشی کبی دنیا ایله آخرت
اره سنده قالب طور مقدن ایسه هر نه صورتله اولور ایسه
اولسون حقیقت حالی او کرمکه عزم ایتدی بو عزم ایله
یه قپودن کری دونه رک شو مجادایه یی کشاد ایلدی.

شهر یار — خانزاده حضر تلیری یابدق لری کیزی کیمسه کو-
ره می ظن ایدر سکز؟ شاه خدا بنده اعما ایدلیدی ایسه
اطرافنده کیلرکده کوزلینه میل چکلیدی سز شمخاله یازار
جزمی بکی فتنه یه الت ایتک ایچون بورایه کتیرتمکه قادر
اولور سکز بزانی طو تمقدن سرکزی او کرمکنن عاجزمی
قالیرز شهرزاده بایزید وقعه سنبن اولسون عبرته می المدی کزکه
بویله برحر کته جسارت ایتدی کز.

عادل کرای شهر یارک بر طرفدن جزمی بی اله کپیردیکنن

پریخانانی بکا ترجیح ایتمشکز ایکیکزکده برر آوج قانیله
 اللریمی قنالیه جغم خبرکز اولسون فکر محاربه سی قلیج
 غوغاسنه بکره مز پر یخان سنی سو یورسه بنده سو یور-
 دم بلکه آندن زیاده سو یوردم ! سنده زوجم کی نور
 نظردن محروم ایتمشک زوجک بنی سومیوده اوزر مه
 جاریه الیدیغی کی سنده انی سومشکده بنی آرزوکه
 بر واسطه کی قوللانمشک ! شهر یار سرسم ایمش ذیمه !
 پر یخانکده ذکیدر ! الله ایکیکزی بر بر یکره مبارک ایتسون !
 فقط امین اول که قاووشورسه کز ! اخرتده قاوشورسکز !
 کوررسک ! نه یاه جغمی یقینده کوررسک ! « دیدی او طه-
 دن چکلمک ایستدی .

بو بادره اوزرینه عادل کرایک ذهننه پر یخانک بولندیغی
 مخاطره اندیشه لری هجوم ایدرک حیاتی آمال آتیه سنی بتون
 بتون نظردن اسقاط ایلدی مالک اولدیغی مزیات فکریه-
 نک جمله سنی مجبرانه و متحکمانه بر عزم قویم ایله وجداننه
 خادم ایدرک بر قاچ ثانیه ایچنده بر قاچ کونده انجق طوپلا-
 نه ییله جک بر چوق ملاحظات و تدابیری پیش نظردن کچیر-
 دی دوشدیکی بلادن قورتلوق ایچون شهر یارک کندینه
 ابتلا سنی تحریک ایدرک ونخوتنی استغنایه از دیره رک اداره-
 سنه جالش مقدر مؤثر بر چاره بوله مدی اوجهته بوتهدیداته
 قارشی نهایت درجه لده لاقیدانه بر طور ایله بر قهقهه قو-

کبی بر غریب ظلمت ایچنده قالدی کندینی اویانق ظن ایدر-
دی فقط اطرافنه باقنیر ظلمدن بشقه برشی کورمز دی
اویانق ایکن اویور اولق اعتقادنده بولنوردی او حالدهده
میرزا سلیماندن . — معهود قور یچیدن الدیغی خبرلر نظر
بصیرتک اوکنه کلیردی کندی کندینه اعتماد ایدهمز دی)
کوکلنده حسدن بشقه بر حس قالدی حسد ایسه انتقا-
مدن بشقه برشی دوشندرمز اولدی حسرت قدر سیاه
بر جاره بورندی . — انتقام کبی قان رنکنده بر نقاب اور-
توندی طوغریجه عادل کرایک او طه سنه کیتدی .

عادل کرای او زمان کندی خیالی . — کندی ملالی ایله
اکلمکده ایدی کوزینک اوکنده ایله لدوسلی هواده قاره یاغور
بلوطلری اوزرینه دوشن غروب قز بلغندن برادلمش کبی بر
مخاوق کورنجه یاندیغی یردن طوغرادی پر یخانه انتظار
ایتدیکی ایچون بر طرز عاشقانه ایله اوسیه جارك . — او
قرمزی نقابک التنده مستور اولان وجوده نظر تحسیرینی
وقف ایلدی .

سهر یار کین مضمیر قدر مدهش . — بلای منتظر کبی
آغر بر حال ایله عادل کرایه باقلاشدی یانسه کلدیکی زمان
نقابنی یوزندن قالدیردی .

« خانزاده م بنی بیلدیگر می ؟ بن ایران شاهنک زوجه سی
اولان شهر یلرم ! سزی بو عزت واقبال ایچنده طوتان بنم !

ش — او عرضحالی سنی و یردک ؟

ق — اوت بن و یردم .

ش — علی حقیچون طوغری سویله سنی و یردک ؟

ق — سزدن بویله برسؤال مأمول ایتزدم بن و یر-

مامش اولسته م وزیر حضرتلرینه اویله بر عرضحال و یر-

لدیکنی نره دن بیله حکم امام زمان دکلم یا !

ش — شمعی پر یخان ایله عادل بر برینی سو یور

اویله می ؟

ق — طوغری سنی بیلم فقط ایکسی ده سنیدر ا. ا. ا. ق

ایتدیلر بوراده کی دولت شیعیه بی باتیره جقلم .

ش — سنی شیعی لازم دکلم بر بر لینی سو یور لرمی ؟

الله سنکده بلا کی و یرسون دولتک ده بلا سنی و یرسون

بر بر لینی سو یور لرمی ؟ بکا اوراسنی سویله .

ق — بنده کز حدتلی دکلم افندم ک حدتنه جواب

و یرمکدن ده عاجزم شمعی کیدیورم یقینده انلرک اتفا-

قندن نهل ظهور ایده جکنی اکلار سبکز مساعده کزله بر لقر-

دی دهها سویله می : جاسوسلق المذن کلیر فقط می انجلیق

کلز .

بو محاوره اوزرینه جریم منجوس عد اولنان یلدیزلر

کبی مغرب آختفا سنه چکلدی شهر یار ایه آنک کیدیشنی

کورمدکن بشقه یایدیز ضیاسندن بیله محروم اولان کیمهلر

نه قدر اغراض کامنه وار ايسه جمله سنی ميدانه چيقاردی -
خبيثه نفس اماره سنی شيطان ايله ياريشدير مق ايستردی
موتی . — محرومیت امالی . — بایککه عذاب اخرته دنياده
اوغرامغی تماميله کوزه الدی ایده جکی حرکتی ذهننده قرار -
لشديردی حتی او کيجه دن مقدماتی حاضرلق ایچون قپو -
سنک اوکننده کی خادم اغاسنی کوندردی یانته بر قور یچی
دعوت ایلدی بیلدیکی نو بتجیلردن برینه انتظار ایدرکن
بر آدم کلدی که شخصی بتون بتون کندیسنجه مجهول ایدی
نوبت وظیفه سی کی . — ارقداشلرینک اسمی کی ایراد
ایتدیکی سوزلره قور یچینک جواب ویردیکی صروده شیوه
لسانندن ایرانی اولدیغنی ده اکلادی حریفدن کندی اسمنی
مملکتی نه وقت قور یچی یازدیغنی سؤاله باشلادی قور یچی
شهر یازک سؤالرندن شبهه سنی پک قولای تفرس ایتمکله اره -
لرنده شویله بر محاوره آچیلدی .

قور یچی — غالباً میرزا سلیمان افندمزنی کورمش
البته . وقعه دن خبر ویرمشدر .

شهر یار — نصل وقعه دن ؟ سنک نه وظیفه ک ؟ سن
کیمسک ؟ سخارماسک ؟ خادم صاحبیسک ؟ نه دن بیلیورسک ؟
ق — خیر افندم هیچ بری دکلم ؟ بن شیعیلردن
داغستانلی بر قور یچی یم میرزا سلیمان ویردیکم عرضحالی
کورمدیکرمی ؟

صاف ایشیده ایشیده حسن و آنک کالنه حاصل ایتدیکی
 اطمینان ذهننه بر زمانک کدزان طبیعینی. — اشکالک تحول
 ضرورینی اونوتدیره جق قدر غلبه ایدر او قوتله کوز-
 للکنی فنون عشوهده اولان ملکه ومهارتیه برابری ایفای
 محبت موهبه سنده عمرنده برادری حقنده بیله خاطر نوازانه
 بر معاملیه تنزل ایتماش اولان پریخانندن دون عد ایلامکه
 باشلار و او اعتقاد ایله کندینه مقتون اولیمان عادل کرای
 پریخانکده تسخیر ایدهمیه جکنه حکم ایلمر و او حکم نتیجه-
 سندن اوله رق عادل کرایک پریخانه نکاح تکلیفی اکر
 صحیح ایسه مجرد او سایهده ایرانه مالک اولق اعلیه ترتیب
 اولنش بر دسیسه سیاست اولدیغنه قرار ویرر و او قرار
 ایله بر از تسلی بولوردی .

فقط بو بارلاق خولیلر بویالانجی تسلیلرده صبح کاذب
 قدر امتداد ایدهمدی کوز قپامغله کوندزی کیجه یه تحویل
 ایتک ممکن اوله مدیغی کبی شهر یارک تعامیلری ده پریخانک
 بارقه جاننده اولان تأثیری نظرندن ستره کافی اوله مدی
 اوله بر حسن عالمکیرک توجهنه اوغرادقندن صکره انجنا-
 بندن کندینی قور تاره جق هیچ بر کوکل بولنه میه جغی
 شهر یار عندنده کونش کبی ظاهر اولمغه باشلادی کونشک
 ضیاسی مزبله یه دوشد کجه بونجه اخلاط منته فرجه یاب
 حدوث اولدیغی کبی او حقیقتک ظهور یده قازینک طبیعتنده

اچون شهر یاردن استیضاح بی ادبلیکنه جسارت ایتش
ایکن بو خطاسی بر سوء نیته مینی اولدیغی بیلنوبده یته
ایشک تسویه سی کندینه حواله بیور یله جق قدر عنایت
ومر حته نائل اولدیغندن حاصل اولدیغنی افاده و بوکایک
درلو مبالغات عجمانه و اوضاع پرستشکارانه دن مرکب
بر چوق اعتدار لر علاوه ایله برابر مسئله یی پک آز زمان
ایچنده ظاهره چیقاره جغنه تعهدل ایدرک شهر یارک یانندن
ایرلدی .

شهر یار اوطه سنه چکلدی اما بر حالده چکلدی که
کویا اوطه سی بر ظلمانی مزار — کندی ایچنده قصه قانجلق
کبی . — کین کبی . — حرص انتقام کبی . بر برندن مظلم
بر چوق اخلاق فاسده دن مرکب بر قوقش میت ایدی
بعض نفوس خبیثه نك کبرد کدن صکره جادی اولدیغی
مئلرده ایشیدیلر ! بو ملعونه ایسه دهها صاغ ایکن آرزو .
سنی جادیلره اسناد اولنسان قان ایچمکه . — جان یاقغه
حصرا یلشیدی گاه پر یخانک شاهانه جمال عالم تسخیرینی
نازنده ادای روح ائتلافنی کندی لطافت پز مرده سنه
قیاس ایدر عادل کرای نظرنده کندینک اکا تفوفنی آخر
حریفک اول بهاره رحجانی کبی محالاتدن بولور و بویأس
ایله عمر گذشته سنک هر دقیقه سنی کندنجه بر دوره ممت
بیلیدی بعض کرده مبادی شبانندن بری بیک درلو او .

زاده سی اولدیغنی بیلمیسک بوراده بر جنکیز دولتی تشکیل
ایتمک ایستلیدیکنی اوقومدکی عادل کرایکده شمخالکده
پریخانکده سنی اولدقلری خاطرکده دکلیدر ایسته اتفاق
ایتمش دولت صفوی بی محو ایتمکله اوغراشیورلر هم او -
وغراشدقلری ده محققدر کویا قریمی بزم طرفه ربط ایتمک
بهانه سیاه شمخاله شاهک اذنیله آدم کوندرلیدیکنی بنده
بیلیورم! مکر پریخانک مقصدی بشقه ایمش شو پادشاه
کریمه سنه باق! مردار شهوتیچون بتون خاندانکده بنمده
حیاتمزه قصد اییدیور. آه! بن اکا اوکره دیرم والله او -
کره دیرم! شهریار ایله اوغراشمق شاه اسماعیلی بوغدیرمده
بکزمی ایمش کندیسنه اکلادیرم! ملاک قیافتنده ابلدس
کل رنگنده زقوم.) حریف! نه قارشمده پریسنی کورمش
دیوانه کبی آلیق آلیق باقینورسک وزارتک شرطی حیر -
تمیدر؟ شمدی کیت! درویش زرده ایسه بولدر جزمی بک
کیم ایسه اله کچیر! ایشک کنهنی تحقیق ایت! اوکنی ال!
یوقسه بالله سنی شاهه سویلرم جهنمه شیطانه یاقیشه جق
قدر عذابلر ایچنده کبرسک « دینجه میرار سلیمان درایت
وطلاقتی قوتیله هر نه درلو موانع ومخاطرات ایچنده اولسه
شاهنک خدمتدن فتور کتیرمیه جکسه دائر بر مقدمه دن
صکره کوستردیکی حیرت بویله برندیهی البطلان بر افترا

ایدر ایسه خشمندن قورتملق قابل اولورمی ! درایتکز مسلم
 عالم ایکن عرضخالک مألنی اعتراف بیوردیغکزنی دوشو-
 نیورمده سامعهده اعتماده ایده میه حکم کلیور» یولو علنی
 تخطئه وضمنی تهدیددن مرکب بر معالجه ک ایراد ایتمکله
 شهریار تهور خرد کذارینک ویره یله جکی نتیجه لری پک قولای
 نفرس ایدرک شدتله چاغلیوب طوررکن صوی چوغالدقجه
 آقندیسنی کوسترمیه ک صورتده بر شکل سکونت پیدا
 ایدن دیده لر کبی کوکلنده غلیان ایدن انفعالاتک ظاهرده کی
 آثارینی ینه او انفعالاتک کثرت وشدتی آلتنده ستر ایدرک
 بردن بره تحویل لسان ایله «مادام که بنم اعترافم عقل
 قبول ایده ک شیلردن دکلدنر یا مجهول بر آدمک حقنده
 کاغد اوزرینه قویدیغنی افترایه نصل احتمال ویردکده
 نفسکده ادراک کدن حیا ایتمه دن بنی استنطاقه کلدک !
 بن بوراده شاهک حریمی تخت سلطنت اوزرنده او طو-
 ریورم بوندن صکره عرشه می چیقاجغم که بر امل اولسونده
 کندی دولتک عایهنده فتنه احداثه قالدیشیم ! کوز-
 لرینی بر طرفه بر اقدکده عرضحالی قولاق لرکله می او قودک ؟
 ذهنکی خرص اقبال ارقه سندن کوندردکده او قودیغک
 شیک مألنی واهمه کله می اکلماغه چالشدک ؟ کاغد ایچنده
 شمخالک ینه بر وقعه احداثیله اوغراشدیغنی کورمدکی ؟
 شمخال ایله بنم نه مناسبتیم وار ! پر یخان شمخالک همشیره

غیظدن عادتاً جنونه انتقال ایدرک همان میرزا سلیمانک
 بوغازینه صاریلیرجه سنه اوزرینه آتدی « اوت ! میرزا
 اوت ! بو عرضحال تمامیه طوغریدر سنی اولدیرتمک
 ایچون بن آدم لر ترتیبیه اوغراشیوردم واسطه لرمده عباس
 ایله موسی کاظمدر کیت آنلری ارات بولدر بلکه بولدره -
 مزسک نه یابارسهک یاب سنیلرک اطرافنی احاطه ایت بنم
 مقصدم بشقه ایدی ایشلر بشقه نتیجه ویردی مکر مقصده
 دها قوتلی چالیشانلرده بولنورمش میرزا ! نه یوزیمه او یله
 حیران حیران باقیورسک عادل کرای دیدیکی صرهده
 میرزا سلیمان سوزی کسه رک « افندمز او نصل لقردی لر !
 سز بو کون شاه حضرتلرینک حیات ثانیه سی ولیعهد
 سلطنتک نشئه اولیسی بولنیورسکز بو عبد عاجزک خد -
 متندن ممنون اولدیغکز حالده عزل و بلکه اعدام ایتد -
 یرمک ید اقتدار کرده ایکن علیهمه بر طاقم ارادلی تسلیط
 ایتمک شان دولتکزه یاقیشیرمی بنی قور یجیلر پازهلر ایسه
 حامل اولدیغم وکالت اضافتیه قدر سلطنته نه درجه
 خلل ترتب ایده جکی تعریفه محتاج اولان حالدرنمیدر
 سپاهی بو درجه یوزه چیقاریلور ایسه ضبطلری نصل
 قابل اولور خاندانکز نصل راحت ایدر ایاق طاقنک
 وزیرده ایتدکری تجربه یی شاه حقبندهده تکراره قالقشمیه -
 جققرینه امنیت جائزمیدر ملوک ملهمدر یاوقعه شاهه عکس

برینک «موسی کلظم» در انلری بولدیرمق ممکن اولور
 حقیقت حالده بالاطراف انلردن تحقیق یوریلور عادل
 کرای ایله پریخان بر رینه فوق الغایه مبتلادر شهریار
 خانم دخی غالباً میانجیقلرنده بولنیور انک مقصدینی بیله
 قور یجیلر ییننده دوشونیلان شیرک بریده ذات عالیگری
 اعدام اتمکدر سزک وجود کز آرهدن قالمزسه پریخان وعادل
 کرای وشهریار خانم ییننده اولان اتفاقک نتیجه سی حصول
 بوله میه جغنی سویلیورلر قور یجیلری تحریک ایدن شهریار
 خانمدر عباس ایله موسی کلظمی بولدیرمق عهده کزه لازمدر
 میرزا سلیمان بر کره عرضحالی اوقودی املاسزلغنه ربخسز
 لغنه باقدی هیچ اهمیت ویرمامک ایستدی بر کرده حاوی
 اولدیغی اخبار غریبه بی دوشسندی خصوصیه شهر یارک
 قور یجیلره کندی علیهنه فتنه ترتیب ایلدیکنی پیش نظره
 الدی هیچ اولمزسه شهر یاردن ایشی استیضاح ایتمامک هم
 شان درایتنه هم وظیفه وزارتنه مغایر اولدیغنه حکم ایتدی
 همان اوکیجه دن سرایه کیتدی عرضحالی شهر یاره تقدیم
 ایلدی .

شهر یاز اوپله هیچ امید ایتدیکی بر زمانده هیچ اومدیغی
 بر آدمک هیچ خیال و خاطرینه کتیرمدیکی بر مسئله ایچون
 یاننه کلدیکنی کورنجه طبیعی متغیر اولشیدی فقط عر-
 ضحالی اوقور اوقومز حالی تغیردن تأثره تأثردن غیظه

غایت پزمرده . — غایت چرکین بر درویش طور یور
عرضحالک مآنی صدقه طلبنه حل ایله درویشه بر قاچ پاره
ویرلسنی امر ایلدی درویش ده ظریفانه بر تبسم ایله
حضورندن چیقدی غابله قاریشدی .

میرزا سلیمان براز وقت صکره یاننده کی کاغدلی طو-
پلادیغی صروده درویشک عرضحالنه دقت ایتدی کوردی
که عرضحالک ورقه سی او یله صدقه استدعاسنه بکزر برشی
دکل هند آبادیسی دینیلان و او زمانلرجه اکبر ییننده مخا-
برده قوللانیلان کاغد جنسندندر — او عراق ایله بر کرده
عرضحالی او قومق ایستدی آچدی نظرینه شو افادهلر
اصابت ایلدی .

صورت عرضحال

غفلت بیورلسون شمخال طاقی ینه جمعیه باشلادی
مقصودلی پر یخانی عادل کرایه تزویج ایدرک ایرانده بر
دولت جنکیزیه تأسیس ایلیکدر ولی النعمت اولان خاندان
صفوی بتون بتون محو ومنفرض اولیور جزمی بک نامنده
بر آدم شمخال طرفندن مأمور اوله رق بورایه کلدی بو
فقیر درویش دخی برابر ایدی جزمی بک غائب اولدی تخمینمه
کوره قور یجیلز اره سنه قارشمش اولسه کر کدر قور یجیلر
ایچنده ایکی سنی دوستی وار ایدی بر ینک نامی «عباس»

ساحلرینه بمن چوللرینه کوتورمش واورارک ققخنه موفق
اولشدر کندی غایت عنود خودپسند بر ذات اوله رق هر
نه ایشه عزم ایدرسه اتمامه کافه اقتدارینی بذل ایدر او-
غرا دیغی یرلری بای حال یا امرینه اطاعت ایتدیرمک یابتون
بتون خراب ایتک ایستر تجربه مه اعتماد بیورلسون سرعتله
حرکت لازمه دندر .

امضا

طوقاق خان

مکتوب

— ۳ —

سنان پاشانک عهدده سنه صدارت توجیه اولندیغی و بر
ایکی آیه قدر سرحدده داخل اوله جغنی تحقق ایلدی الدیغیز
خبرلر عثمانلی اسراسندن در او شرفلی قوم اسیرلکده بیله
یالان سویلمکی بیلمرلر اعتماد بیوریله والسلام

امضا

امیر خان

میرزا سلیمان اوچ مکتوب ایله مؤید اولان بو خبر
هائلدن نهایت درجه لرده اورکدرک دفع بلایه ذهنجه تدبیرلر
دوشمنکله مشغول اولدیغی بر زمانده ایدی که «نوکر» (او-
شاق) لردن بری النه بر عرضحال اعطا ایلدی عرضحالی
الدی کوز اوجیله صاحبنی تحری ایتدی کورذی که قارشیشنده

مکتوب

— ۲ —

صیف وشتا دیمدک عثمانلی کاربانک تفلیس و شروان
ایله موارد سنی قطع ایلمکه چالشدق خدمات مشکوره مز
نزد شاهیده مشکور اولشیدی شمدی یه قدر بونجه مو-
فقیتریمزه سبب عثمانلی سردارینک انفصالیله اردو اداره-
سنک خالی قالمسیدر شمدی ایسه سنان پاشانک سردار او-
لهرق ورودی تحقق ایلدی — جاسوسلر مز دن الدیغمز خبرله
کوره مهر صدارت ده کندیسنه ارسال ایدلمش بو فقیر بر
خیلی زمانلر طرف شاهیدن عثمانلی ملککنده سفیر بولنمشیدم
اورالک عاداتنی اولدقجه بیلیرم نه حاجت ایران ارباب وقوفی
ایچون دخی بنم بیلدیکم شیرلر مجهول اولان احوال دن دکلدن
سنان پاشا اکر فی الحقیقه مهر صدارته نائل اولدیسسه
اوزریمزه بتون عثمانلی ملککنک عسکر یله حرکت ایتمک
مقرر در ایرانه او قدر عسکر نره دن کلیر ظننده بولنلسون
سلطان سلیمان زماننده اوزریمزه روم ایلیدن بیله سوق
جیش اولنمشدی ایران ویرانه لرنده عثمانلی عسکری بسله-
نیله مز دیه مشهور اولان مثله ده اعتماد بیورلسون بو سنان
پاشا نفوذ کلام و یسار بی پایانی قوتیله عثمانلی عسکرینی
سوق و اعاشه جیش ایراندن بیك قات مشکل اولان تونس

قولی افشاره وانك واسطه سیله پریخانه کیدرک الدیغی اقسامدن
الدیغی تعلیماتی بتمامها اجرا ایلدی .
التبجی فصل

() سنه سی بهارینک او احرینه طوغری بر کون
که میرزا سلیمان سفر تدارکنی اکیال ایله حدود اوزرینه
یوریمک حقنده هر طرفک وقوعبولان تقاضاسندن بیرار
اوله رق چادرینی قزوین کنارینه قوردیرمش ایدی خلاصه
ترجه لری زیرده کوستریلان مکتوبلری او قومغه باشلادی .

مکتوب

شمدی یه قدر دولت شاهیده ایتدیگمز خدمت معلومدر
بو سرحد فقراسیله عثمانلینک شوکتنه متداومت احتمالی
قالمدی بزمده دولتمزکده چاره سنه باقلمق امر عالیبرینه توقف
ایلر . امضا

امام قلی خان

تکلیفنده بولنورسه تشبثک مخاطره سی امیدینه ولوکه بیک
 قات غالب اولسون تردد کوسترمکلکمک احتمالی وارمیدر —
 محاربه میدانلرنده هر دقیقه کوزمک اوکنده طولاشیر ایکن
 کرپکرمی قیرپاجق قدر بر هیجان ویره مامش اولان اولو —
 مدن می قاچه جغم ده یکر می یاشنده بر قزک شیعیلر انده
 قالمش ایکن بندن زیاده کندی مذهبنک اعلائی شاننی
 دوشنن بر ملکک یاننده رذیل می اوله جغم دیهرک عزم
 قطعیننی بیان ایله یوزینه باقلز درجه لرده بر غضب پیدا
 ایتدکن صکره سن عثمانلی اردوسنک شہسوار جلاذتی عد
 اولنان جزمی دکلیسک بر دشمنکی قورتارمق ایچون آتلدیغک
 بلا کردانندن بزم ایش دہامی تہلکہ لیدرکہ بو قدر محترز
 طورانیورسک مقصدمزک (ہایدی سنک — دوشندیکک
 کبی سویلیہیم) خیالمرک قدسیننی وحتی شاعرانہ لکنی بیلز
 ایکن شرواندن بورایہ قدر کلدکده بورادہ می وہمہ دوشہ —
 جکسک ایشہ می خلل کتیرہ جکسک سوزلریلہ اعصاب شجا —
 عتنی تحریک ایلدیکنندن جزمی «مرادم افندمزک مخاطرہ دہ
 اولدیغنی کوسترمک ایدی یوقسہ بندہ کز ہیچ بر وقت بلا —
 دن آفتدن قورقار جان اسرکر طاقدن دکلم» دیدی —
 پنجرہ سندن اشاغی چکلدی .

صبح اولنجہ اقشامکی قرار و جہاہ طوغریجہ علی

بیک رنکه دو کولدکن صکره نصل بو قراری انتاج ایلد۔
 یکنی بر تفصیل حکایه ایتمکله جزئی ایکی قادین قوتیله بر
 دولت قح ایتمک عادل کرایه مخصوص خارقه لردن اولدیغنه
 دائر بعض لطیفه لردن صکره ایکی رقیب ارسنده بولنمق
 ایکی آتش اورته سنه دوشمکن دهها مخاطره لی اولدیغنه ایرانک
 مذهب داعیه سی حصول امله صورت قطعیه ده مانع اوله۔
 جغنه تخت سلطنتده طهماسبک اوغلی او طوروب طوررکن
 شهزاده بایزید وقعه سنی تنظیره چالیشیر جه سنه بر تشبثده
 بولنمق کار عاقل اولدیغنه دائر ذهنندن کچن تصویرلی برر
 برر عرض ایلدی جزمینک لقر دیلرنده ایسه عادل کرایک
 دوشمیدیکی هیچ بر سوز یوق ایدی فقط او مخاطره لر ذاتاً
 کندی ذهننه کلیدیکی زمان تأثیر ایتمدیکی حالده بشقه سی
 طرفندن اخطار اولندیغی زمان ده حکم سز قالمق طبیعی
 ایدی برمدتجک پر یخاندن ایشتدیکی ومجرد آندن ایشتدیکی
 ایچون عین حقیقت کورمک ایستدیکی دلایللی۔ که یوقاریده
 بیان اولمشدی جزمییه قبول ایتدیرمک ایستدی مخا۔
 طبندن قناعت کورمینه بو درجه یه وارلدقن صکره
 کیری کیدلمه نک احتمالی یوقدر احتمالی اولسه ده بن دونم
 حتی مقصدم یالکز پر یخانه تملک اولسه ایدی ینه یولنده
 فدای جان ایتمکدن چکنمزد شمدی جائمنن زیاده سودیکم
 بر معصومه بنکا مذهب نامنه اتحاد اسلامه بر خدمت

پریخنده بنم کبی سنیدر نه دیرسک جزمی شاعرانه بر
تثبت دکلی .

جزمی — انسانک خیالی عوالم علویه نك اك یوکسک
طبقه لرینه قدر سوق ایدیور خیالک پارلاقلی قدر اجرا-
سندده قابلیت اولسه !

عادی کرای — سلطان سلیمک . — صقولینک بری
قاره لری ضبط ایدرک . — بری دریاری براشدیررک حاصل
ایتمک ایستدکلی اتحاد — اسلام مقصدینی شیعیلر انده اسیر
ایکن سنی بر قزک یاردمیله وجوده کتیره بیلیرسه م (کرچکدن
سو بیلورم) شاعرانه بر خیال دکلیدر ؟

جزمی — افندمره عرض ایتدم اکر قابلیت اولسه !...
خیالک شاعرانه اولدیغنی ظن ایدرم که قولکرده همان
افندمره یقین بیلنلردنم بنده کزی خیال شاعرانه ده قدر تکره
اقناع ایچون بیچاره صادق ایله ابراهیمی فدا ایدرک بیک
بلالر ایچندن بوراره قدر کتیرمکه هیچ احتیاج یوق ایدی
.... اکلادق افندم بنده کرده اصحاب خیالدم سزده
شمدی جدیاته کلهم . اکر بز مانع یوق ایسه نصل اولوبده
ایشک بو درجهیه قدر کلدیکنی اوکره نه بیلیریم ؟

بو سوال اوزرینه عادل کرای وقعه نك صورت ظهوری
اصلندن دها غریبدر «مقدمه سیله سوزه باشلایه رق شهریار
ایله اولان ماجرای و مجبوریتله یالاندن باشلادیغی برایشک

سترديککز صافدرونلغه انسان حيرته قالير کنديني برا-
دري عليه سزکله متفق کوسترن بر قادي نه نصل ايننا-
نيرسکز قرداشنک خاندانک سلطنتي بيغمغي تصور ايتسندن
ايسه سزک حياتکره قصد ايتسي دهاملحوظ دکليدر ؟
عادل — پريخاندين بکا خيانت تصورنده بولمه !
جزمي — نيچون .

عادل — پک اينجه دن اينجه سوال ايتکه باشلادک .
جزمي — مساعده بيوررسه کز سوال ايتيم و جدا-
نکره ترجهان اوليم سويورسکرده انک ايچون دکلي ؟
عادل — فرض ايت که سويورم نه لازم کلير .

جزمي — نه لازم کله جک معشوقه يي هر فنالقدن
تجريد ايتک محبتک شاتندن اولديغندن سوزينه ايتاير
بويله مهلکه لره دوشرسکز .

عادل — سن انسانه هر سريني سويلتمکمي ايتيور-
سک اوده بني سويور .

جزمي — وای ! ايکي عاشق معشوق بوتنها مجلس
الفتله بو کچه لجه مجبتره قناعت بيوره مدیکز افندمز
آکا حياتکزي مهر مؤجل تعين ايديورسکز اوده افندمز
جهاز اوله رق بر قوجه تخت سلطنتله کلمکه چاليشيور
اويله مي .

عادل — کوزل خلاصه ايتدک بر پرنده اکسک وار

عادل — نیچون .

جزمی — اولا تشبثی بیلیورم .

عادل — سویلیهیم بوزاده چرکس طاقنک خیلی قوتی وار شاه بر علیل آدم . جزه میرزانک مزیتی یکیتملکه منحصر دنیاده بشقه بر شیدن خبری یوق عباس هم بوراده دکل هم دوت یاشنده وزارتده بولنان میرزا سلیمان اولدقجه عاقل بر شی ایسهده ادانیدن کله اولدیغندن کرک خانلر کرک عسکر کندیسنندن پک متفردر عموم ایرانده پریخانک بیکده بری قدر انفاذ حکمه مقتدر کیسه بی بوله . مزسک اطرافیه دوشوندک هر کسی ایاقلاندرمق پک قولای اوله جق . هم اخلاقنه هم درایتنه اعتماد اولنور بر وا . سطره مز یوق ایدی ده سنی آنک ایچون کتیرتدک شمعی صفوی خاندانک اعضاسنی شورادن طوپلایورسهک ده استانبوله کوندرسهک مقبول اولزمی ظن ایدرسک .

جزمی — اکلامدم شهزادم ! صفوی خاندانک عایهنه عصیان ترتیب ایدیورسکرده او خاندانک اعضا . سندن بر قادین ایله نصل متفق اولیورسکر .

عادل کرای — اوت عالمک حالی بو قدر غریب اولدیغنی بنده بیلزدم سویلدیکم عقلاک خارجنده کورینور فقط صحیحدر .

جزمی — او قدرده درایتکنز عرفانکنز ایله برابر کو-

جزمی — اړه صره مناسبتیزلک ایدرسهم انفعال
بیورلزیبا!

عادل — نه کبی مناسبتیزلک .

جزمی — بویله بزم ایچنده رزم ترتیباتیله اوغراشمغه
بر درلو عقم ایرمدی .

عادل — بزم دکل مذاکره مجلسنده ایدک .

جزمی — قادیتلراه مذاکره

عادل — اوت ! براز غریب کورینور اما پریخان
اکلادیغک قادیتلردن دکل بوندن اول شاه اولان اسماعیلک
جلوسنه او سبب اولشدر یالکز تدبیر ایله ده دکل هم تدبیر
ایله هم شمشیر ایله .

جزمی — ارسلانلر رفیقه سنی ینه کندی جنسنندن
انتخاب ایدر .

عادل کرای — صکره شاه اسماعیلی ده او تلف ایتدی
دیورلر اما افترادر والله ایش او یله دکل هیچ نه مناسبت!
جزمی — افسدمز افترای ایدن بن دکل حسن شها-
دت یولنده بو قدر تلاشه احتیاج یوق .

عادل — خیر شاید سن ده ایشیدرسک تشبثده کوکلکه
بر صوغوقلق کلیر دیه سویلیورم .

جزمی — بنده کز حالا تشبثه ایصنه مدم که کوکلکه
صوغوقلق کلسنی تصور بیور بیورسکرز .

برینی کوندرمک عزمنده بولندیغنی سویلسون « دیدی و جزمی » اویله سویلرسهک بتون بتون ده یالان اولمز چونکه بوراده جدی بر تشبث اولدیغی تحقق ایدرسه شمخال برادرینی کوندرمک نیتسندهدر « جوانی ویردی پریخان » یا برادری عثمان پاشایه کریمه سنی ویردی انک کلمسی نصل اولور ایران دولتک بوندن صکره طوجه لایوبکه اعتماد ایتسی ممکنمیدر « یوللو مقابله ایتدی اکاده جزمیدن « طوجه لایوبکی دکل دیگر برادری دانیال بکی کوندره - جکدر » جوانی الدی « دانیال بکک بکا محبتی شمخالدن ده زیادهدر او کلیرسه بزم ایچون پک بیوک خیرلر امید اولنور سز مذاکره کزه باقیکز بن اطرافی طولاشهیم » دیه سو - یلنهرک اوطه دن چکلدی .

جزمی ایله عادل کرای تنها قالدیلر شو یولده صحبتیه یاشلادیلر: (جزمی پریخانک شمخال بنی امرادن برینه ویرمک اوزره کلهجک یولنده اولان لقردیلرینی سویلدیکی زمان عادل کرایک چهره سنده حاصل اولان قورقنج قور - قنج تغیرلردن کولکلنده کی اضطراب عشقی دفعه اکلا - هشدی - جزمی - جزمی بنده کز نظرکرده ینه اولکی جزمیدر .

عادل - قیمتک بیك قات زیاده لشدی دیمک استیورسک .

یالکز دیگدر شو کوردیکک و جود پریخاندر که نه یه تثبث اولنه جقسه آنک ایله برابر تثبث اولنه جق « دیدی و شر- وانک حالنه و جزمینک یوللرده کی سرگذشته دأر برار معلومات الندیغی کبی ابراهیم ایله صادق تلف اولسنه بر چوق تأسفله برابر او زمانه قدر بر معنا ویره مدیکی تأخراتک حکمتنی پنجره دن کیرمه که موفقیتنی و بوکا خدمت ایدن قور یجیلرک بصورت مجلویتنی او کړند کدن صکره ایلرو سیچون ایدیله جک حرکتی مذاکره به ابتدار ایلدی .) پریخان تربیه و ظرافتی اقتضاسنجه عادل کرای ایله جزمینک کیزلی بعض سوزلری ده اوله یله جکنی مطالعه ایدرک « جزمینک بوراده بولنمسی پکده بنم یاخود شهر یارک بوراده بولنمازیه بکره مز بن کیده یمده صباحه قدر اطراف کیزی قوللایم سز قونوشور مذاکره ایدر سکز یارین جزمی بک قور یجی ضابطلرندن علی قولی افشاره مرا- جعت ایتسون آچیقدن اوله رق بکا کلسون دایمدن مکتو- بنی هدیه سنی کتیرسون خانلره کندیسسی شمخالک ادملرندن اولدیغنی و شمخال عثمانیلرندن بیزار اوله رق هم ایراتک تدابیر حریبه سنه معاونت و همده کو یا بنی بوراده خانلردن برینه تزویج ایله داغستان و ایران عصیتلری اراسنده اولان ارتباطه قوت و یرمک ایچون ممکن اولور ایسه کندی فرار ایدوب کلمک و ممکن اوله مزسه اقر باسنندن

دکل طامدن بیله کیرمک جائزدر» یولو مقابله ایلمدی
 یر یخان جزمی سوزینی ایشتدیکی کبی ایتدکلی تلاشک
 و غرادقلمی دهشتک نه قدر بیهوده نه قدر موهوروم بر
 شی اولدیغنی دوشونهرک ظنیات ایله حقایق ییننده کی مغلا
 یرتی خاطرینه کتیردی قهقهه ایله کولمکه باشلادی .

جزمی خنده صداسیله بری طرفه دونوبده یانلرنده
 جار ایچنده بر قادین بولندیغنی کورنجه فنا حالده شاشردی
 یر یخانک چهره سی میدانده دکلسهده بر شاعره کوره اندام
 و خرامندن کوزلکنی تخیل ایتک مقرر اولدیغیچون بویله
 بر مجلس محبتی بوزمق مزاج رندانه سنه طوقوندی بو
 مناسبتسزلکنه فکرنده عذر بولوردی چونکه ایرانه
 دعوت و اوطیه ضرورت اوزرینه کلشیدی فقط عادل
 کرایک فکرینی خدمت ملته منحصر بیلدیکیچون دعوتنه
 اتباع ایدوبده دقیقهده بر کره نفسنی اجلاک پنجه سنه
 ازارجه سنه یوز بیک مخاطره کچیرک بر محارب دولتک
 پای تختنه قدر کیرمکی کوزه کسدیرمش ایکن خانزاده پی
 اویله بر بزم شو فاشوق وصال ایچنده کورنجه کلدیکنه
 قلباً عادتا ندامته باشلادیغنی کبی بو تأثرینی بعض ایمالره
 اولسون اظهار ایتمکن کندینی اله میهرق « یالکز اولدیغکری
 بیاسه ایدم تعجیز ایتدم » « دینجه عادل کرای » مجلس ینه

اولدیغنی کورمسی اوزرینه او قدر شدت او قدر سرعتله
 مسرت واطمئنانه منقلب اولمش ایدی که قلبنده ظهور
 ایدن خلیانلرک شدتدن برسوز سویلکه حتی وجودینک
 بر عضوینی تحریک ایتکه مقتدر اوله مقسزین النده یالین
 قلیجیله تمثال هول اولق ایچون یاپیش بر تصویر مجسم
 کبی بولندیغنی یرده دیکلمش قلمش و پریخان ایسه جزمینی
 بیلدیکی جهتیله اوغرادینغی هول واضطرابی دفعه بالطبع
 مقتدر اوله مدی ایسه ده جزمییه کورنمه دن اوطه دن
 چیقمه وقت بوله مدیغنه و کورندکن صکره چیقماق لازم
 کلسه ملاقات محرمانه لرینک تولید ایده بیله جکی شهسلر
 عین حقیقت رنگنه کیره جکنه نظراً دنیاده قاچ درلو
 تدبیر تصوری ممکن ایسه سیاله برقیه قوتیله همان هدی
 بردن خیالندن کچهرک نهایت اکر وقعه شایع اولورسه بو
 ملاقاتی ده متماد اولان مذاکره مجلسلری قیلندن کوستر
 مکه قرار و یردی عاقبت حاله انتظاراً مقامنده ثبات ایلدی.
 پریخانک بولندیغنی موقع یان دوشمک جهتیله جزمی
 کندیسینی کورمدیکنندن مجلسی بتون بتون تنها قیاس
 ایدرک وشوخ مشر بلکنی اله الهرق « ماشا الله شهرزادهم !
 دعوت ایتدی ککز بندکان کزینی قدر حسن قبول بیور بیورسکز
 بو قلیجده مهمان نوازلق لازمه لرندنمدر » دیوبده
 عادل کرایدن جزمی الله مستحقنی ویرسون اوطیه پنجره -
 دمنی کیریلیر جوانی النجه « قپوده مانع بولنجه پنجره دن

ایشته عادل کرای ایله پر یخان تشبثلرینک عواقبنه
 ومناسبت دوشدکجه حالات محبتہ دائر اوزون بر محاوره
 طامش اولدقلری صرہده ایدی که اوطوردقلری گوشه نك
 صاغ جانبنده اولان پنجره دن بر حرکت بر تنفس سسلری
 کلکه باشلادی بیچاره لر فنا حالده اور کدیله حیرتلرندن
 وجودلرینک بر ذره سنده بیله حرکتہ اقتدار قلمدی دقتلرینی
 وبلکه حواس - باطنه لرینک جمله سنی او جهته وقف
 ایتدیله اره دن بر دقیقه کچر کچمز ایشدکلی سس هم
 زیاده لشدی هم اوطه یه بتون بتون یاقلاشدی طبیعیدر که
 مجلس محرمیتلرینه تقرب ایدوب کلان مخلوق کندیلرینه
 کوره هادم اللذات اولان موتک قره خبرجیسی قبیلندن
 ایدی ایکسی بردن جان هولی هجران قورقوسی ایله
 یزلندن فرلادیلر پر یخان جارینی قاپه رق اوطه دن چکلک
 وعادل کرای قلیچنه صار یله رق او بلای نا که نظهوری
 قارشیلماق عزمنده ایدی که پنجره دن یانلرینه بر کولکه
 ومتعاقباً عباسنه بورغمش بر آدم آتلدی عادل کرای مأیوسانه
 بر تهورله او خیال هائلک اوزرینه یوریدیکی صرہده مسافر
 سکر نمایش ارقه سندن عباسنی آتجه کوردی که بر قاچ
 ایدن بری قدومنه انتظار ایلدیکی جزمیدر .

بیچاره نك ذهننه استیلا ایدن دهشت دشمن جان
 قیاس ایلدیکی بر مخلوقک کندنجه بر توفیق مشخص

بناء عليه ینہ هیچ اولمزه ایکی کیچمه ده برعادل کرایک
اوطهسی شهریار ایله پریخانک یا ایکسندن و یا ایکسنگ
برندن خالی قالمغه باشلادی بونلر بریره طوپلانیرلر درلو
درلو مطالعه لاله اتعاب افکار ایدرلر بربرلرینک سوزندن
کندی آرزولرینه کوره چیقاره بیلدکلی معنی ایله ایله
تسلی بولور طاغیلرلر ایدی .

بویله اندیشه کیچمه لرینک برنده که شهریار شاهک
خدمته کیمش پریخان ایسه میدانی تنها بوله رق عادل
کرایک اوطه سنه جان اتمشدی ایکی عاشق قارشی قارشی به
کلدیله کولکلرینک اضطرار ایله برابر صیحاغک ده افراط
درجه ده بولمسی جهتیه براز هوا المق ایچون اوطه نک نه قدر
پنجره سی وار ایسه جمله سنک درت قنادینی بردن آچهرق
و کندیلری بر کوشه یه چکیله رک حسب حاله باشلادیله مکتوبلرک
طوتلمدیغنه بر قوتلی دلیلری وار ایدی که اوده آدملری
قزویندن چیقه لی ایکی اوچ آبی کچمش اولسی ایدی اکر
مکتوبلر طوتلمش اولسه ایدی او زمانه قدر البسه ایش
میدانه چیقمش اوله جفنه و حال بو که هیچ بر طرفدن مسئله یه
دائر بر سس ظهور ایتماسنه نظراً ادملرینک بأی حال
عثمانلی ملکنه کیردکلرینه تمام ایله حکم ایدرلر دی بونلرک
عثمانلی ملکنه مقتدر اولوب ده اورادن چیقغه مقتدر
اوله میشلرینه بر سبب معقول تصور ایده مز لردی .

بزه الیشر التون ویررسکز مقصد حاصل اولور» جوابتی
ویرنجه جزمی همان کیسه سنی میدانه آتهرق مکنده پاره-
مندن ماعدا ایکسینه دفعةً یوزر آلتون اعطا ایتدی
خانزاده پی کوردکن صکره ایکیشرفاتی دهها ویره جکنی
علاوه ایلدی .

عباس طمعه کاراغنک اظهارینی وقارلوندانه سننه مغایر
کوردک الدیغی احسانه مقابل « خیه ! بو خدمت ایچون
ویردی ککز پاره بیله چوقدر خانزاده پی کوردکن صکره
تکرار احسانکزی المغه اوتانورم سز ایش بیورک بز کو-
رهم لایق اولدیغمز اجرتی ایستکدن چکنمیز » سوزر یله
جزمی بی بر تبسم عارفانه مجبور ایلدکن صکره لازم
اولان کسندک اشتراسنی ده کندی عهده سننه الهرق وکویا
ایش کندیته عاڈ ایش کبی ایرتسی کیجه ننگ اونودلامسینی
جزمی یه توصیه ایلهرک ایشنه عزیمت ایلدی .

سرای شاهی ده غازی کرای دغدغه سی اونودلمش
شهر یارک عادل کرایه تسلطی ده نهایت بولمش ایسه ده
صادقله ابراهیمک عودتنده کوریلان تأخرل اصحاب
مشورتجه پک بیوک اندیشه لری موجب اولمغه باشلادی
شهر یار بو تأخرک دوامی مقصدینی ده تأخیر ایتدیکی ایچون
مضطرب اولور عادل کرای ایله پر یخانی مکتوبلری اله
کیچمش اولوق واهمه سی بییک درلو خلجانه دوشورردی

صرف ایچون اوج بیك التونه مالك اوله رق قزوینه
 واصل اولجه یه قدر حیوان لباس مباحه سیله برابر انده کی
 ودیعه نك همان یوزده برینی صرف ایتدیکندن وموجود-
 دینك بقیه سی او زمانلر حکمنجه ایران قور یجیلرینك
 کافه سنی آسترایه کافی اولدیغندن عباسك طمعنی ایش بو-
 زه جق قدر مضر بر حال عد ایتدی همان او کون موسی
 کاظم واسطه سیله عباسی بولدیردی اکاده بی پروا کشف
 راز ایلدی عباسك طمعکارلغی قدر جرأتی ده وار ایدی او
 جرأته ایسه بویله ایشلرده طمعکارلغی بر قاندها قوت
 ویرردی بناء علیه جزمینك تکلیفنی بلا تردد قبول ایدرك
 «خانزاده البته سزی بیلیر قیودن اولمرسه پنجره دن یانسه
 کیرمکده بر مانع یوقدر یارین کیچه بن خانزاده نك
 پنجره سی اتنده نوبتجی یم رفیقم ده بالکز کاظمدر بزقور یجی یز
 یانمزده کند بولنمق عادتدر تاجر لر بازارنده پک کوزل
 ایپک کندلر وار کاظمه سپارش بیور یکز اون اوج اون
 درت ارشون قدر بر دانه سنی تدارک ایلسون او بویده سنی
 پک چوق اولسه اوج آلتونه ویررل سزه کوندزدن بانجه نك
 قیوسنی کوستیریم کیچه ده آچیسق براقیرم ساعت بش الی
 راده لرنده کلیرسکر کندی پنجره یه اتارز چیقار خانزاده یه
 هدیه لر کری تقدیم ایلرسکر بن آشاغیده بکلرم ایستدی ککر قدر
 او طور رسکر ایشکر بتنجه اینرسکر خدمتمزه مکافات اوله رق

و جزمینک امری اوزرینه کندی کورشدکری آدملری
ضیافت ایله هدیه ایله تطیبده قصور ایتزلر ایدی .
نهایت بر کون جزمی جرأت معتماده سیله هر مخا-
طره بی کوزینه الهرق قونوشدیغی سنی قور یچیلردن موسی
کاظمه کندسی قریم خانک دأرہسی معتبرانندن اولدیغی
وعادل کرایه برادری طرفندن پاره وهدایا کتیردیکنی
سویلدی و بو مقصدینه خدمت ایده یلیرسنه حقنده کرک
خانزاده نك کرک کندینک هر درلو احسانی مبذول اوله جغنی
وعد ایلدی .

موسی کاظم ناموسلی خیر خواه مذهبنه مذهبداشترینه
کمالیله محب بر آدمجکز ایدی فقط جزمینک تکلیفی قبول
ایده جک قدر جسارته مالک دکل ایدی بناء علیه ایشک
رفیق و همشهریسی اولان عباسه آپلمسنی رأی ایلدی .
جزمی ده عباسی ایشه یرار مذهبنه محب بر آدم کورمش
ایسه ده اخلاقنده طمعکارلق حس ایلدیکیچون بونقیصه نك
حریفی خیانت درجه سنه سوق ایدوب ایتیه جکنی اکلا-
مدقجه عباسه اچلمغه جسارت ایده مز دی بو مسئله ده موسی
کاظمی اوزون اوزادی استنطاق ایلدی عباسک بیاغی
تفصیلاتی ایله ترجمه حالی اوقورمش کبی هر حالنی او کړندی
عباسک قورقوله جق قصوری « پاره جانلی » لغنه منحصر
اولدیغنه امنیت حاصل ایلدی کندی ایسه مقصدینه

پك قولای كچدیلهر و یولده هیچ برمانعه یه تصادف ایتمكسزین
قرزونه واصل اولدیلهر .

جزمی ده كرك عادل كرایه و كرك پر یخانه مكستوبلر وار
ایدی فقط صادقله ابراهیم یولده تلف اولدقلى ایچون
انلره تقرب ایتمكه انده بر واسطه یوق ایدی قرزوینده هیچ
بر كسه بی بیلمز ایدی كه مقصودینه وصول ایچون استمداد
ایلسون ایرانك اداب و عاداتنه تمامیله واقف دكلى كه
كندی كندینه بر جاره بولسونده سرایه داخل اوله یلسون
نه قدر اتعاب افكار ایلدی ایسه همان هر زمانده هر
هر مكانده استحصالی امل ایچون اك مؤثر واسطه اولان
بذل نقوددن بشقه ایشنه یرایه جق بر تدبیر تصور ایده -
مدی همان اجتماعكاهلرده قوریجی طاقی ایله الفته
ابتدار ایدرك ضیافتده هدیده حاتمائه بر سخنا ابراز ایتمكه
و كندینی دنیاك اك برنجی اصحاب ثروتندن كوسترمكه
باشلادی برای قدر اوغراشه اوغراشه قور یجیلر ارسنده
ایکی سنی بولدی انلره الفتی قرشیدردی بر قاچ كونلر كو -
رشدكدن صكره ذكاسنده اولان قوه فوق العاده ایله
ایکیسنك ده اخلاقی تماماً تمیز ایلدی كندیلرینی دائرة
محرمیته الدی .

اوصره ده پرتوله صنفی ده سائر قور یجیلره كوریشورلر

استرسه کمال ممنونیتله الیرم» سوزز یله مقابله ایلدی .

اختیار جزمینک بو افاده معقوله سنه قارشی « ایش بو
 درجهیه کلدکن صکره اوته سی جناب حقک تقدیرینه
 باقار سز شمیدیک عایشه یه یالکز اوفاجق بر نشان براقکز
 او سزی بکنزسه صکره نشانکزی رد ایدر سزانی
 ایسترسه کز نشان دکل حتی اردهه نکاح بیله اولسه
 پدرینک اوینه کوندرمک ینه الکرده در» یولو عرض مرام
 ایدنجه جزمی بلا تردد پارمغنده بولنان بر اوفاق یاقوت
 یوزکی چیقاردی نشان اوله رق میرزا عمره تسلیم ایلدی .) همان
 اواقشام جزمی یاننده بولنان اوچیمیک المونی اوچ آیری کره یرلشد .
 یردی کمرلک برینی کندی دیگرلرینک هر برینی ده رفیقلرینک
 یری قوشاندی شماخیدن چیقدیله روانه طوغری یو .
 ریدیلر .) حدوده یاقلا شنبه بر تنها صحرا ده بر آعاج دینه
 چکلدیله ارقه لرندن البسه لرینی اتدیله برابر کتیردکلی برر
 قات عجم اثوابی کیدیلر ایران داخلرینه طوغری چکیلان
 روان فراریلرینه قارشیدیلر نره لی اولدقلرینی صورانلره
 جعفر پاشانک هجومنده قتل عام کورمش و تخریب ایدلمش
 اولان صاری کوتید نامنده بر کویدن اولدقلرینی خبر
 و یررل ایدی .

تدبیرلرینی کمال مهارتله اجرا ایتدکلی ایچون حدودی

بوخانه‌یه بر ملك مؤكل كې نازك اولديكز اوغلى قورتار-
 ديكز بنى صيانت ايتديكز بو قدر احسانلر يكره مستغرق
 اولدق قيزىمى ده تربيه همت ايلديكز چو جوغه ندر
 محبتم اولدينى بيلور سكر اختيارلق وجودمه طاقت برامدى
 كندمه پك فنا بر طاقم حلالر حس ايدىورم جناب حق
 بيلور اما بزم رحلت يقيندر او قدر تربيه دن صكره بن
 قزىمى بوراده كيمه ويره بيلورم چو جوق معصوميتى جهتيله
 ايتديكز لطيفه لرى بتون بتون جده جل ايتش حالا
 كندىسنى سزه مالك قياس ايدور خدا بيلور ايش كندمه
 عاقد اولديغى اچون سو بيلورم ستمه حرمت بيور يكرده
 تجربمه اعتماد ايديكز اقر با تعريفله كورمديكز بر قادىنى
 تزوج ايتك و يا خود صويى مذهبي نامعلوم اسير جيلر
 خانه سنده بيومش پيك ارلك قارشيسنده طولاشمش بر جاريه
 المقدن ايسه بيلديكز او قوتديغكز شو چو جوغى اسه كز
 تربيه سنى كندى ايتديكز كې اكمال ايتسه كز خانه كزده
 قادينلردن چوق شفقتلى جاريه لردن چوق اطاعتلى بر رقيقه
 بولنديرمش اولور ديكز « ديمكله جرمى » والله بن چو جوغك
 هم شكلنى هم حالنى بكنيورم ديسهم يان سو بيلش اولورم
 سو بيلديكز لقرديلرده تماميله حقيقته مطابقدر فقط يالكز
 صاحبندن حيوان و يا افنديسندن اسير البركې پدر موافقيله
 قزالمق مطالعه مه توافق ايتيور عايشه بيوسون اكر بنى

قوه عرفانه کوونهرك - الديغي امرك اسباب اجراسنى
كندى كندينه احضار ايمكى كوزه الدى حياتى قورتار -
ديغى جهته كنديسنه الك صادق رفيق اوله جفندن امين
بولنديغى پرتوى تحرى ايله طوغريجه شماخيه عزيمت
ايدرك آنك خانه سنه نزول ايلدى ومرامنى كرك ميرزا عمره
كرك پرتوه اطرافيله افهام ايتدى .

جرمى ذاتاً فارسى ييلور ولساننده كى استعداد ايله
هر درلو تلفضى تقليد ايلرايدى فارسى ايسه پرتوك آته
لسانى ايدى .

اوزون اوزادى بر طاقم مذا كره لدن صكره قياقتلرينى
تبديل ايله عثمانلى سواريسنك تسلطندن يرانه چكلمكده
اولان روان خلقنه قاريشه رق حدوددن كچمكه قرار
ويردiler .

شماخيده برده صفى نامنده بر عجم وار ايدى كه ايران
حكومتى زماننده ميرزا عمر كنديسنى بر جنائتدن طولايى
محكوم اولديغى جزاى اعدامدن قورتارمش و پرتو ايسه
هر حاننه هر فعلنه تشريك ايلشيدى پرتوك اخطارى ايله
انى ده يانلرينه الديلر .

شماخيدن چيقه جقلى كونك صباحى ايدى كه ميرزا
عمر حزين بر طور ايله جرمى يه توجيه خطاب ايدرك «سز

الضمام ایلدیکی کبی تفلیس محاصره سنده لالا مصطفی پاشایه
بر طور لاقیدانه اسناد اولدیغندن ایران سردارلغی طقوز
یوز سکسان یدی او اخرنده سنان پاشایه توجیه اولندی .

جزمی ارضرومه کلدیکی زمان ایسه سنان پاشا ده
استانبولدن حرکت ایتماش ویرینه قائم مقام نصب ایتدیکی
وان بکلبکی خسرو محمد پاشا سردارک قدومنه انتظاراً
هیچ بر ایشه ال سورمامک مسلیکنی الترام ایتمش اولدیغندن
جزمی اردو مرکزنجه بر معاونت کورمکدن امید کیمش
وبویله سردارسز بر اردوده عثمان پاشادن استمداده دخی
هیچ بر فائده اوله میه جغنی قطعاً تیقن ایشیدی بونکله برابر
جزمی دولتی طرفندن کندینه احاله اولمش وحتی کندینه
منحصر کبی کوستریش بر خدمتدن صعوبت وحتی
استحالی بهانه ایدرک کوری طورمغی قدر حیثه
یاقدیرده میان مردان همتدن ایدی .

دله بحق اشهارینه خدمت ایده جک او یله فوق العاده
وقعه لک ایچنه صوقولق ذاتاً ک بیوک ارزولندن اولدیغی
کبی دنیاده انتساب ایده بیلدیکی اصحاب همتک همان جله
سندن زیاده سودیکی عادل کرایدن کله بر تکلیفی رد ایتمک
نظرنده ناموسنی کندی الیه اخلاک ایلک درجه لرنده
بر تنزل بر غیرتسزلک کورینوز ایدی .

اوجهتله ال بیوک مزیتی صعوبتدن سهولت توطیدایتمک اولان

ایلدیلر بناء علیه خیانتك سببی نه اولدیغی
و بشقه رفیق و محرکری موجود اولوب اولدیغی
اکلاشیله عدی و بناء علیه پاشانك اتلافتی هر مجهولدن
بر معلوم استخراجنده خیال لرینی قواعد ریاضیه به بدل عد
ایدن بر طاقم بیهوده کولر گاه سرای طاقنك و کاه رقباسنك
تحریک نه حل ایتدیلر و حتی قاتلی پاره لیان لری ده سر میدانه
حقیق ماق ایچون مخصوصاً ترتیب اولنش بر طاقم اجر تلی
جلادردن کوسترمك ایتدیلر هر نه حال ایسه بو فاجعه
ایله عموم اوزرنده وقار و اقتدار حکومتك بر مثال ذی حیاتی اولان
صدر جلیل الاجتهاد الدن کیدرک یرینه کلان احمد پاشاده
ایسه سلفنك سایه سی قدر بیله حیثیت اولم دیغندن هر کسه
تجربه طالع و ازمایش استعداد ایچون بر میدان جسارت
اچلدیغی کبی اوزمانه قدر مر حومدن حجاب ایتدیگی
جهتله ایتدیگی کبی تزییف غیر و توصیف نفسه مقتدر
اوله میان سنان پاشا کندنجه اشدر قبا یلیدیگی لالا مصطفی
پاشانك ایران اوزرنده کی حرکت لرینی صرف بطائنه بتون
بتون غیر تسزلکه اسناد ایدر و سردارلق کندنده اولوق
لازم کلسه بر قاچ ای ایچنده تبریز و اصفهانی و بلکه کرمان
و خراسانی زیر وزیر ایدرک شاهك کله سنی بیله دیوان
هم ایونه کوندرمکه اقتدارندن دم اورردی سنان - پاشانك
یول اقلقیات خود فروشانه سنه کرانقیم بر طاقم هدایاسی ده

احمد پاشا دن بشقه دولت عليه ده كلان صدر اعظمك
كافه سندن زياده امتداد ايتمش و ذوق و شوقيه مشغول ايكي
پادشاه زمانده سلطان سليمان كبي . كره ارضك همان هر
طرفنه حكيمى نافذ اولان بر شهنشاه عظيم الاقتدارك سته .
لرجه يوقلغنى بيلدير مامش و دولت عثمانيه كبي وسعت
و مكننده جه . انكيرلك درجه سنه ياقلاشمش بر سلطنت
معظمه يي مائل اولديغى وادى نافعرباب انحطاطه سقوطدن
يد غالبه سنك قوه موانع تيد اهتماميله منع ايتكه موفق
اولشدى دور حكومتك سال اخيرى اولان طقوز يوز
سكسان يدي رمضانده بر كچه معقادي اوزره تهجد نمازنى
ادادن صكره خزينه دارى خادم حسن آغايي مجلسنه جلب
ايدرك دولت عثمانيه تاريخى اوقودر كن حكايه سلطان
مراد اولك قوصوه ملحه كبراسنده شهادتنه كلديكندن
پاشا بر كريبه خالصانه ايله بخشايش الهيدن كنديسنده
اويله دولت نصيب اولسنى طلب ايلدى .

ايرتسى كون سراينده ايكندى ديوانته حاضر بولنديغى
حالده ديوانه روشلى بر جرار عرضحال ايدر كبي يانته تقرب
ايتدى و بر بچاق ايله بر قاچ خطرلى يرندن پاشايي ياره لدى
آره دن بر ساعت كچر كچمز مرحوم دار المكافه آخرته
انتقال ايلشدى .

پاشانك توابعى حدت و تهورله جرارى پاره پاره

هجوم ایدن عجم قره قوللری سوزه حواله سمع ایدر مرام
اکلار کروهدن اولدقلرندن بر هجومه بیچاره صادقله
ایراهیمی اعدام ایلدیلر .

جرمینک آلتنده قوله کچیلانی موجود و او یله نجیب
بر حیواندن استدیکی کبی استفاده ایده جک قدر
سلاحشور اولدیغی جهته یانه یاقلاشه ییلانردن اوچ درت
کشی تپه لدیکی و او موزندن خفیفجه بر غارغی یاره سی آلدیغی
حالده مهارت جندیانه سی سایه سنده نفسنی یک بلا ایله
تخلیص ایده یلدی .

بو بادره اوزرینه جزمی سرداره مر اجعتله چاره صور-
مقدن تعلیمات آلمدن بشقه ذهننده مقصدینه وصول
ایچون بر طریق امکان تصور ایده مدی همان ارضرو-
حه عودت ایلدی کلدیکی صروده ایسه مصطفی پاشا ز پرده
تفصیل اولنه جق سبیلر اوزینه سردارلقدن انفصال
ایتمشیدی .

داماد پادشاهی صدراعظم صقوللی محمد پاشا که
التمش سنه خدمت دولته بولندیغی حالده هیچ بر کره
دها بیوک بر خدمته انتقال ایتمکسزین هیچ بر مأمور یئندن
انفصال ایتماش اوچ پاشانک بلا فاصله اون بش سنه
وکالت مطلقه سی خدمتمنده بولنش و بو صورتله زمان
وزارتی چاندار ایلردن مقتول خلیل پاشا ایله کو پریلی فاضل

ابراهیم و صادق‌قله برابر ایرانه آچیقدن آچیغه کیرمک ایستدی ایسه‌ده بردلو مقتدر اوله‌مدی چونکه طوقاق خان باشنده بولنان عسکرله دائماً عثمانلی کار بانلرینی اورمق و بزه تابع اولان یرلری غارت ایتک ایله مشغول اولمق جهتیه مقابله بامثل ایچون اوز تیمور زاده عثمان پاشا ایله محمد کرای خان تکرار ایرانلرک پنجه‌سنه دوشمش اولان شماخی‌یه بر مقصدار عسکر سوق ایدرک محافظه‌سنه مأمور اولان مازندران حاکی محمد خانی اعدام ایله قلعه‌بی استرداد ایتدیردکن و باکوبه‌بی‌ده بر تاتار فرقه‌سی واسطه‌سیله تسخیر ایلدکن صکره — کر تهرینی گذار ایدرک و اطرافه اقبیجیلر طاغیدارق اوحوالیده بولنان ایران ملکینی تا قریل آغاچه قدر غارت ایتدیردکلی کبی سردار مصطفی پاشا دخی اناطولی بکلر بکی جعفر پاشایی قوتلیجه بر فرقه ایله روانک تخریب و غارتنه مأمور ایتش و او مبارک‌ده انتقامنی بیاغی حدک خارجنه ایصال ایله کرک روان شهرنده و کرک اطرافنده بولنان یال‌دیزلره التونلره مستغرق بر چوق ابنیه عالییه‌بی زیر و زبر ایتدکن بشقه یکریمی بیکدن زیاده‌ده قادین چوجق اسیر المش اولدیغندن ایران امر اسنی بر غیظ مفرط — استیلا ایدرک و لونه نام ایله اولورسه اولسون عثمانلی ملکندن کندی حدودلرینه فردمتمفس کچیرمامکه قیام ایشلر ایدی حتی جزمی‌بی کوردکلی زمان اوزرینه

ایکن مجاهد حیدر اقتدارک موفقیت خارق العاده سنی کورنجه اعصاب قرابتی ضروری هیجانہ کلہرک پاشایی پدرانہ قو۔ جاقلدی « بو طوغان سرعتی بو ارسلان حرکتی شاهین اوغولارینہ مخصوصدر کبی سوززلہ انواع تلطفاتہ مستغرق ایلدی .

اقشام اولنجه پاشایک برنجی ایشی مجلسنی اغی۔ اردن تخلیه ایدرک جزمی بی یانہ چاغرمق وعادل کرایک مکتوبنی کوسترمک اولدی جزمی کندیسنه تکلیف اولنان خدمتی بالاقضار قبول ایله برابر ایشک اطرافلی واحتیاطلی طوتلمسی کندیسنک کرک عثمان پاشایی وکرک شمشالی کورمسنه و باخصوص ایرانه امین اولهرق کیره بیلک ایچون شمشالدرن پریشانک مکتوبنه جواب المسنه متوقف و بوده زمانه محتاج اولدیغنی سویلدی پاشا جزمینک حقنی تسلیم ایله هیچ اولماقدن ایسه کج اولوق اولادر دیهرک و کندیسنه احتیاطاً اوچبیک التون اعطا ایدرک همان اوکیجه دن جزمی ایله ابراهیمی تیمور قپویه ارسال ایلدی .

جزمی عثمان پاشا ایله شمشالی و او صرہده شروانه کلش اولان وعادل کرایک بیوک برادری بولنان محمد کرایی کوردکن واقضایدن اوراق و تعلیماتی الدقدن صکره

اوله جق قدر خدمات جلیله ابراز ایلین حسن پاشا مر -
 حوم که او زمان همان یکرمی یدی یاشنه بالغ اولش و محابا
 ربیه برنجی دفعه اوله رق کلشیدی پدرندن « بیلیم
 تفلیسه ذخیره کوتورمک وظیفه سی سکا قاله جقدر بو خدمتی
 کندینه بر مقدمه اقبال عد ایله احتیاط ایت تدارکلی
 کیت » یولنده بر امر الدیغندن (*) ذخیره کوتورمکی
 عهده سنه اله جق بر صاحب همت تحری اولنورکن حسن
 پاشا کندینی عرض ایلدی. اختیار ایلدیکی فداکارلق
 ایسه قحط رجال سائقه سیله قبول اولندی . سردار
 طرفندن الدیغی تعلیماتلرک بریده تفلیسه کیره ییلیرسه جز-
 می بی برابر کتیرمی ایدی .

سردار وسائر امر احسن پاشانک واصل اولوب اولدیغنی
 تخمین ایله اوغراشمقده واکثر رأیلر انک ده کیرمسنه امکان
 ویره مامکده اولدیغنی بر زمانده که ارضرومدن مفارقتک اون
 التنجی کونی ایدی پاشا جزمیده یاننده اوله رق اردویه واصل
 اولدی و تفلیسه عزیزمتله ذخیره وعسکر بر اقدقن ماعدا
 محاصره ایدن دشمنی ده دفع ایلدیکنی اخبار ایلدی .

اردو خلقی حسن پاشانک اوکنجلیکی ایله برابر بویله
 ییلدیرم سرعت ودهشتیله اکال ایلدیکی سفره علی العموم
 حیرتده قالدیلر حتی مصطفی پاشا پدربنه فوق العاده منفعل

(*) بیجوی جلد ثانی صحیفه ۵۷ و ۵۸ .

عد اولنان او حیوانجغزی ده کسه رڪ اجبايله برابر صفای خاطرله اكل ایتشیدی .

مجاهد لر ضابط لرینك و خصوصیله جزمینك كوستر- دكری مثال مكانت و ایراد ایتدكری مقالات تشویق ایله آچلقدن اولمکی قلعه یی تسلیم ایتكه ترجیح ایدر اولش لر ایدی . بر زمانلر كدی كویك یمكه باشلا دیلر حتی بر كلبی ایکی یوز اقیچه یه قدر صاتون الدیلر (*) ینه مقام حیتمده استقراردن نكول ایتدیلر .

ابراهیمك سردار مصطفی پاشا نزدینه ورودی تفلیس محصورلرینك بر برینی تعاقب ایدن فریاد نامه لری صره - سنده ایدی پاشا قلعه یه معاونت نه یه موقوف ایسه دو - شونلك ایچون اوتاغنده عموم پاشا لردن مر کب بر مجلس مشورت جمع ایلدی .

خلاصهً مذاکرات ایسه طبعی براز امداد ایله براز ذخیره ارسالنندن عبارت اوله رق مطالعه لر بو ذخیره یی بو امدادی کیمك کوتوره بیله جکی مسئله سنه منعطف اولشیدی .

آندن بر ایکی کون اول ایسه صدر اعظم صقوللی محمد پاشا نك نجل نجیبی اولان و مراد ثالث و محمد ثالث زمانلرنده کی وزرانك الك بهادرلرندن الك قهرمانلرندن معدود

عثمان پاشا چاره‌سز عادل کرایک مکتوبنی کتیرن
ادمیله برابر سردار لایلمصطفی پاشایه ایصال ایدرک جزمی بی
تفلیسدن قورتارمق ایچون چاره‌لر ارار طورردی چونکه
قلعه‌نک محاصره‌سی اوچ آیه بالغ اولدیغی حالده ایران دو -
لتنک تحریکیله عصیان ایدن کرجیلر یوللری کسه‌رک
قلعه‌یه کوندریلان ذخاری یغم! ایده‌کلدکلرندن و ده‌ا
سفر موسمی حلول ایتمک جهتیله اوزلرینه بر قوه کافیه
سوق ایتمک بیکچری و سپاهک عادات و اطواری مساعد
اولدیغندن چاره‌سز اصحاب غیرتدن بعض پاشالر دأره‌لری
خلقیله قلعه‌یه ذخیره یتشدیرمکه چالیشیر و دشمنک کثرتنه
بناء همان هیچ بری استحصال مقصده موفق اوله‌مزدی .

تفلیس مجاهدلری بر طرفدن عجملرک مهاجرات
متوالیه‌سنه بر طرفدن ده اچلغک تولید ایتدیکی امراض
متنوعه‌یه قارشى طوره طوره یالکزیدی یوزکشی‌یه تنزل
ایتملردی .

بوفرقة ناجیه صوڪ دانه‌سنه وارنجیه قدر ذخیره‌لرینی
بتوردیلر . قلعه‌ده نه قدر حیوان وار ایسه یدیلر حتی
جزمی - فرهاد اغانک هدیه‌سی اولان قوله‌کچیلان نظرند
پک قیمتندیکی ایچون تفلیسه عثمان پاشانک احسانندن نائل
اولدیغی قیرنجدیسی ایله ککش و برسواری‌یه کوره‌ایوگ‌سلاح

{ فصل خامس }

— ۳۰ —

شروانه کوندریلان صادقله ابراهیم پریخانک ویردیکی
توصیه لر ایتدیکی تنبیلر سایه سنده ایران مملکتی پک سهو-
لتله کچهرک شرم ان حدودینه واصل اولدی لر عثمانلی قره
قوللردن قورتلقدده پک چوق صعوبت چکمدیلر چونکه
عادل کرای طرفندن عثمان پاشایه اولان مکتوبک اوست
مهریله ظهریه سنی هانکی ضابطه ارانه ایلدی لر ایسه وجهه
مقصدلرینه عزیمت ایچون رخصت الدی لر نهایت قزویندن
چیققدلرینک یکر می سکرنجی کونی تیمور قویه واصل او-
له رق ابراهیم عادل کرایک مکتوبنی عثمان پاشایه تقدیم
ایتدی صادق پریخانک کاغدینی الدی شمخال نرذینه
عزیمت ایلدی .

عادل کرایک تشبثی عثمان پاشا ایچون تأییدات غیبیه-
دن معدود ایدی فقط نه فالدوسی وار که او صروده
جزمی یاننده بولنمدی چونکه هر حالنه اعتماد ایلدیکی
او دلیر صاحب فطانتی اندن براز زمان اول دشمنک حر-
کاتنی تحقیق ایچون تفلیسه کوندرمش و جزمی اوراده
بولندیغی صروده اون بیک قدرایران عسکر یله امام قولی
خان قلعه بی محاصره ایشیدی .

ملعونہ بی باشندن دفع ایتدکن صکرہ بر آنک شہوات
نفسانیہ سی یولندہ ارتکاب ایتدیکی دنائتری برده پریخانک
بر محبت معصومانہ آتشدہ محو اولوب طوررکن ہر تدبیرینی
بر فکر علوی بر مقصد انسانیتہ اسناد ایدہ جک مرتبہ زردہ
کوستردیکی حسیات طاہرہ بی پیش نظرینہ الہرق او ایکی
وجودی قدرت فاطرہ نک خلق اضداددہ اولان کالنه ایکی
برہان مجسم عبد ایلردی .

بر قاج کیچہ دن صکرہ پریخانک ینہ تنہا بر مجلسنہ نائل
اولہ بیلدی ماجرای تفصیلاتیلہ برابر حکایہ ایلدی عادل
کرایک ولو یلان اولسون شہریارہ او یلہ بروعدی پریخان
ایچون قلبنہ بیک خنجر صاپلامقن بتہ بر عذاب الیم ایدی
فقط نہ چارہ کہ ضرورت زواللی قزی او عذاب دہ صبر
وسکونتہ کیچشدیرمکہ مجبور ایشیدی چونکہ عادل
کرایہ اویلامق رأینی ویرن کندیسی ایدی رأیک صورت
اجراسندن شکایت ایتکہ طبیعی کنندہ حق بولہمدی
اوطہسنہ چکلنجه چارہسزرك تسکین اضطراربدہ الک بیوک
چارہسی اولان کریہ تأثرہ قویولدی صباحلرہ قدر اغلا-
دی انسکلہ براز تسلی بولہبیلدی .

عادل — حقدہ وار ایدی مشروعتده وار ایدی ده
آنک ایچون قبول ایتدم .

شهریار — او نصل حق نصل مشروعت ایش ؟
زوجم صاغ طوروب طوررکن بنی نکاح ایله می اله جقدیکز .
عادل — اوت بلسکه نکاح! ایله اله جقدم .

شهریار — استهرانکده بو قدر اچیغنی ایشتمدم زوجم
ایچرده اوطوریور نکاح اوزرینه نکاحه جواز وارمیدر ؟
عادل — وار ایش که سلیم اول زماننده شاه اسماعیل
اولک حرملرندن تاجلی خانمی طوتدیلر نشانجی جعفر
چلبی یه تزویج ایلدیلر .

شهریار — اوت! او یله برشی خاطر مه کلیور مادامکه
عثمانلی طوپراغنده بر مانع یوق ایش! آه شو
کوندردیکز ادملرده کلز که نه یاپیله جق ایسه شمیدین
تثبت اولنسه

بحث بو نتیجه یه انتقال ایدنجه عادل کرای همان شا-
قراقلغنی اله المق و «توجه وعاطفت شرفلرینی سز قزا-
نیورسکز باری تحسرمز یتنی ده ارککلره براقکز» یوللو
بر طاقم کوهزه لکلر ایتک ایستدی . فقط لقردیبری کو-
کلندن نفرت ایدرده قاچرمش کبی اغزنندن بربری اردنجه
دوکلور طورردی .

هر نه حال ایسه بیک . بلا ایله جلاد وجدانی اولان

«چون فاصله نیت بود فاصله ما ما از تو جد ایم بصورت نه بمعنی»

عادل کرای بو جوابی النجه پر یخاتک هر امرینه
اطاعتی وجدانته مترتب فرائضدن بیلدیکی ایچون چاره سز
فکرنده اصرار ایده مدنی بشقه درلو تدبیرل مطالعه لاله
بر یکی دله روز کارک ورودینه انتظار ایلدی .

اوچنجی کیجه ایسه شهر یار تقاضای داین کبی باشنه
مسلط اولمده موعدنندن بر دقیقه کری قالمدی واستفسار
خاطر یوللو مراسم بترتیز ینه مقصد معلومی اورته یه
آتهرق نیازله ابراملره قیام ایتدیکنندن ارده شو محاوره
جریان ایلدی .

عادل — کوزل افندم محبت قولای فقط محبتک
نتیجه سی زویه وارر ؟ وصاله می دیه جکسکز وصال ایچون
بر حق بر مشروعیت اقتضا ایدر .

شهر یار — (جعلی بر حجاب ایله) بیله میورم عصمت
فروشلق ارککلره دوشه جک بر زمانده دنیا یه کلشز .

عادل — ارککلرک نهسنی بیلم فقط بزم خاندان
اعضاسنک عصمت هر زمان اختیار ایتدیکی حالردندر .

شهر یار — بن بو بهانه ژه اعتماد ایدرمی یم بنی سومیور-
سکز لقر دینک حقیقتی آندن عبارتندر اگر او یله دکلسه
نیچون ایلک بحث ایتدیگمز کیجه عثمانلی ملاکنه کچدیگکز
وقت ارقه کردن کله جگمی سو یلدمده قبول ایتدیگز .

ممکن دکل سکا ترتب ایدہ بیلہ جک بر مخاطره ذہنہ
 کلنجہ ہیج بر شیئہ تشبث ایتک بنم ایچون ممکن دکل
 یاتمہ کلسہ تحقیر ایتسہ اشکنجہ لہ قویسہ و خود مک ہر
 طرفنی آیری آیری پارہ لسہ حتی آہ حتی سنی
 المدن السہ ینہ بر شی یامغہ مقتدر اولہ میہ جغم ینہ بنم
 ایچون بر دقیقہ جق اندیشہ یہ دوشدیککہ کولکی قائل
 ایدہ میہ جکم .

ایتمہ ! اللہ عشقنہ مناسبتر لک ایتہ ! مردسک قا۔
 دینلردن صبر درسی المق سکا یا قشمز تحمل ایت مقصدکی
 ممکن اولدیغی قدر محالرہ تعلیق ایله او یالانہ یاپارسہ ک
 یاپ انہ بر سر رشتہ خصومت و یرمه باللہ العظیم — اگر
 جائز اولسہ — شیطانہ رحمت او قودہ جق ملعونلردندر .

برده اللہ عشقنہ پیغمبر حرمتنہ اولسون بنی وقتلی
 وقتسز دعوت ایدوب طورمه کندم کلمہ میورم امریکہ
 اطاعت محبتکہ انجذاب سائقہ سیلہ روحم ده نہ بدنمدن
 ایریلہرق یانکہ کلککہ نده یرنده طورمغه مقتدر اولیور بنی
 بویله حیات بہر عذاب و عذاب بہر حیات اشکنجہ سنده
 براقق شانکہ لایق دکلدر کوریورسک کہ فرصت دو۔
 دوشوردکجہ یانکدن آیرلماغہ چالیشیورم فلک مساعد
 اولدقجہ بر برمزدن محروم قالیورسہق نہ یاپلم اتحاد رو۔
 حایتزہ تسلی بولورز .

ایکی المخاطره لی کاغدمز قضانک مصیبتک اک ایشلاک
شهر اهلزنده طولاشوب طور ییور. ملاحظه عافیتله خوا-
بمزی حضورمزی سلب ابتد الو یرمدی هفته ده ایکی
اوج کون جادی باقیشی ییلان نفی ایله کل جالکی
صولد یر یور الو یر میور شمدی ده سنک عصمتکی بنم حیاتی
بر باد ایتکه چالیشیور خنزیری بر لطمه ایله اسفل سافلینه
کوندرمک قدر قولای برشی یوق فقط کریبان اقتداری
پنجه ملعنندن قورتاروبده کندیله برابر دوشمامک ممکن دکل
اوزرینه وارلسه طپوق التنده از یله جک فقط بر عقربک
زهر یله ایکی انسان ده برابر تلف اوله جق .

یاربی ! یارب ! نه چیقلمز بر کریوه بلایه طوتلدق !
بیلسهک کوکلدن نهل کچیور؟ بشقه بر بهانه بولوبده
سرایک اورته یرنده خنچر لیسویره حکم قادی نلغمه باقه بن
خنچر قلیج قوللانغمه ده مقتدر قادی نلردنم خنچر لم قرداشمدن
قورقم چونکه او بیچاره یی بر بلادن قورتارمش اولورم
جزه بلکه بکا قصد ایدر ارده سن اولسهک بالله العظیم
بو یولده اولمکی ده قطعاً دوشونم فقط ایستیورم سنی
بو حالرده براقوبده موت ایله کنیدی عذابدن قورتار-
مغی سکا دشمنک صانیورم غیظ قصقانجلق کوکلده
بر اردهای جهنم کسلش آتشین دندانلریله وجودمک
هر ذره سنی آیری آیری قوپار ییورده ینه تحمل ایدیورم .

جواب اوله رق شوتد کره بی الدی .

پر یخاندن عادل کرایه

بوقادین سکا دکل اجلنه عاشق اولمش ارقه سنده طولاً -

شوب کزیور عجبا هیچ بر کره آینه یه باقرمی عجبا کور
اوله جق کوزلری جالکده کی نوری طور کده کی عصمتی
کورمز می عجبا ییلدیرملر التنده از یله جک ینی کندی
یاشیله سنک نوجوانلغکی مقایسه ایتز می سکا او قدر تسلط
ایدرك بندن اولومنی می دینلیور یاقه سندن طوتوب ده غیای
جهنمه آتمقلغمی می ایستیور شردن چکدیکم عذابله شیطان
اوغراسه شایان مرحت اولور اما او بنم حالمی بیلیورمش
بن آنک حالی بیایورم یا اللهم! انتقام انتقام! بر کره قارشینسه
طور و بده طورنده کی اندامنده کی دنائی کراهتی یوزینه قارشی
سویلیه بیله جگمی یم بر کره ایاقلریمک التنه الو بده چهره سنک
ییلان در یلرینی یوزمکه مقتدر اوله بیله جگمی یم ملعونه نامشروع
بر محبت چیقاردی عموم قادینلرک ناموسنی بر باد ایتدی
الویرمدی اورته یه بر ییلان قویدی سنی مخاطره لره دوشیردی
الویرمدی بنی ایشک ایچنه قاریشدیردی یالانجیلغنه ملعنتنه
تشریک ایتدی الویرمدی بیچاره برادر یکی زندانلره آتدیردی
آندن صکره جلاد کی اوزرینه مسلط اولدی آرقالدی بتون
بتون افنا ایده جکدی الویرمدی سنی فکریکه مخالف بنی
حالمه یاقشمز بر طاقم تشبیلره مجبور ایتدی ایکی اک محرم آدمز

بلاړه مبتلا اولق ایچون یاراتمش اوف! حامی سویلیه -
 میه جکم دوشند کجه ذهنمده کی قره قره خولیار تجسم
 ایدیور موت کبی اوزریمه چو کیور قلبک نبضانی وجود -
 مک تنفسی کسیلیور. بیلم که حامی نصل تعریف ایده یم
 برساعت اول قاری یانمده ایدی بتون بتون پرده عاری
 چهره سندن قالدیردی بیاغی برچاپقین توبه لر
 اولسون بکا برعفت مجسمه حضورنده سوء ادب ایتدیره -
 جک جبر وقهر ایله کنندینی سودیرمک ایستیور
 اوچ کیجه صکره یانمه کله جکنی ومطلق کنندیسنه برچاره
 بولزیمه اولنجیه قدر او طه مدن ایرلیه جغنی صورت قطعیه ده
 سویلیدی ده او یله جهنم اولدی کتیدی. او یوسه م کابوس
 کبی رؤیامدن کبرسه م سیات عمل کبی مزارمدن ایرلیه جق!
 یانی بوملعونه نك الندن قورتارمغه برچاره بول یارخصت
 ویر بن آندن کنندی کنندی قورتاریرم آه یانمه کلسه کده
 براییکی دقیقه جق یوزینی کوره بیلسه م کوکک بوخلجانی بلکه
 براز سکونت بولوردی مرحت ایدوبده یارم ساعتجک
 اولسون کلزمیسک خداییلور چکدیکم اذای روحانی عذاب
 جهنمه رحیت او قودیور امداد! مرحت!

عادل

هانکی بردردمی هجران ایله تعداد ایده یم
 سنده داد ایتمز ایسه ک بن کیمه فریاد ایده یم

اشتیاقه کافی کورمزدی. تکلیفی تکرار ایدہ ایدہ ایستدیکی کبی
 موافق بر جواب المقدن مأیوس اولنجہ «بن اوج کیچہ صکرہ ینہ
 کلہ حکم او وقتہ قدر بر چاره می بول یوقسه وجود می بیک
 پارچه ایدہ جکلرینی بیلسم آندن صکرہ یانندن بردقیقه
 ایرلقنمک احتمالی یوقدر» حکم قطع سیله لقر دیسنہ ختام
 و یردی مجلسدن ایرلدی .

عادل کرای شهر یارک صحیحاً هر ردالتی هر بلایی کوزه
 الدیغنی وهله کندینک بردغدغه چیقار مقدن اجتنابنه اطمینانی
 اولمق جهتیه جسارتی بر قاندها تزیاید ایلدیکنی بیلدیکیچون
 کوستردیکی ابرام وانهما که لایق اولدیغنی قدر اهمیت و یررک
 دفعی خصوصنده ایسه کندی کندینه بر رأی بولمقندن
 عاجز قالمش وتأثیرنده اوله جق شدتی بیلدیکی حالده چاره سز
 صورتی ز یرده کی تذکره ایله پر یخانک مشاوره سنه عرض
 احتیاج ایلمشیدی .

عادل کرایدن پر یخانه

امدادمه یتش ملک کوکلم شیطان پنچه سنده از یلیور!
 عشق ایچون جنون کتیر دیرر کرچکمیدر بیله میورم
 فقط بعض حالرده انسانی جنوندن قور تاردیغنی بواقشام
 نفسمده تجربه ایلدم. خیالک بر ملک الصیانه کبی قارشمده
 طور روبده وجود می آفتلردن حفظ ایتسه بنی شمدی به قدر
 جیلد یرمش زنجیرله باغلانمش کورردک. مکر فلک بنی نه سیه

صو صدیریز سزده برادرکزه مرام اکلادوبده کنديسنی
قرار دآره سنه کتیرمکه همت بیورملیسکز «سوززلیه اریه
یرصورت تسویه مطالعه سی چیقارمش وعادل کرای ده
«بن اکامرام اکلاده بیلیم فقط برار زمان کچمکه وایدیله جک
تثبت اطرافیله وبرابرجه دوشونلکه محتاجدر «دیهرک
پریخان ایله الفتی صیقشدیرمغه برمناسب وسیله پیدا
ایلییدی .

نه چاره که بو وسیله دن شهر یازده استفاده یه باشلدی
ایشته ایکی عاشقی راحتسز این حادثه لک ایکنجیسی ده
شهر یارک هرایستدیکی زمان عادل کرای کورمکه فرصت
بولسی ایدی شو صورتله که شهر یار ایله پریخان همان هر کچه
گاه منفرداً گاه متفقاً عادل کرای ایله براشدکاری جهته
شهر یار تنها بولندیغی بر اقسام مقصد اصلیسنه عطف کلام
ایدرک وصاله چارده ل تخریسنه متلر عرضه ابتدا رایدی .
عادل کرای تکلیفی ینه اولکی کبی آداب عصمه متعلق
برچوق سوزز و صیقلد قجه التباسلی برطاقم وععدله دفع
وهیج اولرسه ایلری یه تعلیق ایتمکه چالشیردی . کوکلنده کی
نفرت اودرجه غلبه ایدردی که پریخانک تا کیدلی یمینلی
تنبه لری اولسه خبیثه یی بار تحقیری التنده اولدیرمک درجه .
سنه قدر کیمسی مقرر ایدی .

شهر یار ایسه اوعدرلک او وعدرک هیچ برینی تسکین

بورایه کلدك بنی سرایده او طور تدیکز انی زندانه کوندر دیکز
 کندیسنه اولنه جق تکلیف بنم تصورم ایکن بیولک برادری
 اولدیغم حالده ایکی سطر بر مکتوب یازمقلغمه مساعدده ایتدیکز
 تکلیفه هیچ بیلدیکی بر طاقم خانلری واسطه ایلدیکز یکر می
 بریاشنده علو جناب ایله متصف بر شهزاده کوردیکی حقارتلر
 اوزرینه بویله بر تکلیفی حیلہ یه استهزایه حل ایتیبده
 نه یاپار؟ بیولک قرداشی بوراده موقوف طور زکن زندان ایچنده
 ایاغنه کلان حریت و مسند تکلیفلرینه فصل جدی نظر یله
 باقه بیلور؟ ظاهر چوجوق جانندن بیزار اولمش چکدیکی
 بو قدر آلام اوزرینه برده یا مسخره ایدلک و یابردامه دوشو -
 ملک ابستندیکنه حکم ایدنجه غیرتنه طوقونمش حیاتی
 محاطره یه آتمش او یله بر مقابله یه جسارت ایلش بزم بوراده
 بشقه درلو قرارلرمن اولدیغنی کرامتله می بیله جک؟ نفسکری
 انک یرینه قویکز سز الدیغکز تکلیفه نه معنا و یرردیکز
 فصل مقابله ایدردیکز؟ « دینجه صورت استدلالت قوتی
 شهر یارده اغزینی آچوبده برسوز سویلکه اقتدار براقدی
 همان پریخان بوفرستی اغتنام ایدرک » شبهه یوق که خطا
 بزم طرفده در فقط رباعینک حاوی اولدیغنی حقارتده
 ایدیلان یا ککشلق ایچون جزای کافیدر. شمسی بویله
 حادثه لاله اصل مقصده خلل کتیرمامکه چالشق اقتضا
 ایدر. بز خانمله برابر کرک شاهی کرک امرای تسکین ایدر

شرط زین قبول ایدرسه قهقهه دن تخلیصنه امکان اولدیغنی
یعض معتبر خانلر شاهک امری اوزرینه متعدد مکتوبلرله
غازی کرایه بیان ایتشلردی. بوتکلیف خانزاده نك حیت
وطنپورانه و وقار شاهانه سنه طوقوندیغندن و مسئله نك
خفایا سنه قطعاً معلوماتی اولدیغندن کلان مکتوبلرک
کافه سنه بردن اثار بلیغانه سندن اولان :

تابوده غم و شادی و حرمان بوده
زین کونه گذشته تا که دوران بوده
مانجر به کردیم که در ملک شما
راحت همه در قلعه و زندان بوده
رباعی متهمکمانه سیله مقابله ایلدی .

بوجواب شدیدک دغدغه سی سرای شاهی یه قدر یتشمکله
شهریار همان بر کیمجه پر یخانی یانه الهرق عادل کرایک مجلسنه
چیقکه کادی. و ایران دولتی بویله بر حقارته اوغراتدیغنی
ایچون خانزاده یه اوزون اوزادی بر طاقم تعریضلره و تعداد
نعمت یولنده بر چوق زوز کلکله ابته دار ایلدی. پر یخان
مقابله ایتک ایستردی فقط سو بویه جات بر قوتلی سوز
بوله مزدی بوله بیلدیکی مطالعه لری سو بیلک ده کندینه منا .
سبت المزدی. فقط عادل کرای اکا احتیاج بر اقدی
« قرداشم ده بنم کبی بر شهزاده ایکن بورایه کلنجیه دک بکانه قدر
ملایمت کوستردیکز ایسه اکا اوقدر شدتله معامله ایتدیکن

ایچون محشره قدر هجرانکه قائم . فقط سکا ده قیازلر سنی
ذره قدر مخاطره ده بولندیره جق برآشبی سنک ایچون سنک
امر کله ده بر درلودهنمه صیغدیرومیورم . یارین کیجه فرصت
بولور کلیم . الله عشقنه صبرایت حاملدن تفصیلات ویرمک
ایسته م تأثرک شدتدن قورقارم .

باقی . براوح مزارم بنویسندیس ازمرک

ای وای ز محرومی دیدار دیگر هیچ

پریخان

پریخان بو صورتله فرصت دوشورد کجه یانه کیدرک —
فرصت بوله مدقجه مخبره سنده دوام ایدرک عادل کرای مقتدر
اوله ییلدیکی قدر تسکین ایدر وانی تسکین ایده بیلک فرحیله
کندی ده اولدقجه سکونت بولوردی . کیده کیده سیرکجه
کورشمک مشقته ده ، شروانه کوندر دکلی ادملرک انتظار
ورودینه ده الشدیله . اولدقجه راحت بر زمان کچیرمه
باشلا دیله . یالکز بودوره ترقب ایچنده . ایکسنک ده راحتی
ایکی حادثه برقاچ کونلر اخلال ایده بیلشدی .

یوحادثه لک بری غازی کرای وقعه سیدر : عادل کرای
ایله پریخان وشهر یارک صوک قراری اجرا اولندیغی صره ده
قریمه کیتامک وایرانده آرزو ایتدیکی کبی برمسندده بولتمق

اولورسه ارسلانلرله بیر تجمیلق یاریش-نه قالمشقی ایسترم
خیر! اوبندن سنك بر ذره غبار پایکی المغه مقتدر دکلدر.
اوف! بکا اویله ش-یلر دوش-وندیرمه! بالله! خ-نزیری
ایاغک التنده ییلان از رکبی تپه لرم! محبت نه در بیلورسک!
قصه سانبخلق نه در بیلورسک! ۰۰ وجودمک هر ذره س-نه
آری آری آتشر یاغیور ۰- آری آری خنچرلر صاپلانور
ینه بویله ایکن صبر ایدیورم س-ندن ده صبر نیاز ایدرم اگر
بنی سویورسه ک باشم ایچون خ-نزیره رنک ویرمه برشی
سویله! اکا مغلوب اولق-دن حاصل اوله جق نتیجه بی
بیلورمیسک! هم بر بر مزه طویمه دن فنا بوله جغز هم ده
یوزینه بر کره باقله آتسه آتیش جزؤ معدنی کبی باشدن
اشاغی اریده بیله جگمز بر ایچغک پنجه س-نده زبون اوله رق
تلف اوله جغز ۰ بو کیجه یانکه کلدیکمی ایستیورسک ایققری
آتشین زنجیرلرله باغلی بر بیچاره بی جنت قپولرینی آچوب ده
زهدتکاهلرینه دعوت ایتمک نه بیوک غدارلق-در! هیچ
کلمکه مقتدر اولسه م سندن دعوتیه می انتظار ایدرم انسان
اخص آمالی انه کچرده اغتنام ایچون تکلیفه می محتاج
اولور! ۰۰

بواقشامکی نوبتجی بیلدیکمز دکل! فصل کیرلی کله میم
آچیقدن کله جک اولسه م نه بهانه نه وسیله بوله میم .
یالکز بکا قیه جق اولسه لر یارم ساعت ذوقک

هجران ابدی کبی هائل هائل سوز لریکه نصل طاقت کایر ! ..
بکا اجیمزسه ک کندیکه ده آجیمز میسک ! تشآمدن کیم نه فائده
کورمش طوته لم که فائده سی اولدیغی کبی ضرری ده اولسون
قلبه ویرمی طبیعی اولان بیهوده اذیتلرینی اختیار ایتمکده
نه لطافت واردر !! ..

الله کوسترمسون سکا بر حال اولورسه بنم صاغ قالمغلمه
احتمال وارمیدر ! ولومزارمی ایبر سونلر فلکک پنجه سی
یله کوللمزی بر برندن قویاره مز .

خیال ایله یازی ایله اکندیکی کندی اعتراف ایدیورسک
او حالده بر قاچ کونلک تحسردن او قدر شکایته حق
بوله بیلیر میسک !

هجرانی بزکندیمز اختیار ایتدکسه اختیار مز قلمبزک
آرزوسندیمی نشأت ایتشیدی ! میدانده اولان مخاطره
موهومیدر ! .. بر خائنه نک شرنندن صافتمق ایچون اوچ
بش کونلک تحسرلری اختیار ایتیه لمده بر بریمزه قوشمدن
کندی میزی مز ارلرک قوینونه می آتلم .

اوف ! نیچون ملعونه بی خاطر مه کتیر دک ! یانمه کلسه کده
وجودمک حرارتنی . حرکتک حالی کورسه ک او طه مه
انسان قیاقنده بریلدیرم دوشمش قیاس ایدرسک .

سنی سویورمش !! .. دیوانه بیلز که شیرک جاننه
قصدایدیور . سندن صاقلام کولکه حقلی برغیظ مستولی

باقی نہ دیدیم امر کہ منتظر م (شعر :) درد فراقی چکنمکہ
بوق دلده اقتدار . بن اولمک ایسترم بکا قطعی جواب
ویر . عادل کرای

پرنیخاندن عادل کرایہ

مرچتسز بنی کند کدن دہا راحت بر حالده می
صانیورسک کہ ہجراندن او قدر آچی آچی شکایتلر ایدیور
سک ! بن کندی اضطراریمہ تحملدن عاجزم سنک
محزونلغندن کو کلمده آچیلان یارہلرہ دہ نصل طاقت کتیریم ! ..
یوق ! .. سویلہ ! سویلہ ! .. نہ دردک وار ایسہ بکا
سویلہ ! .. تک سنک کو کلک براز خفت بولسون دہ ایسترمہ
بتون عالمک بار آلامی بنم کو کلمہ ییغلسون ! .. انصافسز !
اواستغنائزک نہ در ؟ سن بنم ایچون ضعیفلارسہک شکلکنده کی
تغیر محبتک انقطاعنیمی ایجاب ایدر !! بکا عائد او فاجق
بر تأثر یکی کو کلمده کی خیالکندن قیمتدار بیلہ جکمدہ شہہ می
ایدرسک ! ..

یاہلہ ! وجودکہ براز ضعف عارض اولمغله نہ اولہ جق
حسنکہ زوالی ترتب ایده جک ! .. مہتاب بوقدر
شکلرہ کیریور ہانکیسندہ لطافتنہ خلل کلدیکنی
کوردک !

ہایدی بواستغنا کہ دہ قاتلانہ میم . مقصدک ستم اولسہ
ییلہ انی دہ بر بیوک التفات عد ایدیم ! اوموت کبی

صعود ایدیور که بنم اریوب ده یرله دوکوله جک
طن ایدیورم بیلم سنک محبتکه لایق اوله جق قدر قیمتدار
بر شیء دکسه م انک هوساتنه شایان اوله جق قدرده
اچقمی یم! سبحن الله! ... عاشق اولدیرمش محبتلر چوق
کوردم فقط محبتک معشوق اولدیرن نوعنی هیچ ایستماشدم
ظاهر فلک اوبلایی ده بنم ایچون صلاحلامش!

اره مزده سکسان آدیم مسافه یوق . - بنده بوقدر
اشتیاق سنده اودرجه مرحمت وارده ینه بر برمزی سکز
کونده اولسون کوره میورز کوره میورز دکل کندی اختیار
مزله کوره میورز هجرانک بونوعی ده چکیلیر اذیتلر دئمیدر .
نه یالان سویله یم بن بوحاله طاقت کتیره میه جکم جادینک
برهوسی ایچون اختیاری بر حسرت ایچنده اولمکی بر درلو
کو کلم قبول ایتیور . ایلک کور دیکم زمان کندیسنه
طوغریدن طوغری یه نفرتمی بیان ایده جکم! بندن فارغ
اولسون خبیثه وصالکه مانع اولدجه بنم حیاطمدن
یاشیور . - بکا مخصوص اولان اذواق محبتی غصب ایتش
انکله اکنیور قیاس ایدیورم مرحمت ایت! ... بو اقسام
یانمه کل! بر از کو کلم سکونت بولسون! بر از عقلم باشمه
کلسونده ایده جکم حرکته بر مناسبتسزلک ایتیه یم! ..
سوزلرمک ربطسزلغندن قوای فکریه مک ارتباطنه نه قدر
خلل کلدیکنی اکلارسک .

اولسه۔ و زده عمر ابدی هجران ایچنده کذار ایلسون آه!
بختیاراق او عاشق قمر کدرکه علائق جسمانیه دن تجرد ایدرک
ارواح علویه یه قاریشیرلر ۰۔ اذواق جلاله لذایذ محبتیه
مستغرق اولورلر ۰۔ نور کبی هر آنده بر عالمدن بر عالمه انتقال
ایدرلر ۰۔ خیال کبی هر دقیقه ده بر جهان شوق بر جنت
انشراح ایجادینه مقتدر اولورلر! ۰۰۰

یوق! عشقک بوجهان فائیده ده کجیله مبه جک طویوله۔
میله جق لذتلی واردر! اولسه ایدی او حس علوینک بوعالمده
ظهوری عبث حکمنده قالیردی ۰

نفسمزده تجر به ایتیمورمی یز دوشونورم : خیالکی
پیش نظره الو بده شوکاغدی قار دلدیغ زماک بر صفاسنی نشئه
اخری اذواقنک پک چوقلرینه دکیشه میورم ۰

هجران ایچنده ایکن خیالکله بو قدر لذت بولیورم بزم
وصالکنده تماشای جالکله نه حالره کلدیگمی اندن قیاس
ایده بیلیرسک!

اوف! بو هجران نه در! نیچون ایستدیگمز زمان
بر بر مزی کورمیه جکمز! ارده ده رقیب وارده انک ایچون
دکلی ؟ رقیب اوله جغنه قهر اولیدی!

ملعونه بزدن نه ایستر بنی سو بیورمش نه یاپه یم بن
کندینی سومیورم بکا محبت ایتسنی بنی تکلیف ایتدم که
جزاسنی چکه یم حالمی دوشوندکجه قان باشمه بدرجه حرارتله

ایله تحدید اولسون اودقیقه انسانه حیاتندن اوزون
کورینیور ! .

ضرری یوق ! اولورم ! .. سنک ایچون اوله جک دکلیم !
سنک ایچون اولمک عندمده عمر ابدی یه مر جحدر . لکن
فراقه ! .. آه او ظالم فراقه ! نه یاپهلم حیاتم فراق ایچنده کچیور !
اولسدم ینه فراقه دوشه جکم ! فی الحقیقه موت هجران کبی
عمره سورمیه جک فقط هجران ابدی بی دعوت ایده جک ! ..
هجران ابدی ! .. نه جانکداز لقردی ! نه مددهش
نصور !

عجبا « اک قدرتلی جباره ایله اک عاجز ضعفابی همحال »
ایدوبده نظر حکمت او کندد عدالت مطلقه یه بر برهان
بدیهی کوسترن قره طپراق او عدالت مطلقه حرمتنه اولسون
اش یارادلمش ایکی روحک الی الابد وصالنه حائل اولمقدن
چکتمز می ! ...

هجران ابدی ! نه اولیه جق واهمه ! نه کولنج
خیال !

عجبا احوالی کنددی کبی فانی . - اوقاتی دوری کبی
محدود اولان دنیای دنینک یالکز هجرانسنده می ابدیت
حاصل اوله جق ! ... خلاق کریمک قوللرینه نزهتگاه
مرحتی اولان عالم آخرتده وصال عاشقانه دن بیوک نه مکفاتی
واردرکه محبت کبی اللهم اعز الطافی دنیایه منحصر

پریخانک مکتوبی یالکز شمشالدن کندی امرینه مخالفت
ایتملرینک ایرانده کی آدملرینه تا کید اولنمی طلبندن
عبارت ایدی عادل کرای کاغذنده درایت و امنیت جوامع
برآدمه مالک اولسه ایرانجه برمسئله داخلیه چیقاره.
بیله جکئی و اهلیتی جهتیله جزمی بر بهانه بولنوبده یانسه
کوندریلورسه حصول مقصده پک زیاده امیدوار اولدیغنی بیان
ایلشدی.

بو تشبندن صکره عادل کرای ایله پریخان هفته ده اون
کونده بر کره انجق تنها بر شیرلر و سائر کونلرده اشاغیده
نمونه اوله رق بر قاچنک صورتی یازیلان مکتوبلرله تسکین
اشتیاق و ادامه نشاط ایدرلردی.

عادل کرایدن پریخانه :

فراقک بو قدر شدید بر عذاب انتظارا بو قدر
دلسوز بر آتش اولدیغنی بیلزدم! ... کوزلم تماشای
جالکدن دور اوله لی سکز کون اولدی وجودم
سکسان سنه مزارلرده قالمشده بتون بتون محو اولغنه یوز
طوتمش میتره بکزی یور آینه ده کی عکسمه باقدقجه
کندی کندمدن قورقیورم . هیهات ! بو حال ایله بکانصل
محببتک دوام ایده جک ! محبتک بندن انقطاع ایدرسه
بن نصل یا شایه جغم ! کوکل بر درلو مواصلت زمانلرینک
معین بر فاصله ایله محدود اولدیغنی ایستیمور ولو بر دقیقه

جغی برایکی تاتار اولدیغی کبی ظاهرده شهر یارک حقیقتده
پریخانک منسوبلندن صادق اسمنده برداغستانلی وارایدی که
پریخان کندیسنه هر حالنی امنیت ایله سو یلیه بیایردی
انکله عادل کرایک یتیمکدن پرورده ایدرک انسان ارهسنه
قاریشدیردیغی ابراهیم اسمنده برنده سنک ارسالنه قرار
ویردیله.

مذاکره لرینک نتایجندن برقرار دهها حصول بولشدی که
کندیلرنجه ایشک الک مشکل الک جانخراشی ایدی اوده
ادمیری کیدوب کلنجیه قدر شهر یارک شرنندن تمامیه
تحفظه مدار اولمق ایچون ممکن اولدیغی قدر آز برلشمک
وقفه مکالمات روحانیله رینه انقطاع کلامک اوزره هر کون
برر مکتوب ایله احوال وجدانیله رینی بر رینه تصویر
ایتمکدن عبارت ایدی ایکیسی ده حفظ حیات ایچون
عملیات جراحییه ایستر ایستمز رضا ویرن بیچاره لر کبی
کمال حرمان ایله بوقراره موافقت ایلدیله ابرتسی کجه
شهریار ایله برلشدیلر هر نه رای ایتدیله سه قبول ایتدیله ریدیلر غازی
کرایه خانلق تکلیفی ایله آدم کوندردیله صادق ایله ابراهیمی
پریخان طرفندن شمشله رسمی بعض هدایا شایعه سیله حدوده
سوق ایتدیله پریخان دایسسه . - عادل کرای عثمان پاشایه
خفی برر مکتوب یازهرق ایکیسنی ده ایرانلیله نظرنده ابراهیمدن
دهها امین اولدیغی ایچون صادقه تسلیم ایتدیله .

مجبور اولوردم انك سـنيلك دعواسـندن بشقه سـار
قرداشلمدن نه فرقى وارايدي خانزادهم! حالامى اكلايه مذك
بن سنى يم تريبه مى والده مدن دايمدن كوردم .

مجاوردنك نتیجه سى ايسـه عادل كراى ايچون پرىخانك
بررأينه مخالفت . نلبنه ملكه كلمش برالهامه اعتماد ايتامك
قبيلندن اولمشيدى .

ايكى مبتلا خيال لربنى برقرار جدى صورتنه تحـويل
ايلدكدن صكره تشـبثرينه محرم و كار اشـنا برواسـطه
تداركى مطالعه سـنه صرف ذهن ايتديلر پرىخان هيج
كيسـه بى بوله مدي عادل كراى جزمينك جلبنى تصور
ايلدى اصحاب ذكانك مشاورانده رأيدن رأى تولد
اينك طبيعى اولديغـندن جزمينك جلبنى دوشـوندكلى
صردده اكا كوندريله جك آدمك كيرلى ويا آشكاره ارسالى
شـقلىرى مقياسـه ايلنديلر آشكاره يعنى شهر يارايله شاهك
معلوماتى منضم اوله رق كوندرمى طرفنى ترجيح ايتديلر
بو كا بهانه اولق ايچون عادل كراى طرفـندن بر مناسب
آدم ارسالى و اكاده ايراندن برديكرينك ترفيقيله قريمك
حال حاضربنى او كرنمكه حصول مقصد ايچون لزوم
كوسـترمك رأينده بولنديلر پرىخان بو مناسبـتله شمخالـدنده
معلومات اله بيله جكنه اعتماد كوسـترردى عادل
كرايك كنديله برابر اسـير اولانلر ايچنده محرمانه قوللانه .

امین اولکز که سلطنتی بر سلسله‌یه منحصر اولوق سعادت
یالکز عثمانلیله مخصوص صدر ایران اوزرنده صفویلرک
حق حکومتی نه بقدرایسه سزکده او قدردر بلکه سزک
حقکز بزدن زیاده در چونکه سلطنتکز هم دهها قدیم
هم دهها میددر ایرانلیلر محمود غازانندن صکر خاندا
نکز سایه سنده ایتدکلی راحتی . کوردکلی سعادت
تاریخلرده او قویورلر قریبده کی عدالتی بوراده کی ظلم ایله
مقایسه دنده عاجز دکدرلر تشبث طوغری طوتیلیرسه
مقصدک حاصل اوله جغنده شبهه اقتضا ایتمز عاجز قالد
یغمز حاله عثمانلی طو پراغنه کچمک قراری ینه الیمزده
طوریور .

عادل کرای — بنم مزاجم براز غلیظدر برشی
سویلسه م طارلمزسک یا : خاندانکه نصل قیه بیلورسک !
پریخان — خاندانمک نه سنه نصل قیه جغم ! سوز
لر مه دقت ایتدک شمدی بنی ینه اقربا خاندکی تهمتی التنده می
کورمک ایستتورسک بنم دایم شمخال اولدیغنی بیلور
میسک .

عادل کرای — بیلورم فقط شمخالدن بشقه اقرباک
یوقیدر اوراسنی اکلایورم .

پریخان — بشقه اقربام اولمیدی اسماعیلک تحت
سلطنته کلمسیچون برقادین ایکن جانمی مخاطره یه اتمغه نه دن

قالقار هم خلق بونلرک شرنندن امین اولور هم بز بختیار
اولورز هم ده نه یالان سویله یم بنده شهر یاردن سنی سومکه
جسارت ایتدیکی ایچون ایستدیکم کبی بر انتقام الیرم
یوللو ایضاح مر ام ایلدی .

بوتصور عادلله بادی نظرده خولیا قیلندن کورندی
فقط خولیا ایسه ده طاتلی بر خولیا اولدیغندن بتون بتون
ردایمک ایستدی شو صورتله بحثه باشلادی :

عادل — شهزاده بایزید و قعه سنی تخطر ایتیمورسکز .
پریخان — سز شهزاده بایزید ایشنی تقلیب دولت
تشیته قالفش دیغندن بیلیرسکز اما ایرانده اعتقاد اوله
دکدر بایزیدی استانبولک طلبی اوزرینه افنا ایتدیلر
اعتقادنده بز طوغریسی ده بو اولسه کر کدر چونکه
شهزاده ارتحال ایتدکن صکره سلطان سلیمانک ظاهرده
هیچ برسبب یوغیکن پدرمه بو قدر احسانلری طوقوندی
هم سز بو بیوايه علیلی پدرمه . کندی حالکزی شهزاده
بایزیده می قیاس ایدرسکز .

عادل — یاره ده کی مذهب اختلافنه نه دیه لم .
پریخان — نه دیه جکز ایرانه شمیدی به قدر حکم ایدن
پادشاهلرده سنی یو قیدی نه حاجت بو سلطنته عصر لرجه
خاندانکزک اعضاسی مالک اولمشلردی ایچلرنده ها .
نکیسی شیعی ایدی هانکیسنه ایرانلیلر اطاعت ایتدی

انی یاپدیریور بن بوراده اولسه م ایرانده ذوقی ایچون قان
دریالری ۰ - آتش طوفانلری پیدا ایدر جزه نك شجما
عنه ۰ - قهرمانلغکز ایچون سزه اولان مفتونیتنه باقیکز
والده سندن بتدر ۰

ملك انك الله قالیرسه قیرلمزده طاغلمزده برچادر
دیرکنه مقابل بیک مزارطاشی بولنور عرضه تسلطدن اوتانمز
جان یاققدن اوصانمز برغریب جانورددر عباس درت
یاشنده برچوجوق خانلر ایچنده نه قدرقان قوقوسیه
بسینور شهید مسلوباتیله کچنیرکشی موجود ایسه
اطرافنه طوپلانمشلر المرنده او معصومی سپر لغنت
ایدوبده جانلری بدنن بدنلری ستر عودت ایده جك
پیرهندن عریان براقق ۰ - جنکیرك دورینی اعاده ایتك
ایستیمورلر اهالی جله سندن وحقی سایه لرنده کندی
حیاتلرندن بیزار اولمش برکسه یه برکوتولک ایتدم هرکسك
بردرجه یه قدر توجهنه نائلیم دایم شمخالک طرفدارلری
دائما امرمه منتظر طوریه - ورم محرم برچوق آدملم و وار
فقط هم محرم هم کار کذار کسه یه مالک دکلم اگر اویله
بر واسطهم اواسه شمعی بودولتی تقلیه مقتدرم صفوی
اولادینك عمومی طوتار جانلرنه قصد اولنماق شرطیه
یا استانبوله یاقریمه کوندیریز سنك شاهلغکزیده
اعلان ایدرز هم خاندان عثمانی ایله اره دهکی اختلاف

شونهلم ایکی فکر اتحاد ایدر سه بر دنیا ایله اوغراشه -
بیلیر « سوزیله مقابله ایلدی بر قاق ساعت مذاکره دن
صکره پریخان عادل کرایک یاننده عسکر کوتور مامک
فکرنده ثبات ایتسنی - فقط غازی کرایکی قهقهه دن
چیقارلق و خانلقه بر خدمته قوللانلق شرطیله ایرانده
براقعه موافقتله برابر شههریاری اغفال ده دخی دوام
ایتسنی - پریخانک ده اردو ایله کیدرک کندی ایله برابر
عثمانلی طرفنه چکسنی بر رأی سالم صورتنده بیان
ایلدی ایسه ده عادل کرای « ذاتاً بر یکی خبیثه نك تکلیفی
بنله عثمانلی ملکنه برابر چکمکدر صکره انک النیدن فصل
قورتیله بیلیرز؟ » دیمکله بر قاق دقیقه لر فکر خفیسنی
کشفه چالیشیر جه سنه عادل کرایک یوزینه دقت ایتد کدن
صکره پریخان « سزه بر شی سویلسم خانلکه جل
ایتمز سکزی یا » دیوب ده عادل کرایدن « الله عشقنه شو
تکدیری براق جانمه قصد ایتدک ایسه هر دقیقه ده بر کره
اولدیرمک مرچته مطابق دکدر » جوابنی النجه « والله
تعریض مقصدیله سویلدم بنی دیکله ییکزینه اولکی یمینی
تکرار ایدرم بنم اسماعیل ثانی مسئله سنده صنم خبرم
یوق ایدی فقط خاندانم بقاسندن امین دکلم حتی نه
یالان سویلیه یم بقاسنی ده ایسته مم شاه علیل بر شی بوقاری
ارواح خبیثه کبی عروقه اعصابنه کیرمش نه امر ایدر سه

اولوم مؤده لری ویردک! .. قارینک نه قدر ملعنته . — نه قدر
 خنزیر لکه قابلیتی اولدیغنی دوشونه مزسک! ایکی ساعتک
 ذوق شهوانیسی ایچون بتون دنیایی فدا ایدر حاملز دن
 ذره قدر خبر الیرسه بتدیگمز کوندر بلکه اولدیر مکه . —
 قانمزی ایچمکه بيله قناعت ایده مز! .. شو سرائک ایچنده
 بر از نفوذم واربن شهزاده . — او بر فقیر قزی ایکن حیثیتیمی
 بيله چکه میور شمدی کندیسنه رقیب هم ده غالب رقیب
 اولدیغیمی کوریرسه قودیرمش کویپکر کبی کندی کندینی
 بر! .. اوف! .. آدیمی ده رقیب غالب قویدم سویله! الله عشقنه
 سویله! انی سومیورسک یا؟ .. سورسک بيله بنی ده ازیاده
 سورسک دکلی؟ .. « یولو سویلنمکه باشلادی عادل کرای
 پریخانک هر عباره سی بر قاچ دقیقه کریه یأس ایله انقطاع
 ایدن سوزلرینی بهت صرف ایچنده دیکاردی لفردی محبت
 مسئله سنه کلنجه بردنبره وجدانی غلیان ایتدی . — وجودی
 سراپا آتش حدت کسلدی « دنیاده هیچ انصافک یو .
 قیدر که کندینی اویله بر جادی به قیاس ایدرسک! انسان
 نه قدر طبیعتسز اولسه ییلانی ده سومک احتمالی وارمیدر؟ ..
 بنم کوکلدن او قدر ایچقلغنی نیچون مأمول ایتدک « یولو
 پریخانه کوره الک پیوک النفئاتلر دن بیك قات قیمتلی بر از
 ستملر ایراد ایتدکن صکره « شمدی تلاش ایتمکن
 بر نتیجه حاصل اولمز باش باشه ویرملده چاره مزی دو .

عادل. — هیچ بریسی دکل شهر یار کندی کندینه
اوله بر مکلمه تصور ایش وقوعنی شاهه سونیش سزده
مأمور اونجه یالانسه اشتراک ایتسه م رذیل اوله جغنی بلکه
اعدام اولند جغنی دوشونمش کلدی اغلدی فریاد ایلدی
کوکل خباثنی میدانه چیقارمغه قائل اولدی.

پریخان — زهنه بر حالر کلیور! واهمه م تجسم اید.
بیورده جادی کبی کوزمک اوکنده طولاشیور! . . . شهر یارک
سبسنز هیچ بر شیئه تشبث ایتدیکی یوغیدی نه لزوم کورمش
که کندینی اوله بر مخاطره یه دوشورمش.
عادل — کندنجه لزوم وار ایش!

پریخان — فصل لزوم؟

عادل — بنه هر زمان کورشمسی اقتضایدرمش اکاده
بو یالاندن بشقه بر چاره دوشونه مامش.

پریخان — سزکله نیچون هر زمان کورشمسی اقتضا
ایده جک؟

عادل — بنی سو بیورمش ده انک ایچون

سوز بورایه کلنجه پریخان مایوسانه بر فریاد ایدرک
ایکی ایله باشنی صیقدی مجنون مجنون اوطنک اطرافنی
طولاشمغه باشلادی بر خیلی زمانلر بو حرکت قسریه
ایله کزندکن صکره کلدی اللربنی عادل کرایک دیزلرینه
طیادی « بکا وریدیک خبرک نه اولدیغنی بیلیورمیسک؟

ناقص! قادین اغزینہ یا قشمز سہدہ بر بر مزدن کتم ایدہ -
جک بر سر مز قلمدی بن دوش و ندی کم تدبیری سویلیه یم:
یارین اقشام سزه شہریاری جزه ایله برابر کوندر یرم
جزه یه ده ایما ایله بعض شیرا کلادیرم مکلمه بی اوزا -
تمیکز دولته امنیت کلمک ایچون بنی نکاح ایله ایستیکز
اقتدارمه اعتمادلی پک زیاده در هم موافقت ایدر لر هم ده
برادر کزی الیقویمق یاخود یانکزده اردو کوندر مک
کبی تکلیفلرک هپسندن ال چکر لر « دینجه عادل کرای
حیران حیران پرینخانک یوزینه باقهرق شو محاوره یه
باشلادی :

عادل کرای — نه سویلیور سکز؟ دیمک سزک
حقیقت حالدن هیچ خبر کز یوق اما زه دن ده خبر کز
اوله جق سز او مکلمه لره جدی نظر یله می باقیور سکز بنی
کرچکدن ایران ایله اتفاق ایدر کرچکدن خلیفه یه . - خانه
عصیان ایدر می قیاس ایلور سکز .

پرینخان — جدی دکسه او محاوره بی آچغه نه لزوم
وار ایدی؟ راحتده ایدیکز اذیتده دکلدیکز که دفع بلا
ایچون بویله بر تدبیره قیام لازم کلسون اسارتدن قور تملق
فکر نده اولسه کز یالان سویلیکی واسطه ایدہ جک قدر
قور قافلغی سزدن مأمول ایتیم .

احوالنی ایضاحه قالمشقی بر غنچه بی نفسله آچغه
چالیشوبده صولدیرمق قبیلندن اوله جغیچون بو ایکی عاشق
عفت پرورک اوبزم صفاده حصه یاب اولدقلری لطائف
محبتی تعیین ایتکه اصحاب مطالعه نك خیالی توکیل
ایلدک .

یالکز شوراسنک بیانی لازم درکه مجلسک مباحثاتی
یالکز اذواق عشقه انحصار ایتدی ایکی عاشق بر زمانلر
بربرینک طویه طویه تماشای چالندن بر زمانلرده وجدان
نلرنده کی حسیاتک تعاطی آثارندن مستفید اولدقن
صکره حالک روحانیتی محبتک انوار لطائفی آغر آغر
چکیله رک استقبال دیدیکمز لیلله یلدای دهشت هر درلو
ظلمتی هر درلو مهالکیله نظر ابتصار اوکنده تجسم ایتکه
باشلادی .

عادل کرای اسارتنی ، پریخان اسارتدن دهها مقید اولان
موقعنی بر لسان حزن وتأثرله تصویر ایدرک و اشنای
مباحثه ده هربری کوکلندن برامل لسانندن برسوز قاچیره رق
صحبتی صورت مشروعه ده وصالک چاره سنه انتقال
ایتدیردیله .

عادل کرای او باده بر تدبیر بوله بیلکدن عجزینی
بیان ایدنجه پریخان « حقلکز وار حیفکه اسیر سکر
الکزده قدرت یوق ! غریبسکرز بورانک حالنه وقوفکرز

دو کیلان ضیادن شبنم دانه لرینک هربری بر طمله نور کسینه
 رك طفل طبیعت اومسیره صفاده طوپلایه بیلدیکی قدر
 آتش بوجکریله معصومانه بر شهر آیین اجرا ای دیور ظن
 اولنوردی بهارك فیضیله باغچه ده کی کلرك طبیعتك فوقنده
 کورینه جك قدر کثرته باقیلنجه ایران خیالاتنه مبتلا اولان
 بر شاعر ایچون (شعر :) صبر و طاقتسز چیقوب بر کل دخی
 پیدا ایدر . خنده صیغمز غنجه نك کویا لب خندانه .
 تصویرینی عالم خیال دن جهان مثاله چیقمش فرض ایتمک
 قابل ایدی .

کویا که بخشایش قدرت بویله پریرلر نزهتکاهی دینیه جک
 قدر لطیف بر مکان ایله ملنکر سور سروری عد اولنه جق
 قدر روح پرور بیزمانی او ایکی عاشقك الفت معصومانه سنه
 بر قاندها لطافت و بر مک ایچون عالم طبیعتنه احسان
 ایلشیدی .

پرینخان ایله عادك کرای هیج بر لقردی سویلکه مقتدر
 اولقسزین دقیقه لرجه بر برینك حسنده محو اولمشجه سنه
 بر برینی تماشا ایتد کدن صکره پرینخان چفته خلقه سیله
 کیوانك کوزلکنی تصویر ایتمک ایسترمش کی ایکی قوللریله
 عادل کرایک چهره سنی صاردی وجدانی بر صحبت شوق
 وغرامه باشلادیلر .

بویله رنگ و بوی عصمتله مستور اولان مجالس محبتك

ارده دن برچق ساعت چکر یکمز قارشیدن پریخان ظهور
ایلدی عادک کرایک بتون بتون مأمولنه مغایر اوله رق
جاری ده نقابی ده سیاه ایدی بورنک هائل ایسه عادل
کرایه صباح العید امل بیلدیکی او زمان وصالی بی دور
ماتم شکلنده کوستردی فقط پریخان او طه دن کیروبده
قپوینی قپاینجه همان اوزرنده بولنان ستره لری اتدی یو -
قاردن اشاغی کیندیکی بیاض لباسلرله ظلمدن صیرلمشده
نور ایچنده قالمش ابر سحر کبی آغر آغر یور بیه رک یاپراق لردن
تجرد ایتمشده چیچکلره غرق اولمش نهال سمن کبی
نازلی نازلی خرامان اوله رق کلدی عادل کرایک یاننده
اوطوردی .

عادک کرایک صاری به مائل اولان نورانی چهره سیله
پریخانک صاف بیاض جالی بعض کره آچیق هوالی صبا -
حارده بربریله امتحان اطافته قالعیشیر کبی بری طلوع ایتمش
ایکن بری غروب ایتیمان شمس ایله قرک بر منظره ده طوریشنی
آندیریدی .

کیجه آیک اون التیسنه مصادف اوله رق مهتاب او -
طه نک پنجره لر دن داخله طوغری برسیلاب نور آقیدیر . -
نسیم پنجره نک پرده لرینی اه ترازه کتیردکجه انعطاف
ضیاده حاصل اولان تغیرلردن اوسسیلاب نور توجوه
کلمش کبی کورینوردی اوطه نک خارجنده کی باغچه به

علاقه بی ارککله مخصوص عد ایتک . قادینلری یالکیز
سولمک ایچون یارادلمشدر قیاس ایلک ایستردی .

ضعف قلبک بر نوعی ده بر بختیارلغه تفاوت امل
قورقوسیه اعتماد ایده مامکدر ایشته عادل کرایک بو تر ددری ده
هب او ضعف قلب اقتضاسندن ایدی فقط پر یخنان کبی حقیقت
قدر کوزل بر وجوددن یالان صادر اوله بیهلجهکنه ذهننده
بردرلو احتمال ویرمدیکندن دوشونه دوشونه نائل اولدیغی
حسن قبوله تمامیه اعتماد ایلدی سعادتک درجه سنی لایقیله
تقدیر ایدی اقشام اولنجیه قدر کچیردیکی زمان طبیعتک
فوقنده عد اولنه جق بر طاقم اشواق ایله مالامال ایدی
کویا که حسن کبی نورلر ایچنده طورر . عشق کبی روحلر
اره سنده کزردی نظرنده بولندیغی غربت وطن قدر
سویملی . دوشدیکی اسارت حریت قدر جاذبه لی
کورینوردی .

وقتا که اقشام اولدی وشهریار ایله برابر عقد
ایدیلان مجلس . هر طرف بر برینک فکرینه ممکن اولدیغی
قدر متمایل کورندیکی ایچون بحثی اوزاتمغه احتیاج
قالدیغندن . همان براییکی ساعت ایچنده طاغلدی عادل
کرای او طه سنک گوشه سنه چکیله رک و کوزلرینی قپویه
دیکه رک هلال عید بکیرکبی وقف انتظار اولمشدی

ماقی : بیلم نه سحر ایتدک

» رسیده کار بجایی که کفر اکر نبود

ترا پرستم و کفتم خدای من اینست » پریخان

عادل کرای مکتوبی النجه مقدمه سنی بیک درلو اولوم

عذابری ایچنده بیتیره بیلدی ذهنه عارض اولان

وله . — کوکلنی امتیلا ایدن خلیجان ایله او طه نك بر طرفنه

بیغیله رق ساعتلرجه وجودینک بر جزؤ بینی تحریکه مقتدر

اوله مدی نهایت چکدیکی اذالردن قور تلیق ایچون زهر

ایچمک ایستیان خسته لرکی حیات و آلام حیاتنک ختامنی

تسریع ایدر امیدیه کاغدی بر کرده ها الینه الدی

اشاغیلرینی او قومغه باشلادی بردن بره کوزلرینه اینانق

ایستمدی تکرار تکرار مطالعه ایتدی ذهنک ادراک

معانیدن عجزینه حکم ایتک ایستدی او یله بر مقدمه دن بویله

بر نتیجه نك ظهوری نظرنده مزاردن ریاض جنتی تماشا ایتک

قیلندن اولدیغی ایچون بو عالمک احوالندن خارج بر نعمت کبی

کورینوردی .

مکتوبی یکر می اونوز کره او قودی هر کله سنک

حاوی اولدیغی معنایه آبری آبری دقتلر ایتدی عقلی

صحیحاً پریخانک عرض محبت ایلدیکنه حکم ایدردی

فقط بر درلو کوکلنی امین اولق ایسته مزدی مالک او .

لدیغی او مشرب شا عرانه او قابلیت محبتله برابرینه .

ایده بیله جگنی مکتوبمک ابتدا سنده یازم شدم سز ایسه
 ذاتاً کفنی بوینده کزن قهرمانلردن اولدیغکزی فعلیات ایله
 اثبات ایتش اولدیغکزدن طبیعی سزک ایچون اولوم
 پک قورقج برشی اوله من لکن بن شمدی یه قدر بر لحظه جق
 حیات کوردم اوده التفاتکه مظهر اولدیغ
 زمانلردن بوجرأتم بنی اولنفاتدن محروم ایده بیله جکی
 ایچون دهها دنیاسنی یکی اکلامغه باشلادیغنی وقت ارتحال
 ایتش معصوملر قدر اجینه جق بر مصیته اوغرامغی
 کوزیمه الدم بر مزبله یه کونشک ضیاسی دوشر فقط
 انسانک نظری کوکل بولاندرمق قور قوسیله تعلق ایتک
 ایسته من سز صورتده کونش سیرته انسان دکلیسکز
 قادینلره لایق اولیه جق یولده عرض ایتدیکم اشتیاقلردن
 احتمال که آه احتمال که استکراه ایدرسکز
 نه یاپهیم! ریایی عرض محبتدن دهها فنا بولدم مادام که
 حامی هر نه وقت اولسه سو یلیه جکم قباحتی برمدتجک
 پرده ریالتنده صاقلامق طبیعی هم سنک هم بنم قدر مزه مغایر
 اولیور .

حرکتیم نفرتکی دعوت ایدرسه هلاک اولورم حال بوکه
 دردیمی عرض ایتامش اولسه مینه هلاک اوله جغم ایکی درلو
 اولوم اره سنده قالمش بر بیچاره نک حیاتی قورتارمق اوفاجق
 بر نظر التفاتکزه محتاجدر .

ذره کبی آفتاب جبالکه انجذاب ایله کندی کندی می غائب
ایتمک . - نور عالمینه قارشمق ایچون کله حکم .

مکتوب می کتیرن قوریحی محرمدر بو کیجه صباحه قدر
سزی او بکلیه جک ساعت بشدن صکره اندن بشقه سرای
ایچنده آچیق برکوز، ایاقده بروجو دقالمز .

یوقسه سنده اوزمان او بو رمیسک ! او بومه ! بن
رؤیامده هیچ برزمان آیرلیان مثا لکه خیالکدن زیاده مشتاق
اولسدم بر دقیقه کوزلمی قاپامق ایسته مزدم بتون عمر می
تخیلکه حصر ایدردم بیلیر میسک که سنی بر دقیقه جق
دوشمنک وجودده ساعت رجه او یقودن بیک قات زیاده
راحت . - بیک قات زیاده سکونت بخش ایدیور فقط رؤیاده
مثالک هیچ برزمان کوزمک او کندن آیرلیان خیالکدن
دها جسمانی دها روحانی حتی دها نورانی دها وجدانی
کور ینیورده او یقویه راحت ایتمک ایچون دکل سنی
ایستدیکم کبی کورمک یولنده راحت می غائب ایتمک ایچون
یاتبورم .

مکتوبه جواب ایسته مز ! یانکه دعوتسز کلک
مزیتنی بکا براقیرسهک پر یخانیکی بر کره دها احیا ایتمش
اولورسک ! شعر سوئلکه مقتدر دکلم که سوز کزی نظیره
هوس ایدیم مع مافییه حرکتیم حقیقت حالده جرأتکزه
برغریب نظیره در شعر کز سزی مزار عدمه ایصال

محببتك دنياده الك بيوك بر لذت اولديغنى ايشيديردم فقط
 عذابنده بيله دنيالرد كر بر بشقه لذت اولديغنى بيلزدم
 نه سو بيله يم دهانمندن روحلر جوشان اولسه قلمدن
 نورلر جريان ايتسه ينه اذواق وجدانمى تصويره مقتدر
 اوله ميه جغم . كل ! كل ! سينه مى آچ كو كله باق !
 كوركه عشقك نه غريب بر كرامته نه بيوك بر اعجازه مالك
 ايمش عوالم روحانيه نك نه قدر اذواق نه قدر بدايعى وار ايسه
 نصل بر نقطه يه جمع ايتمش نصل بر لوحه يه نقش ايلش !
 آه ! كل ديورم نصل كله جكسك فلك غدارلقده
 بر طورديكر ايجاد ايتمش عالمى فيوضاتنه غرق ايتك ايچون
 يارادلمش بر آفتابى بر زندان ظلم ايچنده صاقلايور ! ضررى
 يوق سن روحسك ولو كه مستور اول آمالك سنى آرايه رق
 اياغكه كلير !

ايشته بو كيجه پرينخانك كلير ملاقاتده ضرورى
 شهر يارده بولنه جق اوف ! . . مجلسكه ده كله جكه ذهنده مى
 قاره قاره خوليار بيله يانمزه تقرب ايتكه جسارت ايدميورده
 باشى او جزده طولاشان او كا بوس نه در ! عجبابنم هر
 آننى بر عمره مرجح بيلديكم اور روحانى اذواق محبتى اويقوده مى
 پچير يورز .

برلشديكمز زمان بحثى قيصه كسه لم اركن طاغيله لم
 شهر يار ايله مذا كره يه ختام ويرد كدن صكره بن تنها كله جكم

ایشی وار ایدی بنم ایچونمی کلدک الله عشقنه سـویله
بنم ایچونسه قدومکه نه درلو پیشکشلر ایشار ایدیم جانه
جوهر دیمشله فقط سنک کبی بر مهمان عزیزک قدومنه
اهدا اولمقی ایچون اوجوهرکده قیمتی یوقدر باق!
نه قدر دلی دلی سویلنوب طور یورم یانه یاپهیم! محبتک
انسانده ادراک می براقیور دها سکا مالک اوله مدم المدن
قاچرمق قورقوسیه هلاک اوله جغم ک و کلم سینده مدن
ایریلوبده روحانی مجلسکک ندیمکی خدمتنده بولمقی
روح بدنمدن چیقوبده نورانی وجودیکه سایه لک ایتک
ایستیور.

بر نور لطافتسک درونکنده او قدر حرارت ندر شعریکک
خیالاتنی آتشله می ترکیب ایتدک هر حرفی کوکله یاپشمش
جان یلقده محبتکله یاریشیور.

هوای محبتکده انفاس عیسی خاصیتیمی واردر جالک
کوزمدن دور اولدقجه دقیقه ده بر کره هلاک اولیورمده
خیالک نظرمدن کچدکجه وجودمه بر روح دیگر افاضه
ایدیور.

آرایش رنگا رنگیله تجسم ایتش نوبهارمیسک عکسک
کوکله جلوه ساز اولدقجه کوزلرمدن نیسان قطره لری کبی
کریه مسرت دوکیلیور کوکلم ریاض جنت کبی بیسک
درلو ازهار لطافتله مالمال اولیور.

حاله البته یقین حاصل ایش سکزدر که بوحرکتک جزاسی
قهقه زندانی دکل مزار عدمدر !

بو قدر مخاطره لری اختیار ایتدیکنکزی تصور ایتدیکنک
حیرتمدن نه سویلیه حکمی بیلیورم فقط نه یالان سویلیه ایم
سو نچمدن ده چلدیره جنم کلیور دنیا ده هیج بر کوکل
اولسه کر کدر که محبتنه بوندن مؤثر بوندن بدیهی دلیل
کوسترمش اولسون کندی تجربه لرم میدانده طور یور ظن
ایدر میسکز که یانکزه برنجی دفعه تنها کلدیکم کیچه نقابمک
خفتی جارمک زینتی تصادف قبیلندن ایدی! صانیر میسکز که
بکن اقسام که ماجرا ده نقابمی آچدقدن صکره قپامق
خاطریمه کلدی! برقادینه کوره امکانک نهایتی عد اولنه جنق
درجه لرده محبتنه دلیلر کوسترمشدم نظر کرده هیج
برینک حکمی اولدی سز بکا توجه کزی بنم ایچون
نفسکزی مخاطره یه الفا ایتکلکه کوستریورسکز بنده سزه
اسارت وجدانمی ان شاءالله یولکزه اولمک قوجاغکزده
تسلیم جان ایتکلکه اثبات ایدرم . هیهات! عجبا بر بیچاره یه
روح حقیقیسی اولان جانانک قوجاغنده تسلیم جان ایدوبده
موتده حیاتدن زیاده لذت بولمق نصیب ایده جک قدر فلکده
انصاف وارمیدر .

آه! سن نیچون بومملکتلره دوشدک! جسم لطیفی
نور تجلیدن مخلوق بر مملک بوقره طوپراقلر ایچنده نه

ایچون او مجلسده او قومق ایستمدی الدی قویننه قویدی
بر زمانلر معتاد اولان صحبتلری تکرار دن صکره او طه سنه
چکلدی .

شعری او قوینجه عادل کرایک صحیفه وجدانی تمامیه
مطالعه ایتمش و هر حرفنده کندی محبتنی مندرج کورمش
کی بر امنیتلره بر سعادتلره مستغرق اولدی فقط کرایک
او کونه قدر سکوتی و کرایک بر قیاح کیجه اولکی معامله سی
ایچون عادل کرایکی اوزوبده عاشقانه بر انتقام المق
هوسندنده کجه مدیکچون شو غریب مقدمه لی مکتوبی
یازدی طرفداری اولان نوبتجیلرک بر یله عادل کرایه ار سال
ایلدی .

صورت مکتوب

شعرکزی او قودم حرکتکیزک نتیجه سنی بیلور میسکز!
سوق قضا سزی اسیر ایتمش بنه بو کون قوجه ابرانه حکم
ایدن بر شاه عالیشانک سرابنده او طور یورسکز میربانکز
سزه کندی شهزاده لرندن - اقر باسندن زیاده رعایت
ایدیور سزکله رسمی مقالاته کیریشمک ایستیور حرمنی
همشیره سنی امنیت ایدیور تنهاجه او طه کزه کوندریور سز
ایسه او پادشاهک همشیره سنه حرف اندازلغه محبت پردازلغه
قالتشمقندن چکنمورسکز مطلقا دوشونمش و دوشوندی ککز

تاملجه اولدی خلیده دستمه کی پارچه پارچه شم شیر
حقک دخی اعتناسی وارمش افعالی ایلاکده تصویر
دنیاده بر ملک یاراتمش ویرمش اکا اقتدار تقدیر
عادل کبی بر اسیر طوتدی کوکلم کبی ملکی ایتدی تسخیر
یوکسل نه دیمک که هاتنف غیب سنسک بکا کوکلم ایتدی تقریر
یوکسلکه قالدی مجالم بول دردیمه وارسه بشقه تدبیر

« بنشینم و سر پیش پایت

برخیزم و جان کنم فدایت »

معهود ماجرا دن صکره پر یخان او طه سنه برنجی دفعه
اوله رق تنها کلدیکی کجه عادل کرای ده مخصوصاً منظومه سنک
تبدیلیله مشغول بولنش ایدی پر یخان « اکر محرم دکلسه
یازدیغ کزی بنده کوره بیلیر مییم » دینجه عادل کرای
« بنم محرم نه ایشم اوله جق عالم تنه ایدیه اماتئ زمان ایچون
برایکی بیت سویلدم » جوابنی و یردی پر یخان « ابرانلی
ایسه کده براز ترکیه ده اکلاز اشعار کزی کورمکه جواز
وارمیدر » سوزلریله منظومه بی ایستدی عادل کرای کاغدی
ایکی قات بوکه رک « شو نسخه سنی افندمن ایچون یازمشدم
برخالی زمانکرده او قورسکز » دیدی تقدیم ایلدی .

پر یخان عادل کرایک کرک اوضاعندن کرک سوزلرندن
شعرك کندیسنه متعلق اولدیغنی یک نظرده تفرس ایلدیکی

یا نمده قضا طور ردی دائم باشنده اجل دوزردی هر آن
طوب اولسه آتله باغرمه ارض اولزدی ینه کوکل هر اسان
جان قور قوسنه دکرمی بر عمر باقمی اولور جهاندن انسان
کوسه تردیکم اقتدار ونجهدت ایتشدی بتون جهانی حیران
حیفاکه ینه صدای غیبی بر بوبله مأل ایدردی اتیان

یو کسل! که بونکده فوقی واردر

انسانلغک آیری ذوقی واردر

بختم نه سیاه امش که بیلم حاملله دکشدی حال عالم
بر عرصه کیر و داره دوشدم هیچ مثلنی کور مامشدر آدم
بر حزب قلیل ایدی مهینم اعدا ایسه لشکر عمرم
بر تیغه بدل کلردی بیک تیر بر آتسه قارشی بیک جهنم
حالمجه اجلله پیچه لشدم ایتدم او قدر عدوی درهم
سینم تیر یلوب آتم اورلدی ده شدم یره واردی کو کسمه دم
نه کاره یارار سنان و خنجر نه جانلی کزر معین و همدم
کلدی دم ذلت اسارت موت اوزلر ایکن دل مؤلم
اغرب که ینه ایدردی تکرار هاتف بو سهوزی بکا دمام

یو کسل! بوده شیوه خدادر

اسرارینی صورمه کیم خطادر

یو کسل نه دیمک نه در بو تحقیر هاتف نه دن ایتر امری تغییر
دشمنلر مه اسیر ایدم بن بو یننده اگر چه یوقدی زنجیر
مقصود ایسه رتبه شهادت بن حاضر ایدم کیم ایتدی تأخیر

ایلردی فحوله هر کلامم تعیین مقاصد و موافق
عرفان ازل مسائلمنده فکرمدی ینه بکا معرف
تحقیق صفات خالق ایتدم اسرارینه اولدمسه عارف
طورمزینه اعتیلاى جاهه بوییت ایله سوق ایلردی هاتف

یوکسل! هنرکله قانع اولمه

احسان خدایه مانع اولمه

خان اولدی قریمه بربرادر چکدی بنی تختنه برابر
اولدی هوس شباب متروک کدی یرینه امور کشور
اولشدی مقلدم جهمانده عدل عمری عطای جعفر
عزم ایتشیدم قلم و مده ترک ایتماکه خراب بریر
بر رأیمه بولدم معارض بر امری کورمدم محقر
دورمده عبادی کبریانک دلیر سرور ایدی سراسر
هر کسده کی خنده نشاطک عکسیله آچاردی دله کلر
حکیمده صفا سورن رعیت اوصافی ورد ایلردی بریر
اما که ینه ایلردی هاتف کوکلم بو عتاب ایله مکدر

یوکسل! که جهان سفیل و دوندر

رغبت اکا عادتا جنوندر

حرب آچدی عدویه آل عثمان مردم دیانه کورندی میدان
اورنک شهادتمدن ایتدم آت صرته نقل مرکزشان
تیر اولشدی المده نیزه بکزردی کانه سیف بران
میدانه کیرنجه ظن ایلردم هر برق بلایی ورد خندان

فطرته تساوی ظهوری بو حال ایله خالق یکه
اطفالده کوس تروب طور رکن بیک حجت ایله جهانیانه
بیلیم نه سببیه واردی دائم کوشمده شو هاتنی ترانه
(یوکسل! که یرک بو یرد کدر)

دنیایه کلیش هنر دکدر

کلدی بدن ضعیفه قوت اولدی یوریمکده بشقه عادت
یرلرده سورنمه وقتی چکدی طوغرلدی سمایه طوغری قامت
محو اولدی بشیک بیک صالحیق اکلنجیه ذوقه کلدی نوبت
یانمده کی دایه لر ایدردی هر حاله آیری آیری دقت
اما ینه کندی عالمده مخصوص ایدی کننیمه حکومت
رؤیا کی پکسوده چوجوقلق بردر کوزه خواب ایله حقیقت
حالا او زمانه طالیم بن دوندر مکده عمری اولسه قدرت
اطرافنی سیر ایدر سانیردم انسانی ملک جهانی جنت
دیددی ینه متصل باشمده اما که او هاتنی هدایت

(یوکسل! که بویک قدر قالیر سک)

سعی ایله که بی هنر قالیر سک

کلدی دم رغبت معارف اولدم نیجه فته بن ده واقف
هر عیله که صرف دقت ایدم برمشکله اولدم مصادف
هرهانکی کتابی درس ایدنسم کویا بن ایدم اکا مؤلف
ادراکه سعیم اولدی یاور تحقیقمه حافظم مرادف
بربختی او نوتدم جهانده براصل ایله دوشدم مخالف

شبهه سنی دفع ایتمه که وهم ده ایتدیکی بر بیوک مناسبت سزلیکی
 عفو ایتدیرمکه مقتدر اوله بیلدیکی ایچون ایکی دنیا سنده
 بردن نائل سعادت اولمش درجه لرده ممنون ایدی فقط
 براملی وار ایدی که حاصل اولدقجه دنیا ده حیاتک بر لذتدن
 مستفید اولغه امکان تصور ایده مزدی او املی ایسه پر پخانه
 محبتنی قبول ایتدیرمکدن عبارت ایدی.

عادل کرای الک مختاطره لی زمانلرده حیاتی قورتارمق
 ایچون اولومی کوزه الانر کبی بو املنی ده حاصل ایتک
 تمسیره بر تجربه طالع قیام ایتکدن چکنمدی پر پخانی تنها
 اوله رق برنجی دفعه کوردیکی زمان بر مناسبت دوشوروبده
 کندیسنه و برمک ایچون ماجرای محبتی حاوی اولان شو
 منظومه بی ترتیب ایلدی.

« صورت منظومه »

مادرله پدر اولوب بهانه	سوق ایتدی قضا بنی جهانانه
خان زاده ایدم ولا دتمده	طوغدم ینه پک قلندرانه
عریان وسفیل ایدی وجودم	محتاج دکسه آب ونانه
برقطره سوده دهان آچاردی	مألوف ایدی کریه و فغانه
بکزتسه بنی خطا دکلدی	بر کیمسه باقوبده عارفانه
زنجیرده ایکیان اسیرک	قویبنده کی طفل ناتوانه

پریخان بویله هم معشوقنک شبه مننه غلبه ایتک و هم ده
محبته اطمینان حاصل ایتک کبی کندنجه هر بری دنیالر
دکر ایکی موقیته نائل اولدیغی حالده ینه فوق العاده
براقدم ایله کنه دینی ضبط ایدرک سرورینی کتم ایله
« مسافر سکر رعایته بورجلی بز الدانمقده ده سزه قباح
بوله مم چونکه بنی ده خلقک خیالات و مفتریاتنی ده تمامیه
بیلز سکر بوحارثه بی ده کان لم یکن حکمنده طوته لم »
دیدنی ینه بر کوشه یه او طور دی بوضره ده یالکز اولکی
حالی ینه کتیردیکی تغیر اونوتمش کبی نقابنی آچق برا-
ققدن عبارت ایدی ینه مکلمه یه باشلادیلر عادل کرایک
مفتونیتی بر درجه یه وارمشدی که همان پریخانک
هر تکلیفنه موافقتی کوزه المق ایستر ایدی فقط ینه
خفیف خفیف مخالفتردن کری طور مزدی اکا سبب
ایسه هب پریخاندن ایرلق مطالعه سی ایدی پریخان ده
عادل کرایدن او قدر ملایمت کوردیکی حالده تکلیف لری
قبول ایتدیرمکده اصرار ایتز ایدی که انک سببی ده
عینیه معشوقندن ایرلق قورقوسندن بشقه برشی دکل
ایدی .

عادل کرایده پریخان کبی او قدر دهشتلی او قدر
جانخراش بر مجادله ارسنده هم معشوقه سنجه اولان

اولدیغندن قلبنده کی اطمینان قوتیله هر سه-وزی و بلکه
هر وضعی معصومیتنه بر بهان بدیهی کسملدی عادل
کرایک نظری ایسه فهم حقایق ایچون لسان حالک او قدر
طلاقتنه محتاج اولدیغندن کوکلنده کی شه بهر - نفر تله
تمامیله امنیته مفتونیتنه انقلاب ایلدی.

پر یخانک او یله بر مهارت دل شکارانه ایله نقابی آچیلوبده
عادل کرای بر قاج کیجه اول پرده آلتندن خیال میال
تماشا ایلدیکی مه جالنی هر در او حائلدن مجرد اوله رق
کورنجه کوکلنده کی حال محبتدن آرزوی پرستش
درجه لینه یا قلاشمش ابدی هله او حال حزین ایله
اوطه دن چیقماق ایستدیکنی کورنجه بتون بتون اختیاری
الندن کندی همان او کنی کسه رک «الله عشقنه مرحمت
بیورکز جریمک نه قدر بیوک اولدیغنی بیلمیرم کوزلر -
کزدن بغیر حق آقان بر طمله یاش یرینه صوک قطره سنه
وارنجه به قدر قائمی دو کسه لینه آزدر لکن بنی خلقک
کفتکوسی الدائمشیدی مرحمت مذهبنده خطایه جزا
اولمز قباحتی عفو ایتمه دن کیمک خدا بیلمیر بنی اولدیر -
مکدن بیسک قات بتدر «یوللو بر طاقم نیازلره باشلادی
عادل کرایک بو مرتبه تلاشی تأثر و ندامتدن زیاده سو -
دای محبتنه دلالت ایلدیکنسندن عادل کرایک اغزندن چیقان
هر لقردی پر یخانه بر نفعه روح کبی تأثیر ایدردی

المرینی باشندہ قویہ رق و کمال نفرت و حدتہ بر آہ ایدرک
 «شاه اسماعیلی بنم تلف ایتدیردیکمه سزی ده ایناندیردیلم
 یانکزه کلدجکھ قارشیکزده پو صودن اوریحی بر حیدود
 طورییور فرض ایدیورسکز بکا ایتدیککز حقارتلر
 کوکلکزک نفرتمدن کایور اویله می؟ اسماعیلی کنندی
 حیاتی مخاطریه قویدم ده بن شاه ایتدم خلق بو یله
 شیلرده بر از نفوذم اقتدارم اولدیغنی بیلیرلر بیچاره ننگ
 قاتلی بلنمدیکچون ذهنلرنده اویله بر قباحتی بکا اسناد
 ایتدیر یوقسه بالله القهار اعدا منده نه رأیم وار ایدی نه ده
 کندینه قصد اولنه جغنی ذره قدر تفرس ایده بیلشدم
 (شدتله یوزینی آچهرق) یوزمده کی نقابی حجابمدن
 اورتلشمیدر صانیورسکز باقیکز! چهره مده خائن
 قیافتی .- کوزمده جلاد باقیشی .- بر طرفده قان لکھ سی
 کوره بیلیرمیسکز بن کیدرم بوندن صکره یانکزه ده کلم
 شاهنک قاننی ایچن بر جانور سزه کیم بیلیر نه لر یامز
 دبدی قپویه طوغرلدی صوکه اقردیلمینی سو یلرکن
 ایسه کوزلرندن باران بلا کی یاشلر دو کولمکه باشلامشدی
 بر صورتده که حدتله آل آل اولان چهره سی اوزرنده
 آقوب کیدن کریه دانهلر یله شهابلره غرق اولمش بر شفق
 بلوطنه بکزه مش ایدی .

پر یخان فی الحقیقه شاه اسماعیل مسئله سنده بیکنه

یارم — ساعت قدر چکه بیلدی نهایت بتون بتون صبر
وسکونتنی غائب ایلدیرک و اغلامق میلنه بیک بلا ایله غلبه
ایدیرک شو یولده بر مجادله یه باشلدی .

پرینخان — صانیرم که بن شمیدی یه قدر سزه رعایتده
قصور ایتمدم حقمده بو معامله کز نه در بر قباحتیم وارسه
سویلیکیز .

عادل — ای بن سزه نه یاپورم .

پرینخان — شو سوز کزدن ده نه یاپدیغکیزی اکلامیور -
میسکیز عادتاً حقارت ایدیورسکیز .

عادل — استغفرالله بن اسیر بر آدمم بر شاه همشیره سنه
حقارت نه حدمدر .

پرینخان — مانع دکل حقارته برده استهزا علاوه
ایده بیلیرسکیز مرد اولانلرک شانلی حاجز قادینلره اویله معامله
ایتمکدر .

عادل — عفو بیور کز بنده کزی سوز سویلیکه مجبور
ایدیرسکیز صکره بلکه تر بیه نك خارجنه چیقارم .

پرینخان — سویلیکیز قباحتیم نه اولیور سویلیزسه کز
مرد دکلسکیز .

عادل — (بر از تر ددن صکره) افندمز بنده قان
دو کرم اما غوغواده دو کرم کیزلی او طهر ایچنده دکل .

پرینخان جوابدن عادل کرایک مقصدینه انتقال ایدنجه

شهر یازک یانه کیدرک و کیجه می شدتدن طولایی
 نخوتنه طوقونیه جق صورتده بر طاقم خفیف تعریضلر -
 دن صکره ایران ایچون او قدر فائدهلی بر ایش قوه قریبه یه
 کلمش ایکن بویله عارضه لرله ایستنیلان نتیجه بی تبعید
 ایدوب طور مقده هیج معنی اولدیغنی بیان ایله « بو کیجه
 بن بالکز کیدرم خانزاده بی هیج اولزسه اولکی ملایمته
 ارجاع ایدرم » دهرک سائقه مصلحتله شهر یاری رأینک
 قبولنه مجبور ایلدی .

اقشام اولوبده پر یخان شهر یازایله بولندیغی زمانلردن
 دهامس-توردها زینتسز بر حال ایله او طه-سنه کیرنجه
 عادل کرایک ینه انفعالات قلبیه سی بردن بره غلیبان ایلدی
 بادی نظر ده پر یخانک او قدر زینتسز بر طرزده کلمسندن
 ممنون اولق ایستدی صکره او حال ایچون ده بر قائدها
 غضبی زیاده لشمکه باشلادی پر یخان هر نه یاپار هر نه سو -
 یلرسه کوکلنده قپانمغه یوز طومش اولان جریجه نک
 بر طرفنی یارمق تازهمک قیلندن ایدی بتون بتون انقطاع
 الفتله چکدیکی اضطراب دروندن قورتلق ایچون هرچه
 باد آباد قرار مأیوسانه-سنی کوزه الهرق پر یخانک اک نازک
 اک ملایم سوزلرینه بیانغی تریبه-سنه یاقیشیمه جق و خصو -
 صیله بولندیغی حال ایله هیج مناسبت المیه جق درجه لرده
 چرکین مقابله لر ایدردی پر یخان بو حقارتلری انجق

بر شی کتیره مزدی شهریارک فسادینه جل ایتک ایستردی
حال بوکه انکده عادل کرای کندنن صکره کورمندیکنه
ولو که کورمش اولسون اویله بر فسادده بولنق لازم کسه
کندینی برابر کو تورمکنده بوقدر خواهش کوسترمیه جکنه
خصوصیله شهریارک اویله بر فسادده قیام ایتسی ایچون ده
بر سبب بولنمدیغنه شهریارک ایسه لزومسزیره هیچ بر شیئه
تثبت شانندن اولمدیغنه نظراً اکاده بر درلو امکان
ویره مزدی ذهننه امواج دریا عددنجه واهمهله هجوم
ایدینه جله سبی امواج دریای کبی هیچ بر شکلده طور مقسزین
محو اولور کیدردی وجودی کو کلنده کی محبت کبی هم
ازیش همده حضوره بتون بتون دشمن اولمشدی کوزلینه
باشنده کی سودا کبی قورقوج قرانلقر چو کر دی فقط
کویا که او سودا مظلمک دهشتندن اویقویاننه تقرب
ایده مزدی .

نظرنده مزاردن هیچ فرقی اولمیان او طه سنده
نارسیده مدفونلر کبی ایکیله ایکیله صباحه واصل اولجه
سببسن بلالره ناکهظهور مصیبتلره ده بتون بتون مغلوب
اولق شانندن اولمیان قوه قلب و متانت افکاری سایه -
سندده کندینی بر درجه یه قدر واهمه لردن تأثرلردن تجرید
ایدرک عادل کرایده کوردیکی حالک بای حال سببینی
اکلامغه ذهننده قطعاً قرار و یردی او عزم ایله طوغریجه

شهریار کمال شوق ایله بختی اداره ایلدیکی صره ده
بر قاج دفعه سوزه قاریشه ییله رک انده ده محبتہ مغلو بیتندن
و عادل کرایک توجهنه عرض اش-تیا قدن کنیدی الی الی
اولکی مجلس-لرک خلافتنه اوله رق شهریارک تکلیف لری
تخفیفه چالشدی خانزاده ایسه نفرتنی او دره جه ایبری
کوتور مشدی که بیچاره نک بو طور رضا جویانه سنه دقت
بیله ایتدی

عادل کرایک او دقتسزلکنه باقهرق شهریارده دایما
پریخانک سوزینی کسرو اولکی تکلیف لریه اصرار ایدردی
بختی آزدیره آزدیره مکالمه بی قطع ایده جک درجه لره
کتیر دکلی ضرده شهریارینه لسانی دکیشدیردی خاطر
جویانه بر طاقم مکالمه لرله عادل کرایک تسکین ایدرک مذا کره بی
ایرتسی کیجه به تعلیق ایلدی .

پریخان چکدیکی بار آلام التنده بتون بتون ازمش،
محو اوله جق درجه به کلمش اولدیغی حالده او طه سنه
کیرنجه همان چارشینی نقابنی آتهرق یوزی اوستنه یتاغه
یقلدی بر ایکی ساعتلر هیچ برشی دوشونمکه مقتدر
اوله مقسزین طویه طویه اغلادی انکلده تسکین
اضطراب ایده مدی عادل کرایک حالی دوشونوردی
هر وضعنده مبالا تمزلفه دکل بیاغی نفرتنه نیجه بییک
دلیل بولوردی سبب تحری ایدردی خاطرینه ذره قدر

استغنان صکره کویا مجرد خدمت شاهیده قصور ایتماک
مجبور یتیله قبول ایلدی .

پریخان فکرنده نه قدر قوت وار ایسه جله سنی تأثرات
محبتنه غلبه یه صرف ایدرک شهر یار ایله برابر عادل کرایک
مجلسنه کیتدیکی زمان هر طورینه هر وضعنه او قدر دقت
ایتمش ایدی که بارقه ذکاسی بتون بتون کوزلرینه
طو پلانمش دنیلسه روا ایدی . فقط عادل کرایک یوزینه
دها برنجی باقیشنده پشیمان اولغه باشلادی چونکه
عادل کرای پریخانی کورنجه - شدت مفتونیت بر حقلی
سبب ایله بر طرف یرینه شدت نفرت بدل اولق طبیعی
بولندیغیچون - کوکلنده غلیان ایدن غیظی چهره سندن
کوستر مامکه بردرلو مقتدر اوله مدی شهر یاردن اولان
استکراهنی خفیف خفیف تبسملر نازک نازک استهزالرله
ستر ایده بیلیردی فقط نه زمان پریخاننه توجه ایدرسه
سیماسی جلادینه قارشى یاتان مخوقلر قدر قورقنج برشکل
غریبه کیرردی بیچاره قز بو اوضاعی کوردکجه وجودینک
هر ذره سی آبری آبری پاره لنه جک بر درجه یه کلشیدی
کویا که معشوقنک جانندن آیره مدیغی خیاط باصره سنک
هر بری قزغین بر میل اولور بیننه صاپلانیردی کویا که
طیشاری اتمغه میدان بوله مدیغی کوز یاشلرینک هر دانه سی
بر طمله آتش کسلیلر قلبنه دو کولوردی .

رقابته جل ايمك ابستدی ايسه ده شاه اسماعيلك اعدامی
عموماً پريخانن بيلنديكى ايچون « انسان قانى ايچمش بر
مخلوقدن نه اومارسك » سوزيني بر درلو خاطرندن
چيقاره مدى . باغی اودناشده برقادينه ميل ايتديكندن
طولايي كوكلنى برندن قوپاروبده اياغنىك التنده ازه جك
درجه لرده كندی كندندن نفرت ايمكه باشلادى حتى
مجاهدهء نفسه اولان قدرت فوق العاده مى جهتيه
ساعتلرجه اوغراشه رق پريخانك خيالى بتون بتون ذهندن
رفع ابلدى؛ هيچ اولمزه رفع ايمش اولمق اعتقادنده
بولندى .

ايرتسى اقشام شهر يار پريخانك ياننه كلهر ك تنها ملاقا.
تنده كى مباحثه وحسياتنك نتيجه سنى سؤال ايله « بحك
خلاصه سى اولكى مذاكره لك عينيدر . سوزلرندن سزه
داژده هيچ برشى سزديرمدى عجايب مشرابلى بر آدم
براز دهامى صيقشديرملى نه ياپملى » جوابنى النجه بر
فرصت ملاقات دها اله كچديكنه حكيم ايمش وفي الحقيقه
سفر زمانى دها كمدى ايسه ده لازم اولان تداركاتى اكمل
ايچون ممكن اولديغى قدر سرعتله برقرار ويرمك مهم
اولديغندن طوتديره رق همان او كيجه ينه برابرجه ملاقاته
كيدلسنى رأى ايشيدى پريخان ايسه بولنديغى بحران
ترددن خلاصنه چاره منفرد اولان بورأبى ده براز

یالکز حفظ ایده بیلدیکی سوزلرینی خاطرندن کچیره رک
شهریار ایله برابر بولندیغی زمانلر ایدیلان صحبتلردن دها
روحسز بولور و بو حالی ایسه فکرأ کندینی بکنمدیکنه
جل ایتک ایستدکجه قلباً مجلسک تنهالغی جهتیله ضروری
اولان تر بیه یه رعایت کبی بیک درلو تؤوللارله او
احتمالی دفعه چالیشیردی بو حال ایله بر دیگر ملاقاته
انتظار ایتدیکی وقتلری - علیهنه جزای اعدامی دعوت
ایدر بر دعوی اقامه اولنانلر قدر - اندیشه لر اضطرابلر
ایچنده کچیردی .

بری طرفدن عادل کرای قرانلق زندانلر ایچنده ایکن
اطرافنه نور یاغغه باشلامش - عذاب آلوده مزارلر
التنده ایکن بر ملک مبشر نازل اولمش کبی سراپا شوق
وسرور کسیلهرک پریخانندن بشقه دنیاده کوزینه هیچ
برشی کورنمز اولمش و کندینی بتون بتون اذواق عشقه
تسلیم ایدرک آلام عالمی عدم آباد نسبیانه قدر اتمش ایدی
حیفا که انک ایچونده بودوره سعادت بش اون دقیقه دن
زیاده سورمدی چونکه شهر یارک کندینه محبت و او
جهتله بالطبع پریخانه رقابتندن حاصل اوله جق نتایج
دار ذهننه عارض اولان واهمه لری دفع ایله اوغراشمقده
ایکن بر دنبره قادینک بیچاره پریخانه اسناد ایلدیکی
صفات سیئه بی تخطر ایدی شهر یارک مذمتلرینی خوف

محببتدن، روحانیت سودادن بشقه برشيله اوغراشمغه وقت بوله مزدي .

اويله ايكي سودازدهء عفت مزاجك هيچ برى ديكرينك حالندن خبردار اولمقسزین حسن وعشقه ك جاذبهء طاقت كدازيله روح ووجودان كي بربرنده محو اولمشجه سنه كچير دكاري اذواق معصومانه حقيقهء ملكري خنده ريز نشاط ايده جك لطائف روحانيه دن معدود اولسه روادِر .

ايكي اوچ ساعت صكره بر برندن آيرلدیلر فقط جان بدندن آيريلير كي آيرلدیلر بخته دائر اولان لقرديلر ينك خلاصه سي ايسه اكلاشلز برقاچ كله ايله پريخان طرفندن اولكي تكليفك ، عادل كراي طرفندن اولكي معذرتلك تكرارندن عبارت ایدی .

هر كس يتاغنه چكيلنجه - او ملاقاته قدر كنديني سوديره بيله جكندن امين اولان - پريخانك كوكلنه ينه بيك درلو خلمانر بيك، درلو شبهه لر هجوم ايتكه باشلادی عادل كراي او مجلسده اميدندن زياده كندينه اسير ايلديكي خانزاده نك هر حالندن آشكار اولور طورردی فقط معشوقنك وجودی قارشيسنده بولندقجه هر طرفی نقاب نور ايله مستور كورنديكندن بيچاره پريخانك آفتابه مدنكاه ايدنلر كي باصره سي خيره لر ايچنده قالمش واو جهتله هيچ بر طور ينه ذره قدر دقت ايده مامشیدی

کنجملکنه منضم اولان مشرب شاعرانه سی اقتضای سنجه
جاذبهٔ حسنه مقاومت شانندن اولیان و کوکنک عنصر
ترکیبی یبار طاغردن النمش دینلمکه شایان اولان سینه
سوزان محبتدن ایدی رنک طراوتی هالهده پنبه لکنی
کوسترین انعطاف ضیا قدر دلقریب بر لطافت . — جاذبهٔ
جمال وزینت اندامی بارقهٔ مهتابدن بر الههٔ الجمال تصویری
دوگمشده سمانک الک رنکین، الک نجم آلود بر پارچه سنه
بورنمش ظن اولنه جق قدر نظر ربا بر بدیعه ایله قارشیسنده
اوطوران پر یخانی کورنجه و وجودینک، اللرینک، ایاقلرینک
خیالات رسامانده بیله مثلی مشهود اولیان تناسبنه دقت
ایدنجه پر یخانه همان بر نظرده پرستش ایدرجه سنه مفتون
اولدی ذاتاً بر حسن طبیعت صاحبنه کوره کوزل بر
جاله محبت وقته محتاج اولور حالردن دکدر ماهیتنده
استعداد اولان اجسامه تنور ایچون کونشه بر کره مقابل
اولق کفایت ایدر .

عادل کرای ایله پر یخان بر بریله بر طاقم بخشر مذا کره لر
ایدرلردی لکن یاری اویقوده ایکن ایشته دکلری سوزه
جواب ویرنلر کبی لسانلری ناطقیت ملکه سیله سوز سویلر،
ذهنلری درک مسموعات اعتباریله مأل اکلاردی .

خیاللری، فکرلری، تمیزلری، وجدانلری ایسه بر برینک
تماشای جلالیله بر استغراق صرف عالمنه دوشه رک اذواق

قاله جغیچون البسه سنه اعتنایه حاجت کور میدرك طبیعتنده
نه قدر ظرافت وار ایسه مستوریتنی آچیقلق قدر خاطر ربا ،
انتظامنی پریشانلق قدر کوزل کوستر مکه حصر ایلدی ؛
ارقه سنه کومش تمغار یله براق یلدیزلی کیجه لری آندیرر
آچیق مائی برجار اورتوندی چهره سنی قیامق ایچون بیاض
تلدن برنقاب اختیار ایلدی اورتوندیکی جارك اوچلرینی
ایچ طرفندن قوشاغنه بر حالدہ ایلشدیرمشیدی که خارجدن
کورنلر ایچون اندامنک تناسبنی عینیلہ تصویر ایتمک قابل
اولوردی نقابی او قدر خفیف ایدی که تنفس ایتدیکه نسیم
سخره اوغرامش برک سمن کبی طاغیلوی بره جک ظن
اولنوردی .

بوروحانی جاذبه لر بو عاشقانه طور لرله عادل کرایک
اوطه سنه کیردی بر مناسب مقام اختیار ایتدی هر طرفنک
تناسبنی ، لطافتنی ، وجودینک بیاضلغنی ، صفوتنی کوستر مکه
ایچون صاغ ایاغنی جارندن طیشاری براقدی صول الینی
دیزینک اوزرینه قوبدی اوطوردی بر حالدہ که اوطوردیغنی
یردن مو ملرک انعطاف ضیاسیله چهره سی تارنکنه وارنجیه
قدر سچیلیردی ایاغنده کی ظریف بر عجم پشمانغنی پارمق لرنک
صورت تشکلی بیلہ کوسترر الی ایسه بیلکنه قدر بتون
بتون اچیقده بولنوردی .

عادل کرای فوق العاده متمکن بر شهزاده اولمقله برابر

خائنك وحتی سحراره لك كبی عقلمنه كلان هر در لو سیئاتی
اسناد ایتمکده - اکا دائر اولان اولکی صحبتلرندن - بر قاچ
قات زیاده تشدید لسان ایدرک و پریخانک مذمتنه « انسان قانی
ایچمش بر مخلوقدن نه امید ایدرسک » سوزیله ختام ویره رک
عادل کرایه نه قدر اقتدار عرفانی واریسه جمله سنی احتیاطه
صرف ایله رنگ ویرمامکه اعتنا ایلسنی تکرار تکرار توصیه
ایلدی .

عادل کرای او کیجه لکده دفع بلایه مقتدر اوله بیلدیکندن
طولایی خواب حضوره طالمشیدی پریخان ایسه ایکی
دقیقه جق اولسون کوزلرینی قیامغه مقتدر اوله مدی او طه سی
تنها قالنجه یتاغنک اوزرینه طوغرلدی فکرینی بتون بتون
امید وصاله حصر ایدرکدها کونش طوغمزدن غروبه انتظار
ایتمکه باشلادی .

نظرنده زمان انتظارک هر ساعتی اوقات جهنم کبی سنه لردن
اوزون کورینوردی فقط او عذاب مدید ایچنده شوق محبت
وامید وصالدن کوکلنده حاصل اولان حسسیات ایله او قدر
انبساط، او قدر فرخ بولوردی که فیاض قدرتک دوزخده بیله
اذواق جناندن مستفید اوله جق قدر بر لطف خاصنه مظهر
اولش کبی کورینوردی .

وقتا که اقشام ایرشدی پریخان وجودی مستور

انتقال ایتدیردی و ایمان باشلایهرق آرزوسنی اون دقیقه
ایچنده صراحته چیقاردی عادل کرای تریه سی، ظرافتی
و خصوصیه بولندیغنی حالک الجا آتی جهتیه او آرزوی
کویاهیچ کلامز ایمش کبی بر طاقم ذوالوجهین جوابلر واهی
امیدلر التنده مستور بر اقعہ چالیشیر والشدیغنی اخفای مرام
قوتیه شهریار دن نفرتنی ادب و عصمت شکنده کوسـترمه
موفق اولوردی .

شهریار ایسه - هر صاحب املک حالنده کورلدیکی
کبی - عادل کرای طرفندن برد صریح کورمامکی امیدینک
تخلف ایتیه جکنه برهان واضح صورتنده تلقی ایلدیکندن
ایشک بو درجه سنی ماملندن بیک قات بالاتر بدولت
عدایتردی .

ایکی طرف او یله بر طاقم حسیات متضاده ارسنده
ایکی ساعت قدر وقت کچردکن صکره بر بردن مفارقت
ایتدیلر .

شهریار مجلسک ختامی صره سنده ایدی که معهود
مذاکره یه عطف مقال ایدرک ایرتسی اقشام کندی
شاهک یاننده نوبتجی اولدیغندن پر یخسان یالک زجه
کورشمکه کله جکنی سویلدی و عادل کرای کنندن بشقه
جایه ایدر کیسه اولدیغنی کوسـتروبده معنوی بر منت
التنده بولندیرمق ایچون بیچاره قزه ریاکارلق، ناموس سزلق،

کورشمک ینه بشقه در اره صره آیری کوریشلور سه
مشغولیت کچی کیفسزلك کچی بیك درلو عذر بولنه بیلیر
یاننه هر وقت ایری کیدیلنجه عادتک بو تبدلنی نه ایله تاویل
ایدرز « سوزلریله مقابله ایلدی .

پریخانک جوابی شهریارک املنی بر درجه یه قدر
تحدید ایتمش ایسه ده تنها کورشمک قرارینه بتون بتون
مانع اولدیغیچون شهریار — ظاهرده پک معقول کورنمیان —
رأینده اصرار ایدوبده پریخاننی شبهه یه دوشورمکدن
ایسه ایشک اودرجه سیله قناعتی بیك قات خیرلی کوره رک
اره صره آیری کورشمک دهها مناسب اوله جغنی اعتراف
ایتمش وبو اعتراف اوزرینه پریخانده تجربه یه اوغرامش
اولق شبهه سندن قورتلش ایلدی .

شهریار « بن بواقشام خانزاده یی بر از صقش دیررم .
سزده یارین اقشام کوروشور محاوره مزک تاثیراتی
اکلار سکز « دیهرک پریخانه وداع ایلدی .

شهریار عادل کرایک یانسه تنها داخل اولنجه کچن
مجلسلرده پریخاننی پک کوزل اداره ایلدیکندن و مرجتی
کندینک ناموس و حیاتی محافظه ایتمش اولدیغندن
بختلر آچه رق ایرانک مبالغه لرندن مداهنه لرندن دهها بالاتر
برلسان ایله برچوق تشکر لر ایتدکن صکره بحثی محبته

بو یولده قرار بوله جغنه اولدن امین اولدیغی ایچون
او قدر زیاده مسرور اولدی که ممنونیتنک کتمنده
بر صعوبته اوغراسون . اوفاجق بر همتله بتون بتون
بر طور بی قیدانه یه دو کولدی . شهریارک رأینه « اوده
اولور . » کله لر یله بر قیصه جواب اعطا ایلدی .

شهریار پر یخانک بو طورینه باقهرق حرکتنده
بر تجربه میلی ویاخود کندیسندن شبهه لئمک اماره سی
اولدیغنه قطعاً حکم ایلدی . حقیقت حالده پر یخانک
کو کلنده اویله بر میل ، فکرنده اویله بر شبهه یوق
ایدی . شهریار بو صورتله پر یخاندن کو کلنجه
حاصل ایلدیکی امنیت اوزرینه آمانه ده ا زیاده بر
وسعت ویرمک مطالعه سیله « خاطریمه بر شی کلیر ؛ عجب
عادل کرای ایله دائماً آری آری کور شسه ک ، شاید
بریمز ایشک بر جهتنی بوزار سه ق دیکریمز تعمیر ایلسه ک
دها مناسب اولزمی ؟ » دیه جک اولدی بو دفعه ده
پر یخان امتحانه چکلمش اولق واهمه سنه دوشهرک
« بنده کزه قالیر سه بو صورت مناسب دکدر ؛ دائماً خان
زاده ایکی میزی بر بر مزدن آری کوردیکی حالده نه قدر
تأمینات ویرمش اولسه قینه طبیعی بینزده اتحاد
اولدیغنه حکم ایدر ؛ قطع امید ایلر ؛ بتون بتون ایش
بوزیلور . آره صره آری کورمک بشقه دائماً ، تنها

نه فائده حاصل اولور؟ مذاكره يي بشقه بر كچه يه
 براقلم! « يولو استغنااره دو كولدى . پريخان قادينك
 بو استغناسنه « ذاتاً مذاكره سزك همتكزله وجوده
 كلامشى ايدى؟ دوامنده بنم بولنشيم ، بولنميشم مساويدر .
 هم دائماً ايكي كشي برابر بولنمقدن ايسه آره صره
 كنديسنى تنها كورسه كزدها كوزل اولور صانيرم .
 بنم تكليفلرجه اصل مطالعه سى نه ايسه اطرافيله
 آكلايه بيليرسكز . « سوزلريله مقابله ايلدى . شهر يار
 ايچون بو رايه موافقت بر عمر ابدى يه دكر نعمتلردن
 ايدى ؛ فقط طالعدن آرزوسنه بو درجه لرده موافقتى
 بر درلو اميد ايدمه ديكي ايچون اوسوزلرك پريخان
 طرفندن بر تجربه اوله بيلسنه احتمال ويرديكندن ، هم
 تجربه يه بر ديكر تجربه ايله مقابله ايدوبده حقيقت حالى
 آكلامق ، هم ده ظهور ايتش بر فرصتى بتون بتون الدن
 قاچر مامق ايچون « حقه كز وار اما مجرد بنم خانزاده ايله
 تنها كورشمكلكچمدن حاصل اوله جيق فائده مكمل اولمز .
 آره صره سزده كندينى يالكز كورمليسكز . بنم تكليفلرم
 حقنده كى فكرينى تحقيق بيورمليسكز كه مسئله تماميله
 تشرح ايدلسون . نه يه قرار ويريله جك ايسه ايجابنه
 باقلسون . « ديدى . پريخانك اويله بر رايده بولنمقدن
 مقصدى ايسه ذاتاً بو نتيجه يي استحصال ايدى . ايشك

کوره بیلکده اوله رق بوايه اسکی ملاقاتلرینه نسبت پک صیق و بناء علیه اولکی حالنده بولنسه کندنجه فوق الغایه تشکری جالب ایدی . فقط بر کره عادل کرایه محبتنی آچیقدن آچیغه سویلش بولندی . بویله حجابنک برنجی پرده لری بیرتیلدقدن صکره سودیکنه قارشی کوکلنده کی منویاتی ستر ایده جک بر حال قالمدیغندن ، آرزوسی قدر معاملات ناز و نیاز ایله اکلمنک ایستر و او املنک حصولی ایسه بر عالم تنهایییه محتاج بولندیغندن ، دائماً ره لرینه کیرن پر یخانی قلبا نهایت درجه لرده استتقال ایلردی . عادل کرای ، بالعکس شهر یار کندیله کورشده جکه یانلرنده عفتک ، ادبک اویله بر ظل مشخصی موجود اوله رق قادینک خلیع العذار لغنه پرده کش رجز اولدیغندن طولانی نهایت درجه لرده ممنون ایدی .

پر یخانک ایسه محرمانه الفت شهر یاردن بیک قات زیاده شوق ایله آرزو ایلدیکی بر بختیارلق اولدیغندن ، عادل کرایک نوبتحیلرینه دائر تصور ایتدیکی تدبیرلرک هپسنی بر قایچ کون ایچنده فعله کتیرد کدن صکره بر چارشنبه کچه سی ایدی که معلوم اولان مجلس مکالمده شهر یار ایله برابر بولنماق ایچون تمارض ایلدی .

عادل کرای ایله تنها کورشمک شهر یارک جانسه منت ایدی ؛ فقط رنک و یرمامک ایچون « سز برابر بولندقجه

کوردیکی کبی مذاکراتی صیق طومتق رأیی ملاقاتکده
سرعتله تکررینی ایجاب ایده جکنندن پرینخانک ایشده
کندینه اشتراکی شهر یارجه بتون بتون تأثیرینی
دکشدیرهک اوللری ناکهظهور بر مصیبت کبی
کورینورکن شمیدیلده غیر مترقب بر نعمت حکمنی آلمغه
باشلادی .

شاهک حضورنده ویریلان قرار اوزرینه بربرینک
حالندن خبردار اولیان یکی رقیب هممان ایکی کبجهده
برکره عادل کرای ایله اجتماع ایدر اولدیلر . آرهدیه کچن
مجاورات ایسه یک آهنگ اوله رق پرینخان ، ایران امراسنک
افکارینی تأمین بهانه سیله غازی کرایک ایرانده قالمسینی ،
مقصدک حصولنی تسریع وسیله سیله عادل کرایک یاننده
ایران عسکری بولنمسینی التزام ایدر ؛ عادل کرای
بوتکلیفله دائر برنجی کبجه ایراد ایلدیکی معذرتلری
کاه الفاظنی تحویل وکاه معناسینی ایضاح ایله تکرار ایلر ؛
شهر یارده قبولی ناقابل برطاقم تعدیلات ایله کویا ایکیسنک
آرهنی بولمغه چالیشیرایدی . بو اوچ فطنت فوق العاده
صاحبی هربری بر بشقه مقصده مبنی ایشی اوزاتمغله اوغراشه رق
کندی املارینی ترویج یولنده بربرینکده املنه خدمت
ایدر طور لرلدی .

شهر یار فی الحقیقه قرق سکز ساعتده برکره عادل کرای

محبته نامیه نو جوانیسه کلا ن فیضان ایله او قدر
رنک رنک لطافتلر ، او قدر طاتلی طاتلی کشایشلر ، او قدر
نازک نازک تبسملر ایچنده قالمشدی که حالنه باقائلر بدایع
نوبهار انسان شکنه تمثیل ایتمش ظن ایلمه روا ایلی .
حالندن اغیاره رنک ویر مامک ایچون برمدت مجاهده
نفس ایله کتم سرورده برملکه پیدا ایلدکن صکره
حضور شاهیه د خول ایلی . حزه میرزا ایله شهریار
مجلسده حاضر و صحبت ایسه بالطبع عال کرایه دار
ایلی .

پر یخان نهایت درجه لده صوغوق ، فوق العاده
بیقیدانه بر طرز ایله کندلی فکرینه قالیرسه
مسئله بتش حکمنده بولند یغنی و بلکه شمسی یه قدر
بر نتیجه واصل اولنه مامسی ایشک صیقچه طوتیله مامسی
جهتیه خازاده نك مؤثر بر معاونت کورمه لایقیله
امنیت ایده مدیکندن نشأت ایلیکی اغلب احتمال
اولدیغنی سویلیدی . و مناسبت دوشوره رک عادل کرایک
فطانتی براز استخفاف ایله برابر غازی کرای برلکده
کو تور مک ایستمسیده جالب نظر بر حال اولدیغنی
ایما ایلی . بو افاده لر یله احوال قلبیه سنی شهر یارک دقت
ضمایر کشایانه سندن پک کوزل ستر ایده رک رقیبنک
نظرنده عادل کرایه بیاغی بر درجه یه قدر خصم

بکاردن دها مشکلیسندانه برنظرله سیماسنک ، اندامنک
 هرجهتنی آری آری تدقیق ایلدی . محاکمه سنده
 نهایت درجه لرده خصمانه طورانمغله برابر هیچ برطرفنده
 حسنده سکنه ویره جک برنقیصه دکل حتی لطائفنک
 مجموعنه بر حسن دیکر علاوه ایتیه جک قدر عادیلک
 بوله مدی . بوجهتله اندیشه سی عادل کرایک مشربنه
 توافق ایدوب ایتماکه منحصر قالمشیدی . او اندیشه بی ده
 آرزومان ایچنده دفع ایلدی . چونکه طبیعتنده بدایع ،
 فکرنده حقیقت ایله او قدر امتزاج اولان برنوجـوانک
 ماهیت جمالی ادراکدن عاجز قاله جغنه عقلاً بردرلو
 احتمال ویره مدی . بالعکس کوزلاکنه نه قدر اطمئن
 حاصل ایلدی ایسه عادل کرایه کنندینی سودیره
 بیله جکننده او قدر امیدلر حاصل ایلدی . جرأت تشبث ،
 حدت نظر ، آرزوی معالی کبی مزیتلرده عادل کرایه نفسنده
 بولدیغی مشابتهت دخی او امیدلره خیلیدن خیالی قوت
 ویرمشدی .

کیده کیده امیدینک حصولنی لوح ازلدن تحقیق
 ایشجه سنه کوکلنه بر اطمئن ، برسکون کلکله اورته لق
 آغارمغه باشلادیغی زمان خزان دورلرینک صبح شافعیسی
 کبی غریب ویأس آلوده برجال حزین ایچنده بولنسان
 پرینخان انفلاق سحرندن بر ساعت کچر کچمز حرارت

اوله رق کو کلنده بر محبت حس ایتدیگی کبی - ینه
برنجی دفعه اوله رق کندی سیما سنی دوش-وندی ؛
کوزلاگی خاطر ینه کلدی . فقط بو خاطره مرأته اولگی
بیقینانه نظرندن حاصل اولان تصورله مستند اولدیغی
ایچون پلکده اعتمادینه مظهر اوله مدی . همان یرندن
فرلادی ؛ آینه سنده کندیغی بر نظر امان ایله تماشا-ایه
باشلادی .

اویق-وسزلقدن کوزلر ینه بر خار چوکش ، باقیشی
سودا قدر طابلی بر حزن ایچنده قالمشیدی . تعب جسمانیسیله
اشواق وجدانیسی بر ینه غلبه ایله اوغراش-دقجه
او کوزل چهره سی گاه صباحه قالمش مهتابلر کبی نور
ایچنده برطونوقلق کوسترر ؛ گاه کونشک ضیاسنی
هنوز بلع ایتمک باشلامش کلغجه لر کبی پنبه لکله
ممتزج بر نور لطیفه مستغرق کورینوردی . بولطائف ایله
کندی جالی کندیسه نده دنیالری مفتون ایده جاک قدر
کوزل کورینوردی .

فقط قلبه بتون بتون قناعت کلدی ؛ کوزلاک
مقصدینه خدمت ایله جکی ایچون ذهنی کندیغی
بکنمکده کوکلنه آلدانمش اوله بیلمسینه احتمال ویردیکندن ،
ساعتلرجه آینه قارشیشدن آیرلمدی . اسیر آلیش و یریشی
ایدن قوجه قاریلردن ، او طهلق المق ایستیان کنج

قطعی التـأثیر عد ایتش و او جهته له کو کلنده کی اضطراب لر
بر کوزل سکونته ، بر یوک مسرتہ منقلب اولمشدی .

انجق اوسکونت ، اومسرتده بر چوق زمانلر دوام
ایده مدی ؛ انسان ایچون بر حالده و خصوصیه آمال محبتده
مقصودک مقدمه سیله دکل نتیجه سیله بیلہ قناعت ایتک
محالاتندر .

حتی روح نه قدر لذته مستغرق اولسه ینہ انک
فوقنده بر لذت تخریسندن خالی قالمدیغیچون عشقک
طورلری ، درجه لری کوریلورکه قلبه وصال عالمنده
هجراندن زیاده اضطراب ویرر . طبیعتده اولان
اوخاصه غریبه نتایجندندرکه پر یخان املنک حصوله
اطمینان حاصل ایدنجه همان کو کلنده بر یکی امل ده
پیدا ایتکه و بو ایکنجی املچون اولکنندن زیاده
خلجانلره دوشمکه باشلادی . او املده محبتنه عادل
کرایدن مقابله کوره بیلک آرزوی طبیعیسی ایدی . بو
آرزو ایسه الذه اولان اسبابی حسن استعمال ایله
حصوله کلیر حالردن دکلدی که نفوزینه ، درایتنه استناد
ایتسونده آکاده بر چاره بوله بیله جکندن امیدوار
اولسون .

پر یخان بو آرزو ایله هر درلو احتمالاتی برر برر
پیش نظر دن کچر دیکی صروده - دنیاده برنجی دفعه

اولمزه شهريار قدر و فقط شهريار برابر اولمقزین عادل كرايك مجلس الفتندن مستفيد اولمغه چاره تحريسندن بشقه بر آرزو، بر خوليا قلامغه باشلامشیدی. او چاره بی بولمق ایچون هیج صعوبت چکمدی؛ شهريارک ایکی اوچ کیچه ده بر کره خدمت شاهیده نوبتجی قالدیغنی و بناء علیه او کیچه لر کندی ایچون بر کوزل زمان فرصت اولدیغنی دوشونهرک معهود مذا کرده لرک بر حسن نتیجه و صولندن زیاده امید ککوستر سه مکلمه بی هر کیچه به بندیرمک و او جهته شهريارک نوبتجی بولندیغنی صره لر ده عادل کرای ایله تنها بولمق قابل اوله جغه قرار ویردی. حتی محرمانه الفت خیال لرینی او درجه حقیقت شککنده کورمکه باشلامش ایدی که هر سره، هر حقیقته واقف ایمش کبی بزم انسیترلرینه نکهبان اوله جق نوبتجیلری کندی عنایت دیده لرندن بولندیرمق و او عنایت دیده لرینی شهريارک آدملی آره سنه صوقشدردیغنی خواص منتسببندن آیرمق رأینده بولندی. حتی استخدام ایده بیله جکی آدملی ذهننده همان او کیچه دن قرارلشدیردی.

پریخان او زمانه قدر فکراً قرارلشدیردیغنی هیج بر تصورینی عیناً فعله چیه ارمقندن عاجز قالدیغنی ایچون بو تدابیری ده تجار بنه قیاس ایله مقصدینک حصولجه

صباحه قدر کوز لرینه او یقو کیردی؛ زمانی ده
بیانغی رؤیا کبی پکر ایدی، چونکه او یله یکر می بر
یکرمی ایکی سنه دن بری ایچنده عمر سوردیکی بر عالمک
— صرف انقلابدن عبارت اولان — طبیعتنی بتون
بتون تحویل ایله جحیم حسرتله جنان وصال آره سنده
بر نوع اعراف حکمنه کیردیکنی کورنجه حالنی او یانقلق،
مشهوداتنی حقیقت عد اتمکه قائل اولق ایسته مزدی .
قوه مفکره سی عادل کرایک خیالی — حکمت طبیعیه نک
مقعر آینه لرله پیدا ایلدیکنی ظل مشخص کبی — پیش
نظرنده تجسم ایتش کوسترر؛ کندی ایسه دأما
کوزینک او کندن آیرلیان او جسم لطیفنی قوجاقلامغه
جان آتدیغنی حالده انسانک هر املنده اولان نقطه انتها
کبی نه قدر تقرب ایدرسه آنی او درجه تباعد ایدر کبی
کوردکجه وجودینه اولان اعتمادینی بیله غائب ایدرک
وارلغنه کندینی ادراک، جسمانیته هر طرفنی لمس ایله
حکم ایلردی . فقط خیالانک غلیان تمیزینی یالکز بر کبجه
ستر ایده بیلشیدی .

وقتا که صباح اولدی؛ کونشک پرتوی جهانی
استیعاب ایدن قراکلغنی محو ایتدیکنی کبی سحرک فیضیه
فکرنده طبیعی حاصل اولان انجلاده خیالنده کی مظلم
مظلم واهمه لری ازاله ایلدی . کوکلنده، ذهننده هیچ

امیدندن زیاده آرزوسنه موافق بولمش و کجه سنی معشوقنک
قوینده یاتار کبی بر مسرت روح پرور ایچنده کچیرمش
ایدی .

عادل کرایک حالی - بر عمان طوفان خیزه دوشوبده
وجودی مساعد اولدقجه تخلیص نفسه چالیشه رق
وقوتنن کسملدکجه امواجک سهوقنه تسلیم وجود
ایدهرک ظهوراته انتظار ایلیان بیچاره لر کبی - آتلدیغی
کرداب مهلبکه ده اداره فکره مقتدر اولدقجه بر
چاره نجات تحری ایدهرک و یورغونلق ذهنه غلبه
ایتدکجه کندینی بتون بتون حیرته ویرهرک عاقبت کاری
بکلمک ایدی .

پر یخان ایسه - مشاق واذواق حیاتک حقیقتینی تمامیه
آکلایوبده حیاتندن بر جهتله متلذذ بر جهتله بیرار اولان
بعض حکما کبی - عادل کرایکی کوردیکی ایچون بر طرفدن
کوکلنده آثارینی کوسترمکه باشلایان حیات محبت
جهتیه بر انسان عدمدن عاقل اوله رق دنیایه کلمش
اولسه حاصل ایدهبیله جکی مسرت قدر صفالره مستغرق
بر طرفدن ده وصالده تصور ایلدیکی صعوبتلر دن
طولایی بیک درلو رنج الیم التنده ازیلوبده آلامنی
تسکین ایدهجک دوار کوزینک اوکنده طورر کن ال
ایرشدیرمکدن مأیوس اولان مجروحلر قدر متأذی ایدی .

يك نظرده محبت، عوامه كوره خيالات شاعرانه دن
معدود ايسه اخلاق عاليه و خصوصيله آنك نتايچندن
اولان حسيات شديد اصحابنه كوره نفسنده تجر به ايله ثابت
اولان حالردندر .

پريخانك قابليات محبتي ايسه - آچلق ايچون كونشك
ذره قدر بر پرتو التفاتنه متحسر طـوران غنچهلر كي -
عادل كرايك جاننه مقابل كلديكي آنده انكشافه
باشلامشدي . او جهتهلر بر خرم بهار سعادتده كو كده
انفلاق سحر ك، يرده كشايش ازهارك تماشاى لطائفيله
خيالات عاشقانه سنه مستغرق اولمش بر سو دازده يه
اوزاقدن اوزاغه آقوب كيدن چايلرك چاغلديسي نصل
كليرسه پريخانهده مجلسك محاوره سي او يولده تأثير ايدردى .
چونكه دكلديكي شى مباحثه نك مؤداسى دكل ، عادل كرايك
سسنده اولان آهنگ دلغريب ايدى .

بو حال ايله بر ايكي ساعت كذار ايلدكدن صكره ايشى
اطرافيله مطالعه ايدهر ك بر بشقه اجتماعده ينه تعاطي
افكار ايدلك قراريله رفع مجلس ايلديلر . شهر يار
- افراط شيطنتيله برابر كوكلنده محبت و ترددن حاصل
اولان خلبان ذهننده طبيعى بر طـور غونلق كتيرمش
اولديغى ايچون - بحثك پريخانه دفعه بو قدر شـبهلر
ايراث ايدن جهتلرينه هيچ دقت ايدمديكندن ، مجلسى

بالعكس حسيات عاليه نك لازم غير مفارقي اولان تاثرات
دقيقه پريخانده مزيات فطرتك هيچ برندن آشاغي قالميه جق
درجه لرده موجود ايدى .

اوزمانه قدر كيمسه بي سومديسه او بيوك قلبنك
استيعاب ايلديكي قوجه بر جهان محبتي حكيمى التنده
طومغه لايق بر وجود كوره مديكي چون سومدى .
كوكلى اجسام لطيفه ، فكري شعله جواله كبي دائما
عالم بالايه ميل ايدر طورردى . فطرتك فوق العاده لكى
جهتيله نه قدر كوزله تصادف ايدر ايسه نظرنده پك
آشاغي كورينوردى . فطانتك علويلكى مناسبيله
نه قدر اصحاب ذكاوت كوررسه محاكمه سنده پك عادى
بولوردى .

دنياده برنجى دفعه اوله رق صورتى خيالنك ، سيري تي
تصويرنك فوقنده بر وجود كوره يلدى كه اوده عادل
كراى ايدى . عادل كرايك برنجى فصلده تعريف اولنان
و آشاغيلرده مناسبه دوشد بجه تفصيل ايديلان لطافت
سيما و تمايز عرفان و اخلاقنه سوابق جلادت و حال
اسارتى ده بر مزيات ديكر علاوه ايدر ؛ و احوالنك شو
هيأت مجموعده سى ايسه كنديسىنى پريخان نظرنده
صرف طبيعتك فوقنده ، عادتا بتون بتون كندى خاطر
ايچون يارادلمش بر مشخص معجزه قدرت كبي كوستردى .

اولدیغنی و عادل کرایک مقصدینی - آله-دیغنی یره
قراکلقده فنارسز کیده بیلان آدمیر کبی - ذهننده
اولان ملکه استخراج کندی کندینه تدبیر ایلدی .
یوقسه پریخانده اعمال نظر و اداره افکار اقتداری بتون
بتون منسلب اولمشدی .

کوزلی آنادن طوغمه پرده لی بر صاحب فطانت تصور
بیورلسون ! کنجلیکنک ال زیاده طراوتی ، حسیات محبتک
ال زیاده شدتی زماننده ذهننده کندی ایچون بر معشوق
وجدانی تصویر یله عمر پکروب طرورکن قوه کرامتمای
حکمت پیش نظرنده کی حائل رفعا ایدوبده پرستش ایدرجه سنه
سودیکی تصویر خیالیسنک روحانی بر جسم و بلکه جسمانی
بر روح شکلنه تمثیل ایدرک شو نامتناهی ابعاد فطرتک نورلره
غرق اولمش بیک درلو بدایع رنگارنگی آرمسنده جلوه
ساز اولدیغنی کورنجه نه حاله کیرسه پریخانده عادل کرایک
مجلسنده اویله بر استغراق شوق ایچنده قالمشیدی .
فی الحقیقه پریخان طوغدیغندن او کونه کلنجه یه قدر
ذوق محبتیه میلنی ایما ایدر هیچ بر طرورده ، هیچ بر
حرکتده بولنمامشیدی . لکن بو کوکل صوغوقلغنی اویله
شهریارک ظنی کبی قوای معنویه سنه بتون بتون آرزوی
نفوذ و حرص اقبال استیلا ایتدیکندن دکل ایدی .

آرديه بر غازى كرايى برابر كوتورمك تكليفى چيقه-ديغنى
وعادل كرايك ياننده ايران عسكرى ايستميديكنى ووطنه
قليج چكهميه جكنى تصريح ايله سوزه ختام ويرديكنى
مطالعاه ايدهرك خانزاده نك بويله بر مكالمه بهانه سييله كرك
كندينى ، كرك برادرينى اسارتدن قور تارمق املنده
بولنديغنى ده احتمالات غالبه دن عد ايلشدى . فقط شهر يار
سوزى بيياغى خانزاده يه تعليمات ويرر بر يولده سويليوب
طورر وكندى ايسه فاجره نك هر حالنى اطرافيله
بيلير ايكن مسئله صرف آنك مخترعانندن برشى اولديغنى
ادراك ايده مدي . فى الحقيقه شهر يارك چوجوق
اكلنديرمكه ماصال (مثل) ترتيب ايدر كى بويله هيچ
يوقدن بر مسئله ايجاد ايده جكى كيمسه نك خيالنه خطوط
ايدر شيلردن دكلى . فقط پرينخان خيشه نك اخلاق
وسوابقنى پيش نظره آلهرق بكن محاوره يه اطرافيله
تطبيق ايتش اولسه ايدى ، حدت ذكاسنه نظراً حقيقت
حالى كشف ايده بيلردى ؛ آكامتدر اوله مدي . حتى
عادل كرايك ميدانده اولان وجاهتى وشهر يارك كندنجه
مجرى اولان هوسات نفسانيه سييله برابر مجلسده كى
اوضاعندن اولسون خانزاده يه ابتلاسنى تفرس ايده مدي .
چونكه بيجاره نك بارقه فطانتنى بر سيه سحاب سودا
بوريمش وحتى شهر يارك سوزلرى حقيقتنه موافق

بای حال برابر بولنسی دائره سنده طوتمشیدی . بحث
شهریار ایله برابری ساعت قدر دوام ایتدی ؛ فقط
او دائره دن چیقارلیدی .

پر یخان ایسه یالکز جریان ایدن محاوره بی دکاردی ؛
بر کرده لقردی یه قاریشه رق - « قریمه کیرلیدیکی حالد
خانه غلبه مساعده بخته متوققدر . » بیورمشدیکز
طالعك سزك طرفه توجهنه معاونت ایتک ایچون
رفاقتکزه نه قدر ایران عسکری ایسترسکز ؟ - سؤالی
ایراد ایدنجه ، عادل کرای ضروری اختیار ایتدیکی
دسیسه بی حدود بو یوندن ایلری کو تورمامک عزم
قویسنده بولنقی جهتیه یاننه ایران عسکری آلمغی هم
مقصودینه ، هم وطن پرورلیکنه بتون بتون مغایر
کوردیکندن « ایران عسکرله کیرسه ک عثمانلی اریه
برمذهب مسئله سی چیقارر ؛ تاتارک تعصبی تحریک ایدر ؛
اوزمان موقیتمز بیانی محال درجه سنه کلیر ؛ بنده
ذاتاً وطنه قارشى سلاح چکه م ! » سوزلریله مقابله
ایلدی . پر یخان عادل کرایک - جابندن میدانه چیقمغه
تردد ایدر مش کبی - آغزندن برر برر دو کیلان
سوزلرینه نظرا شهریارک اولکی لقردیبری تمامیه
حقیقته موافق اولدیغنه حکم ایلدی . طوروب طوررکن

پرنحان نهایت درجه ده مستور بر حالدہ اولدیغی
کبی شهر یارده تـسـترده بیـاغی آکا تفوق ایتـمـکه چالشـمـش
ایدی .

شهر یار ایدیلان مکالمه یه حسن صورتله بر نتیجه
ویرلمک ایچون پرنحانک ده مأموریتی اولدیغنه ونفوذ
واقـتـدار ودرایت واداره سنه دائر بر چوق مقدمات
ایله سوزی کشاد ایدنجیه عادل کرای ایکی دولت
آره سنده شو مبیانتک بر طرف اولسی طریق اسم
ارله رق بوباده کندیسی توسیط اولندیغی خالد، ایشی
بر حسن صورتله ربط ایدیه بیله جکنه پک زیاده امید
وار ایکن ایشک بوجهتی التزام اولندیغندن ، فی الحقیقه
ایران اردولری مظفر اولدیغی صورتده کندیسنک
قریمه کیره بیلسنه امکان وار ایسه ده بوظفر پک محقق برشی
اولدیغی کبی قریمه کیردیگی خالدہ دخی خانه غلبه سی
مساعده بخته وخصوصیه ایرانجه قریمه متعلق
تدارک اولدیغنک او طرفله عکس ایتدیرلما سنه
متوقف اولدیغندن و برادرینی بوراده اسیر بر اقوب
کیدرسه اورالزجه بتون بتون حیثیتی زائل اوله جغی
جهتله طبیعی بر ایش کوره میه جکنندن ، کرک خانه ، کرک
دولت علیه برشی سزدرلماک ایچون کندیسنک
اردویه اسیر صورتده کوتورلسی غازی کرایکده

ارتکاب ابلش! (خفیف بر تبسمدن صکره) بزى
سو یور مشده آنک ایچون یالان سو یلکه
ضریرت مس ابلش . بد بخت! ییلزکه والدهم صاغ
اولسیدی آندن کنج بولنه جقدی . یا سووبده
نه یاپه جق؟ فرارمه چاره بوله جق؛ کندی ده آرقه مزدن
کله جک . تحف شی! کوکلزی اکلندیرمک ایچون کورلر
بقیه سنه محتاج ایمشز . باشمزی قورتارمق ایچون
قوجه لی قاری قاچرمق مجبوریتنده بولنه جغز اوله می؟
انسان خیال ایتدیکه تویلری اور پریور . انسان
دوشوندیکه چیلدیره جغی کلیور! . . . نه یاپارسک
ایشک حقیقتنی میدانه قویمق قولای! فقط قاری بی
اولدیرلر واقعا کبرتمکده مستحق فقط کوکل . ولو
طولایسیله اولسون . جلادلغی بردرلو قبول ایتیور . «
یولو بر خیلی زمان سویلندی ، دوشوندی ، هر جهته
احاله فکر ایلدی؛ شهر یاری بلادن قورتارمق ایچون
کندی بلایه آتمقدن عبارت اولان قراره اتباعدن
بشقه بر چاره بوله مدی .

ایرتسی اقسام شهریار پریخاننی برابر آلهرق عادل کرایک
دائرهنه عزیمت ایلدی .

سوپرندیلکده چیچک بتدیکی کبی بویله قادینلردن ده اویله
اولاد وجوده کلیرمش! تحف شی! اسیر ایکن
شوراده اولدقجه اکرام کوریورز؛ قادین بزه
میرناتمک زوجه--نی قاچرمغی، ناموسنی بر باد ایتکی
تکلیف ایدیور! خلیفه اسلامک بر قوجه ملکنده
سلطنت سوربورز؛ قادین بزی اویله برولی نعمته
عصیان ایتدیرمک ایستیور! خانک سایه سنده قریمک
ایکنجی پادشاهی یز؛ قادین بزه آنک مسندینه وبلکه
حیانه قصد ایتدیرمکی دوشونیور! نه قدر آلچق مخلوق
ایمش که بر انسانده بو قدر آلچقلغه قابلیت تصور
ایلمش! کوکل ایکره نیور، انسانک چیلدیره جغی
کلور. یا صوک قراره نه دیلم! خانمک خاطری ایچون
خیال بازلق ایده جکز؛ هیچ یوقدن مکالمه لر ترتیب
ایده جکز؛ هر کسی آلداده جغز؛ ظهوراتک اوکنه
طوتیلورده کری کیده میه جک بر موقعه دوشرسهک
نه یاپه جغز؟ اوراسنی بنده بیله هم! نیچون بو مخاطره لری
بومسخره لقلری اختیار ایدهلم؟ شونک ایچون که خانم
بر یالان سونلش؛ شمدی یالانی صحیح کبی کورنمک اقتضا
ایدرمش. اوده بزم تصدیقمزه محتاج اولیور! یالکز
تصدیق کافی دکل یالانه اشتراکده لازم کلیور! نه
احتیاج مس ایتش که کندیسی اویله خطرلی بر یالانی

لذتندن ایستدیکی قدر استفاده سنی تأمین ایلدیکی کچی
کندیسنجه محبتنك حسن تلقی کوردیکنده بر دلیل ضمنی
حکمنی آلدیغندن ، اوچ عمره بردن مالک اولمش قدر ممنونیتنی
دعوت ایلشدر .

شهر یار اوزون اوزادی تشکر لرینی بیترو بده عادل
کر ایدن آریله جنجی صروده پریخانه عطف کلام ایده رک
شیطانه درس فسون اوکره دیر بر مکاره زمان اولدیغنه
وهیج بر سوزینه اعتماد اولنماق و مجلسنده غایت
احتیاطلی طور انلق اقتضا ایده جکنه دائر رقیبانه بر چوق
اخطار لر ، تبیهلر ایراننده قصور ایلدی .

عادل کرای تنها قانجه ذهنه غریب غریب خولیار ،
مدهش مدهش تصور لر هجوم ایتکه باشلامشدی . او طه نك
بر باشندن بر باشنه طولاشیر ؛ کندی کندینه گاه خفی گاه
جهری اوله رق .

« حریف نه ده غریب شاه ایش ! ذاتا نظر بصیرتی
علیل ایکن بیچاره نك کوزلرینه میل چکمه نك نه لزومی
وار ایدی ! قوجه ملتنك ایچنده امور دولتنی اننه تسلیم
ایده جاك ایکی قادیندن بشقه کیمسه بوله ماش ! قادیندره
نه قادین ! اوته کنی بیلم یاشو و کوردیکم قادین ! انسان
جزه میرزانك والدهسی اولدیغنی دوشوندکجه قدرت
فاطره نك معجزه لرینه حیران اولوب قالیور . ظاهر

ناموسم، هم جانم مخاطره ده اولديغنى كورميور. يسك ؟
بن سوديكنك اليه اولمكى بشقه برلذت بيلان قادينلردن
دكلم! بوقدر محبتكم اوزرينه بكا قيمي پك غدارلق اولور .
سنى وجودمه روح ثانى بيلشدم؛ شمدى روحه اجل
قضامى اوله جقسك ؟ هيچ انصاف ايتزميسك ؟ آه !
هم اولك ! همده سـوديكـنك اليه اولك تحمل اولنور
مصيبتلردنميدر ! باري محبتندن، قصقناچليغندن اولديرسه .
اوده دكل ! . . . قيدسزلغندن، عنادندن، كبرندن مومته سبب
اوله جق . . . » سـوزلى بر ادای حزين ايله بر بر
آغزندن دو كولمكه باشلادی . پدريـنك، زوجـنك سايه
عنایتنده تاچو جوقلغندن برى ياننه اوغرامامش اولان كوز
ياشى يولنى غائب ايتمش آواره لر كبي چهره سـنك هر جانبى
طولاشير طورردى .

بو تماشاى حزين ايله عادل كرايك رقت ومرحتى
يالکز قلبنه دكل فکريـنه دخى غلبه ايدـرك « جدى
بر مقاوله يه كيرشمك المدن كلز؛ فقط چاره سز بيلان
سويليه جکز . باقلم فلک عاقبتنده نه کوسـترر ! « دیدى .
شهر يارك مذاكرات موهومه سنى صحیح صورتنده
کوسـترـرك ظهوراته انتظاراً پرينخان ايله بحثله کيرشمکه
مواققت ایلدى . خان زاده نك بو موافقتى شهر يارى محقق
بر بلادن قورتار ديغنى وعادل کرای ايله كورشمك

شهریار — افندم سزی قریمه قدر ایران عسـکری
کتوروبده تخنکزه اجلاس ایدرسه زور ایله کلدیکنزی
اعلان ایتمکدن عاجزمی قالرسکز؟ ایستیه رک عصیان
ایتدیکنزه کیم نه ایله حکم ایده جک؟ ...

عادل — بن کنندی وجدانک دلاتیله حکم ایده جک
دکلی بم؟ هم عصیان، هم ریا حکمدار لغه نه قدرده لایق
صفتلر! ...

شهریار — ایکی کوزم! سز حالکوزک الجاسـیله، بن
کنندی صنعمله بر بلایه طوتلدق . دفعنه بشقه چاره یوق .
هیج اولمزه یالکز وعد ایذک شورادن اردویه قدر کیده لم
نه یاپارسه م یاپارم سزی قاچیرم . بن ده جانمی قورتارمق
ایچون برابر کلیرم .

عادل — یایمه جغم برایشی نصل وعد ایده م؟ نجایتمه
لایق کوردیککز طولاندر یجیلتمیدر؟

شهریار — سز بو قدر عناد ایدرسه کز ایشک نتیجه سی
زویه وارز؟

عادل — (غایت مطمئن وجدی بر طرز ایله) قدر
نه ایسه او ظهور ایدر .

شهریار — (یاننه قوشـوب قولرینی اوموزلرینه
آته رک) یوق! الله عشقنه ایتمه! کندیکه آجیمورسک ،
قهقهه زندانی کوزه الیورسک ، بکا مرجت ایت! هم

شهریار — خانزاده سکز! کو کلکزده حرص جاه
یوقدر؟ شونک بونک ماذونیتنی نه دوشونبور سکز!
بر مکمل اردو ترتیب ایدیورز؛ بر قاچ آیه قدرینه
شروان اوزرینه کیده جکز؛ سزیده برابر کوتوررز؛
عثمانلینک سردارینه غلبه میسر اولورسه معیتکزه
لزومی قدر عسکرویررز؛ قریمه کیدر خانلق مقامنه
جلوس ایدر سکز. اوزمان ایستریزم طرفه، ایستری
عثمانلی به تابع اولوق و یاخود بر طرفه تابع اولماق
الکزده در. اما بوزیلور ایسه ک شمدیکی حالکزه هیچ
بر تغیر کلمک احتمالی یوقدر. «اسیر ایدم؛ برابر طاشیدیلر.»
دیدیکرز زمان سزه کیم بر قباحت ترتب ایتدیره بیلکه مقتدر
اولور؟

عادل — نعوذبالله! نعوذبالله! هم خلیفه اسلامه،
هم قرداشمه خیانت ایده یئمه دنیاده بولنان اراذلك آلچغی
بن می اوله می؟ قریم خانلغی دکل سلطنت عالم ایچون اوله بردناتی
ارتکاب ایده مم.

شهریار — نه غریب طبیعت! بن کندی اقبالی ایچون
کندی غائب ایدوب ده حسرتیله هلاک اوله می کوزه الیورم ده،
او عثمانلینک خاطر ایچون بوراده اسیر قالمغی قریم تختنه ترجیح
ایدیور!

عادل — عصیان ایله کله جک تخته اسیرلکی دکل
مزاری بیله ترجیح ایدرم.

و مفتونیتدن مرکب بر نظرله یوقاریدن آشاغی عادل
کرای سـوزدکن صکره « نیچونمی؟ ... کو کلمی یرندن
قوپاروبده او ککه می آتهیم؟ سنی سـویورمده آنک
ایچون! ... » دیدی؛ اللرینی یوزینه قیادی؛ کال شدتله
آغلامغه باشلادی.

اویله مأمولک خارجنده بر بحثدن بویله استلزام
طبیعیسنکده خارجنده بر نتیجه ظهـور ایدنجه بیچاره عادل
کرای کندینی کره زمینک خارجنده بر بشقه عالمه دوشمش
قیاس ایدرجه سنه بهت صرف ایچنده قاله رق بر خیلی
زمانلردن صکره تریه سنک اجباریله کندینی طوپلایه بیلدی
« افندم ... شمدی ... مخاطره میدانده ... چوجقلغک،
آغلامنک صره سی دکل! .. تدبیر نه ایسه انی دوشنلم! »
دیگه مقتدر اولدی . بو خطاب او زرینه شهر یارده
اضطرابنی بر درجه به قدر دفع ایدرک آرده ینه شو یله
بر محاوره باشلادی .

شهر یار — یاپیله جق بر تدبیر قالدی؛ اوده پر یخان
بورایه کلدیکی زمان کر چـکدن بر مذا کره ، بر مکالمه یولی
آچقدر .

عادل — فصل مکالمه یولی آچه جغز؛ بنم اویله
بر مکالمه یه کیر شمک ایچون نه پادشاهدن رخصتم وار ، نه ده
بر ادرمدن .

امید بر طرف اولورسه بتون بتون راحتکز منسلب اولور.

عادل — تک شو ایشک آرقه سی کسلسون ده بن هر درلو راحتسز لکه راضی یم . قرداشم کبی قهقهه یه کوندره جک دکلمی ؛ نه حکمی اولور ؟ بن اسیر اولدقن صکره ایستر سرایده اوطوره یم ، استر زندانده بولنه یم ایکیسیده نظرمده مساویدر . بلکه قرداشمه رفیق محنت اوله جغم ایچون قهقهه بی بورایه ترجیح ایدرم .
شهریار — بن اوله جگمی بیلسه م سزک بردقیقه راحتسز لککزی موجب اوله جق بر حرکتی اختیار ایده م .

عادل — نیچون ؟ ...

بحث بورایه کلنجه شهریارک سوداسنه کلان غلیان وخصوصیه عادل کرایک محاوره ده صغوق برمتاتله ایشک آرقه سنی کسمک لازمدر سوزینی افاده لرنک همان هرچله سنه نقرات کبی علاوه ایلسندن طولایی کوکلنده حاصل اولان اضطراب بتون بتون صبر و تمکینی محو ایتمکله چهره سنه جا آتشی کبی بر قزیلق ، نظرینه مجنون باقیشی کبی بردهشت مستولی اوله رق ارقه سنه طوغری بی اختیار آغر آغر بر ایکی آدم آتدی ؛ بردن بره مندرك اوزرینه بیغلدی . ویأس

برقاچ بيك كرجينك تك باشنه يالين قليچ اوزرلر ينه
اوغرايه جق قدر جسور ، اسماعيل ثانی بی شیطانك بيله
خبری اولقسزین برمه-ارتله آخرته کوندره جك قدر
حمله کار برخنزیر ! ولوکه قادین اولسون ، انسانه نه یاپه مز ؟
خدا بیلیر بر کره سوء قصده باشلادیغی صورته بيلك جانمز
اولسه برینی الندن قورتاره میر .

عادل — بنده كزك هيچ برشیدن قورقق عاتم دکدر ؛
فقط مادام که سز احتراز بیوریورس-کز بشقه درلو
ط-ورانمقده قابلدر . برایکی کون جعلی مکالمه لایدرز ؛
نهایت ایکی طرفک تکلیفی قابل توفیق اولیه جق برده یه
کتیررز ؛ ایشک طبیعی آرقه سی کسلیلیر ؛ مقصده ایشک
آرقه سی کسلیکدر .

شهریار — او هیج اولز ؛ چونکه شمدی یه قدر او
موهوم مذا کره لر کویا دوام ایدوب طوررکن پر یخان ایشه
داخل اولور اولز کسلیلیورسه پر یخانک کندیسنه استتقال
اکلایه جغنده هیج شبهه یوقدر .

عادل — اوجهتی اداره ایدرم .

شهریار — ایده مزس-کز ! فقط فرض محال اوله رق
دیلم که پر یخان اداره اولمش . سزک ذاتاً بوراده
قالیش-کز ، بوراحتکز هب آرده بر صورت اتفاق حاصل
ایتمک امیدینه مبنی ایدی . آنی ده بن یاپدم . شمدی او

شهریار — قورق-دیغکزه اوغراق ؛ هم اویله بر
فئالق ظهور ایلدی که ایشک آرقه-سی کسمکه ده امکان
براقدی .

عادل — نه کبی فئالق ؟ . . .

شهریار — بیلیم معلومکز میدر ؟ شاهک پریخان
اسمنده بر همشیره سی واردر که ککریک بیوک قرداشنک ،
کریک بونک جلوسلرنده قانلی قانلی بر طاقم خدمتلرده
بولنمشدی .

عادل — اویله برشی ایشتشم .

شهریار — شاه بوکون بزم موهوم اولان مذاکراته
آنی ده شریک ایتدی .

عادل — ایشته اصل ایشک آرقه سنی کسه جک
زمان شمدی کلش یا ! بن کویا مکلمه یه آدم تشریک
اوندیغنه جانم صیقلش کبی کورینورم ؛ بحثده دوام
ایتم .

شهریار — سز پریخانی بیلیر میسکز ؟ نخوتنه او قدر
طوقونیلورسه انسانی یریوزنده دکل ، یرالتنده بیله راحت
براقز .

عادل — برقادین نه یاپه بیله جک ؟

شهریار — اوسزک بیلدی ککز قادینلردن دکدر ؛
حیدر میرزایی جلوس ایتدیرمک ایچون سرایه کلان

شهریار — کلیورم اما نصل کلدیکمی بیلیرمیسکز؟

عادل — سو یلامش ایدیکز؛ زه دن بیلیم!

شهریار — شاهدن نه وقت ایسترسه م سزی کلوب
کورمکه مأذونیت المق ایچون محاربه یه، قریه، فلانه دائر
آره مزده جریان ایدن صحبتله بر مکالمه رسمیه رنکی
و یرمشدم.

عادل — امان افندم نه قدر یاکلش بر حرکتده
بولنمشسکز!...

شهریار — بیلیمورم! فقط نه یاپهیم که سزی هر
ایستدیکم وقت کوره بیلک ایچون بشقه چاره یوق
ایدی.

عادل — آی افندم بنده کزی هر وقت کورمکی نه دن
اوقدر التزام بیور بیورسکز؟

شهریار — (محبت و ستمدن مرکب بر نظر حزین ایله
یوزینه باقرق) احتیاج وار ایدی!...

— عادل هر نه حال ایسه بر کره اولمش؛ بوندن
صکره ایشک آرقه سنی کسمک لازم کلیر. ارتق بنده کزدن
جواب رد الدیغکزی می بیان بیورر سکز، نه سو یلر سکز
اورالری سزک اراده کزه محولدر؛ فقط مطلقا ایشک
آرقه سنی کسملی قورقارم که نتیجه سنده بر فئالق ظهور
ایتمسون.

او کبچہ دن عادل کرای ایله ملاقات ایچون کندینی حاضرلغه باشلادی .

برقاچ ساعتر بر او طه به چکیله رک خان زاده ایله ایله جکی بختی ذهنده بیک شکه ، بیک رنگه قوبدی ایسه دهها بادی امرده خاطرینه کلان برتدیر نظرنده کافه سندن مناسب ، کافه سندن قطعی التأثير کورینوردی . بناء علیه اوتدیرک اجراسنه ذهنده قطعياً قرار ویرمکه عادل کرایک حضورینه کیروبده یاننده کی توابعی دفع ایدر ایتمز برقاچ کله ایله بر مقدمه اعدادیه ترتینه بیله حاجت کورمکسزین شو محاوره بی کشاد ایلدی .

شهریار — امان خاندانکزک عنایتنه صغندم ! حیاتم مخاطره ده ؛ قورتارسه کز سز قورتاره جقسکز .
عادل — (بویله دنیا ده هیچ برسبیه اسنادی قابل اوله میه جق برخطابه اوغراینجه بردنبره قادینک جنون کتیرمش اولسنه ذاهب اوله رق برقاچ دقیقه شاشقین شاشقین یوزینه باقدقن صکره) نه دیمک ایسه تیورسکز؟
اکلایه مدم .

شهریار — اکلاده یم ؛ صفا کزی ، راحت کزی محافظه ایچون بن بورایه صیق صیق کلیورمی یم ؟
عادل — الله عمر ویرسون ؛ تشریف بیور بیورسکز .

بی‌کانه میدر؟ « یولو مقابله ایلدی . بو سوزلرک هر
 بری شهر یارک قلبنده بر داغ دیگر آچاردی ؛ فقط
 کندیس صفت درونک درجه سنی پک اعلا بیلدیکی
 اوغلنه بیله فرض محال اوله رق رنگ ویره بیلک و اهمه سیله
 اولانجه قوه ذکاسنی هضم نفسه حصر ایدرک
 وستی ده بتون بتون الدن براقه رق « ماشالله کوزل
 رأی ایتمشک ! عادل کرایبی بن تأمین ایدوب ده
 بحثه اماله ایدنجه یه قدر نهر چکمشدم . شمدی پر یخانه
 بردنره آچیلیرمی ظن ایدرسک ؟ « دیه جک اولدی ؛
 حزه « سز او جهتی مراق ایتیکز ! خانزاده نک بکاده
 امنیت فوق العاده در ؛ کندی مرد بر ذات ، حقنده
 کوستردیکم معامله مردانه یه کفران ایله مقابله ایتمز . خالهم
 ایله مذاکره ایچون کندیسنی بن اقتناع ایدرم . « یولو
 جواب ویرنجه شهریار یالانجیلغی دها آچیق ، دها رذیل
 بر یولده ظاهره چیقماق مخاطره سنه آتیلوب کتدیکنی
 اکلا دیغندن ، بتون بتون جانی باشنه صیچرایه رق « صاقین
 چوجق ! سن او یله شیره قارشمه ! بتون بتون مسئله یی
 تشویش ایدرسک ؛ عادل کرایبی ینه بن کور ملی یم ده
 ایشک چاره سنه باقلی یم . « دیه رک هیچ بر شیئه تشبث
 ایتامسنی حزه میرزایه اکیداً تنبیه ایلدی . او مولدق
 یردن بر حادثه دها ظهورینه میدان قلامق اوزره همان

چولوق چوچوق اكلنجهسى اولدى؛ اويله سكسان رآى ايله ايشمى كوريله-ور! امانمه لازم دولت شاهكدر؛ بزه لازم اولان امرلرينه اطاعتدر . « بولو منفعلانه بر مقدمه دن صكره قاشلمرينى چاتهرق وجزه ميرزانك حدتله بوزينه باقهرق » بوندبيرلرى سنى بولوب چيقاربيورسك؟» سؤالنى ايراد ايلدى . بونك مرادى وجدانسه بر همزبان بولهرق رآيك پرىنخان طرفندن كلديكنى بر بشقه سنىك آغزندن ده ايشتمك ايدى . جزه ميرزانك اعترافندن مقصد و تدبيرنجه برفائده حاصل اولمزدى؛ فقط كنديسى بومسئله ده دخى اويله بر اعتراف ايله كشف حقيقتده اولان اقتدارينه بر برهان علنى دهسا كورمك ايستردى .

جزه ميرزا ايسه يالكز والدهسى ايله خالهسى بيننده بر برودت حاصل اولماسنى التزام ايلديكى حالده كويا مسئله نك كافه خفاياسنه اطرافيله واقف ايمش كى « فرض ايديكز كه بنم تدبيرم اولسون! شمدى به قدر دولتك هر مصلحتنى برلكده تسويه ايتيورمى ايديكز؟ سرائر دولت بيوربيورسكز؛ صحت والدهم ايله خاله مك آره سندن چيقوبده عثمانلى سردارلرينه عكس ايدجك دكل يا! سكسان رآى ديورسكز! حال بوكه آرده سزك ايله آندن بشقه كيسه بوق . خاله م دولتمزه

دیربجه سویلیو یرمکله هرامرینه محکوم ایده کلدیکی شاهه
اراده سنی کری آلدیرمق کندبجه پک قولای ایدی .
اوله برتش بئشه بولنورسه پریخانه عکس ایتماسی
محالاتدن اوله رق اعتقادبجه مسئله نفوز یاریشی دیمک
اولدیغندن، کندی طرفنده ظهور ایده جک غلبه پریخانک
غیظنی دعوت اینک مقرر ایدی؛ او اقدارده بر خصمک
غیظندن ایسه نفسبجه تولد ایتمیه جک بر بلا تصور
ایده مزدی . خصوصیه مکالمه بی کندی نفسنه حصر
ایتمسی نه مقصده مبنی اولدیغنی پریخانک بای حال
تحرییه قیام ایده جکندن واحتمالکه تحریدن اول
حقیقت حال اوزرینه شبهه سنی و بلکه حکمنی دعوت
ایلیه جکندن امین ایدی . بناء علیه ده ا بتر بر مصیته
دوچار اولمق قورقوسیه شاهک اراده سنی کری الدیرمق
تشبثنی کوزه الدیره مدی . بر قاچ دقیقه اتعاب فکر
ایتدکن صکره بر از وقارینی قیردیغنی، بر آز خلیع
العذارلغنی اله الدیغنی حانده بوبادریه مقصدینه خادم
ایتمک قابل اولدیغنی مطالعه ایلیدی؛ اختیار ایده جکی
تدبیری ذهننده قرارلشدیردی؛ فقط حادثه دن طولایی
پریخانه طوتدیغنی کینی، حزه میرزایه حاصل ایتدیکی
غضبیه ده بتون بتون کتم ایده میهرک « سرار دولته

ایلدی . معین بر مقصدی اولدقجه هیچ بر شیده تشبث
ایتمکده کندسی ایله هم مشرب اولدیغنی بیلدیکی
پر یخانک بو حرکتی - چونکه پر یخان عادل کرایک
حتی یوزینی بیله کورمیدیکی کبی ذاتاً مدت عمرنده
محبته ؛ شهوته ذره قدر میلی کوستر بر حرکتی
بولمادیغندن - آرلرنده جاری اولان نفوذ رقابتندن بشقه
بر سبب بولنه مامشدی .

شهریار سودیکی کندینه براقلدقن صکره ایرانک
کافه امورنده اجرا ایتدیکی نفوذی بتون بتون پر یخانه
ترک ایلمک قائل ایدی .

یانکز کندیسنه خراش جان اولان جهت شو
ایدی که پر یخانک اشتراکه مأمور اولدیغنی مکملهلر
کندی یالانلرندن تولد ایلمش بر طاقم موهوماندن عبارت
اوله رق پر یخان - حتی پر یخان کبی فطانت فوق العاده
اصحابندن بر داهییه دکل آنک یرنده هر کیم اولسه -
عادل کرای ایله بر کره کوریشور کورشمز - او یله
بر بادره ظهورینی خاطره بیله کتیر مکسزین کمال
جسارتله - ترتیب ایتدیکی یالانلر میدانه چیقمق مقرر
واو حالده ایسه غرض مضمیرینی پر یخانک نظر دقتندن
قورتارمق محال ایدی . اوکنده فلکک بالتصادف
حاضرلدیغنی دامه دوشمک امک ایچون لقر دیسنی براز

صکره پر یخانکده مکلماته شریک اولسی ازاله انفعالی
 ایچون لازم اولدیغی کبی مسلم اولان درایتی حکمنجه
 فائده دن خالی اولمیه جغنی ایراد ایلدی و بو افاده ایسه
 شهریارک عادل کرای ایله صیق و تنها کوریشه بیلک
 ایچون خانزاده ایله آفاقی صحبت قییلندن اولدوق ایتدیکی
 سوزلری بررمکلمه دولیه شکنه قویه رق هر کون
 ساعتلرجه ازعاج ایلدیکی زمانلره تصادف ایتشیدی
 بیچاره شاه باشنده کی دغدغه بی دفع ایتک ایچون
 « پک مناسب اولور؛ همشیره ایله والدهک برلشکرده
 هر نه ایسترسه کز یاپیکز؛ بکایالکز حاصل اوله جق نتیجه بی
 خبر و ریکز! » دیدی حزه میرزا آلدیغی مأذونیت
 اوزرینه طوغریجه والده سنک یانته کیده رک شاهک امرینی
 تبلیغ ایلدی .

برفطانتک نتیجه سی اولان حرکت نه درلو پرده لر
 آلتنده مستور اولسه منشأ ظهوری ینه برنظر فطینه مستور
 اوله مز . شهریار کک زوجنده، کک اوغلنده آمال
 خفیه سنی کشف ایتک اقتداری اولدیغنی پک اعلا بیلدیکی
 کبی پر یخانک رأیی اولمدقجه و بلکه مبادیسی پر یخان
 طرفندن ترتیب اولمدقجه سرای ایچنده آکا متعلق
 بر مسئله حادث اوله بیله جکننده احتمال ویرمیدیکندن، امر
 شاهینک نه طرفندن القا اولندیغنه پک قولای حکم

خاندانه اجنبی ایشمز کبی سرامزه مسافر اولانلرک
یوزینی بيله کوره میورز . کنج ايسهك چوجق دکلز آ!
یکرمی بر باشنه واردق، تدبیر حکومتده اولدقجه اقتدارمزی
ایسه دها اون سکز یاشنده ایکن کوس ترمشیدک . بزده
مکالمه لره کیریشه ییلورز؛ ایشك دولتمزه فائده ویره جک
یرلرینی کوریرز ظن ایدرم .

جزه — حقیقت والدهم آنده مناسبتسزلک ایدیور .
ذاتاً یدر علیل، وزیر نوظهور، بنم الممدن برشی کلز .
یالکز براز حرب ایده ییلورم . دولتک امورینی شمدی یه
قدر والده ایله سز اداره ایدوب طوررکن قریم مسئله سنه
نیچون قارشیمه جقسکز ؟ نه وقت ایسترسه کز امر ایدک
بن کوتورر سزی خانزاده ایله کورشدیرم .

پریخان — بن شاهک امری، والده کرک رأی اولمدقن
صکره هیچ کیمسه ایله کوریشه مم؛ هیچ برایشه قاریشه مم .
جزه — بن ایکیسنده سویلرم .

محاوره بودرجه ایله کلنجه پریخانک مقصدی تمام ایله
وجوده کلدیکندن صحبتی دیکشدیردی . ضیافت یتوب
جزه میرزا کیتدکن صکره ظهوراته انتظار ایتمکه
باشلادی .

جزه میرزا، پدرینی همان او کون کوره رک
خاله سنک فکرینی برلسان متأثرانه ایله بیان ایتدکن

جزه — بن عثمانلیلرک بشقه عسکرینی، بشقه
امر اسنی کورمدم؛ فقط بودلی قانلیلر بحق مرتضی
کرچکدن قهرمان ایدیلر . والدهم بیلم نیچون مراق
ایتدی ده غازی کرای قهقههیه کوندردی ! حالا آجیسی
کوکلدن چیقمیور .

پریخان — دیمک که سز غازی کرایک شجاعتنی دها
زیاده بکندیکنز .

جزه — خیر ! دنیاده عادل کرایه ترجیح اولنه جق
وبلکه مقابل کله جک فرد آفریده موجود دکدر . فقط
الله ایچون بر یکی ده فوق العاده جسور ایدی .

پریخان — عادل کرایک او قدر شجاعت نره سنه
یا قیشور ؟ قیصه بویلی قانبور بر آدم ایمش .

جزه — (کواهرک) سزه آنی کیم سویلیدی ؟ بن
مدت عمرمه او قدر یا قیشقلی، او قدر لوند بر کنج
کورمدم .

پریخان — عادل کرای کنجمی یا ؟

جزه — یکر می اوچ، یکر می درت یاشنده غایت
وجاهتلی، غایت خوش صحبت، عالم، عارف، شاعر بر قهر -
مان . فیاض قدرت بو قدر فضائلی دکه برو جودده جمع
ایلز .

پریخان — (تدسم ایدهرک) عجایب شیلردر ! بزبو

نه قبالده بر وجود اولدیغنی او کرمک دها مناسب
اوله جغنه قرار و پردی که تدبیری بویولده یایله بیله جک
شیلرک اگ مناسبی اگ مکملی ایدی .

عادل کرایک حالنی تحقیق ایسه کندنجه اسهل امور
ایدی . چونکه خان زاده بی اسیر ایدوب کتورن
جزه میرزا، شاه اسماعیلک جلوسی وقعه سنده کوستردیکی
حرکات خارق العاده دن طولایی بری پریخاننی قادیله غایله ایرانک
اگ ییوک قهرمانی عد ایلدیکندن، اعضای خاندانینک
جمله سنندن زیاده آکا محبت و اطاعت ایدردی .

پریخان بر کون جزه میرزایه بر مکمل ضیافت
ویره رک دها بوسنده ایکن ایلک محاربه سنده کوستردیکی
مهارتلردن شجاعتلردن طولایی شهزاده نک اگ حساس
اولان اعصابنی غیچقلایه جق بر چوق ستایشلاره میرزایی
عادتا ممنونیتندن غشی اوله جق درجه لره کتیردکن
صکره رحجان فطانتیله مقصدینی بر طاق اوضاع ساده دلانه
آلنده ستر ایدرک مهمانیله شویله بر محاوره یولی کشاد
ایلدی .

پریخان — مظفریشکرک اگ زیاده شایان . تقدیر
اولان بر بری ده قارشیکرده کی عسکرک حالیدر؛ اسیر
ایتدیکنر خانزاده لر عثمانلیلرک اگ قهرمان امر اسنندن
اولدقلرینی روایت ایدیورلر .

مرادی ده دأره نك اطرافنه كندی محرمان سفاهتی
یراشدیرمکدن عبارت ایدی .

شهریار بو ترتیباتی ا کمال ایلد کدن صکره بر کون عائله
سلطنت اعضاسنک جمله سی حضور پادشاهییده
بولندقلری حالده عادل کرای ایله محاربه حاضره
وتدابیر آتیه ده دأر یولده کلیرکن بر چوق محاوره
کیریشدیکنی وشاه طرفدن مکالماتنک دوامنه مأذون
اولور ایسه خیرلی بر نتیجه استحصالنه امید وار اولدیغنی
بیان ایلدی . خداننده ایچون شهریارک بر سوزینه
اولمز دیمک محال و اعضای سلطنت افرادی ایسه
منویات خفیه کشفنه اقتداردن محروم اولدیغندن
قادینک عرض ایتدیکی خدمت تکلیفنی مع الممنونیه قبول
ایلدیلر یالکز پر یخان مجلسده بر لقردی سو یلدی .
فقط شهریارک تشبثنده کیرلی بر مقصدی اولدیغنه
بداهه حکم ایلدی . چونکه قادینک خصوصی منفعتدن
عاری هیچ بر حرکته بولمیه جغنی پک اعلا ییلیدی .
او جهته شهریارک طوری پر یخانک نظرنده حللی واجب
بر معما شکنی باغلادی . عمق نظر و حدت فکری
اقتضاسنجه مشکلی حل ایچون خارجدن اماره آرامقدن
ایسه طوغریدن طوغری به تعلق اولان عادل کرایک

بردرلو قائل اولوق ایستدی. مع مافیسه کنسینک حایه
لوندانه سی والده سنک مغالطات شیطنتکارانه سنه غلبه
ایده مدیکندن اوده بو بچده ملزم و هیچ اولمزه ساکت
اولمشی .

قزوینه وصولرینک ایرتسی کونی غازی کرای
قهقهه یه کوندردیلر؛ عادل کرای سرایه مسافر ایلدیلر .
شهریار آرزو ایتدیکی الفتده سهولتی موجب اولوق ایچون
خانزاده نك اقامتنه سرایک سائر جهتلریله اتصالی آز ،
بردائرة تخصیصنی التزام ایلدی . انتخاب ایتدیکی یر ایسه
حرم و سلالمق دائره لری آره سننده و باغچه اوزرنده
طهماسبک کنسینه عشرتگاه اولوق ایچون یاپدیردیغی
کوشک طرزنده بردائرة ایدی که نهایت درجه لرده
کوزل برطاقم لاجوردی نقوش چین آره سننده ادوات
عیش و عشرت و حالاشوق و محبتده دائر آلتون ایله
یازلمش غایت نفیس بیتلر ، ایرانک اک کزیده حالیلرندن
مرتب اولان دوشمه سی (قالچه) طرز بدیع معمار یسنه
بررونق دیگر علاوه ایدهرک قصرک هیئت مجموعده سنی
شرقده کی زینت و اخشامک کالانه نمونه اولوق ایچون
یاپیش کی کوستردی .

عادل کرایک محافظلرینی ده خدمتکار صورتنده
کوسترمک بهانه سیله ینه شهریار انتخاب ایلدی؛ بوندن

واجب بر مقصد صورتند کوستردی . و بناء عليه شهزاده نك سراى اچونده بر دائرهيه مسافر ايدلسى وكوز حبسنده بولنديرمقله برابر ، او يله ككندينه سزديرلماك اچون يانته هر كسك كيروب چيغه بيلمسنه رخصت ويرلسى رآينده بولندى . غازى كرايه كلنجه كندى اثر تحريكى اولان بر قاچ سردجه معامله سندن طبعنك خشونتته و تربيه سنك فقدانته دائر بر طاقم دليلار استخراج ايدهر ك فرصت بولديغى كى فرار ايتسى اغلب احتمال اولديغنه و شهزاده بايزيد بولنده بر طاقم طرفدارلر پيدا ايتك و اختلاللرله اوغراشمق كى حاللردن اجتناب ايتيه چكى كندنجه محقق بولنديغنه دائر بر طاقم اقناعيات ايراد ايلد كدن صكره آنك ده قهقهه قلعه سنده توقيفى تصويب ايتدى .

كرك شاه و كرك ميرزا سليمان شهر يارك آمال خفيه سنى تفرس ايده جك قدر دقيق بر فكره مالك اولد قارندن سوزلر ينى عين حقيقت ، رآيلر ينى اسلم تدابير عد ايلديلر . يالكرز جزه ميرزا محمود آباد محار به سننده غازى كرايك نه جوهرده بر قهرمان اولديغى كورمش ايدى اعتقادنجه شجاعت اصحابنك هر حالنى معفو و بلكه معذور كوستر مكه كافي اولديفندين قهقهه يه ارسالنه

سطوت فکریله شهزاده‌ری اسیرلر کبی میرزا حمزه‌نک
اوکنده اللری باغلی بیان یوریده‌رک و حشیانه بر الای
احتشام ترتیب ایتک ایستمش ایسه‌ده میرزانک مشربی
هر درلو مظالمه تمایلله برابر بویله دنائتله تنزل
مرتبه‌سندن عالی اولدیغندن و شهریاره کوره عادل
کرای ذره قدر انجتمک کندی قلبی یارملک حکمنده
بولندیغندن وزیرک بوراینه ایکسی ده شدتله مخالفت
ابلدیلر . ترتیب اولسان آلایده حمزه میرزا عادل کرای
صاغ، غازی کرای صول طرفنه آله‌رق قزوینه اوچ
شهزاده برابر کیرمشردی .

شهریار قزوینه واصل اولوب ده شاهلی کورنجه
حربک احوالنه وعودتک اسبابنه دائر اقتضا ایدن
تفصیلاتی ایراد ایلدکن صکره خانزاده‌ره عطف
کلام ایدرک وهر سوزینه حمزه میرزا ایله میرزا سلیمانی
اشهاد ایلیرک عادل کرایک شجاعت فوق‌العاده‌سیله برابر
عرفان جبلی و حسن تریسه و لطف مشربی بر طاقم
اطرارله تعریف ایتدی . و رعایتی ناموس شاهلی
مقتضیاتین بولندقدن بشقه او قدر ظرافت اخلاقه
مالک بر شهزاده‌بی ایرانه مجلوب ایتک و اوصورتله قریم
اوزرندن دولت عثمانیه‌یه بردغدغه چیقارمق
احتمالاتی بر مهارت خرد فریب ایله همان تشبثی

دقت بيله ايتزدی . چونکه شهریار فی الحقیقه کوزلدی؛ فقط عادل کرایک بکنه جکی کبی وجدانی کوزلردن دکل شهوانی کوزلردن ایدی . بوندن بشقه سنلرنده ده بریوک تفاوت وار ایدی .

شهریارک بر شیطنتی ده غازی کرای ایله اولان معاملات ایدی؛ قزوینه وارلدیغی زمان ایکی برادری بر درجه ده آغلامق ، بر دائره ده بولندیرمق و هیچ اولمزه دایمًا برابر بولملرینه مساعده ایلک آداب ملوک اقتضاسنجه ضروری حکمنده اولدیغندن و بو حال ایسه شهریارک عادل کرایدن امید وار اولدیغی الفت محرمانه یه بتون بتون مانع اوله جغندن ، ایکی شهزاده نک آره سننده بر تفاوت اخلاق کوسترمک و او صورتله حقلرنده ایدیله جک معامله یی ده بر برینه بکرتماک تدبیرینی التزام ایدرک عادل کرای ایله کوریشدکجه نه قدر اطوار حرمتکارانه و نازکانه سی وار ایسه میدانه دوکهرک شهزاده یی تریسه سی اقتضاسنجه حسن مقابله یه مجبور ایتدیکی کبی غازی کرای کوردکجه بالعکس کنیاهلر ، ایملر آلتنده مستور بر چوق سوزلره حیینه ، نخوته ، وقارینه ، حیینه طوقنور و مقابلنده طوقوناقلی جوابلر آلردی .

قزوینه وار یله جغی صره ده میرزا سلیمان اظهار

ایلسه بوجهان اینسای جنسمن ایچون عالم محنت دکل
برفردوس کامراتی صایلق لازم کلیدی . هیهات ! ...

ایران اردوسی قرهباغدن قزوین اوزرینه چکلدکجه
هر قوناقدده شهریار بر فرصت ومناسبت دوش-سیره رک
عادل کرایک یاننه کیدر؛ وایرانده مدیره دولت ووصیه
سلطنت کندیسی اولدیغنه درلو درلو دلیلار
وخصوصیه قریم خانلغنک استقلال واقبالنه دائر
برچوق بحشر ایدردی . بومباحثک آره سنه طبیعی
زوجی اولان شاهک اعمالغی قاریشدقجه اعمالغک برچهره
ویره بیله جکی چرکینلکه وحتی شاهک ذاتی اولان
چرکینلکی او عارضه ایله زیاده لشدیکنه
دائر برچوق سوزلر سویلر لسان حال وقالنک
ایمالریله عادل کرایه محبتنی کوسترمکه چالیشر؛ وائسای
صحبته اورتوندیکی چاری دوزلتمک بهانه لریله عرض
جمالدن ده کوری طورمزدی . عادل کرای ایسه
نسلاً تاتار فقط قلباً عثمانلی اولدیغندن ، حرب وصلحه
متعلق ایشدیکلی سوزلردن ممکن اولدیغی قدر استفاده
ایتمکله برابر قریمک استقلالی جهتلرینه هیچ یناشمدیغی
کبی شهریارک مشتاقانه نگاهلرینه ، مفتونانه شیوهلرینه

قاليرسه شمخال طاقی مخالفت اتمز؛ قرى طلب اچون طرفدن سنى توکيل اتمکى مناسب کوردم ، لقردى يي آچديغم ده آنک اچون ايدى . « ديمکله جزى پاشا نزدنده حائز اولديغى امنيت ومحرميتک بويله بر دليل جديندن حقيقه متدار اولهرق مأموريتنى مقخرانه قبول ايلدى وهمان ايرتسى کونى يانبه ايکى شاهد آلهرق طوجه لاوبکک قرارگاهنه عزيمت ايلدى .

شمخال طاقى اچون ايرانک تحمکندن قورتلوق اخص مطلب و بوکا ايسه سلطنت سنيهنک عنایت وحيايتى سايهسنده بولمق چاره منفرد اولديغندن جزمينک تکليفنى پاشانک انهماکندن بيوک بر شوق وتهالك ايله تلىق ايلديلىر . بناء عليه جزى خدمتى برهفته اچننده کمال سهولتله اتمام ايدهرک بر هفته صکره عروس ايله برابر تيمورقويه عودت ايلدى . عثمان پاشا بو آرزوى وجدانيسنک حصولدن طولايى ذاتاً حائز اولديغى مرتبه دولت وفوز غالبيتدن بيوک بر اقباله نائل اولمش ومهردل ايسه بر مشرب اعتدال ايله متخلق اولهرق راحت و اعتباريله وقت کچيرمکندن بشقه براملى اولديغندن ، عثمان پاشا قدرتمده برزوجه دوشديکنى کندی اچون فوق الغايه بر بختياراق عد ايلشدى . فلک هرکسى آنلرکى قناعت ايتديکى سعادتدن بهره دار

پیرانه سرم عشق جوانی بسر افتاد

وانراز که دردل بنهفتهم بدر افتاد .

بیتنی برقاچ کره تکرار ایلدی . ظاهرده ایسه پاشایه
تعرضه جسارت ایده ما بکله برابر حال آ کلاماز لقدن
کلکی ده عرفانجه بر ذل عد ایلدیکندن ، مشرب
شاعرانه سنی اله آهرق وقوه ناطقه سنه برکشایش دیگر
ویره رک « افدمز ! نه بختیار ایمشکرکه دولتمزک مؤسی
اولان نامداشکر سلطان عثمان غازی مظهر یتنده
یارادلمشکر ! آنلرده حرم مکرملرینی مهمان بولندقلری
بردرگاه عالیدن انتخاب بیورمشلر ایدی . نسللرندن شو
عظمتلی خاندان خلافت ظهوره کلدی . ان شا الله
افدمزده اختیار ایلدیکلکز جسم نورانی به ... هانی
شو کوردیکرئی دمن بیسان بیوردیفکر قرالتی به مالک
اولورده او خاندان خلافتک خدمتنده بولنق ایچون دنیایه
برخاندان حمیت برافیرسکر . طوجه لاو) بک ، کریمه سنی
خلیفه اسلامک شاهلردن حیثیتلی بر وزیر عالیشانه
ویرمیوب ده کیمه ویره جک ؟ شمخال هم کندینک بیوکی
هم داغستاک حاکی هم ده سنی ایکن بنه قزی شاه
شیعه نك تحت نگاهنده بولندی . « بوللو اقناعیات
ایله آرزوسنه مروج کورنمکه باشلادی . پاشا ایسه
جزمینک ایمالرینی بر خفیف تبسمله کچیره رک » بنم ظنمه

کوردیکی رابعه مهردل خانم ایسه مولدی اولان
 داغستانک بوزلرینه خورشیدک انعطافیه حاصل اولان
 الوان لطافتدن یارادلمش ظن اولنه جق قدر بر جمال
 نورانی وادای روحانی یه مالک اوله رق کوزلله کده
 اقرباسندن اولان پر یخانه ده تفوق ایدردی. حتی اووقتر
 یونانیلر کبی، مجارلر کبی، ایتالیانلر کبی، چرکسلر کبی
 حسن سیمجاه دینانک کافه اقوامنه راجح عد اولنان
 ملترک اک نازنین کوزلر یله مالا مال اولان استانبوله
 کلدیکی زمان بیله — پای تحتک افراط حسن ایله مشهور
 اولان دلبرلی طلوع شمسه تصادف ایتمش — ییلدیزلر
 کبی نظردن غائب اولمش وهوا پرستان زمانه نک منظومات
 محبت ومقامات اشواقی آنک حسن عالم فرینه انحصار
 ایتشدی. (۱)

اودرجه لرده متانت قلب وعظمت اخلاقیله برابر
 اویله مشکل برموقعده محبتله ائتلافنه تعجب اولنسون!
 شیرلر صیده چیقدیغی زمان کونشسه باقارسنه کوزلری
 یاشارماق بکئیدر؟ مع مافیله جزمی محبتک ده
 جدیانه اوغرامدیغندن، فکرأ پاشایی استخفاف ایله
 کوکلندن حافظک

مغلوب ایتش و بهار نوجوانیسنی چرکینلکک درجه
انتهاسنه بر تمثال مشخص عد اولنان، جاحظک بيله .

مار وجهها حسنا

مند دخلت الینا

فیا شقاء بلدة

احس من کان انا

قطعه سیاه تعریف ایتدیکی یمن چوللرنده صولدرمش
اولدیغندن، طبیعتنده نه قدر حرارت سودا، نه قدر نأرة
محبت موجود ایسه قرق بش، قرق سکز یا شلرینه
وارنجیه قدر جمله سی قلبنده قیامش قالمشدی .

نظر امعانی آرزو ایتدیکی و هیچ ذیاده مثانی
کورمدیکی بر آفتاب جماله تعلق ایدنجیه کویا که ایکی
خرده بین اوله رق نقل ایلدیکی ضیای حسنک شدت
حرارتندن کوکلنده کی استعداد محبت بر شدتله التهاب
ایتمشدی که حواس و قواسنک هر جهتنی استیعاب ایلشدی .
انسان اختیار لامقله کوکل قوجه مامق مثلی مشهور
اولدیغی کبی عثمان پاشا ذاتاً علائق محبتدن وارسته
اوله جق قدر مسن دکل ایدی . خصوصیه مراجنده کی
عصیتیه برابر اکثر ارباب نجدتک لوازم طبیعتندن
معدود اولان غلیان دم، قوه غریزه، تمایلات شهوانیه
کندیسنده مع زیاده موجود ایدی .

قرانمش؛ و یمنده کی خدمتلیرنهده او حیثیت سایه سنده
موفق اولمش ایدی. بنده شمخال خاندانندن بر قادین
آلیرسهه بتون چرکس و داغستان خلقنی کندیمه جان
ودلدن جلب ایدرم؛ ایرانک باشنه بیوک بیوک ایشلر
آچارم. « سوزلرنده قرار بوالیدردی.

جرمی بادی امرده پاشانک سوزلرینی هر دراو
فکر خفیدن عاری برتدبیر صورتنده تلقی ایدرک « رأی
دولتکز عین صوابدر؛ فقط بیام شمخال خاندانندن بریسی
وارمیدر؟ » دیمشدی. پاشا بوسوزه « اوت! شمخالک
برادری طوجه لاو بکک بر کریمه سی اولدیغنی خبر ویردیلر؛
بنده خانه سنده مسافر اولدیغم کیچه اوزاقدن او یله
بر قرالتی کورمشدم. « جوابیله مقابله ایتکله جزمینک
ذهننه قرالتی کورمک مسئله سندن بر چوق شبهه لر
استیلا ایدی. هله کوز او جیله، راز دقت ایدوبده پاشانک
چهره سنده کی قانسزلغنی، طوداقلرنده کی خفیف خفیف
ترهه مک علامتلیرینی کورنجه، قرنی سودیکنه ذهننده
قطعياً حکم ایلدی. بو حکمیده حقیقت حاله عینیه
مطابق ایدی. پاشا دها یکریمی یاشنده ایکن امرای
عسکریه سلاک افتخارنده بولنه رق زمان نشو و نماسنک
کافه لذایذینی خدمت دولت واکتساب شهرت آمانه

اولوردی (*) جزمی ایسه پاشانک حرب کونلرنده یاورى، ایش زمانلرنده مستشارى اولدیغى کى اکلنجه عالمرنده هم صحبتي بولنه جق قدر محرمینى قرانمشیدی .

اویولده اولان محرم مجلسلرک برنده ایدی که پاشا معتادی قدر اکلند کدن صکره همبرما لفته استراحت ایچون رخصت و یردی یاننده یالکز جزمی بی آلیقویدی . قوجاغنه طیاندی؛ اویقویه بدل حربک اجا آتته وممالک مقتوحه نك الده ایدلمسچون اوزون اوزادی صحتلره، استشارلره باشلادی .

جزمی پاشانک معتادی خلافتنه اوله رق بویله وقتسز آچدیغى محاوره نك نتیجه سی نزهه واره جغه انتظار ایلر؛ وکندینه وارد اولان سؤالرده اویله بر مراق آلتنده بولنان ذهنک تدارک ایده بیلدیکی جواباری اعطا ایدردی . پاشا ایسه کیرشدیکی مسئله نك تفرعاته عطف مقال ایدرک صحبتي اوزاتمغه چالیشردی . عاقبت بحثی طولاشدیردی طولاشدیردی، «شروانک تصرف آتیسنى تأمین ایچون شمخال خاندانی بر قرابت صهریه ایله عثمانلی عصبیتنه ربط ایتکدن بشقه چاره اوله مز؛ مرحوم پدر مصرده حیثیتی خاندان عباسییه منسوب اولان والده می از دواج ایتدکن صکره

(*) پچوی صحیفه

واستناد کاهلری امین اولوق ایچون، برر برر طاغستان
بکلرینی طولاشه رق تطیب واحسانلرله کولکلرینی جلب
ایتمکه بذل همت ایتشیدی .

پاشا بودورندن عودت ایلدیکی وقت وجودجه
خیلی ضعیفلامش؛ چهره سنه برصولوقلق، ذهننه نظر
دقتدن قورتیله میه جق درجه زده بر خفیف طور غونلق
ککشیدی . محرملری بوتغیری سردار پاشیانک ایستندیکی
قدر سرعتله اردویه چیقمامسندن طولانی حاصل اولان
تأراتنه حمل ایتدیلر: فی الحقیقه بوجهته ده مناسبت وار
ایدی؛ چونکه عثمان پاشا تیمور قپویه کلدیکی زماندن
بری سرداری بیاغی معدوم منزله سننده طوته رق احوال
وافکارینی طوغریجه مرکز سلطنته عرض ایتمکه
باشلامشیدی؛ فقط سبب حقیقی اودکل، هیچ اومولوق
بر حال وجدانی ایدی که آنک کشفی ده یالکز جزمی یه میسر
اوله ییلدی .

عثمان پاشا مشاغل حرب و سیاستدن خالی قالدقجه
براز تفریح قلب ایچون اقشام اوستی بر عالم تنه ایی یه
چکیله رک برمدتجک ساز وعشرته اکلندکن صکره
محرملرندن برینک دیزینه ویا اوموزینه اتکا ایله برمدتجک ده
اویور و آندن صکره یا ایشی ویا عبادتیه مشغول

هم حامیسی، هم ولی نعمتی اولدقدن بشقه پدرینک « بیوسون
سکا وبرهیم . » یوللو لطیفه لرندن — ازدواج نه دیمک
اولدبغنی تخیل بیله ایده میان — معصومه نك کوکلنده
جزمی یه برتمک ابدی امیداری ده حاصل اولمش؛ و اوجه تله راه
جزمیدن آیرلق عایشه ایچون لدا بد حیاتنک جمله سنی بردن
غائب ایتمک حکمنده کورنمشدی .

دردنجی فصل

عثمان پاشا تیمور قپویه واصل اولنجه اطرافه
کونددیکی استمداد خبرلری اوزرینه اون بشبیک قدر
نوغای ابله داغستان امیری شمشال طرفندن ده پراون
بش بیک تیر انداز دلاور کلدیکندن، پاشا همان عادل
کرایک ثارینی اخذ ایتمک ایچون قره باغ اوزرینه حرکت
تشدتانه یاشلامشیدی؛ فقط اوصره ده ایران اردوسنک
قرزونه قدر چکلدیکی تحقق ایتمکله ایران ملککنک
تامر کزینه قدر صوقیلوبده دشمنی آرامغه رایت حییتی
آلتنده متحشد اولان قوت کافی اولدیغندن، چاره سز
سردار مصطفی پاشانک حرکتنه انتظار ایلدی . بوخالی
زمانده ایسه سفرك حین ککشا دنده تدارکاتی مکمل

ایدی؛ عادل کرایه اولان محبت مخصوصه سندن بشقه
 گویا کندییی برابر بولنسه شهراده بی ده درویش پاشا
 کبی مهلکه دن قورتاره بیلک خیالاتیله ذهنی طولدیغندن،
 تاتارل آت چایرلاتمغه چیققدقلمری زمان برابر کیتدیکنه
 وحتی کیتدیکی ایچون دنیایه کلدیکنه فوق الغایه اظهار
 ندامت ایدر اولمشدی .

میرزا سلیمان شرواندن چکیلیرکن عثمانلیلرک تعقیبنه
 اوغرامق قورقوسیه مقصد حرکتی ستر ایتمک ایستیه رک
 بوکا چاره اولق اوزره براز مدت قره باغ طرفلرنده ینه
 عسکر تحشدایتدیرمکله اشتغال ایلمشدی . بوخبر شماخییه
 عکس ایدنجه عثمان پاشا تاتارک ورودینه قدر عجملرک
 بردها عثمانلی اوزرینه کله ییله جکلرینی و شماخینک قابل
 تحصن بریر اولدیغنی مطالعه ایله مرکزینی هم اردونک
 تدارک احتیاجاتنه هم دشمنک مدافعه تجاوزاتنه تمامیه مساعد
 اولان تیمور قپویه نقل ایلدی؛ جزمی ده طبیعی پاشا ایله
 برابر کیتشیدی .

اردو شماخیدن آیرلدیغی صروده دوستلرندن،
 حامیلرندن محروم اولان سنیلرک کافه سی طبیعی نهایت
 درجه لرده متأسف اولدیلر .

فقط بیچاره عایشه نک کدری، ماتمی هیچ کیمسه لره
 بکره مزیدی؛ جزمی هم خواجه سی، هم اککنجه سی،

فقط عودتک الی یوک مروجی شهریار خانم ایدی .
آنک بوتهاکنسه ، اردوده پای تخت قدر اعمال نفوذه
فرصت بوله مامق تجربہ سی خیلیمه یاردم ایتدی ایسه ده ،
اصل سبب عادل کرای ایدی .

چونکہ نفسنه کرچکدن اسیر اولان بودله روزکار
خانزاده نك - یوقاریده کی تعریفندن ده آکلاشیلہ جغی
وجهله ایران سیمارنده کورلمسی محال اولان - حسن
جهانی کورنججه هوس شهوتپرستانه سی بر درجه غلبه
ایتمشدی که کندنججه عادل کرایہ تملکی خاندان صفوینک
بتون جهانہ مالک اولسنه ترجیح ایدر اولمشدی .

ذاتاً ایران اردوسی بو اوچ قسوتک افکار وآمانسه
تابع اوله رق حال بوکه اوچی ده بشقه رأیده ، بشقه
املده بولمغله برابر عودت مسئله سننده اتحاد ایلدکلرندن
همان قره باغ ومغانه طوغری چکلماکه باشلادیلر .

بری طرفدن عثمان پاشا عادل کرای حادثہ سنی
ایشیدنججه فوق الغایه مایوس اولمش وآرزوی انتقام ایله
چلدیره جق درجه لره کلش ایدی ؛ آنجق عسکرینک
موجودی قلعه دن بر خطوه دیشاری چیقمنسه مساعد
اولدیغندن ، زنجیره اورنمش ارسلانلر کی زماننی غرینش
غضب وزهر خندکین ایله کچرر ایدی .

وقعه دن اک زیاده متأثر اولانلرک بری ده جزمی

موقع و نجابتك شانی محافظه ایده رك هیچ رنگ
و یرمک، سزین بر مناسبت دها دوشوردی، صحبتی بشقه
جهتله تحویل ایلدی .

میرزا سلیمان عثمان پاشایه امداد ایچون کلان تاتار
عسکرینک قرق بیک کشیدن زیاده اولدیغنی بیلیر
و فقط جزؤ اعظمنک ینه قریمه عودت ایلدیکنی بیلزدی .
حال بوکه درت بیک تاتاری افنا ایدنجیه قدر ایران
اردوسنک نصفندن زیاده سی هلاک اوله رق عثمان پاشا
اردوسیله تاتارک بقیه سنی ایسه ذهننده بر قرق بیک
کشیدن زیاده تخمین ایلدیکندن ، اورالرده او طور مغنی
ایران اردوسوچون ارسلان یتاغنده او یومق قبیلندن
عد ایلردی .

جزه میرزا قهرمانلغک اکثر خصایصنی جامع اولغله
برابر او خصایصک رابطه امتزاجی اولان تحمل مشاق
و غلبه شهوات مزیتلرندن محروم اولق جهتیه او یله
هوسات نذسانیه سنک اک غلیانلی زمانلرنده بتون عمرینی
اردولرده کچیرمک ایسته مدیکنه و بر طرفدن ده آل
جنسکیردن او یله ایکی قهرمان شهزاده بی اسیر اوله رق
پای تخته کتورمکدن حاصل اوله جق طنطنه اشتهار
نخوتنی پک زیاده او قشادیغنه بناء میرزا سلیمانک
شروانده طور ماق حقنده اولان رأینی التزام ایلردی .

اولیان آل عثمان تابعیتند بولنیور . اما شرف ینه
سزده در که جنکیز خان اولادندنسکز ! « دیه جک اولدی .
بوسوزل ایسه عادل کرایک مسلک سیاستنه بتون بتون
مغایر دوشمکه « واقعا انقلابات عالم بیوردیفکیز کیدر ،
فقط شمدی به قدر فلکک بزله کوستردیکی معامله روی
التفات ایدی . یالکیز بودفعه بنله قرداشمه لطفنده برار
امساک ایلدی . اسیر اولدق ؛ شهید اوله مدق . مع مافیه
اسارتله ده مقتدر ، چونکه دولتمزک خدمتی یولنده او یله
بر مصیبتیه اوغراق ، بزم ایچون خاندانمزدن بحث ایتک مباحثات
اولنه جق بر شی دکلدن . شکر لر اولسون که جناب حق
عدالتی احفادی اجدادک افعالنه وارث ایتامش ؛ یوقسه
بزه جنکیزدن کله جک حصه وراثتک جزؤ اعظمی باری
دنیا خلقنک و بال خونی اولوردی . آل عثمان ایسه
اولاد مجاهدیندر . جناب حق اسلامه ایتدکری خدمته
مکافاة کندیلرینی خلافتله مشرف ایلش ، حکم ایتدکری
اقوامدن حتی برفردک سایه سی بیله اوزرینه دوشیمان بو قدر
اسلام ملکنده ناملرینه خطبه اوقنیور . بزم الک بیوک شرفر
اوخاندانه اولان خدمتزدن . « سوزل یله مقابله ایلدی . جزا
میرزا محاربه ده اسیر ایتدیکی برذاته محاوره ده بو قدر شدتله
مغلوب اولدیغندن طولانی پک زیاده متأثر اولش ایسه ده

عاقبت بر عجم علی الغفله آرقه سندن کز ایله اورارق
او بنیان متین حیثی یوزی اوزرینه دوشوردی. اطرافنده
بولسان اون قدر قوریجی یانسه طوپلانهرق فلکله
پنجه لشمک ایستیان ید اقتدارینی طوتدیلر، بر ایپک
قوشاقله آرقه سنه باغلادیلر .

یردن قالدیردقلری صره ده چهره سی اوزرینه
بولاشان قان، طوپراق لکهلر یله کسوفه طوتلمش آفتابی
آندیردی .

حزه میرزا مالک اولدیغی فطرت قهرمانی مقتضیاتندن
اولهرق نهایت درجه لرده مفتون . شجاعت اولق جهتیه
اسیری اولان خانزاده لری کندینه مخصوص اولان
مطنطن چادرلرده مسافر ایده رک کیچه کوندز یانلرندن
آیرلمز، وحقلرنده کندی اعضای خاندانته ایده ییله جکی
حرمت قدر رعایت ایلردی . حتی خانزاده رک اسارتندن
بر اون کون صکره منسوب اولدیغی قومک خصائصندن
اولان مبالغات وخیالات ایله عادل کرای حقنده برطاقم
ستایشلره، تلظیفلره قیام ایده رک بر مناسبت دوشوردی،
بدایت ملاقاتلرندن بری برنجی دفعه اولهرق حاله عطف
مقال ایله « فلکک انقلاباتنه تأسف اقتضا ایتمز، باقسه کز آ
اجدادککز بر قاچ یوز سنه اول جهانگیر ومقتدای
عالم ایکن شمسی خاندانککز اوزمانلر نامی ییله معلوم

پار دل کدن صکره ، یالین قلیچ دشمن صفاری آرسنده
دونمکه باشلادی .

دشمنک ایسه اک کزیده عسکری اولان قور یجیلردن
بر قوتلی فرقه شهرزاده ایله توابعنک آرسنه صوقولدیغندن ،
رئیسندن ، اداره سندن محروم اولان دشمنه نسبت
یوزده بر مرتبه سنده بیله قالمیان عسکر بتون بتون
حرکتی شاشیره رق برر برر یا شهید و یا اسیر اولمغه
باشلادیلر ، الماسلر قدر صاف و متین بر قلبه مالک اولان
عادل کرای ایسه غیرت خارق العاده سیله او قدر دشمنه
تک باشنه قارشی طور مق ایستردی .

دشمن اردو سیچون ، هر درلو معیندن محروم قالمش
اولان ، عادل کرای بر جمله ده شهید ایتک اسهل امور
ایدی ؛ فقط کندینک حیا الله کپیرلسی ایچون حزه
میرزادن امر قطعی اولق جهتیه قور یجیلر اوزرینه
سلاح آتمزلر ، و آنک ده غازی کرای کبی آتی اورمغه
چالیشرلردی . بر زمان اوغراشدقن صکره حیوانی تلف
ایتدیلر . خانزاده اگر قاشندن زمینه صیچرادی ، فقط
چاموره صاپلانهرق هیچ بر طرفدن بر آدیم بیله آتمغه مقتدر
اوله مدی . او حال ایله برابر آغزی دسته به دونمش
بر قلیچ ایله یته بر چاریک قدر ، مهاجرلرک صولتنه مقابله
ایلدی ؛ کویا که او قهرمان عدیم المثلک یاری وجودی
بر مکمل اردو حکمنده ایدی .

حیثله سراپا بر آتش-پاره غضب کسیله رگ قزیل یاغور
بلوطلرندن لمعان ایدن یلایرم کبی، قانلی چامورلر
اچنده یووارلنه یووارلنه یارلمسی قابل کبی کورینسان
بر صفک اوزرینه هجوم ایلدی . حمزه میرزا ایسه خصم
صاحب اقتدارینک بر نظرده نیتنی کشف ایدرهک هممان
هجوم ایتدیکی صفک امدادینه احتیاطده بولسان بر قاچ
آلاینی سرعتله سوق ایلدیکی کبی کندی ده یاننده موجود
اولان عسکرله تاتارک ساقه و جناحلرینه صوقولمغه
باشلادی .

خانزاده کمال تأثرله بو قدر رفقی سلاحنک
جنازهلرینی چکنیه رگ قصد ایتدیکی صفه ایرشدیکی
صرده حمزه میرزانک سوق ایتدیکی امداد دخی قارشیشنه
واصل اولمشدی .

عادل کرای اوتدیرندن ده مایوس اولنجه رایت حیثی
آلتنده بولسان بقیه شهدا ایله یارقهیه و یاخود جناحلردن
برینه یوریمک ایستدی، کوردی که اطرافنده بولسان
نقطه لرک هر برنده پیش-کاهنسدن دها یوک بر ازدحام
وار؛ عسکرینی احاطه ایدن دلتره تضییق ایسه کتدکجه
طارالوب کلیور؛ کمال یأس ایله چاره سزاوکه طوغری
هجومنده دوام ایلدی . تکمیل فشنکرینی، اوقلرینی
بتیردکن، یایی بر قور یچینک باشنده و باش-یله برر

غازی کرای بولندیغی محیط بلا ایچنده منسوب اولدیغی
خاندان جلادته مدار مفخرت اوله جق درجه لرذ، مردانه
طورانمش و یاننده قالان بر قاچ دلاوردن پک فداکارانه
بر چوق مساعی، معاونت کورمش ایدی . فقط شجاعت
نه قدر فوق العاده اولسه یتنه نسبتسز بر کثرته مقابل
کله بیلک محال اولدیغندن، حمزه میرزانک بر بر بنی متعاف
سوق ایتدیکی قور یجیلر جریمه به، موته باققسزین
ایتدکلری مهاجرات ایله خانزاده یه تقرب ایتدیله؛
و آلتنده کی آتی اتلاف ایله کندینی ده یره دوشوردکن
صکره وجودینه ، قوللرینه ، آیاقلرینه اوچر بشر کشی
صاریله رق ده ا عادل کرای اومیدان مصائبه یتشمدن
اول بیچاره یی اسیر ایلدیله . او جهته عادل کرایک
برادرینی تخلیص ایچون صرف ایتدیکی همت کندیسنی ده
آنک بولندیغی مخاطره یه دوشورمکن بشقه بر نتیجه
ویرمدی .

عادل کرای برادرینک خبر اسارتی اوزرینه
تهورینی بر یأس و غیظه تحویل ایله ، باری عسکرینک
بقیه سنی اولسون هلاک و اسارتدن قورتارمق املنه
دوشدی ، اقتضا ایدن تدابیره عطف نظر ایتدیکی
صرده یاننده قالان بش آتی یوز قدر فداینک هر
جهنده دشمن فرقه لر یله محاط اولدیغنی کورنجه غلیان

میرزا سلیمان تاتارک حلات قهرمانیسیله ظفردن
مایوس اولوق درجه سنه کلدیکی صره ده تجربه سز
و فقط عسکر لکجه پک بیوک بر استعداده مالک اولان
جزه میرزا اون بش پیک کشیدن مرکب بر ایران فرقه سنی
بالذات اداره سنه آلهرق تاتارک صاغ جناحنی اداره
ایتمکده و عادل کرایک صولت شیرانه و متانت
آهندلانه سیله رقابت ایلمکده بولنان غازی کرای اوزرینه
هجوم ایلدی .

غازی کرای ایله برابر اولان اوچ یوز قدر دلاور
اویله کندیلرینک یکریمی مثل اولان بر قوتک صدمه سیله
یارم ساعت ایچنده همان بتون بتون محو اولهرق
خانزاده نک اطرفنی دشمن عسکری قات قات احاطنه
ایلمشدی .

عادل کرای بو خبری آنجه همان قوه موجوده سنی
یاننه جمع ایدهرک یاره لشمش ارسلان تهوریه برادرینک
امدادینه پشتاب ایتمدی .

عادل کرایک بو حرکتی اردونک وضعیتی بتون بتون
تحویل ایدهرک اردو موقعنک جانب یساری ساقه منزلنه
کچمش اولدیغندن، جزه میرزا بو قارغشه لقدن استفاده
ایدهرک عسکرینک صاغ جناحنی تحریک ایله تاتارک هم
خط رجعتنی قطع ایلدی؛ هم صول جناحنی چویردی .

خدا پسندانه بر صبر ایله اولکی ایکی کون ایچننده
 موجودلرینک نصفندن زیاده سنی شهید و یردیلر؛ دشمندن،
 کندیلرندن ضایع اولان مقدارک بر قاچ مثل آدم تلف
 ایلدیلر. اوچنجی کونی ایکندی وقتنه قدر ایسه ایدیلان
 حرب مایوسانه ایله عجمدن بر ایکی بیک کشی دهنه
 آزمشدی؛ فقط تاتارک یگوننی بیک کشی نه تنزل ایتدکن
 بشقه آنلرکده آچلقدن، صوغوقدن، بورغونلقدن اللرنی
 سلاح طوته بیلک اقتدارندن قلمشدی. چامور ایسه
 بر درجه یه کلمشدی که دشمن اوزرینه کیم آت سورمک
 ایسترسه بر ایکی آدیم کیدر کیتز حیوانی دیز قپاقلرینه
 قدر چاموره باتار؛ جاذبه زهر کزیه نیک بر قوه فوق العاده سنه
 اوغرامش کبی بولندیغی یرده طوتیلور قالیر؛ کیم پیاده
 کیتکه قالمشرسه کیتکه باشلار باشلامز کوبکننه قدر
 یره کومولور؛ رجم ایله محکوم اولمش کبی دشمنک مر میاتنه
 هدف اولور طورردی.

عادل کرای او امکانسزاق عالمنده، او مصیبت
 دورنده ینه قطعاً فتور کتورمدی. آلتنده آنلرینک بر قاچی
 اورلیدیغی، بر قاچی ده چاتلادیغی حالده روح مجرد کبی
 اوقلر، قلیچلر، حربلر، قارغیلر آره سننده طولاشه رق
 فرقه سنک هر طرفنه یتیشر؛ واقوال و افعالیه عسکرینک
 مجروحلرینه استمالت، محاربلرینه غیرت و یرر ایدی.

شهرزاده را آن چایر لاتمغه چیق— دقلری صروده
یانلرنده بولنان عسکرک اکثری عادتلری اوزره غارتکرلکه
طاغلدیفندن و عثمان پاشا عسکرینک عودتنی تاتارک
آوازه هجومندن حاصل اولمش بر دهشت نتیجه سی
قیاس ایدهرک میرزا سلیمانک دنیسه سنی کشف ایدهمدیکی
جهتله خانزاده لره ایق— اظ یوللو بر خبرویا معاونت
ایچون بر مقدار عسکر کوندرمکه لزوم کورمدیکندن،
ایرانک قوه کایه سی محمود آبادده یالکز درت بیسک قدر
تاتاره تصادف ایلدی .

عادل کرای الک بیوک مزیتی الک چاره سزک
زمانلرنده کوسترمک شانندن اولان اعاضمدن بولنق
جهت— یله ناموس حیتمی محافظه ایچون موتی اختیار
ایتمکدن چکنمندی؛ ابراز ایلدیکی مثال حیتمله سکینت
فداکارانه سی — الک بیوک تدبیر حربلری دشمنه کثرتله
غلبه دن عبارت اولان — تاتار عسکرینه ده سرایت
ایدهرک اوقدر جزوی بر قوتله کندینک اون مثلی اولان
دشمنه قارنی پیانی اوچ کون محاربه ده دوام ایلدی .
بر طرفدن دشمن برآن آرام ویرمکسزین حربه اقدام
ایدر؛ بر طرفدن ایسه یارم ساعتده بر قاچ دقیقه فاصله
ایله کوک یوزندن غایت شدتلی، غایت برودتلی بر باران
بلا دوکیلور؛ طورردی . تاتارلر حیدرانه بر همت ،

قلعه آرقه‌سندن حرب ایتک مجبور یقنده بولمغله برابر
میدان محاربه‌ستده دشمنک بو عسکرینی ده اولکی اوج
اردوسنه بکزتمک مطالعه‌سنی خاطر دن چیقارمدی .
بو تصورک اجراسنی ایسه تاتار عسکر یله اردوسنی
بر درجه‌به قدر تکثیر ایتکه متوقف کوردیکندن،
عادل کرایه همان کلوب شماخی‌یه یقشمسی ایچون یازدیغی
شقی‌یی بر چاوشه تودیع ایله ارسال ایلدی . حیفا که
چاوش یولی غائب ایدهرک دشمنه اسیر اولمش ایدی .
میرزا سلیمان عثمان پاشانک مکتوبندن ترتیباتی اوکره‌نجه
تاتارک بشقه بر واسطه ایله خبر آله‌رق امداده شتاب ایله
ایران اردوسنی ایکی آتش آره‌سنه دوشوره بتلمسی
مطالعه‌سیله فوق الغایه تلاش ایدهرک شماخی‌یه ورودینک
اوجنجی کونی محاصره‌یی رفع ایله برابر عثمان پاشا
اردوسنی اغفال ایچون حرکتنی ایران اوزرینه رجعت
صورتنده کوسترمشیدی . بو دسیسه ایله شماخینک افق
مرئیسندن سالماً آیریلنجه همان محمود آباد اوزرینه تحویل
عمان ایلدی .

ارش خان محاربه‌سندن صکره تاتار عسکرینک جزؤ
اعظمی سعادت کرای و مبارک کرای ایله قریمه عودت
ایلمش؛ و عادل کرای ایله غازی کرای سردارک یاننده
طوبی اون بش بیک عسکر ایله قالمشیدی .

میرزاک و التدهسی اولان شهریار دخی ظاهرده
اوغاندن آیرلامق، حقیقتده پای تخت کبی اردویده
کندی نفوذینه محکم ایتک عزمیله سوق اولتان عسکره
التحاق ایلدی .

شهریارک بو حرکتنه صحیحاً ک زیاده مروج اولان
پریخان اوله رق مقصدی ده سلطنت معنویه سنی —
تجارب کلیه سی قوتیله — کندی درایت فوق العاده سنه
بیانغی رقابت ایده یله جک اوله بر ذهن وقادک مداخله سندن
قورتارمق ایدی .

بیچاره محمد خدا بنده ایسه شهریارک النده عادتاً
اسیر حکمنده اولدیغندن، یاننده بولنیمه جق اولدقدن
صکره اردویه دکل هر نزمه کیتک ایستسه جاتنه منت
یلیردی .

عموم اردوی همایون سرداری لالا مصطفی پاشا
حالا مشتاسندن چیقماش ایدی که میرزا سلیمان قرق
بیک کشیک بر مکمل ایران اردوسیه شروان قطعده سنه
کچهرک شماخی بی محاصره یه قیام ایلدی . او ائنده ایسه
تاتار عسکری آت چایرلاتمق ایچون محمود آباد دینیلان
صحرا یه چیقمش اولدیغندن، عثمان پاشا قوه کلیه یه
قارشی یاننده قالان اون بیک قدر عسکره ایستر ایسته من

اوچیده کندی نظرنده برر نعمت ایدی؛ چونکه هر بری
فکرینه، مشربنه، آرزوسنه تمامیه موفق اولدیغندن
سوهرك اجرا ایدردی.

عثمانلی عسکری بویله برسنه ایچنده ایرانک اوچ بیوک
اردوسنی محو ایدهرک کر جستان و شروان کبی هر بری
بر پادشاهلق عد اولنان ایکی ملکی ضبط ایتدکن بشقه
قره باغ و مغانه قدر سلطنت سنیه نک دبدبه سطوتنی
ایصال ایلینجه ایران ارباب حکومتی سلطان سلیم
وسلطان سلیمانک ارتحالریله دولت علیه نک قوتی نه قدر
نقصان بولمش اولسه ینه ایرانی آز بره متله محو ایتکه
کافی اولدیغنی وهله آچیلان حربک مبادی مصلحتده
تخمین ایلدکری کبی او یله سرحد امراسیله اداره سی
قابل اوله جق اموردن اولدیغنی پک قولای درک ایلدیله .
بناء علیه ویردکری قرار اوزرینه اوزمانلر شاهک
وزارتنده بولنان میرزا سلیمان که اصحاب سیف و قلمدن
جری ومدقق برداهیه ایدی؛ کلی برتدارک ايله شروان
اوزرینه حرکت ایلدی. عسکره مدارانضباط، عثمانلیله
مورث دهشت اولق مطالعه سیله حزه میرزایی ده اردوایله
برابر استصحاب ایلشدی.

غناى قلب و مشرب عرفان حکمنجه نظرندۀ نائل اولديغى
عواطفك جله سنه مرجح ايدى .
يوقار يده ده بر بنده بيان اولنديغى وجهله حزن
دائى يه مبتلا وسوداوى برخياله مستغرق اولان عادل
كراى ايله فكري خياله غالب واحوال عالمه دائما كونج
طرفدن باققله مجبول اولان جزمينك مزاجلرنده ظاهرده
برمغايرت و بلکه ضدیت کورینوردی؛ فقط ايکيسنك ده
خصائص عاليه سندن اولان قوه عرفان و ميل معالى
الفتلينه - اختلافات صدادن حاصل اولان آهنگ
موسيقى كى - بشقه بر لطافت ، بشقه بر روحانيت
و پردى .

جزمى عادل كرايك حالنده طبيعتك او حزن علوى سنى
تماشا ايله غروب سیر ايدر كى وجداننده بر طاقم
غريب غريب تأثرلر حاصل ايدردى؛ عادل كراى جزمى يى
سويلدیر، لقرديلرندن قلبك انشراح روحانى سنى تحظرله
بلبل سى دینکر كى فکرنده حزين حزين بر طاقم شوقلر
پیدا ايدردى .

عادل كرايك شماخى يه ورودندن برى جزمى ايچون
عثمان پاشا طرفدن آلدیغى او امرى اجرا ايتك وعائشه يه
درس او قوتقدن عبارت اولان مشاغله بزده عادل
كرايه نديمك خدمتى منضم اولدى؛ خدمت دكل ايشلرك

یو فتح جلیلی متعاقب عادل کرای دشمنک تعقیبنه قیام
ایدهرک و موقعک حالی بیلدیکی جهته قلاغوزلق ایتک
ایچون جزمی بی ده معینه آهرق (ارش) نهرینی کنار
ایلدی .

ایرانک بقیه سیوفیله خانلرک خزینه و حرم و سایر
اشیاسی او جوارده بریده بولندیغنی خبر آدیله؛ و بر
هجومده درت بیک قدر ایرانلی تپه لیه رک خانلرک
حرم لرینی ، جاری لرینی اسیر ایتکله برابر ارش خانک
خزینه سنی و عموم عسکرک ایکی بیک دوه یوکی آغر لغنی
ضبط ایلدیله .

جزمینک کرک بو ملحه کبراده کوستردیکی غیرت
کرک — سرداره خبر کتیرمکدن عبارت اولان —
مأموریتنک فوقنه چیقارق عادل کرایک دعوتنه یتشمکده
ایراز ایلدیکی فطانت عثمان پاشا نزدنده اعتبارینی برقات
دها تزید ایتکله علوفه سنه دفعه اوچیوز اچجه ضم
ایلدکدن بشقه برچلنک، برده خلعتله قدرینی اعلا ایتدی؛
و غیرتدن اولدیردیکی شاه بکندی یه بدل ارش خانک
اغتنام اولنان حیوانلرندن ضایت قیافتلی، کومش برون،
دمیری قیری بر نجدی احسان ایلدی .

جزمی ایسه وقعه ده فطانت و شجاعتی سایه سینده
عادل کرایک توجه و محرمیتنی قزانمشدی که بو مظهریت

جزمی چادره کیرر کیرمز همان اتک او بمک کبی
تشریفاته بیله باققبیزین عادل کرایه « شهزادهم !
نیچون بوراده آرام بیوررسکز ؟ شو تهنک آرقه سنده
پادشاه عسکری قانلر ایچنده یوزیور؛ اون بیک کشی یز،
اطرافزی یکر می بش بیک عجم صاردی . « دیمکله عادل
کرای « طوب و تفنک صداسی ایشیدیلور ! عثمانلیلر
بویله می غوغا ایدر ؟ » سوؤالی ایراد ایلدی . جزمی
« افندم ! اوچ کوندر اوغراشیورز؛ ایکی ساعت اول
یاقه یاقه یه کلدک؛ طوپه، تفکه میدان قالدی . « جوابی
ویرنجه عادل کرای همان کندی یاننده بولنان فرقه ایله
امداده شتاب ایدرک تاتارلر طولی دیزکین برچاریک ایچنده
معرکیه واصل اولدیلر؛ وایاقلرینک توزیله استعمال
سلاحه باشلادیلر . شهزاده عسکرک کری ده قالان
فرقه لرینی ده مخصوص امر لاله دعوت ایلشدی . بربرینی
متعاقب آنلرک ده برازی یئتشدی . آره دن بر ساعت کچر
کچمز تاتارلرک ورودیلر برقات ده قوت بولان عثمانلی
عسکری ایران اردوسنی بتون بتون محو ایلدی . بو محاربه ده
عجملردن بر اون بیک قدر آدم تلف و براوقدرده اسیر
ایدلش؛ و خانلرک اکثری ده یامقتول و یا گرفتار ایدلشدی .
بوندن بشقه دشمن اردوسنده نه قدر اشیا وار ایسه
کافه سی ده اغتنام ایلدی .

بر بردن آیرلسنه و ایرتسی کون ایچون دها بشقه درلو
بر طاقم ترتیبات ایله اوغراشلسنه منحصر قالمشدی .

ناکھان عثمان پاشانک آسئناد ایتدیکی تپه نك
آرقه سندن اوزاقدن اوزاغه آت ، سلاح شاقردیلری
ایشیدلمکه باشلادی . سردار همان نه اولدیغنی تحقیق
ایچون جزمی معیتله بر او فاجق سهواری فرقه سی سوق
ایلدی . جزمی تپه په چیقنجه کوردی که غلبه لك بر عسکر ،
یکرمی دقیقه لق بر منزله قدر گلش آرام ایدیور .

کلان عسکر عادل کرای معیتله قریم خانی محمد
کرایک سوق ایتدیکی قرق بیك قدر تاتارک مقده سی
ایدی ؛ عادل کرایک برادری مشهور غازی کرای ودیگر
برادری اولان و صکره لری اگری ملحه کبراسنده
پك بیوک خدمت لری کوریلان سعادت کرای ایله خانک
اوغلی مبارک کرای دخی بواردوده برابر ایدیلر .

جزمی اردونک وضعندن وعسکرک خیال میسال
اطوارندن کلانلرک تاتار اولدیغنه حکم ایدنجه بو اعانه
غیبیه یی تبشیر ایچون یاننده کیلردن بر ایکی سنی عثمان
پاشایه کوندردی ؛ کندسی ده بر قاچ کشی ایله کورینان
اردو موقعنه آت قالدیردی . محل مقصوده واصل
اولنجه تاتارلر ارقه سنده کی البسه دن عثمانلی اولدیغنی
اکلادیلر ؛ حرمت مخصوصه ایله عادل کرایک حضورینه
کتوردیلر .

کندینی هلاک ایتشیدی . جزمینک مدافعه شیرانه سنی
کورن سلاح آرقداشلیری و خصوصیه عثمان پاشانک
دائرة سی خلیتی امداد ایچون آت قالدیردیلر ؛ وایکی اوچ
دقیقه ایچنده آغاجک یاتنه یتیشه رک جزمی بی ده بر حیوانه
بندیردیلر . آنلرک بوصولاتی عجملرک ده مقابله شه ستابنی
دعوت ایتدیکندن ، آلایلر بر برینک امدادینه کیده کیده
ایکی اردونک برنجی صف حربلری تمامیه یکدیگریته
قاریشدی . احتیاطلرده سلاح آرقداشلیری نی تأیید ایچون
یرلندن او ینادی ؛ طرفیندن طوب و تفنک صداسی
کسلدی ؛ ایکی عسکر مزراق مزراقه ، قلیج قلیجه ،
خنجر خنجره ، حتی بوغاز بوغازه اوغراشمغه باشلادی .
ایرانلیلرک مقصدی بزم اردونک آرقه سنی آلق و یا تعبیر
معروفیه خط رجعتنی کسمک ایدی . فقط عثمان پاشا
اوله برتبه استناد ایتشیدی که موقعی حکمنجه عثمانلی
عسکرینک سلاحنندن قورتیله رق اوراسنی ضبط ایده بیلک
اون بش یکرمی بیک کشی فدا ایتکه محتاج ایدی .
کشا کش اوچ درت ساعتلر امتداد ایلدیکی حالده
واقعا بزم طرفده برانهمام اماره سی کورنمدی ایسه ده
دشمنک کثرتنه نظراً بر غلبه حصولی ده مأمول
اولنمزدی .

سردارک امید یی نه اقشام اولوب ده ایکی طرفک

جزمی بر بر اوزرینه ایکی کون فوق العاده
 یورولمش اولان کجیلانی اوچنجی کون چادرینک
 اوکنده براقهرق چیلدیر غوغاسنده اغتنام ایتدیکی
 « شاه بکندی » یه بتمشدی ؛ طرفیندن مبارزه لرك
 شدت بولدیغی صره ده اوزرینه هجوم ایدن ایکی
 عجمی تهلدکدن صکره برینی ده اوکنده قاتمش،
 واوکندن فرار ایدن دشمنی ایسه کندینی مزراقله
 صول اوزندن یاره لیدیکدن انتقام آلمغه پک زیاده
 انه ماک کوسترمشدی. نه فائده سی وار که — « شاه بکندی »
 قوغدیغی دشمنه ایریشه جک قدر سریع دکل ایدی .
 کندیبی عجم لرك اوق منزلنه قدر یاقلاشدیغی حالده
 خصمی آیلره التماق ایلدی . جزمی کمال تهورندن
 همان آندن آشاغی آتله رق و « سن ده صاحب لرك کبی
 قالتبان ایمشک جهنم اول ! » دهرک حیوانی برطبانجه ده
 هلاک ایتدی، کندیبی یایانجه اردویه طوغری عودته
 باشلادی . بو حالی کورن عجم سواریلری جزمی بی اسیر
 ایتک امیدینه دوشدیلر، بر برینی متعاقب اوچی بشی
 بردن اوزرینه هجوم ایلدیلر . جزمی ده آرقه سنی
 راغاجه طیادی، قلیچینه مدافعه یه قیام ایلدی . حتی
 یانته اک زیاده تقرب ایدن دشمنک برضربه ده غارغبسنی
 کسمش، ایکنجی ضربه ده آتی، اوچنجی ضربه ده ده

اقتساملری طبل آسایش چالنیر وایکی عسکر بربرندن
آیریلدی . غوغانک حالی ینه یکرنگ اوله رق یا لکز بودغه
هجوم ایرانلیلرده، مدافعه عثمانلیلرده ایدی . عثمان
پاشا ینه بر معتاد تعبیهده اولان مهارتیه دشمنک کثرتی
تأثیرسز براقیر، عسکر کوستردکلی عبرت قهرمان
پسندانه ایله هر محاربهده احراز ایده کلدکلی شان
حیثه بر رونق دیگر دهها علاوه ایلر ایدی . جزمی
ایسه، پاشانک شمیدیکی یاورلر کبی اوتیه بری یه
خبر جیلکی خدمتنده بولنه رق ضابطاناه اوامرنی تبلیغ
ایتدکن بشقه لزوم کوردکجه طوپلایه نیلیدیکی اوافق
تفک فدایی فرقهلری ایله دشمن آلایرنی استقباله
چالیشیردی .

رمضانک (۱۱) جی و حربک (۳) جی کونی ایسه
عجملر یاموت و یا غلبه عزم قطعیسیه مهاجهلرینی
بردرجهلرده تشدید ایتدیلر که عثمانلی عسکرینی برقاچ
کره یرندن قو پاردیلر؛ فقط آلدقلری مواعی — عثمان
پاشانک همت و مهارتی قوتیه — بردرلو الده طوتغسه
مقتدر اوله مدیلر . عسکرمن طاغ پارچهلرینه تصادف
ایتمش امواجه بکزردی؛ دشمنله چارپشدقجه کری چکپلیر،
فقط کری چکلدکجه بردها طوپلایه رق ینه اسکی موقعنه
کلیردی .

ایله امام قلی اول امرده عسکرک اون بشیک کشیدن عبارت بفرقه سیله ارش قلعه سی اوزرینه دوشدیلر؛ بکله یکی اولان قیطاس پاشا یاننده بولنان بیک قدر عسکرله ایران فرقه سنه مقابله دن چکنمندی . او مجاهد عالی همت ده فدارکارلرده درویش پاشا مرتبه سنی احراز ایدن حمیت پروردن ایدی؛ فقط درویش پاشا قدر مهارت جندیانه وصولت موانع براندازانه یه مالک اولدقدن بشقه اکثریسی او جاقلره یکی داخل اولان عسکری ده درویش پاشانک دائره سی خلقنه هیچ قیاس قبول ایتزدی . بوجهتله خانلر اون بر ساعت امتداد ایدن بر محاربه ده پاشایی اکثر توابعیله برابر شهید ایتدیلر؛ قلعه نکه ده بعض جهت لرینی یغما ایلدکن صکره، ارش خانه ملحق اولدیلر .

بو قوه کلیه ۹۸۶ رمضانک طقوزنجی کونی شمشاخیه کله رک خانلر عثمان پاشایه میدان او قومغه باشلادیلر؛ پاشانک یاننده کی قوت طوبی اون بیک کشی ایدی . فقط بوفرقه عثمانلی عسکرینک الکجرب، الکمتاز قهرمانلرندن اوله رق کرک نفس لرینه اعتماد لری، کرک سردار لرینه امنیت لری کالنده اولدیغندن، پاشا دشمنله میدان محاربه سنه کیرشمکدن اجتناب ایتندی . او کون وایرتسی صباح دن اقشامه قدر حرب اولندی؛

بر بشفه اکلنجه اتخاذ ایتدیکنی کورد کجه سرورندن بیانی
غشی : اوله جق درجه لزه کلیر؛ وآره صره بونلرک صحبتلرینه
« ان شالله بیوسون ده سزه ویرهیم ! » کبی لطیفه جکلرده
قارشدی زردی .

عثمان پاشا . او صورتله شماخی بهیرلشهرک اوراری
سلطنت سنیه نك قطعياً رایت استیلاسی آلتنده طومغه
عزم ایتمش و حتی صفوللینک توران ایله بر طریق موارد
آچق فکرینه بیله بر مرکز اجرا اوله بیله جکنی تصور
ایدهرک اوزمانلر بحر شروان دینیلان و شمیلرده ایسه
مکاتب رشندیه ایچون بوندن تقریباً اوتوز سنه اول
لیطوغرافیا ایله باصیلان خریداره یاسنکلرک و یا
عنوانلری نسخ معانی قرینه سیله ویرلش اولسنه حکم
ایدلک ممکن اولان ناسنکلرک علاوه ایتدیکی بر نقطه جق
سایه سننده بحر (خرز) نامنی الان بحر خزرده بر دو تئما
تدارکنه بیله تشبث ایشیدی؛ فقط پاشانک بو عزم و تشبثیه
حاکم قدیمی اولان ارش خان شروان ملکندن قطع
امید ایتدی . تبریز خاکی امیرخان و کنجه و بردع
حاکمی امام قلی خانلده خبرلشهرک و باشنه بریکرمی بشبیک دن
زیاده عسکر جمع ایدهرک اردونک ارضرومه عودتندن
صکره ارش نهرندن پری طرفه تجاوز ایلدی . امیرخان

انتساب مخصوصی جهتیه کندینی ، اقرباسنی ، احبابنی
اردولق عالمرنده وقوعی ضروری حکمنده بولسان
تعرضلردن صیانت ایدر ؛ و ثروتی قوتیه مهنمان اولدیغی
خانهده بیاغی میربانلق ایلر ایدی .

پرتوده جزمینک ، کندینی قورتارمق ایچون حیاتی
ایکی دفعه مخاطرهیه آتمش اولدیغندن و آندن صکره دخی
پک چوق احساننی کورمش بولندیغندن ، حقنده اولان
معاملهسی بیاغی پرستش کارانه دینیهلجک درجهلرده
ایدی .

جزمینک عایشهیه التفاتی خانه خلقنک جلهسندن
زیاده اولهرق بو حال ایسه میرزا عمر نظرنده جزمینک
پرتوی تخلص ایتسندن دها بیوک بر نعمت حکمنده
ایدی ، چونکه طبیعتلرنده اولان مغایرت جهتیه اختیار ،
پرتوی پک سومز ، و فقط عایشهیه مزاجنک ملکیت
درجهلرنده اولسنه بناء چیلدیررجهسنه محبت ایدردی .

میرزا عمر جزمینک چوجوغه توجه ابراز ایلدیکنی
و خصوصیه عایشه او یاشه کلنجهیه قدر قرآن کریم و علم
حال او قومش و استعدادی قوتیه کوردیکی یازی بی
سوککه باشلامش اولدیغندن و جزمینک شماخیده
آره صرة عثمان پاشا دأرهسنه کیتکدن بشقه بر ایشی
اولدیغندن ، چوجوغنک تحصیننی ایلریلمکی کندیسنه

وجودنده تناسبدن اثر بر اقامش بز چرکین شی ایسه ده
پدری اولان میرزا عمر الا کوزلی ، آل یناقلی ، قیر صقاللی
متناسب الاعضا ، قلبنک صفوتی چهره سنه عکس ایتش
کبی کورینور ، بر مبارک اختیار . همشیره سی عایشه ایسه
دستگاه قدرته نمونه جمال اولق ایچون یاپیش ؛ تحریرلی
مائی کوزلی ، اوزرینه یالسدیز سرپیش کبی پارلاق صاری
صاچلی ، صار یلغیله برابر غایت کور قاشلی ، آغزی ،
برونی اوفاق ، وجودینک هر طرفی بر برینه یاقشمش
ملک کبی بر چوجوق ایدی . فقط دها اون ایکی یاشنده
اوله رق وجودی ده ضعیف اولدیغندن ، استعداد حسنی
بر باقشده نظرله چار په جق قدر انبساط ایلامشدی .
میرزا عمر فقیر اولدیغی جهته حریمی ممکن ییشیر ،
خانه سنک ایشنی ده اوغلیله قزی کورردی . بو صورتله
قز ، هر اقسام جزمینک یاننده بولنور ، جزمی ایسه شوخ
مشر بلکنه بناء چوجوقله پک چوق لطیفه لر ایدزدی .
عایشه نک ذکاسی ده کوزلا کبی درجه سنده اولدیغی ایچون
جزمینک لطیفه لرینه ایتدیکی معصومانه مقابله لرله مجلسه
رونقلر ویرر ایدی . بر جالده که بش اون کونک ایچنده
جزمی ایله چوجوق بر برینه نسبت ایجابدن معدود اولدیله
میرزا عمر ایچون جزمی بر احسان الهی قییلندن
ایدی ، پرتوک حیاتی قورتاردقندن بشفه عثمان یاشایه اولان

مروتمندانه ایکی بیک قدر بیچاره نك جلاد لندن خلاصنه
سبب اولمشدی .

عثمان پاشانك مائر جلادتندن چیلدیر محار بهسی
کرجستانك مقدمه استیلاسی اولدیغی کبی قفق حربی ده
بتون شروان ملکینك عثمانلی تصرفنه کچمسنی انتاج
ایلدیکندن ، کندیسسی وزارت پایهسی وسردارلق عنوانیه
شروان والیلکنه تعیین اولمشدی . سردار لاله مصطفی
پاشا ارضروم مشتاسنه عودت ایلدکن صکره ، عثمان
پاشایاننده قالان اون بیک قدر عسکره شروانك قلعه لرینی
تعمیر وملکنی تحریر ایله آسایشنی تأمین ایتدکن و (ارش)
اوزرندن ایران ملکینه کچهرک (قره باغ) و (مغان)
طرفلرینی غارت ایلدکن صکره ، شماخی پی کرسی ولایت
اتخاذیه اوراده اقامت ایلمشدی .

وقتاکه عثمان پاشا اردوسی شماخیه واصل اوله رق
امرا و معتبران عسکر بزر خانیه یرلشیدیلر ، پرتوده
سبب نجاتی اولان جزمی پی چاره سز کندی اوینه مسافر
آلمشدی .

پرتو صولوق صاری بکزلی ، چینی مائی کوزلی ،
آز چپچک بوزوغی ، برونک اوجی آشاغی ، آغزینک
ایکی طرفی یوقاری طوغری میل ایله اوق و یای شکلی
باغلامش ، بوینونک قیصه لغی ، کیکلرینک قالینلغی ده

پرتوك اوزرنده شروان البسه سي كورمك مسئله سندن
عبارت ايدى كه يوقاريكى تفصيلاتندن ده آكلانشيلديغى
اوزره جزمى نهره آتليديغى زمان حريفك قوللزيه باشك
بر پارچه سندن بشقه بريرنى كورمامش و بناء عليه بالطبع
جنسيتنى ، مليتى فرق ايتامش ايدى .

عثمان پاشا بو ايضاحات اوزرينه پرتوك اعدا مندن
صرف نظر ايتكاه جزمينك فداكارلغى پاشارك
نه درجه تقديرينى جلب ايلدى ايسه ، فداكارلغك انتاج
ايلديكى موفقيتيله او مرتبه لرده غيظه لرينى دعوت
ايلدى . بناء عليه اچلرندن حلب بكر بكي محمد پاشا
شريك اجر اولق اچون سوزه كير بشه رك « سائر اسيرلر
آره سنده سنى بولمق احتمالى وارد ، خصوصيله
سنى اولميانلرك كافة عصيانده شريك اولدقلى ثابت
دكلدر ، « العفو ذكوة الظفر » حكيم جليئنه تبعيت
بيورلمش اولسه مناسب اولور . « ديدى . عثمان پاشاده ،
الله جزاسنى و يرسون ، جزمى ذاتاً هم فعليله ، هم
بوراده كى سوزلزيه امر مزي اجرادن اسقاط ايلدى .
بوندن بويله كيسه يه تعرض اولمسون . « جوانبى اعطا
ايلدى .

جزمينك ابتداء و محمدر پاشانك اكمال ايلديكى وساطت

قويوبده بر جان قورتارديغم اچون بني اعدام ايتك موافق مروت ايسه آكاده قائم؛ فقط اسير اولديرمك المدن كلز، عسكرم، جلاد دكلم. «سوزلريله ختم كلام ايلدى. عثمان پاشا وقعهي ديكلكجه كوكلنده كي ميل معالي غضب وشدتنه بتون بتون غلبه ايتشيدى، فقط ضعف كوسترمامك و حيثيت اميرانه سنه خلل و يرمامك اچون هيچ طور بني ديكشديرمدى.» بر عجمي قورتارمق اچون جانكي مخاطربه آتمقده نه معنى وار ايدى؟ آنلرك بزه ايتدكلر بني بيليورميسك! «سؤاليله عتابه قيام ايلدى. جزمي ايسه ايشك او جهتنى هيچ دوشونمامش اولمق جهتيله جواب تدارك ايدهمدى. بولديغى جواب «بنده كرك قورتارديغم آدم شماخى سنيلرنندن در، كندى اسمى پرتو و فقط پدرينك نامى عمر، همشيره سنك آدى ده عايشه در. آرقه سنده شروان ائوابى كورديكلم اچون امدادينه شتاب ايتشيدم.» سوزلرندن عبارت ايدى. بو افاده سنك ا كثر يرلى حقيقته مطابق و فقط بر ايكي جهتي مغاير ايدى؛ واقعا حريفك پدرى عمر و همشيره سى عايشه اسمنده اوله رق ايكي سى ده سنى ايسه ده بر عجم جار يه سندن تولد ايتش اولان پرتو والده سنك مذهبنى اختيار ايتشيدى. فقط بو حقيقتى جزمى ده بيلزدى. ايراد ايلديكى دروغ مصلحت آميرك آكا عائد اولان جزوى

امر لره قارشى طور ييورسك ؛ پادشاهك اردوسنى
 فساده وير ييورسك ! « دىنجه خضار كرام دفعة نتيجه
 انتقال ايدرك پاشانك لساندن « قالدرك ! اولدرك ! » كى
 برامر صدورينه ميدان ويرمكسزىن بربرينى متمقاب
 تمنىيه ، شفاعته قيام ايديلر . پاشانك مزاجى اصحاب
 توسطك جلهسى غنديده معلوم اولديغندن ، نياز مندانه
 بر سوز سويلدكجه تروييح مراد اچون جزمينك برده
 خدمتى تعداد ايدرلردى . بو صورتله پاشايه برار سكوت
 كلهرك « بو دفعه لى سزه باغشلادم ؛ اسيرلك اعدامنده
 آنى مأمور ايتدم ؛ كيتسون وظيفه سنى اجرا ايلسون ! »
 ديمش ايسه ده جزمينك علو جنابى حياتچون اولسون
 بشقه سنه منتدار اولغى قبول ايتديكندن و اداره
 كلامده اولان اقتدارينه ايسه خيلدن خيلى اعتمادى
 اولديغندن ، هر كسك سكوتندن استفاده ايله سوزه
 باشلادى ؛ شركاى معرفتندن اولان نوعى زاده نك

تأيدن ايمه صاقين اجتناب

امور سياسته قيله شتاب ،

كه بر دمده بر خونه واردر مجال ،

ولى مرده يى زنده يتك مجال .

ييتلرني مقدمه ايدرك حريفى صودن نه صورتله
 قورتارديغنى غايت مؤثرانه ، غايت شاعرانه بر ادا
 ايله تفصيل ايلدكن صكره « خيالى مخاطره يه

اوقدر مدھش ، التزام ایلدیکی سکوت او درجه غضب
آلود ایدی که مجلسنده حاضر بولسان میرمیرانلر کوز
اوجیله یوزینه باقغه بیله جسارت ایدهمدیلر چونکه
عثمان پاشاده فی الحقیقه بکیر بکیلردن اولهرق مجلسنده
حاضر بولنان پاشارک اکثری اقرانی ایدیلر؛ فقط قانون
عثمانییه پکده خلل کلامش اولمق جهتیله پاشاک
عہدهسنده بولنان ریاست هر درلو مراتبک فوقندن
اولدقن بشقه قدر ذاتیسیده هر درلو حیثیات عارضیه
غالب ایدی .

جزمی بو صورتله صیقی صیقی آراندیغنی وخصوصیله
تخریسنه کلان آدملرک جلادلق خدمتلرنده قوللانیلان
طاقندن اولدیغنی کورنجه اوغرادیغنی مخاطره تک اهیستی
پک چابوق (چابک) تقدیر ایلدی .

مع مافیه پاشانک لطفنه اعتمادینی ینه بتون بتون
غائب ایتدی، او اعتمادی اولسهده کندیسی قورقونه
اولدیغنی بیلیر طاقندن دکل ایدی، حضور فکر و سکینت
قلبنه ذره قدر خلل کتیرمکسزین پاشانک حضورینه
عزیمت ایلدی .

عثمان پاشا جزمی پی کورنجه بر مجسم تهور کسپله رک
آغزندن علو پوسکرر کبی بر شدت، ییلدیرم پطلار کبی
بر صدا ایله «ظاهر سن جاسوسسک، که ویریلان

عثمان پاشا فی الحقیقه زمانک و زراسنه نسبت پک
منصف و حقانیت پرور بر ذات اولدیغی کبی طبعاً غیرت
و شجاعت مفتون لرندن اولدیغی ایچون او یولده ابراز
استحقاق ایدنلرک مطالب و تمنیاتی اسعافده مأمول لرندن
ایلری کیدر ایلدی .

فقط دنیا ده هرشیدن زیاده موقعنک محافظه حیثیتی
و او امرینک تنفیذ احکامی ملتزمی اولدیغندن بو مسلاک
حکومت پرورانه سنه قارشی رعایت خاطر و قبول تمنی
شانندن دکل ایلدی . خصوصیه اراده سنه مغایر حرکتده
بولنانلر نه قدر اعتمادینه مظهر ایسه سوء حرکتلرینک
پاشایه تأسیری ده او قدر شدید اولوردی . ایشته او جهتله
در که جزمینک انتسابنه مغروراً اسیرینی قورتارمقده
کوستردیکی جرأت مجرد او انتسابی ایچون حقنده بر قاچ
قات زیاده شدتی دعوت ایلدی .

عثمان پاشانک مزاجی غایت عصبی و نادراً ظهور
ایدن حدتی پک غالب اوله رق جزمینک حرکتی
و خصوصیه نتیجه سنده امرینک اجرادن ساقط اولدیغی
خبر آنچه بر خشم مجسم کسلسدی . چهره سنه بلوط
قرالیدی کبی پررنک هائل مستولی اولدی . جرمی بی
نرده ایسنه خصور یته کتیرمک ایچون بریرینی متعاقب
بر قاچ آدم ارسال ایلدی . پاشانک اختیار ایتدیکی طور

تلف ايتدکلرندن، عثمان پاشا زمانک عادات سينه سنه
اتباعاً موجود اولان اسرانيک اعدام اولمسنی امر
ايتشیدی .

جزمی بر دوستنک يانندن عودت ايتک اوزره ایدی
که قورتارديغی بد بختک اوزرينه بر قاچ کشي هجوم
ايدهرک اللرينی باغلامش و بويینی اورمق اچون يره
چو کرتمش اولدقلرينی مشاهده ایلدی .

حريف ايسه جزمی يه جان بهاسنه او طورمش
اولدقن بشقه اجلاک پنجه سندن قورتارديغی بر آدمی
جلادانه تسليم ايتک مشرب مر دانه سنه هيچ توافق ايدر
شيلردن اولمديغی اچون همان جلادله يناشهرق بچاره دن
نه استدکلرينی سؤال ایلدی . پاشا طرفندن اسيرلرک
اعدام اچون امر و يرلديکني سويله ديلر جزمی ايسه او اسير
دکلر ؛ بنم آدم در . ديهرک حريفی بيانی بر درجه يه قدر
زور ايله مأمورلرک الندن آلمدی . ايش بو درجه ده قالسه
يکده اهميتی اولمزدی ؛ فقط اوکلرنده بر مثال مروت
کورنجه امثال ايتماک . عثمانلی دلاورلرينک شانندن
اولمديغی اچون عسکر اچنده کندينه کوه نانلر جزمينک
بو جرأت عاجز پرورانه سنی کورنجه کنديارينک و بلکه
سائرلرينک اسيرلرينی قورتارمقده مرحمت ياريشنه قيام
ايتديلر . اوردوده بولنان عجملرک بيانی يوزده سکسانتی
اعدامدن خلاص ايلديلر .

اقتداری قلاماشدی . مع مافیه اویله ایصلاق ، چبلاق
بر حال ایله دیکلمکه قالقشوق اجلی دعوت ایتک قیلندن
اوله جنغی ایچون جزمی اورده دشمنک باشی بوش ترک
ایلدیکی حیوانلردن طوتهرق خسته یی آنک اوزرینه
صاردی؛ کندی ده کمال ضعف ایله آته بندی؛ اردویه
عودت ایلدی .

چادرینه واصل اولنجه همان بر حکیم جلب ایلدی
او وقتلر حکمنجه صویه دوشانلر ایچون معلوم اولان
تدابیرک جمله سنی اجرا ایتدیردی . کندسی چکدیکی
مشقتلردن و خصوصیه وجودینده کی برلردن عادتاخسته
اولدیغی حالده خدمتکار کی حریفک اطرافنده
طولاشیردی . خسته پک کوزل باقلدیغی ایچون بر قاچ
کونده اکتساب صحت ایلدی . جزمینک راحتسزلکی
ایسه سکز ساعت قدر بر اویقو ایله بتون بتون مندفع اولمش
و خسته سی اکتساب عافیت ایدنجه یه قدر وجودنده کی
برلرده صاوشمش ایدی .

جزمینک، او حریف یوزندن اوغرا دیغی مشقت
بونکله ده ختام بولدی؛ حریفک عافیتندن آنجق ایکی
کون کچمش ایدی که قنق محاربه سنده آنان و مقدارلری
پک جزوی اولان عجم اسیرلری بر کجه فراره قیام ایلدکلرندن،
و اللرینه کچیره بیلدکلری سلاخلرله اردوده بر قاچ آدمده

شاشقنلق منضم اولديغندن پك كوزل، يوزمك بلديكى
حالده بر حر كته، بر تشبده بولمغى بيله تخطر ايدهمدى .
بر قوه غالبه كندىنى اسفل سافلينه طوغرى چكر
كوتوررمش كى بر خيلى مدتلىر آشماغى اينر طورردى .
نهایت جسم جامد كى بر حر كت قسريه ايله نهر ك قعرينه
واصل اولدى . او صرهده ايسه بر يكي آفترديه بر
او يوشقنلق عارض اولغله صاغ قولى بتون بتون جزمينك
وجودندن چوزيلهرك يالكز صول الى طوتونديغى يرده
كليدلنش قالمش ايدى . جزمى بو صورتله قوللرينى
آزاده كورنجه بردن بره اميدلنهر ك و اميدينك تجديديه
عقلى باشنه ، قوتى يرينه كلهرك مقتدر اولديغى قدر
چالاشدى ؛ صو آلتنده قالمش هوا سرعتهيله نهر ك اوستنه
صعود ايلدى . بر الى جزمينك كوملكندن آيرليمان
عجمده كندىسييله برابر ايدى . چيقديغى ير ساحله پك
يقين و آغاجدن ، لاشه دن خالى اولغله جزمى ممكن اولان
اقدامى صرف ايلدى ؛ بر ايكي دقيقهده ساحله چقدى ؛
بولنده جاننى ساعتلىرجه ملك الموتك پنجه سنه تسليم
ايلديكى آفترده يي ده برابر چيقاردى .

كيم بيلير قاچ ساعتلىر دنبرى اوسيلاب مصائب
ايچنده يوارلنان حريف بتون بتون بيخود اولديغى كى
جزمينك ده كوردىكى متاعب جهتييله وجودىنى قلداتمغه

بردن احاطه ایدرک نهرک یر قاچ دقیقه ده بر کره میلی
تحویل اتمکده اولان آقندیلری بیچاره بی - کسکلرینی
قیارجه سنه - بر زاویه دن بر زاویه چار پار و بوسدمات
ایله وجودنده حاصل اولان اوجاع ایسه بتون بتون
تاب و نوانی کسر ایدی .

اوتیه بری یه چار پنذقجه ساحلده کی قیا پارچه لرینک ،
آغاچ کوکلرینک وجودینه اچدیغی یاره دن دوکیله رک
انجماده یوز طوتان و نهرک تشکیل ایتدیکی اوافق تفک
کردابله اوزرنده اکیله بوکیله بر شکل مخوف پیدا ایلیمان
قانله باقلسه وجودینک هر طرفنه قاره قاره ییلانلر یاپششمش
ظن اولنوردی .

یورغونلقدن ، جان آجیسندن بشقه اسمکده اولان
شدتلی بر روزکارک تأثیریه یارم ساعتدن زیاده صو
ایچنده بولنان وجودی بیاغی قانی طونمش ، حرارت
غریزه سندن اثر قلاماش دینله جک بر حاله کلشیدی .
بومصائبک تعددیه جزمینک آرتق اوغراشمغه هیچ
اقتداری قالمدیغی صره ده ایدی که قورتارمق ایستدیکی
آفترده نک آغرلغی غلبه ایدرک ایکیسی بردن ینه آشاغی
طوغری اینمکه باشلادیلر .

نهرک اوراده کی دریندیکی اول باتدقسلری یردن بر
قاچ قات زیاده ایدی . جزمینک قدرتسزلکنه بر ده

طوفان بلا کبی بر شدت طاقت بر اندزانه ایله خروشه باشلادی. جزمینک حالی ایکنجی فصلک ابتدا سنده تصویر اولسان یانغین خیالندن بیک قات مدهش، بیک قات خطرناک ایدی؛ معر که نک جنوب غریب سندن شرق شمالی سنه طوغری آقوب کتمکده اولان نهرک کچدیکی یرل پک زیاده عارضه لی اولدیغندن، مجرا « ییلان قاوی » بر شکلده بولنه رق بیکرمی، بیکرمی بش آدم آره لی زاویه لر، حیقندیلرله محاط ایدی .

سیلاب مصیبت خروش ایدنجه طاغلیری، صحرا لری ایچلرنده بولنان نباتات و ذوات الحیات ایله برابر یرلندن قو پارمشده سورکلر ایش کبی صویک یوزنده بیکلرجه سوکلش آغاجلر، تلف اولش حیوانلر یوزمکه باشلادی .

جزمی ذاتاً وجودینی احاطه ایش اولان بلا ی مبرمدن قورتلغه بر چاره بوله مز کن بر طرفدن سیلک سوروکلدیکی اشیا، مقاومتی ناقابل بر شدتله اوزرینه هجوم ایلدیکندن، بتون بتون نجاتدن قطع امید ایده جک بر حاله کلشدی .

بر طرفدن مغروق، شکارینه صارلمش اژدر کبی، جزمی بی تضییقی ایله ازوب طورر کن، بر طرفدن دخی کاه بر آغاجک داللری، کاه بر لاشه نک آیاقلری ایکی سنی

و تواندن قالمغه باشلامش اولان حریفی شدتله بسلکه رک
 بر طرفه آتقدن صکره آياق لرینی یره اوردی ؛ صویک
 یوزینه صعود ایلدی . ساحله وصول ایچون یوزمکله
 اوغرا شیرکن آفتزده تکرار صویک اوستنه چیقمغه باشلادی .
 بو دفعه ایسه بیچاره اقتدار حرکتدن بتون بتون بری
 کورینوردی . او حال اوزرینه جزمینک کولکنده ینه
 مرحمت غلیانه باشلادی ؛ چکدیکی بو قدر عشاق
 ومهالکک صرف بیهوده کتمسنده بر درلو قائل اولهمدی ؛
 آفتزده نك تکرار امدادینه شتاب ایلدی ؛ بایغین بر حالد
 بولنان مغروقک بلنده کی قوشاغه ال آندی .

وجودینه بر ذی روحک اعضاسی تماس ایدیویرمکله
 حریفک غشی مطلق حالنده بولنان قوه حیاتیه سی ینه
 کمال شدتله حرکتله کلدی ؛ حریف اولکنندن دهها قوتلی
 بر حال ایله جزمیه صارلدی . بر قاچ دقیقه اول مندفع
 اولان هنکامه دهها مهلک ، دهها ازاله سی ممتنع بر طرز ایله
 تجدد ایلدی .

موسم هر نه قدر یاز اورتله ری ایسه دهه جوارده کی
 جبال شاهقه نك بوزلی دهاییکی جوزلمکه باشلادیغی کبی
 هوالرده زیاده جه یاغمورلی اولدیغندن ، نهرده او کون
 حس اولنور اولنمز بر طاشقنلق وار ایدی .

شو ایکنجی مهلکه نك ظهوری صره سنده سیلار

ایکی بازوسنی کندی قولرینک ایچنه آهرق وجودینه
بر صورتده صارلدی که حرکتنه امکان براقدی .

جزمی بر طرفدن آیاقلریله یوزمکه، بر طرفدن وار
قوتیله طوتلدیغی مضیق بلادن قورتلمغه چالیشیردی .
نه فائدهسی وار که بر یکنک کافه قواسی بر یره طوپلانهرق
حفظ حیات خدمتنه مصروف اولدیغندن، اللری بر برینه
کلیدلندی؛ اعصابنک هر بری بر زنجیر کسلدی؛ جزمینک
مساعیسنی بتون بتون قالدسز براقدی .

بو حال ایله بر چاریک قدر صو یوزنده اوغراشدقن
صکره ایکیده ده طاقتدن قالدیلر؛ نهرک دینه طوغری
ایتمکه باشلادیلر .

حیاتی تخلصه چالشدیغی آدم کندی ایچون تجسم
ایتمش بر اجل قضاشکننه کیرنجه بیچاره جزمی محاربهلرده
بو قدر آتشلردن، قلیچلردن قورتولدیغی حالده اختیار
ایتدیکی بر خیر اوغرینه او کنجلیکنده هلاک اولق مطالعه.
لریله او درجه مایوس اولمشدی که قولرینه حکمی کچمک
لازم کلسه بر قاچ دقیقه اول نهرده بوغلمقن قورتارمغه
چالشدیغی آدمی کندی ایله احناق ایتمکه قیام ایتدی مقرر
ایدی .

نهایت نهرک پکده درین اولیمان قعرینه واصل
اولنجه قوتنک بقیهسنی طوپلایهرق و بتون بتون تاب

اهمال ایتماش اولق جهتیله پک کوزل یوزمک بلیر
ایدی .

آرهدن بر ایکی دقیقه یکنجه معهود اللر قرق ، اللی
آدیم اوزاقدن ینه کورنمکه باشلامش؛ و جزمی همان
یوزهرک طومغه شتاب ایلش ایسه ده مغروق کورندیکی
محل آقندی اوزرنده اولدیغندن، امداده یتشمک بر درلو
قابل اوله مدی . کوردیکی ایکی قول دیرسکلرینه قدر
میدانه چیقار چیقماز ینه باتمغه باشلادی؛ بر صورتده که
جزمی نقطه مقصوده واردیغی زمان حریف بتون بتون
غائب اولشدی .

جزمینک ایسه — ولو نتیجه سننده جان مخاطره سی
اولسون — عزمندن دونمک شانندن اولدیغیچون،
مغروق بر دهامیدانه چیقمدیغی کورنجه کندی نهره
طالادی؛ مظلومنی آرامغه باشلادی . بر قاچ نایه کچر کچمز
قولنی اله کچردی . طوتدی، حریفی صویک یوزینه
چیقاردی .

چیقاردقن صکره هر نه قدر کندینه صارلامسنی
و یالکز اتکندن طوتهرق آرقه سنندن کلسنی صیقی صیقی
تنیه ایتدی؛ و صارلدیغی صورتده ایکیسی بردن هلاک
اولاجغنی ده آکلادی ایسه ده، آفتزده جان هولیه
ایشتدیکی سوزرک معناسنی یله آکلایه رق جزمینک

قوغمق، جان چكيشان خسته يي اولديرمك انسان شاننه
ياقيشرمي ؟ « ديه بر طاقم عتابلره، تكديرزه قيام ايلدي .
كندينك ايسه عثمان پاشا نزننده هر كسجه معلوم اولان
حيثيتي حريفلك زهننده اقوالنك، اطوارينك تاثيراتنه
بر قات ده قوت ويرديكندن، خييلر اختيار ايتدكلى
بازيجه معلومونه دن فراغتله كرى چككديلر .

جزمى بو حشراتي دفع ايله چادرينه عودت ايتك
اوزره ايدى، كه ياني باشندن نهرك اچندن استمداد ايدر
يوللو ايكي ال، و آره سندن برده باش كورندى؛ باشك
جرؤ مرئيسى چكه يه قدر كلنجه او شكل هائل يته
اشاغيلادى؛ كوزدن نهان اولدى .

جزمى بو وجودك البته ذى حيات اولديغنه حكم
ايدهرك او كون ايسه وجداننده ظهور ايدن بر غريب
انقلاب ايله نظرنده بر جان قورتارمق بر دشمن اردوسنى
محو ايتكدن بيوك فضيلتلردن معدود اولديغچون، همان
ممكن اولديغى قدر صوينه رق صويه آتلى؛ كوردىكى
آفترده نك بر ده ظهورينه انتظار ايلدى .

كندى ساحلده بيومش؛ و عائله سنك سوق ايتدىكى
طريق تريبه اقتضاسنجه زور بازانه تعليملك هيچ برنده

ایچننده پریشان ایلدی؛ حتی جان قورقوسی و انہزام
شاشقینلخی ایله قیون کچیدینی ده بوله مدیلر؛ عثمانلیلرک
مر میاتندن تخلص نفس اتمک امیدله آلائی آلائی نہرہ
آیلہرق آب و آتش آره سنده افنای وجود ایلدیلر .
ایرانک بو اردوسندن آنجق یوزده بش عسکر و بعض
خانلرہ دمداراق ایچون نہرک قارشیسنده قالمش اولان
امیر خان قرقه سی نجات بوله بیلشیدی .

جزمی بو محاربه نک مبادیسندہ چلدیر وقعه سیندن
زیادہ غیرتلی طاوراندی؛ بر قاچ ایران آلائیک زده لئمنسہ
سبب مستقل اولدی . فقط دشمن اردوسندہ انہزام
کورندکن صکرہ بیاغی فتور کتیرمکہ باشلادی؛ چونکہ
تقدیر شجاعت هر دلورک شانتدن اولق جهتیلہ
جزمیدہ ایرانلیلرک او قدر مأیوسانہ او قدر فداکارانہ
ثباتی کوردکجه بیاغی اوزرلینہ وارمغه قیہمز اولشدی؛
حتی یغماکر کروهندن اک بیوک جرأتلری عاجز کشلکہ
هنحصر اولان بر طاقم اراذل دشمنک انہزامندن صکرہ
نہرک کنارینہ اینہرک امواج بلا ایچنندہ غلطان اولان
بیچارہ لک وجودندہ نشان تعلیم ایتکلہ اکلندکلرینی
کورنجه همان اوزرلینہ آت قوپاردی « ذاتاً حیاتی
ایله اوغراشان ادملردن نہ ایسترسکز؟ اجلدیندہ می
مرحتسرسکز! غزرائیل ایله می یاریشہ جقسکر؟ قاچانی

اوزرنده اولان اردولرک عمومته سردار تعیین ایلش و اوده معیتنه ویریلان مغان حاکی مراد خان و نچچوان حاکی شرف خان کبی مشاهیردن یادی سکر ذات ایله طوقاق خانه التحاق ایتش ایدی . بو اجتماع ایله یکرمی بیگ کشییه بالغ اولان ایرانلیلر قفق نهرینه منصب اولان چایلردن برینی قیون کچدی نامیله معروف بریدن گذار ایلدیلر؛ اردونک پراکنده شوراده بوراده طولاشان حیوانلرینه، خربندهلرینه تعرض ایتکه باشلادیلر .

مطفی پاشا امیر خانک مقابله سنه ینه اردونک سیف مسلول سطوقی اولان عثمان پاشایی سوق ایتش و حلب بکر بکی محمد پاشا ایله ذوالقدریه بکر بکی مصطفی پاشایی ده معیتنه تعیین ایلشیدی . بو ایکی فرقه ییننده اولان محاربه چیلدر عوغاسی کبی انقلابات متنوعه کچر مش بر وقعه دکل ایدی . حربک مبدأندن نهایتنه قدر عثمانلیلر مهاجدهده ، ایرانلیلر مدافعهده اصرار ایلدیلر؛ شو قدر وارکه بو محاربهده عثمانلیلرک مهاجماتی چیلدر عوغاسنده کی قهرمانقلرینه مساوی ، ایرانلیلرک مدافعهه مایوسانهلری ایسه او زمانکی صولتترینه بر قاچ قات غالب ایدی . بونکله برابر عثمان پاشانک مهارت فوق العاده سیله عسکرک اقدامات مردانه سی ینه عجملری سکر ساعت

جزمی ایکی کونک ایچنده احتیاجسزلق حالسندن غنای
نام عالمینه وصول بولشیدی .

بوندن بشقه عثمان پاشا جزمینک حال و قالندن ادب
و عرفانه اولان انتسابنی ده تفرس ایتمکله کندینی
سپاهیلکدن متفرقلغه نقل ایدهرک او یله هم سیغیله هم
قلمیله خدمته مقتدر و هر درلو تربیه و ترقییه مستعد
بر نادره زمانه یی بتون بتون دأرهنه ضبط ایلدی .

جزمی ده عثمان پاشا معیتنده تفیض و اشتهاره امکانی
فوق الغایه مساعد کوردیکچون مشرب لوندانه لرنده
توأم یارادلمش قدر موافقت اولان درویش پاشادان
آیرلدیغنه یک زیاده متأسف اولغله برابر انتساب جدیدندن
طولایی ده کرچکدن مقتخر ایدی .

یوقاریده بیان ایتدیگمز غلبه کرجستانده اکثر
امر انک اطاعتنی و اخسنجه دن تبریزه وارنجه همان بتون
قلعه رک ضبط و یا تسلیمی انتاج ایش و بناء علیه نوبت
تسخیر شروان قطعه سنه کلشیدی؛ سردار پاشا او نیتله
اردویی تحریک ایدهرک قنق نهرینه یقین بر مناسب موقعده
آرام ایلدی . بری طرفدن ایسه طوقاق خانک عرضی
اوزرینه شاه محمد خدابنده تبریز حاکی امیر خان حدود

نصرتنه، دولتکرتک دوامندن بشقه هیچ بر مطلبم یوقدر؛
بالفرض اولسه بیله سویلکه حیا ایدرم . بنده کز
استانبولدن بر قانسز قلیج ، بر صوغوق تفک ایله کیش
نک آتلی بر سپاهی یم؛ یالکز بر کره حربه کیردم . درویش
پاشایه آت یتشدرمک کبی اوفاجق بر خدمتله بو قدر
عناایاته مظهر اولدم، که اک کوچکی خدمتک بیک قات
فوقنده در . « سوززلیله مقابله ایلدی .

فی الحقیقه جزمینک یوقاریده تفصیل اولنان اخلاق
و آمانه کوره نظرنده پاره ، قلیج ، خنجر ، خلعت کبی
شیلرک اوقدر حکمی یوق ایدی . فقط آلدیغی چلنکر -
اگر سایه سی کیمک باشنه قونارسه بر تاج دولته نائل
ایتمکله مشهور اولان - هما کرچکدن موجود اولسه ده
آنک قنادندن یاپلق لازم کلسه ایدی؛ آنجق بو قدر
مسرتنی موجب اوله ییلردی .

معافیله مکافات بو درجه ده قالدی؛ درویش پاشا که
شجاعت رستمناه سنه بر سنحای حاتمناه علاوه ایدن
ه کارم پرورلردن ایدی؛ جزمی بی یاری موجودینی ایشار
ایدرجه سنه احساننه مستغرق ایلدی . او زمانک حسانتدن
اولدیغی اوزره سائر پاشالرده قدر آشناقلرینی جزمینک
اکمال مکافاتنده تجربه یه قیام ایتدیلر؛ بر صورتده که

درویش پاشاده عثمان پاشای کورر کورمز جزمی ماجراسنی نقل ایله حقنده نیاز مکافات ایلدی؛ عثمان پاشا بو سوزه قارشى « بن ده بو کون قوله آتلی بر سپاهی کوردم، پاشالرمز دن زیاده ایشه یارامشدى؛ ان شا الله ایکیسنه بردن مکافات ایدرز .» دینجه درویش پاشا عسکر ایچنده قوله آتلی بر آدم اوله رق کندیسنى قورتاران ده ینه او سپاهی اولدیغنى بیان ایتدیکندن، عثمان پاشا چوجوغنک ایکی صورتله مکافاتله لایق اولدیغنى بیان ایله درویش پاشا توابعنه جزمینک بولدیله رق کندى یانه کوندرلمسنى تنبیه ایتدکن صکره چادرینه عودت ایلدی .

وقتا که جزمی بی بولوب یانه کوتوردیلر؛ پاشا همان یرندن قیام ایدهرک و او یله تک آتلی بر سپاهی بی « کل اوغلم!» خطابله قوجاقلایه رق تلطیفاته مستغرق ایلدی؛ باشنه ایله ایکی چلنک طاقدی؛ (۴) آرقه سنه بر کوزل خلعت کیدردى؛ کندیسنه بش یوز آتون، بر آتون قبضه قلیج، بر زمردلی خنجر احسان ایلدی . پاشا بونلره قناعت ایدهمیه رک دهها بر مطلبی اولوب اولدیغنى سؤال ایدنجه جزمی « پادشاهمیزک

(۴) او زمانلرجه اصحاب سیف ایچون نشان افتخار ایدی .

یپارجه سینه دشمنك هر تحشد كاهنده بارقه اظهار ایدردی،
صره سی دوشد كچه آت، سلاح قوللانمقده او یله خارقه لر
كوستردی، كه عثمان پاشا كبی كافه حواسی مشاغل حربه
وقف اولق شانندن اولان جدیات پرور بر عسكری ییله
وقت وقت بیاغی ترتیباتی اونوتدیره حق قدر اطوار جنیدیا -
نه سنی تماشایه مجبور ایدردی .

غروب زمانلرینه یقین ایکی عسکر صوك دفعه اولق
اوزره ینه تمامیله بر برینه قاریشهرق عثمانلیلرك رنكا رنك
باراقلری عجملرك ظلام تحشیدی ایچنده متعدد قوس قزح لر
پیدا اولمش كبی برشكل غریب حاصل ایتشیدی . ایرانلیلر
هوا بتون بتون قرارنجه یه قدر ایستر ایسته مز موقعلرنده
ثبات ایدرك نهایت قراكلقدن استفاده ایله محاربه میداننده
بش یك بو قدر مقتول و بر او قدر ده اشیر بر اقدقدن (*)
وچادرلرینی، قطارلرینی و سار هر درلو مهمات حریه لرینی
عثمانلیلرك دست اغتنامه ترك ایلدكدن صكره، مقتدر اوله -
یلدكلی قدر اوزاغه فرار ایله اردولرینك بقیه سنی بتون
بتون اضمحلالدن قورتاردیلر .

عثمان پاشا میدان محاربه دن عودت ایدنجه اولکی
ایشی درویش پاشانك خاطرینی سـؤـاله عزیمت اولدی .

تعدد ایدرجه سنه برسرعته هر مخاطره محلنه یتیشه رڪ
جبر مافات ایدردی، هر فرصت غالبتک موقع ظهورنده
بولنه رق تمامیه اغتنامه موفق اولوردی .

درویش پاشا اویله کندندن قدملی، کندندن اقتدارلی
برذاتک میدان حربه ورودی اوزینه یاره سنه باقدیرمق
ایچون برچادره چکلدی مع مافیه حربک او فصلنده ده ینه
دشمنک هجومنه قارشی مقاومت، مقاومتنه قارشی هجومده
عثمانلی عسکرینک ممتازی درویش پاشا فرقه سنک بقیه سی
واو بقیه نك اك ممتازی ده جزمی ایدی .

ایکی عسکر بتون بتون یکدیگر ینه قارشیدی صره ده
جزمی صول بجاغندن برقارغی یاره سی آلمش و آنک ده وجعنه
آلشمش اولدیغندن، حربی هیچ مهمسه مامکه باشلامش، وهله
درویش پاشایی قورتارمغه موفق اولسندن طولایی غوغایی
بیاغی جرید اوینامقدن قولای کوره جک قدر نفسنه،
طالعنه اعتماد حاصل ایلشدی .

بناء علیه درویش پاشا چادره چکلنجه جزمی همان
غنیمت جسارتی اولان شاه بکندی پی آتی اورلمش برچادر
اوشاغنه امانت ایدرک، کندنی کخیلانته بندی، میدانه
آتلدی . و ابراز ایلدیکی نجات و مهارته بز مکیلی دکل
دشمن طاقنک بیله اصحاب شجاعتنی تحسین خوان ایلدی .
النده کی سیف حیت بلوطده کی یلدرملره نظیره

پاشاده دشمنه او طمله لاله یاریشیرجه سنه قورشون یاغدیرمهغه
باشلادی .

عثمانلیلرک آتشی بر یارم ساعت دوام ایتمش اولسه عجم
اردوسنک بتون بتون مضمحل اولسی مقرر ایدی، نه فائده که
او وقتک سلاحی صودن محافظه اولنور شیلردن اولدیغی
ایچون یاغورک شدتله اون اون ایکی دقیقه ایچنده طوپلر، تفکر
بتون بتون استعمالدن قالمش وینه ایش قلیجه طیاتمیش ایدی .
عجم عسکری ایسه درویش پاشا وحتی مؤخرأ امدادلر -
ینه کلان بهرام پاشا وموتاب زاده احمد پاشا فرقه لر ینک
مجموعندن یوزده یتیم نسبتنده زاندا اولدیغی ایچون - اوزمانلر
حکمنجه حسن استعمالی عثمانلیلرک مخصوصاتندن اولان -
آتشی سلاح معطل اولنجه کثرتلرینه کوندیلر، قلیچمره
مقاومت ایده بیلک امیدینه دوشدیار، اردومزله کوکس
کوکسه کلکدن چکندیلر .

عثمان پاشا درویش پاشایه بکره مزدی، درویش پاشا انسان
قیافتنده غضنفر ایسه عثمان پاشا غضنفر صولتنده برانسان
اوله رق ترتیبات حریبه جه زماننده کی اصحاب سیفک عمومه
فائق ایدی، او جهته له ایش قلیجه دوشدیکی صروده دخی
تعبیله ابراز ایتدیکی مهارت فوق العاده دشمنک کثرتی
حکمدن اسقاط ایلدی .

اوکلهدن غروبه قدر امتداد ایدن محاربه ده عثمان پاشا

بکنندی به (*) سواراوردی، و او مجاهدلرک آره سنه قارشدی .
او بر آوج اصحاب نجدت، رنگ آمیز البسه لرینه دو کلمش
قان لکهلر یله اومیدان حیته نشانه ظفر اوله رق دیکلمش
بر سماکی عمود کبی مرکز زنده ثابت اولدیلر .
آره دن براز وقت کپر کپمز دشمن عسکرینک آرقه سنده
هوادن برسیمه دومان پیدا اولدی، بر طرفی یرده سورینه -
رک کمال سرعتله بزه قارشی کلکه، و بزم عسکرک آرقه سنده
بر قزل توز قالدی، اوجی کوکلره صاریله رق نهایت شدتله
دشمنه قارشی یوریمکه باشلادی، بر حالده که توزک، دومانک
دهشتنه باقلسه یرلر، کوکلر بر برینک اوزرینه ییغیلیور ظن
اولنوردی .

دشمن طرفندن کورینان دومان فورته لی بر یاغمر
بلوطی، بزم طرفدن قالقان توزده سردار پاشانک درویش
پاشا امدادینه کوندردیکی اوز تیموراوغلی عثمان پاشا فرقه سی
ایلدی .

بری ایکی طرف ایچونده بر قضای آسمانی دیکری یالکز
ایرانلیله قارشی بر بلای نا کھانی اولان توزلر، دومانلر
بر برینی متعاقب مهرکبه یتشدی، بلوط حامل اولدیغی
یاغمر طهلرینی اردولرک اوزرینه صاچغه، عثمان

(*) ششاه بکنندی بر جنس آدرکه ایرانده چیقان فرس انواعنک
جمله سندن مقبولدر .

دیزکینی بویینه آندی، باشنی دشمن اوزرینه چوریدی،
«کسکین اوزنکی» پاشانک بولندیغی طرفه هجوم ایلدی.
دائرة طاقمدن یاننده اولانلرده مسلاک غیرته جزمی یه
مراققتدن چکنمدیلر، بلکه ولی نعمتلرینک خلاصنه
آندن زیاده اقدام ایتدیلر، آنجق جزمینک کخیلانی روزکار
ایله مسابقه ایده جک برسرعتنه مالک اولدیغندن، پاشانک
اطرافنی احاطه ایدن دشمن عسکرینه هرکسندن اول
اویتشدی، وبربرینی متعاقب برقاچ عجم تلف ایده رک
سلاح قوتیه آچدیغی شراه جلا دندن ملک مؤکل کبی
مجروحک یانسه ورود ایلدی، همان یره ایندی، پاشایی
کندی آتته سوار ایلدی. تعظیماً و بلکه ادبه رعایتدن
زیاده حرمت ذاتیه سنک الجاسنه اتباعاً اوزنکینسی اویدیکی
صرده ایدی که سلاح آرقداشلیری ده بربرینی متعاقب
یانلرینه واصل اولدیلر.

بوفرقة ناجیه اقدامات متوالیه ایله ینه دشمن
مهاجرینی اطرافدن دفع ایتکه باشلامشدی، حیوانی
پاشایه تقدیم ایلدیکی جهتله پیاده قلان جزمی ده قرن
اول مشاهیر غزاتندن (عمرو بن معدی کرب) ک قادیسه
ملحمه کبراسنده ابراز ایلدیکی زور بازویه نظیره یاپار
کبی برعجم سوار یسنک دیزکینه صاریله رق و چیره
دستانه برمهارتله کندینی اعدام ایده رک آلتنده کی شاه

اولان توابعك سيركلنمى جهتيه عجملر بر مهاجه شديده ايله پاشانك صاغ طرفنده بولنان برقاچ سوارى بي عموماً شهيد ايتدكن صكره، براوق ايله آتى تلف و برديكر اوق ايله كندىسنى مجروح ايدرك ينه اوپرتورخشان حيتى زمينه دوشورديلر .

استعداد طبيعى قوتيله او قدر جق بر زمان ايچنده حاصل ايتديكى ائتلاف مهالك سايه سنده حيت مر دانه سى درجه درجه توسع ايدرك بياغى قابنه صيغيشه ميه جق بر حاله كلش اولان جزمى، بولنديغى بر قاچ يوز آديم مسافه دن پاشانك دوشديكى مهاكهي كورنجه، وجودنده نه قدر حرارت غريزيه وارايسه بر دنبره التهاب ايدرك بهار كوشنه اوغرامش آغاچلر كي درلو درلو رنكلر ايچنده قالمغه باشلادى؛ كوزلر ينى قان بوريدى؛ هر برى يكي آپلمش بر غنجه ميه بكره دى؛ تويلرى اور پردى؛ برردىكن شكللى باغلا دى؛ كندندن كچمش دينيله جك بر طرز مهيب ايله

سر كشلك ايتدى توسن بخت ستي زكار
دوشدى زمينه سايه الطاف كردكار!

ييتنى او قويه ريق و « پاشا ير لرده ياتبور! ديننى، دولتنى سون آرقه مدن كلسون! » ديهرك قليچنى آغز ينه قارغي سنى اليه آلدى؛ فرهاد پاشانك يادكارى اولان كحيلانك

معینته آلایندن آیریله رق کیتش اولمق و النده سردار طرفندن توصیه لر بولمق جهت لر یله پاشانک دائره سی خلقنه قارشمش و بناء علیه بو صولت قهرمانی یه اشتراک ایتشیدی .

مخاطره بوباداره ایله ختامه ایرمدی؛ درویش پاشا دوشدیکی مهلکه دن قورتلوب ده بنه جک بر حیوانه مالک اولنجه ینه فرقه سنی احاطه ایدن دشمن آایلرینی سوند - یرمک امیدینه دوشه رک شدتلی شدتلی جمله ره قیام ایلدی؛ وحتی امید غالبیتی ده قوه قریبه یه کتیردی؛ فقط طوقاق خان پدربی یکی فرقه لر سوقیله حرب اوزرنده بولنسان قوتنی تزید و تأیید ایتدیکندن، اوچنجی دفعه اوله رق محاربه علولنمکه باشلادی .

عثمانلیر نه قدر آزالدیسه ایرانلیر آنک بر قاچ قاتی چوغالدیغیچون، بودفعه کی مصادمه اوللکیلره نسبت قبول ایتیه جک درجه لده شدید ایدی . عثمانلیرک هر نفری سکز اون کشی ایله اوغراشیر و اوغراشانلرک هر بری قانک هر طمله - سنی بر جوهر جانه بدل و یرر ایدی .

بقیه شهدا ایچنده مجروح اولدق کیسه قالمدی؛ فقط اوزمانک سلاحنده شمدیکی تأثیر اولدیغندن، اکثرینک جریحه سی خقیف ایدی .

عاقبت کندی نفسلرینی ولی نعمتلرینه سپر ایتمکه

ایتدیلر؛ و بر خیلی آدم ده تلف ایلدیلر. درویش پاشا
 یاننده بولنان بقیه شهدا ایله ایکی اوچ ساعت قدر قلیج
 قلیجه بر جنک رستمانه ایله ینه دشمنی لرزه ناک ایتشکن
 طوقاق خان طرفندن اوزرینه بر مکمل سواری فرقه سی
 دها سوق اولندیغندن، بو تازه قوت بر صولت شدید
 ایله پاشانک توابع جلا دندن اوتوز قدر دلاوری قربان
 ایلدکن صکره، کرز و قلیج ضربه لریله کندیسنی آدن
 آشاغی المشدی.

مجاهد حیدر اقتدار پیاده بولندیغی حالده تک باشنه
 قوجه بر اردو ایله بر خیلی زمان اوغراشدی؛ و بر برینی
 متعاقب اوزرینه هجوم ایدن اوچ عجم فدایسنی بر
 قلیجده ایکی پاره ایلدی (*) بو مدافعه رستم پسندانه
 صره سنده شاگرد جلا دتی اولان دأره سی طاقی
 بر غیرت فوق العاده ایله هر بری اطرافنی صاران عجم
 آلابنی یارارق سلحدارینک یاننه اجتماع ایتدیلر؛ و ولی
 نعمترینک شان مر بیانه سنی اعلا ایده جنک بر صولتله
 پاشانک اطرافنی صاران عجم لری تارمار ایده رک کندیسنی
 ینه تحت روان اجلالی اولان زین سمندینه اصعد
 ایلدیلر.

جزمی هر نه قدر سپاهی ایسه ده درویش پاشا

(*) چوی - جلد ثانی - صحیفه ۴۰

بولنان اوچ درتیزوز دلیر ایله (*) قوجه بر اردونک
قلبکاهی اوزرینه هجوم ایلدی، کویا که پاشانک فرقه‌سی
بر زبانه جهانسوز، مقابله‌سنه کلان دشمن ایسه بر بیغین
خاشاک ایدی، برنجی صفده بولنان ایران آایلری
صدمه اولیسنده محو اولدی. بو صوت طاقت براندازانه
ایله دشمن اردوسنک عمومی تزلزله و حتی بعض فرقه‌لری
هنزانه باشلادی ایسه‌ده طوقاق خان او قدر کوچک
بر فرقه اوکندن فرار ایتک رذالتنی موتدن شنیع عد
ایدرك نهایت درجه‌لده غیرتله عسکرینی ینه موقع
ثباته کتیرمش و هر جهته عثمانلیلرک عمومندن غلبه‌لک
بر فرقه سوق ایدره‌ک پاشانک اطرافنی بر دأره صورتده
احاطه‌یه قالمش ایدی.

او قهرمان ایسه شکار آاینه اوغرامش شاهین
کبی ساعتده بر فرقه‌یه هجوم ایدر و هر هجومنده اظفار
غیرت و جناح اقدامه تصادف ایدن دشمنک کینی پرله
دوکر، کینی اطرافه طاغیدردی.

نه فائده که عثمانلیلر، معاونک فعدانی جهتیله حیات
کبی آزالیر چوغالز، دشمن عسکری ایسه امدادک تعاقبی
جهتیله سنین حیات کبی چوغالیر آزالز بر حالده اولد.
یغندن، ایرانلیلر مهاجمات متوالیه ایله بزم عسکری احاطه

(*) یجوی تاریخی - جلد ثانی - صحیفه ۴۰

مقابله ایدردی . بو تأثراتک یکدیگریله چارپشمی دها دشمن کورنمدن جزمینک عالم خیالنده بری-ووک جنک داستانی کشاد ایلشیدی .

جزمی بو کشاکش لر ، بو تر ددرله دشمن قارشینده کلوبده تفک علوی ، قلیچ پارلادیسی نظرده جولان ایتکه باشلانجه محاربه بی نه دها آرزوسی قوده ایکن تصور ایتدیکی کبی بر صفا واقبال مسیره سی حالنده کوردی ، نه آرزوسی فمله کلدکن صکره توهم ایلدیکی کبی بر بلای مبرم جولانگاهی حکمنده بولدی .

حالی نظر امعان اوکنه آنجه غائب اوزرینه حاصل اولش افراطلی ، تفریطلی ایکی خیالنده ذهنی تجرید ایدهرک حربک ماهیتنه پک قولای حکم ایلدی ، یعنی غوغا دینیلان شی نظرده خطر وظفر احتمالرینک ایکیسنده تساوی اوزره مساعد بر تجربه گاه طالع کورنمکه باشلادی .

درویش پاشا قهرمانلغی ، شهسوارلغی ایله برابر ذاتاً پک کنج و فطرةً پک متهور بر ذات اوله رق دشمنی کوردیکی کبی طبیعتنده اولان صولت شیرانه کافه حواس وقواسنه غلبه ایلدیکندن ، ایکی طرفک مقدارنجه اولان تفاوته هیچ اهمیت ویرمدی ، رایت اقبال آلتنده

کیدیلہ جنگ میدان حرب ایسہ بر موقع امتحاندر، کہ آخرتہ
 اذ اوزاق مسافہ سی بر کلہ منزلندن عبارتدر. ائتلاف ایتیانلر
 ایچون هادم اللذاة اولان موت بالطبع دشمنک افرادندہ
 دکل افرادینک کولکہ لزندہ بیلہ تجسم ایتمش کی کورینور.
 انسان کرندیکی طوپراقلرک هر طرفنی کندی ایچون
 حاضرلنش بر مزار قیاس ایدر. دنیانک نہ قدر بدایعی،
 عمرک نہ قدر لذایذی، قلبک نہ قدر آمالی وار ایسہ جملہ سی
 بریرہ طوپلانیرده عرض اشتیاق ایلرجه سنہ کوز اوکنده
 دور ایتکہ باشلار.

ایشته جزمی حربہ کیتکہ او درجہ لڑده آرزو کش
 ایکن ینہ آتہ بنوبده آلیہ کیرنجہ بو انفعالات طبیعیہ دن
 بر درلو کندبنی قورنارہ مدی . بوندن بشقہ عاقل نہ قدر
 کندینہ اعتماد ایتسہ طالغنه اعتماد ایدہ مز .

بناء علیہ او مولدق یردن بر بادره ظهور ایدوبده
 مهارت و یا شجاعتنہ شئن ترتب ایدہ بیلک و او صورتلہ
 کرک حامیلری، کرک آرقداشلری نظرندہ آلچقلقلہ معروف
 اولق و اہمہ سی دە کوکلندہ کی اضطرابہ خیلیدن خیلی
 قوت و یرمکده ایدی .

فقط فطرتندہ کی شجاعت ، عزمنده کی قوت
 خصوصیلہ کبر نفسنک مز یاتندن اولان داعیہ ناموس
 وسائقہ غیرت یوقاریدہ بحث ایتدیگمز حسیاتہ تمامیلہ

جزمی بویله ایکی قوتلی آرزونک شوقیله همان یرندن
فرلایه رق سردارک دائره سنه عزیمت ایلدی ، فرهاد
اغا ایله نوعینک توصیه سی جهتیله ذاتاً دائره یه تقرب
ایتمش و فطانت و ظرافتیله کنندیسنی معتبران توابعه
سودیرمش اولق جهتیله درویش پاشا رفاقتیله کیتمک
آرزوسنده بولندیغنی بیان ایدنجه اغار ، سردار پاشادن
یالکز مآذونیت دکل برده قوتلی توصیه آدیله .

هر نه مسلکده اولورسه اولسون برنجی تشبث ،
برنجی حرکت وجدانده نه درلو تأثرلر ، فکرده نه یولده
تصورلر حاصل ایلدیکی هر کسک نفسنده تجربه ایله
ییلدیکی حاللردندر .

جزمینک طریق اولان عسکرلکده برنجی تشبثدن
ظهور ایده جک تأثیرات و تصوراتک شدتی ایسه هیچ
برحاله قیاس قبول ایتمز . فطرتده نه قدر لا ابالیلک ،
مشریده نه قدر قیندسزلق ، کولکده نه قدر فداکارلق
اولورسه اولسون طبیعتک حاسه غالبه سی اولان حفظ
نفس انهما کی آرهدن زائل اولق ممکن دکلدرد . هله
اعتمادسزلق ، تجربه سزلک دنیانک اک ذکی ، اک جرأتلی
اولان اصحاب تمیزنده بیله ذهنناً برتردد ، قلباً بر خلجان
حاصل ایتمک احتمالک خارجنده کورینور .

اوله رق ایلاک ظهـور ایده جـک فرسـتده هر نـصل
اولورسه اولسون ، میندانه آتلغی تمامیله ذهنسده
قرارلشدیردی .

برخیلی کونلر بر انتظار شدید ایچنده متأذی
اولدقدن صکره ، قره قوللرمزدن اللی آلتش کشی اطرافی
طولاشیرکن چیلدیر صحراسنده طوقاق خان اردوسنه
تصادف ایده رک و قتلرینه باققسزین بر مناسب موقع
طوته رق محاربه یه قیام ایتدکلرندن آنلری قورتارمق
ودشمنک حالنی اطرافیله تحقیق ایتک ایچون سردار
طرفندن طلیعه ده بولسان دیار بکر بکلر بکی درویش
پاشانک ایلری حرکتیه مأمور اولدیغنی جزمی یه خبر
ویردیلر .

بوخبر، جزمی ایچون انتظارینه نهایت ویره ییله جکندن
بشقه درویش پاشا معیتنده بولمق ده کندنجه همان
حرب کورمک درجه سنده ماسترم اولان حاللردن
بولندیغیچون اک یوک مرده زدن معدود ایدی .

درویش پاشا صقوللی خاندانندن کریم النفس ،
شدید الصوله برکنج قهرمان اوله رق جنیدیلکده ایسه
امرانک و بلکه عثمانلی سپاهیسنک عمومته مرجع عد
اولنوردی ، حتی اوزمانده و بلکه هر وقتده دنیانک اک
برنجی سوارسی اولان عرب آتلیلری بیله کنسینک
شا کرد مهارتی اولغله اقتخار ایدرلردی .

یولنده فدای جان ایتمکی وظائفی اقتضاسندن بیلردی،
 فقط فدا کاراغنک بیلنسنی ده کندنجه اووظیفهیه مقابل
 برحق عد ایدردی . نظرند اقبالک اذ زیاده آرزویه
 لایق اولان جهتی شهرت ایدی .

هیئات ! او یاشده ، او مزیتده برکنج بر زمان
 کلوبده شهرتی اولومدن شنیع کوره جکنی و حربه ،
 صرف ترک حیات آرزوسیه کیده رک تحری ایتمدیکی
 اجلنه بیه وصولدن محروم اوله جغنی زهدن کشف
 ایده بیلسون .

ایشته جزمی او حسیات قلبیه نتایجنندن اوله رق
 استانبولدن بیک درلو خیال ظفر واطمنان اقبال ایله
 بر امید مجسم کسلیش اولدیغنی حالده چیقمشیدی ، رؤیالرنده
 اذ ییوک غالبیتلره کنیدی سبب اولدیغنی کورر ،
 خولیالرنده میدان حربه اذ اول آت سورمک امتیازینی
 کندینه شایسته بولوردی .

ارضرومه واصل اولوبده طوغریدن طوغرییه
 دولت عسکر لکنده بولنمیان برعشیرت مفرزه سنک هم
 حربی کشاد ایتمک وهمده بزبرینی متعاقب ایکی فوق العاده
 غالبیت قرانق شرفنه نائل اولدقلرینی ایشیدنجه کندینک
 اوزمانه قدر سرداره آلائی کوسا ترمکدن بشقه بر
 خدمته بولنمدیغندن طولایی نهایت درجه لرده متأثر

دسیسہٴ حریبہٴ جل ایلدیکندن ، کمال تلاش ایله بر رجعت امری ویرر، عسکرک انتظامسزلغی و عثمانلی سوار یسنک مهاجمات متوالیهسی بورجعتی آرزمان ایچنده بر انهزام قطعی صورتته تحویل ایلر .

ایران فرقهسنک ریاستنده بولنسان « الله قلی خان » بر آز کندینی طو پلایوبده عثمانلی عسکرینک آردی کلدیکنی کورنجه حدت وندامتندن سراپا آتش کسیلهرک اردوسنی تکرار جمع ایله انتقامنی بر مکمل صورتده آلمق ایچون وانی محاصرهیه شتاب ایلر .

محمود بک ایسه دشمنک حرکتنی خبر آلیر آلمز بر مناسب یرده پوصویه کیرهک و بر مهارت فوق العاده ایله عجم اردوسنه ایله شبخون ایدهرک او قدر کلیتلی بر عسکری دفعهٴ ثانیهدده ینه تدمیر اولکی کون ابراز ایتدیکی ، خورشید کبی شعشعلی بر غلبهیه بو کجهده ، مهتاب قدر پارلاق بر مظفریت علاوه ایلر .

جزمی کرک فطرتی و کرک تربیهسی جهتیه بر عسکر اولدیغنی کبی نفسنده اعتمادی بولندیغندن، لیاقتی سایهسنده آرزو ایتدیکی ترقینک حصولنی پک زیاده امید ایلر، وهله کنج اولدیغندن ، ترقیدن بر قاچ قات زیاده اشتهار سودالرنده بولنوردی . واقعا دولتک

وان والیسی خسرو پاشا، ایرانلیلرک تجاوزینی و امرای عثمانیه دن ایکی ذاتک برقلعه ده محصور قالدیغنی خبر آلدیسه ده اسباب مقابله یی ایجابنه کوره ترتیب ایتک ایچون محمودی حسن بکی آلتی یوز آتلی ایله دشمنک مقدار قوتی کشفه سوق ایلدی .

بو فرقه دشمن اردوسنه تقرب ایدنجه عجملرک قوتی یکر می بیک کشی یه بالغ اولدیغنی کورر (*) و امرای پاشایه کیفیتی خبر و یرمک ایچون عودت رأینده بولنورسه ده حسن بک باشنی آچهرق و « بن سکسان یاشنه کلدیم، بر کره دشمندن یوز چو یرمدیم، آرقه می دشمن کوره جکنه قره طوپراق کورسون » دهرک سل سیف ایله عجم آایلرینه طوغری آت سورر، یاننده بولنان عسکرک جله سی کندی عشیرتی و بناء علیه کندی عصبیتی اصحابندن اولدیغنی جهتله آرقه سندن آیرلمزلر، عجمک قره قولنه چاتارلر، بالتصادف تبریز خانی قره قولده بولندیغندن و بویله بر آوج عسکرک او قدر قوتلی براردو اوزرینه هجومی عقل قبول ایده جک شیلردن اولدیغنی جهتله محمودیلرک صولتنی ایرانلیلری عثمانلی اردوسنک کیننه چکمک ایچون بر

(*) ایکی طرف عسکرینک مقدازینی تحقیق ایچون یچوینک ایکنخی

جلانده اوتوز طقوزنجی صحیفه یه مراجعت بیورلسون . ۶

جزمی ایسه بو احتشامک آرسنده چهره سنده
لمعان ایدن پرتو ذکا حالنده تجرم ایش کبی کورینان
طور مردانه و آنلره انضمام ایلین طراوت شبابت
جهت لریله قوجه بر اوردونک ایچنده بر مخلوق
ممتاز عد اولنه جق قدر هر کسک نظر التفاتی جلب
ایدر، طور ردی .

وقتا که او زمانلر وسائط نقایه ده اولان نقصانلر
جهت یله بر قاچ آی اوغراشلدقدن صکره، ارضرومه
وصول میسر اولدی؛ هر شیدن اول بش آلتی یوز قدر
دشمن کلبه سی تقدمه وصول اولق اوزره سر دارک
پیش پاینده غلطان ایددی . بو کله وان والیدی
خسرو پاشانک هدیه سی و امرای ا کراددن محمودی
حسن بکک محصول همتی ایدی .

شو صورتده، که ایران حکومتی اردونک
استانبولدن حرکتی خبر آلیر آلمز بر زمان اول سفارتله
استانبوله کلمش اولان و ایرانجه شجاعت و سیاستله
بر شهرت فوق العاده یه نائل بولنان طوقاق خانی
کرجستان محافظه سنه تعیین ایلدیکی کبی، تبریزده کی
عسکرینه ده (الله قلی) خان معیت یله وان اوزرندن ممالک
عثمانیه یه هجوم ایچون امر ویرمشدی .

جد طرناقلی « توصیفنه موافق بر کخیلان قوله، نوعی
بر عجم ادینک اثر خیالی اولان (سحا پیاره منجمند)
تعریفنه مطابق بر قاره خراسان قلیج یادکار ایشلر
ایدی .

اوچنجی فصل

وقتاکه ۹۸۶ سنه سنک اول بهاری ایرشیدی .
ایران سفری، دولجه مقرر اولغله برابر، صقولینک رأی
واصراری اوزرینه، تجاوزک دشمن طرفندن ظهورینه
معلق طوتلدیغندن، عصیان حالنده بولنان بعض کرجی
امراسنک تأدیبی شایعه سیله اوردوی همایون اسکداره
مرور ایلدی .

یکچیر یلرک اشکال کونا کونی، سپاهی لرک قرمز یلی،
صاریلی بایراق لریله آرایش، خصوصیه سردار
دائرة سی خلقنک آلتونلره، کومش لره مستغرق رخت
وسلاح لری، تلر، صرمه لر ایچنده جبه و خفتان لری
اسکدار صحراسنی، ازهارینک جمله سی بردن آچلمش؛ بر مناقب
طبیعیات باغچه سنه بکر تمشیدی .

حضرت‌تاری ده مصطفی پاشایی ترجیح ایله عرض
ایلدیلر .

نوعی — شو مبارک صدراعظمك ده بو حالری
سویلیر . مصطفی پاشا اقرباسندندر ؛ فقط شهراده
بازید وقعه‌سندبری نه درجه کندندن نفرت ایتدیکنی
بیلیرم . سنان پاشانك یمنده تونسه اولان جزوی،
کلی خدمت‌تاری ایسه، پاشا نزدنده خیلیدن خیلی مقبول
اولمشیدی؛ حتی اوز تیمور اوغلی کبی، بر قهرمانی
آنك خاطرینه رعایه تکدیر ایتدی. سنان پاشا تبصده
قصورایمور؛ فقط ینه دولت ایشی کلنجه پاشا، حتی الترام
ایتمک مسلکندن بروقت انحراف ایلیور .

فرهاد اغا — یافندی حضرت‌تاری. صاحب دولت‌ده
سلطنت سنیه‌نك معظمات امورنده اغراضه تابع اولورسه،
بو قوت وشوکت نصل محافظه اولنور ؟ .

یوللو بر محاوره جریان ایسدکن صبره، ایکیدی‌ده
مصطفی پاشایه جزمینك چندیلکندن، عرفاندن بحشله
برر توصیه نامه اعطا ایلدیلر .

جزمی‌یه فرهاد اغا، بر عرب شاعرینك محصول
فکری اولان «آلتون وجودلی، کش خلخاللی، زبر-

حاله کنديک هيچ بر استدعاسنه اهميت ويرلمديکندن
 طوتديره رق، دغدغه سني سامعه پادشاهي به قدر ايصال
 ايلدي . پاشانک بو حاليله حرب اوزرنده ايکي سردار
 بولمق عسکر اسلامي بر طاقم اغراضک کشاکشه
 دوشوره جکچون، شو کتآب افندمز ايکيسندن هانکيسي
 مناسب ايسه انتخاييله عموم اوردو سردار لغنک آکا
 حواله سني صاحب دولته (*) امر بيورمشلردی ؛ وکیل
 مطلق حضرتلری اولا سنان پاشاي چاغردیلر؛
 ايرانه ککيدرسه نه يولده حرکت ایده جکني بسؤال
 بيوردیلر ؛ مبارك هضم نفس بيلز، لافرنلکدن چکنمز،
 همان رستم زال کسلدی؛ اوردو کندينه توديع
 بيوريلورسه تبریزی، شيرواني، بلکه شيرازی، اصفهانی
 بر حمله ده برباد ایده جکنه، شاهي بوينونه ايپ طاقه رق
 عتبه ملوکانه يه کتيره جکنه دائر بر طاقم خود فروشانه
 ادعاره قيام ايلدی . آندن صکره مصطفی پاشاي
 دعوت ايتديلر؛ آنک مکانتي: تريبه سي معلوم يا ! صاحب
 دولتک سؤالنه، حدود اوزرينه کيدلديکي حالده،
 اصحاب وقوف ايله مشاوره ايديله رک الجآت مصلحه
 کوره حرکت اولنه جغني ونصرت ايسه اراده الهيه يه
 تابع حالردن بولنديغني بيان ايتدی . صدر اعظم

(*) صاحب دولت اوزمانلر صدر اعظم، لرك عنوانی ایدی .

نوعی — مصطفی پاشا تک سزه خصومتی معلومدر .
نامداشی اولان بودین والیسی اقر باسندن ایدی؛ آنک
اوغرا دیغنی قضایه ده سزی واسطه ایتدیلمر .

فرهاد — مصطفی پاشا ، اغراضدن سالم بردات
دکله ده ، اغراضنی منفعت وجدیاته سرف ایدن دهات
زمانه دندر؛ مالایغنی عوارضه اهمیت ویرمز . بودین
والیسی وقعه سننده بنم دخلم اولدیغنی پک اعلا بیلیر؛
مأمور ایدم . اوجهته امرک اجراسنده معذور ایدم .
حال بویله اولسه بیله بنینه مصطفی پاشایی سنان پاشایه
ترجیح ایدرم؛ چونکه اوته کی مبارک تفاخر دن بشقه
بر شیئه یارامز . لزومسز تجاوزلر ، فائدهسز غرضلره
اوغرا شفق آنک کی ، اطوار عوام فریبانه ایله مألوف
اولانلرک خصایصندنر . خصوصیله هر نصل اولسه
مصطفی پاشایه مراجعت مجبوریتندهیز؛ سنان پاشا ذاتاً
حربه کیتیه جهک .

نوعی — اونچون ؟

فرهاد — خبرکز یوقی ؟ سنان پاشا بغداد
قولنه مأمور اولنجه عسکرک ، مهماتک ایشه
یارایه جقلری تمامیله مصطفی پاشایه ویرلیدیکندن ،
کندی معیتنده کی اوردو درمه چاتمه برشی اولندیغندن ،
مصطفی پاشا تک هر طلبی مع زیاده ترویج اولندیغنی

جزمی — دو کیلیورسون؛ طمله یاقوت غائب اوله جق
دکل آ.

نوعی — بن سنک سفره کتدیکی ایسته مم .

فرهاد — بن ده اوفکرده مم .

جزمی — خلافت اسلامیه نك بری اعظم علماسندن،
بری اکبر امراسندن ایکی دولتلی، برعسکری وظیفه سنک
اجراسندن منع ایتک ایستیه جکلرینی هیچ خاطر مه
کتیرمزد م .

محاوره بودرجهیه واصل اولنجه نوعی ایله فرهاد اغا
بربرینه باقشدیلر؛ برقاچ دقیقه لسان حال ایله مداوله
افکار ایتدکن صکره، نوعی جزمییه توجیه خطاب
ایده رک، مرادمز سنی مطلقا سفردن منع دکل؛ سرایده
تربیه کی اکمال ایدی . فقط مادام که آرزو ایدیورسک،
اوغورک آچیق اولسون . محاربه میدانی ده انسان اولانلر
ایچون اک بیوک برمکتب عبرتدر . مستعد اولدیغک کالی
اوراده حاصل ایدرسک ! « دیدی . و فرهاد اغایه
دونه رک، « عجبیا پاشارک هانکیسنه برتوضیه ویرسهک ؟
سنان پاشامی، یوقسه مصطفی پاشامی دهها مناسب
اولور ؟ » سؤالی ایراد ایدنجه، فرهاد اغا طبیعی مصطفی
پاشایه توصیه ایدلک اقتضا ایده جکنی سو یلدی .
آره لرنده :

ایران خرابه‌زنده طولاشمغه محتاج دکلسک. ایسته بوراده
پدرک مقامنده ایکی کشی وار. سوز دکله؛ برنجی فرصته
سنی سپاهیلکدن سرای خدمته آلیم.

جزمی — غریب شی! اول سرای اغالغندن
سپاهیلکه چراغ اولورلر ایش؛ دنیا شمدی بتون بتون
عکسنه می دور ایتمکه باشلادی!

نوعی — ای جانم! درگاه عالی متفرقه لرینه داخل
ایدرز؛ او مسلکدن صره سیله فیض آلیر کیدرسک.

جزمی — بزم تیماری، بزم قلیچی نه یاپارز.

فرهاد — مرادک نه در؟

جزمی — دولتک ظهورندنبری بکا، بابامه ،
اجدادمه احسان ایتدیکی پاره لک بدلنی مر کبله تسویه
ایده میه جکم؛ چونکه قیرمزسی قوقیور. سپاهی کوزیمه
عرب کوله قدر چرکین کورینیور. قان ایله ادا
ایده جکم.

نوعی — نصل قان ایله؟...

جزمی — والله! فلک بنم مشربمه خدمت ایدرسه
دشمن قانی ایله.

فرهاد اغا — آرده انسانک کندی قانی ده دوکیله

بیایر.

قلم ، آئمه کی یاغز خر کله دن دها سرکش
کور یذیور .

نوعی — (ینه تبسم ایده رک) شاعر لره قلیج
قوللانغی ده ظاهر سن اوکرده جکسک . هیچ قان ایله غزل ،
قصیده می یازیلیر ؟

جزمی — عبدالله بن رواحه یه نه بیورر سکر ؟

نوعی — شو قیاس مع الفارقه باق ! او ذات
کافه فضائلی جامع اولان اصحاب کرامدن ایدی .

جزمی — یا ابو مسلم ، یا ابو تمام ، یا ابو فراس ؟

نوعی — ینه قیاس مع الفارق ؛ آنلر امرادن ایدیله ؛
هم ده اک بیوک صفتلری خاست اولان عرب قومی
آرسنده ظهور ایدیله .

جزمی — یا فاتح ، یا سلطان سلیم ، یا سلطان
سلیمان ؟

نوعی — قیاس مع الفارقلره ختام و یرمیه جکیمسک ؟
آنلر پادشاه .

جزمی — پک اعلا یا قاضی فاضل ، درویش
یعقوب پاشایه ، خصوصیه بنم کبی ، بر سپاهی اولان
یحیی بکه نه دینیه جک ؟

فرهاد انا — چوجوق ! سن اقبالک ایچون

بر شی اولدیغندن، حامیلرینه برنجی عرض ایتدیکی تمی
حربه کیتک ایچون بر توصیه طلبندن عبارت ایدی.

وقتا که یوقاروده بیان اولندیغی اوزره ایران سفری
آچلدی؛ جزمی کندیسنکده سوق اولتمسی ایچون
طوغری سرای همایونده فرهاد اغانک اوطهسنه عزیمت
ایلدی. بالتصادف نوعی دخی اوراده ایدی؛ آرهلنده جر-
یان این محاره شودر.

فرهاداغا — واه چوجق! سنی ده عجم سفرینه کوند-
ره جکلرده آنک ایچون رجایه کلدک دکلی؟ تلاش ایتمه،
البته بر چارهسی بولنور!

جزمی — خیر افندم! بنی کیسه نك بریره کوندره-
جکی یوق. بو کون آدم آریورز؛ قولکزی «چوجقدر»
دیه بکنمیلر! کیتک ایچون عنایتکزی نیازه کلدم.

فرهاداغا — زهیه؟
جزمی — آی آفندم! صلهیه دکل، حجه هیچ سفره...
حدود بوینه ...

نوعی — (تدسم ایدرک) چوجق! غوغا شعر سو-
یلکه بکره مز.

جزمی — نیچون بکره مسون! انسان دوشوندیکی
قدر دو کوشمکه ده مقتدر اوله مز می؟ بنده کره المده کی

« دشت و صحرا سنده صدلیلی و مجنون جلوه ساز ،
کوهساری اوزره بیک فرهادوشیرین باده خوار ! »
یلتی (که قصیده سنک اک کوزل پارچه سیدر)

نظیره ده کی

روشنا بر ساحه سنده روضه بیغمبری
رونما بر روضه سنده کعبه پروردگار !

یتیله قیاسمی قبول ایدر ؟ « سوززلیله تعیب ایده رک ،
وجزیمی همان او کوندن یانه ککتیرده رک ، بیک درلو
تلطیفاره مستغرق ایتش ؛ و بزله کولغنه ، حاضر جوابلغنه
جودت طبیعتنه ، کشایش اخلاقنه باقدقجه همان اوغلی
عطاییه ترجیح ایدرجه سنه سومکه باشلامشدی .

نوعی بو التفاتلره قناعت ایده مدی ؛ قصیده بی بالذات
تقدیم ایده رک ، ذاتاً شاعر و نکات شعره تمامیه واقف او -
لان ذات پادشاهیدن او سخن کوی نوظهور ایچون بر
چوق احسانلرده استحصال ایلدی .

فرهاد اغا میراخوز ، نوعی ده شهراده خواجه سی
اولق مناسبتیه اویله ایکی حامی صاحب اقتداره انتسابی
جزمییه سرای همایون قپولرینی و بناء علیه ترقی و اقبال
شهر اهلرینی تمامیه آچش ایسه ده ، جزمی او مشربده

بولندق . ان شالله فرهاد اغا همت ایدرده قصیده حضور
پادشاهی به تقدیم اولنور؛ جائزه مزی اورادن آلیرز . « دیدی .
مدت مقاوله اولان بر هفتنه نك ختامنده نظیره سنی کتیردی؛
معارضلرینه تسلیم ایلدی .

جزمی، بو قدر ادعا و عنناد اوزرینه سو یلنمش بر
اثرده طبیعی اولانجه قوتنی صرف ایلدیکی کبی، فضولینک
بغداد و صنفندن اقتباس ایدرک، قصیده سنه بتون ممالک
عثمانیه نك ستایشیله باشلامش اولدیغندن، جولان
طبیعتیه مقتداسندن بیك قات واسع بر میدان بولمش؛
و بناء علیه نظیره سنی کرچکدن نظیره دیه جک بر حاله
کتیرمشدی .

معارضلر ماجرابی، و جزمینک سن و حالنی تعریف
ایدرک، قصیده بی نوعی به عرض ایتدیلر . نوعی ایسه،
نهایت درجه ده دلداده لیاقت، فوق الغایه اهل پرور بر
ذات ایدی . قصیده بی یوقاریدن آشانغی او قوینجه عادتاً
وجد کتیرر درجه لرده بر مفسونیت ایله شوقینک کمال
غلیانندن، نظیره بی اصلنه ترجیح ایتک ایستدی .

متعرضلری « نیچون بیلدیکیکز مسائلدن بجه قیام
ایدرسکز ! چوجق نظیره بی پک کوزل سولمش؛
بر طاقم یرلرنده فضولی یه ده تقدیم ایتمش . فضولینک

اولق جهتيله اشرف صنايع بشر بولنان طباعت آياغزه
كاسه ينه اغتنام ايتك ايستد يكمردن،

« قلم اولسون الى اول كاتب بد (كاشكي فضولى
مرتبلى ده دوشونه ايدى) تحريك،

كه سواد رقى سورمزى شور ايلر؛

گاه بر حرف سقوطيله قيلر ناصرى نار؛

گاه بر نقطه قصوريله كوزى كور ايلر! »

قطعه سيله خطاطلك جاهللكندن فر ياد ايدن فضولينك
ديوانى ده ال يازيسيله، وپك نادر بولمق جهتيله صاحب
ضيافتك خانه سنده يوق ايدى . سراى همايونه منسوب
اولان حضاردن برى آدم كوندردى؛ كندى دولابنده
موجود اولان ديوانى كتيردى؛ كاغذر ينك آره سنه
تقال ايدر كى، بر خلال صوقديلر؛ كتابى آچديلر . برنجى
صحيفه سنده بغداد وصفنده اولان مشهور قصيده ظهور
ايلدى .

جرمى، فضولينك اويله اك كوزل آثاردن برينه
تصادف اولنديغنى كورنجه قلباً پك مضطرب وحتى
ادعاسنه بيك كره پيشمان اولديسه ده، اكثر انسان اچون
اشد مجازاة اولان مسخره اولق قورقوسيله هيچ رنگ
ويرميه رك، « برضيافت اچون بر قصيده ايله اوغراشمق
چكيا سير حاللردن دكل، فقط نه ياپهلم بخته كيريشمش

جزئی — (حدتئی (کتم ایده رک) اوت فضولی
کبی سویلرم !

اولکی — شمدی بر فضولی دیوانی بولورز ؛
راست کلان یپراغنی آچارز ؛ ایلك صحیفه سننده ظهور
ایده جک اثرینه نظیره سویلیه بیلیرسه کز سزه مکمل
بر ضیافت ویریزز . یا سویلیه مزسه کز ! ...

جزئی — طبیعی بزده بر ضیافت ویره جکرز ؛ فقط
شعری کیم تمیز ایده جک ؟ ممیرلک سزه قاله جقسه
هیچ بحثه کیریشمیهلم ! سویلیه جکم شیئه شمیدین فنادر
دیرسکرز ؛ اولور کیدر .

بر دیکری -- او یله دکل ! نوعی بنم خواجه مدر ؛ اکا
کیدر کویستررز .

جزئی — پک اعلا اولور .

مخاوره بورایه کلنجه بر فضولی دیوانی بولنمغه
لزوم کورندی . بزده ایسه سلطان سلیمان زمانندن
صکره — هر اثر ترقیبی بشقه ماتلرده ظهور ایدوبده
کندمزه ضرر ویرمینجه یه قدر قبول ایتمکه تنزل
اولنمدیغی کبی — باصمه صنعتنی او زمانلر تحری ایتمک
دکل ، حتی علم چیننده بیله اولسه طلب ایتمکه
آرامغه مأمور اولدیغمن حالده ، علمک ناشر حقیقیسی

ترجیح ایده جگنی علاوه ایتدی . غایت صفوت
قلب ایله بیان افکاردن عبارت اولان بو سوزلرینی
آرقداشلری کندی کنایه لرینه مقابله حکمنده عد
ایلدکلرندن، بری کوه زه لک یاریشنه چیقشیر کبی،
« کرچک اونو تمشدم، سز شاعر سکر، هیچ موسیقیه تنزل می
یورر سکر! » سوزلریله استهزایه تصدرا ایتدی .
سسنک حالی ، اوضاعنک طرزی ایسه مقصدینی
آچیقدن آچیغه میدانه قویدیندن ، جزمی معاملیه
عینیه مقابله ایله « نه یاهلم افسدم ! انسانلق
طوررکن چالی قوشی اولغه هوس ایتک المدن کلور . »
دیه رک، مجلسده بولنانلرک برقات ده ا حدتنی دعوت
ایلدی . شو محاوره یه باشلادیلر :

حضاردن بری — البته شعر سو یلدی ککر زمان

دمنکی اوقونان بیتلر کبی، سویلر سکر یا ؟

جزمی — کیم بیلیر !

بر دیگری — یوق یوق ! پک آنلری ده بکنمز .

جزمی — او بیتلری بکنمز سه م نه اولق لازم کلیر ؟

شعردن ایجه ا کلاسه کز سزده بکنمز دیگر، باقینسک،

نوعینک هر سوزی سحر حلال اولق لازم کلزیا !

بر دیگری — بک باقیدن ، نوعیدن ای سویلر،

فضولی قدر سویلر .

اوکنده حاللرینی تصویر ایدردی؛ زیرا کیمی باقینک یتیله،
عشرته مستانه ستایشلر، انکسارلر ایده جک قدر کندندن
کچمش؛ کیمی نوعینک شعر یله برابر، عشقندن کوردیکی
ستلری ده برر برر تخطر ایلمشدی .

جرمی ایسه وجودینک، معدنه سنک قوتی جهتیله عشرتی
پک اعلا هضم ایلدی .

تریسه سی بشقه یولده، وخصوصیه او زمانه قدر
عشقه ویردیکی معنی بتون بتون بشقه طرزده، اولدیغی
اچون او یله ستمی کوره جک، جورینه تحمل ایده جک
ممشوقه لراه الفت ایتمدیکندن، خاطرینه کله جک مشقتلرده
یوق ایدی . هله موسیقی شناسلغه هیچ میل ایتمشدی .
میل ایتمش اولسه ده طبیعتی مساعد دکلدی .

اصحاب مجلس نه دن صکره، جزمینک آهنکه
قارشمدیغنه دقت ایلدیلر؛ کندیلر یله برابر، نغمه پردازلق
اچون اجباره باشلادیلر . موسیقی ایله الفتی اولدیغنی
سو یلدی . اولای اینامدیلر؛ صکره وقوع بولان تأمیناتی
اوزرینه او یله برقدن بهره سی اولدیغنه، تأسف پرده سی
آلتنده کیرلتمش، برطاقم تعریضلر ایراد ایلدیلر .
جرمی، موسقینک صنایع نفیسه دن اولدیغنی بیلر سه ده،
سسی، واو فنه استعدادی اولدیغنی افاده ایله برابر،
موسقیده نه قدر اضافت اولسه ینه سویلمسنه دکلسنی

خلقك قارشيسنه نه يوزله چيقايم ؟ بكا جناب حق ترقى نصيب ايتدى ايسه ، او فيضه حصولدن اول لياقت ، و او لياقتي فعلاً اثبات ايده جك خدمت ميسر ايلسون .» جوانى اعطا ايلدى . اصحاب مجلس جزمينك سوزلرني جعلى تواضعه ، رسمى تأدبه حمل ايلديلر . فقط حقيقت حالده ، جزمى فسكريني ، وجدانى شرح ايلشدى ؛ چونكه اقباله ، ترقيه مائل ايدى . فقط اقبالك ، ترقيسنك محصول استحقاق اولمسنه آرزوسى هر شيدن زياده ايدى .

بو صورته صحبتك بر خيلى زمانلر دوامى صره سنده نشئه لرده كرما كرم اولمغه باشلادى .

مجلسده حاضر اولانلر ك جمله سى اوقور ، يازار طاقدن اولدقلىرى كې ، موسيقيده ده اصحاب اقتداردن ايديلر . اكلنجه اوله رق ، بر آغز دن اولا باقينك « خوش كلدى بكا ميكده نك آب وهواسى — بالله ، نه كوزل يرده ياپلش ييقلاسى ! » مطلعنده ، و آنى متعاقب نوعينك « كوكل هر جايى ، دلبر بى حقيقت ، نيلسون نوعى ؟ — شكاييت يوفالردن ، شكاييت يوفالردن ! » مقطعه ده اولان غزللر يله نغمه ساز اولديلر .

اوقودقلىرى شيلر اصحاب مجلسك نظر عبرت

اوله بيله جكنك تخمين و تعدادی جهتلرينه عطف ايلديلز؛
 حتی اچلرندن بری « بر ایکی کیچه اول رژیامده آته
 بنشدم؛ دولته ایررسك دیدیلر؛ هیچ برشی ظهور ایتدی .
 شمدی آکلادم، که رژیاده آته بنسکدن برشی حاصل
 اولیور؛ انسان او یانق ایکن، بویله آته بنسکه مقدر او-
 لورسه دولت آیاغنه کلیور . » کی سوزلاره نسکته کولقلره
 باشلامشیدی .

جزمی ابسه او خلوصلرک، او ترغیبلرک جله سنه
 مقابل « اکر صحیحاً کین کونکی جرید اوینامق بنم
 اچون مدار اقبال اولورسه هم کندهمه، هم دلنک
 حالنه تأسف ایدرم؛ کوستردیکیز معرفت نه در، که حقمده
 اقبالی موجب اوله جق؟ بر قلیج تیماره مالکم؛ او نعمتک
 حقنی نه زمان ادا ایدم، که بشقه بر دولت ارزوسنه
 دوشهیم؟ بنم اعتقاد مجه استحقاق سز ترقی، استحقاقلی
 محرومیتدن بیک قات شنیدرم . کندی کندینی بولندیغی
 مرتبه یه لایق کورمیان آدم خلق نظرنده نه قدر
 کوچک قاله جغنی دوشونورسه حجابندن پرله کچر، شمدی
 مثلاً بنم ابراز ایتدیکم مزیت براز آته بنسک، براز جرید
 آتمقدن عبارت اولیور؛ بو مزیتله اولسه م اولسه م معرفتلیجه
 بر سانس، یاخود مهارتلیجه بر جرید معلی اوله بیلیرم .
 بو حال ایله بنی طوتسه لرده بر ضابطلکه نصب ایتسه لر

اغانك اوزنكيسنى اوپدى. هر كون، هر زمان، يانته كيدوب
كلك اچون امر آلدی. آلدیغى امر ايسه او زمانلر حكمنجه
بر مشخص اقبال ایدی.

جرمینك نوعی به انتسابی اویله بر مخاطره سائقه سیله
دكلى؛ طبیعت شاعرانه سنك یازدیمله وقوع بولمىدی:
احد پاشا دائره سنده الفت ایلدیكى ذات، پاشانك
تذکره جی یمقلرندن، كندی سننده بر دلی قانلی اوله رق،
دوستنك میراخور اغادن التفات کورمسنه خدمت ایتك
كبی، بر خیره مظهر اولدیغندن، طولایى پك زیاده مقنجر
اولمش؛ و بو اقتخار ایله توجه ایدن اقبال كندینه عائد
ایمش كبی، فاتح جوارنده بولنان خانه سننده جزمیه برده
ضیافت ویرمىدی. بو ضیافتده سرای همایون خاص
اوطه طاقندن وصقوللى دائره سنندن وصاحب ضیافتك
قپو یولداشلرندن بش آلتی ذاتده مدعو بولندیلر.

حضار عشرته باشلادیلر؛ صحبت ايسه جرمینك
جرید وقعه سی دائره سنده طولاشیر طورردی. هر بری
جزمیه آیری آیری ستایشلر، بشقه بشقه تحسینلر
ابدالنده قصور ایتدیلر. نهایت لقردی بی فرهاد اغانك
توجهی كندی اچون نه قدر بیوك اقباللره مقدمه

کیره ییله جک قدر آلچق ، قپونک اوزرنده کی دیوارده
بر دکل بیک باش پاره لیه جق قدر متین ایدی . قپونک
کینشلیکی ایسه اکر بوشالدارق کچیله جک درجه ده
دکلدی . قپودن نهایت آت صیغه ییلیر ؛ و بلکه کچر ایکن
اکری بیله سورینوردی .

فرهاد اغا بو حالی کورنجه ، کندی مشربنه کوره ،
دنیانک اک قیمتدار آدم لرندن معدود اولان و جندیلکک
اک بیوک امید استقبال لرندن کورینان اویله برکنج سپاهی یه
— چوجوقلرک اکلیرکن قیردقلری اویونجقلر کی —
بهوده یره ضایع ایده جکنندن ، طولایی فوق الغایه جانی
صیقلدی ؛ « اوغلم حیوانک باشنی صوله طوغری چویر ،
دیواره چار په جقسک ! » فریاد یله نصیحتنه باشلادی . جزمی
ایسه ینه یولنده دوام ایده رک ، قپویه بر قاچ آدیم قالیر
قالمز ، اکر بوشالتدی ؛ فقط اکر بوشال دیرکن ایکی آیاغنی
بردن اوزنکیدن چیقاردی ؛ صاغ النی حیوانک ، باشنی
پک یوقاری قالدیر مامسیچون ، قولاننه ربط اولنان ولسانم زده
« بیلان » دینیلان قایشه ، صول النی ده کنه آتدی ؛ قارنک
التنه صوقولدی ؛ آخوره سالم اوله رق ، دخول ایلدی .

آخور قراکلق ، حیوان یملکنه مأنوس اولدیغندن ،
اوراده بر قضا وقوع بولدی . جزمی ده آتک قرنندن
صیریلدی ؛ اوافق قپودن دیشاری فرلادی ؛ فرهاد

اویله بر کنج سپاهینک چندیلکده سرای اغارینه
وارنجیه قدر غلبه سی صقوللی محمد پاشا قوناغندن
تماشا ایله مألوف اولان فرهاد آغانک نخوت چندیانه سنه
طوقوندی . پاشا مرحومه « بو چوجوقله بنیدن بشقه،
اوغراشه جق کیسه یوق؛ مساعده بیورکز! » سوزر یله
وداع ایدهرک، آتته بندی . اوده میدانده جولان ایتکه
باشلادی .

فرهاد آغا کرچکدن زمانک شہسواری ایدی؛ بر
قاچ کره میدانک بر باشندن بر باشنه کیتدی کلدی؛
جزمینک بر قاچ کره جریدینی صاوشدیردی؛ فقط کندی
جزمی یه بر دکنک اوره مدی . نهایت ملکه سی جهتیه
جزمی بی احمد پاشا قوناغنک اوکنده صیقیشدیردی .
جزمی اکر بوشالتمق ایستدی؛ آرقه یه دونوب ده دکنک
طوتمق امیدینه دوشدی . فرهاد آغانک آتی تمامیه تر بیه لی،
کندی بندیکی حیوان ایسه بتون بتون خرون اولدیغندن
بر درلو آتک باشنی ایستدیکی یولده اداره یه مقتدر اوله -
مدی؛ نه قدر مهارت، نه قدر معرفت کوسترسه دکنک
یه جکندن و بناء علیه مغلوب کورینه جکندن امین اولدی؛
حیوانک بر قاچ کره دکنک ایله بویننه چار پهرق، آخورک
آرد قپوسنه چویردی .

او قپو ایسه وقتک عادتجه یالکز بر حیوان

« اويله لقرديمى اولور ؟ بن بر قليج تيماره مالك سپاهى يم؛
 آتمه بر خرکله ويرسونلر هپسيله اوغراشيرم ! » جوانى
 ويردى . دائره خلقنك قوناقدە قالانلرى كوشمكه
 باشلاديلر؛ نهايت بحثى آز ديردیلر؛ جزمى يى ميدانه چيتمغه
 دعوت ايتديلر؛ ركوبى ايچون پاشانك آخورندن غايت
 خرون بر ياغز كردآتى چيقارديلر؛ بنك طاشنه چكديلر .
 جريد ايچون لازم اولان ادوات حيوانك اكرنده موجود
 ايدى . جزمى بنك طاشنه كلنجه حيوانى سيرايمك ايسترمش
 كى ، بر طور ايله اينهرك ، و آتك ديزكنندن طوتهرق ، بر
 ايكى كره اوتيه برى به چويردكن صكره ، يردن آتلادى ،
 حيوانك اوزرينده بولندى . حيوان خرون ايدى؛ سرکش
 ايدى؛ فقط جزمى اوزرينه آتيلر آتلز - افنديسنى كور-
 مش عجمى كوله كى - رام اولدى . جزمى ده حضارى
 سلاملادى؛ قپودن چيقدى؛ آتيلرك آرهسنه قارشىدى .
 اويونده جريد آتمق ، قووالديغنى ايستدىكى يردن
 اورمق ، اكر بوشالدارق كلان دكنكلى صا -
 وشديرمق ، بر ايله آتك يلهسنه صار يلهرق ، بر ايله
 يردن دكنك قاقمق ، بلندن يوقايسيله آرقهيه دونهرك ،
 اوزرينه آتيلان جريدزى طوتمق خصوصلرينده او قدر
 مهارت كوستردى ، كه سيرايدنلرك جلهسنى حيران
 ايلدى .

زمانده کی قدر کنیش دکل ایسه ده بو کونکی حالنه
نسبتله دهاواسع و او جهته عثمانیلرک او زمان اک بیوک
اکلنجه سی اولان آت او یناتمغه دها مساعد اولدیغندن،
سرای اغاریله وزرانک دائره خلقی او موقعی مهارت
جندیانه لرینه امتحانگاه اتخاذا ایتشلردی؛ موسم مساعد
اولدقجه تعطیل کونلری جرید اوینامق ایچون اورایه
چیقارلر ایدی .

۹۸۴ سنه سی بشوالنک ایلک جمعه کونی میراخور
فرهاد افا بعض تلطیفات شاهانه بی حامل اولدیعی حالده
صقوللی محمد پاشا مرحومه کله رک، قوناغک میدانه ناظر
دیوان او طه سنده بر پنجره یه او طور مش؛ جزمی ایسه
وزیر ثانی احمد پاشا قوناغنده - پاشانک توابعدن - بر
بیلدیکنی کورمکه کیده رک، میدانه ناظر بر او طه ده مصا -
حبه طالمش ایدی .

او صروده سرای همایون طاقی آیاصوفیه جهتندن
ظهور ایتدیله؛ وزیرلرک دائره خلقی ده قوناقلرک قپوسندن
کورندیله . آت او یناتمغه، جرید او ینامغه باشلادیله .
جزمی بر مدت تماشادن صکره، « بونلرک ایچنده
آتلی یوق ! » دیه جک اولدی . بو سوز قونوشدیغی ذاته
یک غریب کورنمکله « چوجوق سن نه سویلیورسک ؟
عثمانلی آتلیسنک اک ممتازی بونلردر ! » دینجه جزمی

براز اوتنه سنده نظره تصادف ایدن چنار - که دالترینه
بیکلرجه مظلوم ویا متهم آصلدیغی ایچون تاریخلرده
« شجر و قواق » عنوانی آلمش؛ و بیکلر یلرک جامع میدانده
اعدام اولسانلری یته او آغاجک آلتنه آتدیغی ایچون
بر شاعرك لساندن « میوه وقتنده یتشدک شجر و قواقک، »
یوللو مرچته، انسانیته یاقشمز بر استهزایه مظهر
اولمش؛ شمدی ایسه قوری یه قوری یه تاریخ بیلانلر نظرده
نیجه بیک انسانک چورک کیکلرندن یاپله بر هیکل دهشت
حاله کلمش اولان شجره ملعونه در - بلکه دهها دیکلر مامش
ایدی .

سلطان احمد جامع شریفک - که آیا صوفیه یه پک
قریب اولدیغی ایچون تنها قالیر مضالعه سیله مداوم جماعتنه
وظیفه تعیین اولنمشکن، صکره لری بایراملرده، مولدلرده
یوزلرجه آایلرک، بیکلرجه خلقک موقع اجتماعی اوله رق
کشف استقبال محال اولدیغنه بر برهان متحجر اولمقده در
- حضرت هدایی دعای افتاحنی او قومامش؛ حتی برنجی
تمل طاشنی وضع ایدن سلطان احمد اول رحم مادره دخی
دوشمامشدی .

جامعک بولندیغی یرده بری صقوللینک، بری
وزیر ثانی احمد پاشانک بر برینه متصل ایکی قونانغی
وار ایدی؛ بو قوناقلر شمدی جامع دیوارینک بولندیغی
یردن بر خیلی اوتده اوله رق، واقعا میدان روملر

صکرده شیخ غالب لسانندن « استانبولزده نوعی زاده
ایتمش تک و پوینی پیاده » تقییح نابجاسنه اوغرامشدر .

جرمینک فرهاد اغایه انتسابی دهشتلی بر وقعنهک
تایچندن ایدی؛ ممکن مرتبه تعریف ایدهلم :
استانبولده کی حبسخانه عمومی شو کتاب عاجزانه یی
مطالعیه تنزل بیورن ذوانک البته اکثری خارجدن
مشاهده ایلمشدر .

ایشته او حبسخانه بحث ایتدی کمز وقوعاتک زمان
جریانی اولان اوننجی عصرده اکثر وزیرایه جلوه گاه تنزه
اولش بر کوزل سعادتخانه اقبال ایدی .

پیشکاهنده بولنان و شمعی سلطان احمد میدانی
دینیلان عرصه ایسه بشقه بر صورتده ایدی . واقعا
شمعی اولدیغی کبی، اوزمان دخی بری مصرک، بری
یونانک دلائل عظمتندن اولان ایکی طاش - بری شکل
اهرامیسی، بری شکل عمودیسی - ایله اثار مدینتده کی
بقای هندیسی ایکی دلیل ایله کوستر؛ وقتیه روم ایمپرا -
طورلرینک تختگاه ذوقیاتی اولان او ییلان شکلنده کی
تونج دیرک ایسه - قیریق دوکوک، دلیک دشیک قیافتیه -
ظلمک طبیعتنده کی زوال استعدادینی علنی بر برهان ایله
ابراز ایدر طورردی .

فقط حبسخانه طرفندن باقلدیغی زمان او تمایک

صورتی نه قدر مهیب ایسه سیرتی او قدر مونس
اولدیغندن، اطوار مردانه‌سی، بذله کولقلری سایه‌سنده
اوزمانک هم اک ممتاز عسکرلرندن، هم اک قدرتلی
شاعرلرندن بر خیلیسنه برر برر انتساب ایلدی .

اک اول پیدا ایلدیکی حامیلر ایسه - سرای
همایونک اک بیوک جنیدی اولوق جهتیله - اصطل
همایون مدیرلکنده و یا او وقتک تعبیرنجه میراخورلتمده
بولنان فرهاد اغا (*) ایله باقیندن صکره، زمانک اک
بیوک شاعری عد اولنان نوعی ایدی .

فرهاد اغانک حال وشانلی یوقاریده بر درجه‌یه قدر
کورلمشدی؛ آشاغیده ایسه ده‌ها بر چوق مآثری مشهور
اولور .

نوعی، مشهور مرثیه‌سیله باقی‌یه خیر الخلف اولدوغنی
اثبات ایدن و خراباتک برنجی جلدنده اولان «نون»
قافیله‌لی اوفاق منظومه‌جکیله نفعی‌بی بیله کندینه پیرو
ایتمک شرفنه مظهر اولان ذاتدر، که اوغلی عطایی
شقایق نعمانییه ذیل یازمش؛ ومع مافیله حیاتنده نفعینک
بر چوق هجولرینه هدف اولدوقدن بشقه، خسه نامنده
اولان منظومه‌سی ایچون، وفاتندن بر ایکی یوز سنه

(*) برنجی فترده حالندن برنیده بحث اولنان فرهاد پاشادر .

کنجلیکی «حسن تربیه سی، ضرورتسزلکی
مشرب لابلایاهسنه بشقه بر رونق، بشقه بر قوت
ویرمش ایدی. احوالی * آچش بر دهان صفاهر
جابدن - احوال دهره خندهلر ایلر شرابمز! * تعریفنه مثال
مشخص عد اولنه جق قدر رندانه ایدی بر درجه که
او قدر کنجلاک عالنده عشقی بیله طراوت ازهار و یا
نشاط عشرت کبی، بر قاچ ساعت ایچنده فنا بولق
شانندن اولان حالردن قیاس ایدردی.

ایشته جزمی ایله عادل کرایک طبیعتلرنده بر مغایرت
کوسترن بو حاللر اولدیغی کبی، او ایکی فطرت متضاده یی
بر برینه تقریب ایدن جهتلرده جزمینک عادل کرای
کبی، طبعاً شاعر، فطرة عسکر یارادلمش اولسی
ایدی.

جزمی دینانک هر کدرندن، هر غصه سندن وحتی
جدی بر محبتدن بیله سر آزاد اوله رق، او کنجلاک عالنده
هم اکلنمک، هم میخانه ده حافظ دیوانی او قویان رندلر
کبی، اکلنجه آره سنده تحصیلنی اکل ایتک ایچون استانبوله
کلشدی.

کندیسی «قلمنی قلیجیله کسر، قلیجنی مقطعه سنده
ییلر» عباره سیله توصیفه لایق بر عسکر اوله رق.

مخاربه‌ی بیله بر کوزل میسره، بر کوزل کنرگاه
حکمنده عد اتمک در» کبی سوزلره چوجغک حسیات
علویه سنی آچقندن، یوتتمکدن عبارت ایدی .

چوجق سن رشده بالغ اولور اولمز پدرینی و یکرمی
باشنده ایکن عمجه سنی غائب ایدی .

دنیاه یالکز باشنه کلدیکی کبی، دنیاده ینه یالکز
باشنه قالدی؛ فقط قدرت صانعک انسانلر ایچون عائله دن
صکره، الک بیوک استنادگاه اولق اوزره خلق وتشکیل
ایتدیکی جمعیت بشره قاریشه بیله جک اقتداری حائر
اولمشیدی .

اجدادینک قلیجی اتمکی اولان تیمارینی قانون دولت
کندیسنه تأمین ایلدیکندن، اسباب تعیشندن ده محروم
دکلدی .

چوجق دنیله جک قدر کنج ایدی؛ فقط بنیه سی
اختیارلقدن مصون عد اولنه جق قدر قوی، پدرندن
میراث آلدیغی قلیج ایسه وجودینی دشمن شرنندن محافظه
ایتمکه کافی ایدی .

تربیه سی اقتضاسنجه، دنیایی هر طرفی موت ایله
طولش؛ بر مخاربه میدانی بیلردی . او جهنتله هیچ برشیدن
احتراز ایتدکن بشقه اولومدن، بلادن قورقق نصل
حال، نصل تصور اولدیغنی ذهننه بیله صیغدیره مزدی .

جزمی به لازم اولان علومدن درس لر و یرمک
وسپاهیلکه متعلق اولان تعلیمی لری او کرتمک ایله برابر،
صورت مخصوصه ده برده عسکرک فکری القا ایتمک
ایله اوغراشیردی، که او یولده اولان تربیه سنک
خلاصه سی ده :

« عسکرلکک شانی کوله رک، اولمک و حتی اولورکن
بیله کولمکدر . عسکر کوز یاشنی شهید اولدیغی وقت
وجودینی تزیین ایدن ، یاخود دشمنی اولدیردیکی زمان
قلیچندن او مغلوبک اوزرینه دو کیلان قان طامله لرنده کورر .
عسکر صحیحاً عسکر ایسه مزارینک اک قرا کلق
کوشه سنده جنته بر پنجره بولور .

عسکر صحیحاً عسکر ایسه جسمی طوپراقلر آلتنده
یاتیرکن روحی کسوک یوزلرنده ، نامی خلقک لسان
اقتخارنده کزینه جکنی دوشونورده یرک آلتنی اوستیله
حساوی و بلکه آلتنی اوستنه مرجح کورر .

عسکر کرچکدن عسکر ایسه راحت دوشکند
ارتحال ایدوبده شو یله جه بر مزاره آتیلیو یرمک ایله
شان میداندده شهید اوله رق ، مزاره بدل بر ملتک قلبنده
یاتمق آره سنده نه قدر فرق اولدیغنی پک قولای بیلیر .

بو یله عالی ، بو یله وطن پرورانه مطالعهلر دن
طولاییدر ، که عسکرلکک اک بیوک بر خصلتی ده میدان

بیوتدی . چوجق آغلارسه کندی کولر؛ آنی ده
کولدیردی . چوجوق خسته لیرسه کندی صحتنی آنک
محافظه سنه حصر ایدر؛ کندی صحتنه خلل کلمکسزین
آنک ده عافیتی اعاده یه موفق اولوردی .

چوجوق ده ها سکر طقوز یاشنده ایکن، سالم بر
فطرته ، لا ابالی بر مشربه ، رندانه بر طوره مالک اولوق
استعدادینی کوسترمشدی .

بنیه سنده کی قوت جزمی یه نوجوانلغنی بر بهار
انشر اع صورتده کوسترمک طبیعی اولدیغنی کی
پدرندن کوردیکی « دنیانی بر مسیره عد اتمک »
تریسه سی ده کوکلنه بشقه درلو استعدادلر ، بشقه درلو
هوسلر و یرمش ایدی . باشی اوجنده ییندیرم پاطلاسه
کوک یوزنده بریسی کولیور قیاس ایدردی؛ کوزینک
اوکنندن بر جنازه کچسه تابوتنی بک صندیغنی ظن
ایلردی .

درس لرینی عمجه سندن اوقودی؛ عمجه سی ده باباسی
کی سپاهی یعنی عسکر اوغلی عسکر اولغله برابر،
اوزمان همان هر صنفه شامل اولدیغنی - سلطان
سلیمان دورنده کی یکچیریلر آره سنده سکسان قدر شاعر
بولنمسیله مثبت اولان - هوس معرفت کندینی فنون
موجوده نک عمومی تحصیله سوق ایتشیدی .

میلیار لجه ابنای جنسك قبر سكونی اولان - او قوجه
دنیایی النده چوجوقلرك اوینادقلری طوب کبی،
بر اکلنجه حکمنه کتیردکن بشقه ابعاد نامتناهی ده
یله حکمنی انفاذ ایدیور؛ دینله یله جك درجه لده کشفیات
اجراسنه مقتدر اوله یلسون ده ینه بر ارککله بر قادین
برلشهرک، آره لنده کندی و جودلرندن قویمه،
کتدی لرینه نسبت همان انسانک دنیایه نسبتی قدر عاجز
اوفاجیق بر ملک حاصل اولیو یرنجه ارککلی،
قادینلری کولدی ره جك قدر ساده دلانه خنده لره
بر یولده، قادینلری، ارککلی آغلاده جق قدر
معصومانه کریه لره بشقه بر یولده فطرتدن
حدیتدن، معرفتدن نه قدر قوت حاصل ایده بیلشیر ایسه
چله سنی اومعصوم ضعیفک مینی مینی اللرینه تسلیم
ایتسونلر؛ کوچوک آیاقلرینک آلتنه صاچسونلر! ...

دنیاده طبیعت بشره مدار شرف اوله جق بوندن
یوک بر بدبعه وار میدر؟ بو سوق انسانیت، نظر
قدرت اوکنده اک مطیعانه بر مسلاک عبودیته برهان
اولان تماشاردن دکلیدر؟

جرمینک پدری، بو حکیمانه تصورلری بر کتابده
کورماش سهده قلبنده حس ایدنلردن اولدیغندن
حرمندن کندینه یادکار اولان چوجغنی ارککجه

فقط حکمت الهیه بر چہ وجہی والدہ سندن محروم ایدر
ایسہ آنک یرینہ البتہ بری قائم اولیور . جزمینک والدہ سی
یرینہ قائم اولان وجود ایسہ، شفقتہ والدہ دن پک دہ دون
اولیان پدری ایدی .
بعض پدرلر اولادینی محافظہ دہ، تربیہ دہ والدہ لہ
تفوق ایدر .

تاریخ بشر، — بر نظر تدقیق ایلہ؟ — مطالعہ اولنور
سہ ظہور ایدن اعظمک اثار عالیہ سنہ ایکی بیوک، ایکی اساسلی
سبب کوریلور، کہ بری مرحمت ، بری دہ جرأتدر .
اکثری مرحمت والدہ، یاخود قادین قوجاغندہ جرأت
پدر، یاخود ارکک قولتوغی آلتندہ پرورش بولیور .

بوجہ تله جنت والدہ لک آباغی آلتندہ بولسدیغی
کبی، پدرلرک قولتوغی ویا قلیجی سایہ سندن بولنور . بر
والدہ چوجغنی افراط شفقتہ شمارده بیلیر؛ فقط البتہ
مقصدی شمارتمق دکل، تربیہ ایتکدر . بر پدر اولادینی
شدتله یلدیره بیلیر؛ فقط البتہ مقصدی یلدیرمق دکل،
تربیہ ایتکدر . زمان کبی، عدد کبی، بعد نامتناهی کبی،
خیال بشر، منہاسنہ وارہ میان بر طاقم مصنوعات الهیہ
دوشونلسون، برده او مصنوعاتک آرسندنہ بر دنیا، او
دیانک اورتہ سندنہ بر قاچ آرشون بویلو انسان نامندنہ بر
مخلوق تصور اولنسون، انسان کندینہ قدرتک موهبہ
مخصوصہ سی اولان خاصہ عقل ایلہ شمدیہ قدر

رقیق حسار وار ایسه جلهسی او سایهده پرورش بولور؛ او سایهده دهها کوچکدن اثرینی کوسترمکه باشلار.

جرمینک، والدهسنی بیلاکسزین غائب ایدوبده او تربیهدن، او شفقتدن محروم اولسی قلبنده مستور اولان قابلیتلی بتون بتون اخلال اتمدی؛ یالکز بر درجهیه قدر بشقه یوله چو بردی . چونکه مریسی پدیری ایدی؛ پدیری ایسه عسکر اولدیغندن، چوجوغنی عسکرجه تربیه ایدردی . چوجوق، مثلاً کوچک ایکن، دوشرسه باشی اوجنده آغلایه جق و آغلامسیله کندیسنی آغلاده جق بر والده، بر ملک الصیانهیه مالک دکله دوشدیکنی، قالدیغنی کوره جک و اطوار معصومانه سنه وحتی آغلایشنه خنده لاله مقابله ایده جک بر پدیره، بر خواجه تشویقه صاحب ایدی. بناء علیه استعدادینک رقت و شفقتدن اول اقدام و جرأت جهتمتری ترقیه باشلادی؛ و بناء علیه آنادن عسکر طوغماش اولسه بیله بابا اوجاغندن اولسون عسکر اوله رق، آیرلمسی مقرر ایدی .

جناب حقک دنیاده معصوملره اک بیوک احسانی، اک بیوک عنایتی والدهر اولدیغنی انکار قابل دکلدرد؛

صافلایه جق قدر دنی اولان بر جزو یدیه او بلای طاقسوز
ایچنده ینه قاتلکه، غاصبلکه چالیشور!

نهایت عون الهی امداده یتیشیر؛ اوصاحب مروت
نجات بولمقده حضارک اکثرندن زیاده مساعده
تقدیره مظهر اولورده صکره، خیردن تولد ایتش بر شر
ایله لذاید حیاتی غائب ایدرسه یالاکز دکره دوشان آدمک
حالنه، سعینه حصر مقال ایتک بویله بر هنکامه بی تعریف
ایچون کافیمیدر؟ البته دکل!

ایشته دکره آیلان کوکللی معینک حالنی، شکلنی
تصویر ایچون آتشدن، فورطنه دن بحث ایتک لازم کلدیکی
کبی، جزمینک سرگذشتنی بیان ایچون ده یوقاروده کی
مقدماتی اراد ایتک اقتضا ایلش ایدی.

مقایسه ده شو قدر فرق وار: یانغین بر تصویر خیالی.
برنجی فصلک تعریفاتی ایسه رنکری ایلری ده میدان
چیقا جق بر رسم مسوده سیدر.

جزمینک تاریخ ولادتنی یوقاروده بیان ایتشیدک
شمی برارده عائله سندن، تر بیه سندن بحث ایدلم.

جزمی تیماری استانبول جوارنده بر سپاهینک
اوغلی ایدی، ده ایکی یاشنه کیرر کیرمز والده سنی
غائب ایلدی، شفقت مادرانه معلومدر؛ انسانده نه قدر

بولنديغى طرفه چويرر؛ حياتنى افنا اچون او ايكى قوه
 غالبه ايله مسابقه قالكيشير؛ هر كرابه طوتلدقجه
 وجودينه بر جلاد كندى صاريلير؛ هر طانغه اچنده
 قالدقجه بر كره مزاره كيرر؛ چاليشه چاليشه
 وجودى طاقتدن كسيلير؛ اوغراشه اوغراشه
 سيكيليرى وجودىنى طاشيه بيله جك قدرتدن قالير. صولر
 يوتار؛ اچى زهر ايله طولار؛ صنوق جاننه كپر؛ قانى
 طوكفه، حيات الندن اياغندن چكلمكه باشلار؛ فریاد
 ايدر؛ كيمسه ايشتمك ايسته مز! استمداد ايدر كيمسه معاوتنه
 كلز!..

حال بوكه قارشيسنده، كوزينك او كنده بوينك
 اوچ درت اوزونلغى قدر بر مسافده وجودىنى
 ايصيده جق آتش جهنم علولر يله ياريشيور! كندىنى
 قورتاره جق انسان، اورالرى محشر ميدانك بر نمونه سنى
 كوستره جك قدر كثرته!

هيهاات او آتش ايصينمق اچون دكل يلقق اچون
 اشتعال ايتش؛ او انسانلرك يوزده برى آفتك دفعنه
 سعى ايدرسه طقساتى جان قورقوسيله كندىنى
 قورتارمقدن عاجز اولمش؛ ديوان حشره كيتسه
 حرصندن، مظهر غفران اولان، عبادك حياتنه قصد
 ايده جك؛ جهنمه آتلسه طمعندن آتشرىنى قويننه

اور پرده جك، سيڪيريزي قوتندن ڪسه جك بر تاثير مدھش حاصل ايدن۔ فریادری ده وجودی کبی، امواج آره سنده غائب اولور کيدر۔ شعله نك روزگار قوتیله تتره دكجه طالعوله، ڪوپوكلره باغچه لرده کی، طاغولرده کی آغاجلره، قارلره دکرز ده کی، قرده ده کی چهره لره، لباسلره انعضافندن حاصل اولان بيك دهشتلی رنگلر۔ بيك هائل شكللر آره سنده، دریا کبی، هوا کبی، طاغولری یرندن اوینادوبده اوکنه قاته جق قدر شدید، بتون دنیایی احاطه ایده جك قدر بيوك ایکی خصم غالب ایله اوغراشیر۔ اوزرینه اهرام قدر طالعولر یغیلیر۔ هر طرفدن، آلتنده یانار طاغ غلیان ایتش بر مزارستانده کی موتا مکیکلری کبی، هوایه بیاض بیاض و فقط مدھش مدھش کوپوکلر فیشقیرر؛ گاه تلامک هر دقیقه ده بر شدتنه اوغرایه رق۔ کره نسیم فوقه چیمق ایستیان قاصرغه کبی، طوغریلور۔ گاه دونه دونه یرک دینه کچن سیل مندر کبی، آشانی یه سوزیلور؛ هوا اوزرندن تضییق ایدر؛ جهنی کره زمینه بار اولش جانلر کبی، اسفل سافلینه قدر سوق ایتک ایستر؛ ینه دریا او تضییقه مقابله ایدر! وجودینی مزار قبول ایتماش کنه کارلر کبی، طیشاری آتمنه چالیشیر؛ آتش آره صره جمله سنی بیچاره نك

او آتش مهيبك كنارينه دوشان طامله لری دخی بوز
 پارچه سی قدر صغوق بر باران مصیبت یاغار طورر-
 آغاجلر، طاغیر، تهلر کیمی کفیله آیاغه قالمش شهید
 جنازه سی، کیمی اوزرینه بر سفید استار چکلش فقیر
 تابوتی، کیمی طاشلری قیرلمش ده اوزرینه بیغلمش
 اسلاف مزاری کبی، بم بیاض قارلر ایچنده بر دهشت،
 بر غرابته نظرله چارپار . کجه لك ائوابیله یتاقلرندن
 اوغرامش بر طاقم ضعیف و بیچاره قادینلر، چوجوقلر
 هول جان ایله لرزان لرزان اطرافی طولاشیر .

بو حالدده ایسه دریانک تلاطم طوفان نمونی ایچنده
 چالقانوب، کلان بر قایتدن امداده شتاب ایچون
 بر دلی قانلی دریاه آتیلیر؛ قایتده کیلر بر بارکراندن
 قورتلمش اولدقلرینه حکم ایدرلر؛ کنسدی سلامتلی
 ایچون او بیچاره نك امواج آره سننده یو وارلنوب،
 کیتدیکنی نفسلرنجه بر ییوک عنایت بیلیرلر؛ طالغه دن زیاده
 آنک قایغه تقربدن احتراز ایدرلر! خارجده کیلر علوک
 هر طرفه صارلمسینه نظر اگویا دگیره بیله بر تخته پارچه سی
 آتلسه، دفعیله اوغراشدقلری آتشی تزیدد ایده بیلیر
 ایمش؛ قورقوسیله کوکللی معینلرینه اوفاجق بر مدار
 معاونت هدیه ایتکه جسارت ایده مزلر . بیچاره نك -
 فورطنه چاغلدیسیله بر بزینه چارپشدقجه تویلیری

اڪ بيوك بر فرصت زماني ڪلمش اولديغندن، طوتدیردرق،
ایکسی ده الکتريک بر برینه ضد اولان ایکی قوتی کبی،
برر بشقه نقطه دن حرکت ایتدیلر؛ بر برزیله
چارپشدیلر؛ آرده آتش حربك علونمسنه سبب اولدیلر.
آتش حرب ایسه ییلدیرم حکمنی آلهرق، اکر یله طوغریله
صقوللی مرحومک مبنای حیثیتی رخنه دار ایلدی .

ایکنجی فصل

بر قرا کلق کجه ده شدتلی بر قره یل فورطنه سیله
بوغاز ایچنده ظهور ایتش بر یانغین لوحه سی کوز
اوکنه آلنسون! بر حالده که یانغینک علوی سیاھلی،
قرمز یلی السوان دهشتیله اسکی حکایه لرده کوردیکمز
اژدر لر کبی، گاه افلا که چیقمق ایستر، گاه روز کاردن
بر شدتلی مقاومته اوغرایهرق، آشاغی سوزیلور؛
دکزله چارپیشیر؛ مادیاتی بر برینه قاریشدیره جق
بر هیبتله ساحلدن دکره آتلیدیغی کبی، دکردن ده
قارشیدسنده کی ساحله اوغرایه جق کبی، کورینور .
اطرافه ییلدیزلر قدر شراره صاچار، شه ابیلر کبی،
تخته پارچه لری، تیمور قیرقلری طاغیدر؛ هوادن حتی

مقر بلی ده الدن بر اقردی ؛ خصوصیه کندی
اصحاب ثروتدن ، زمانی ایسه ادوار هدایا و عبودیتدن
ایدی .

سنان پاشا ایران سفری مسئله سنده طبیعی صقوللیدن
آیرلدی ؛ چونکه کرك مقر بلك، كرك مصطفى پاشانك
سرای همایونجه درجه نفوذ زینی لایقیله بیلدیکنندن ،
حربك مطلقا اعلان اولنه جغنه قانع اولمشدی . او حالده
ایسه عثمانلیلرک سلاح سطوتی رقیب خاصی اولان
واقتدارجه کندینه بیک کره فائق بولنان لالا مصطفى
پاشانك ید غالبه سنه ترك ایدوب ده صقوللینك میراث
اقبالی اكا تأمین ایتك افکارینه ، آمانه بر درلو موافق
کله مزدی .

بو ایکی ذاتدن لالا مصطفى پاشا، ایرانك تدارکاتنه
قارشی صلحاً میل اولنورسه سلطنت سینه نك شان
و حیثیتنه طوقونه جغنی و بلکه بو صورتله دشمنه
کوستریله جک مماشات ضعفه جل ایدیه جکنندن ،
دشمنك تمایلات حریه سنی برقات دهها تشدید ایده جکنی
میدانه قویه رق ، و سنان پاشا ، ولو ایرانلیلر محرابه دن
چکنسه لر بیله سلطنت صفویه عارض اولان طور
انحطاط جهتیله ایرانی ممالک عثمانیه الحاق ایله ملت
اسلامیه نك کافه سی اوزرینه حکم خلافتی انذاذ ایچون

معارض اولانلرك بى قبرىس فاتحى لالا مصطفى پاشا ايدى، كه ديوان همايونده وزير ثالث ايدى . بى ده تونس و يمن فتحنده خدمتلى — ينه صقوللى قوتيله — مشكور كور ينان وزير رابع سنان پاشا ايدى .

بو ايكي ذات بربرينك فاتحك، قهرمانلق شهرتلىر ينى چكهمز لردى . ايكيسى ده صقوللى يه خلف اوللق طمعنده ايدىلر؛ ايكيسى ده دولتده، صقولليدن صكره، ككندىلرندن بيوك آدم بولنه بيلديكنى تصور ايدهمز لردى .

بونلكه برابر آره لرنده بر فرق ده وار ايدى؛ لالا مصطفى پاشا «صقولويچ» و يا تركيهسى «شاهين اوغلى» خاندانندن و بناء عليه صدر اعظمك الك يقين اقر باسندن ايكن الك بيوك خصما سندن ايدى؛ چونكه كندى نه قدر حريص اقبال ايسه صدر اعظم او قدر وظيفه پرور ايدى .

سنان پاشا ايسه كرك اخلاقجه، كرك قرامت و قوميتجه صقوللى يه هيچ بر مناسبتى اولديغى و حرص اقبالده لالا مصطفى پاشايه بيله فائق بولنديغى حالده «تيز رفتار اولانك پاينه دامن طولاشور .» فكرىنى مصدق بردور انديش ذات اولديغندن، مقربلردن زياده صقوللينك سابه حايثنى اختيار ايتشيدى. مع مافيه

اولان مهابت ویا سلطان سلیمانک کندی کوکلرینه
القا ایلدیکی حرمت قوتیله اجرا ایدرلردی .

صقوللی زماننده ایسه نه اویله بر مهابت نه اویله بر
حرمت موجود اولدیغیندن، عسکر، ایران ویرانه لرینه
سوق اولندیغی حالده یتیم سگسان ییلدن بری بیک درلو
بلالره آرقه سی آلمان فتنه لری، قیاملریکینه عودت
ایتمسندن احتراز ایدرلردی . بو فکرده تمامیه اصابت
ایدی؛ چونکه یکچیری و خصوصیه سپاهینک
تار یخلرده کوریلان شورشرینه بو محاربه ده تخم اکلکه
باشلادی .

وزیر ثانی احمد پاشاده صدر اعظمک رأینده ایدی؛
فقط احمد پاشانک صداقتدن بشقه برمزیتی، صقوللییه
اتباعدن بشقه بر فکری یوق ایدی . حتی زماننک
ظرفاسی کندیسینی « صدر اعظم کولکه سی » لقبیه یاد
ایدرلردی .

یوقاری ده بیان اولندیغی اوزره صقوللی سرای
همایونجه اولکی دورلرده اولان اعتبارینک بر چوغنی
غائب ایلدیکندن، مقرران دولت نرزنده صدر اعظم
هر نه ایسترسه آنک عکسنه کیتمک وصول مقصدیچون
اک طوغری طریق عد اولمغه باشلامشدی .
ایران سفری خصوصنده صقوللییه اک بیوک

قارشی طور مق و خصوصیه ایکی قطعہ سنی بردن
اوزرینہ یغیلوب کلکه کندی دعوت ایتک حکمنده
اولان بر حرکتی صرف احتیاطسزلق عد
ایتمشیدی .

ایکنجی درجه ده عثمانلی عسکری اوروپا سفرلنده
بر چوق غنائمه نائل اولدق لری کبی، کیتدک لری یرلرک
منزل لری آز، موقع لری معمر اولدیغندن، حرکات
مردانه زینی ممکن اولدیغی قدر سهولتله اجرا ایدرلر، و بناء
علیه حربک دائما اوروپا طرفنده وقوعنی ایستردی .
ایران ایسه جنکیرک و بلکه سلچوقیلرک ظهورندن بری
برقاج یوزسنه ایچنده خاندان قرق اللی دفعه بلای استیلایه
اوغرادقندن صکره، صفوینک شیعیت نامنه تلف
ایتدیکی جانلر، ییقدیغی خانمانلرله بر بیوک خرابه زاره
و بلکه ایچنده کی کوبلر، قصبه لر مزارجی کلبه سی
کبی کورینه جک بر قوجه قبرستانه بکرده مش اولدیغندن،
و برده ینه آرده رابطه اسلامیت موجود بولندیغندن،
بشقه استانبولدن حدوده و حدوددن کیریله جک یرلر
قدر همان اوروپانک عمومته یقین بر مسافه کیلمک اقتضا
ایدردی . بو مسافه ده ایسه هیچ بر نوع غنیمت یوق
ایدی . بالعکس هر نوع مشقت موجود ایدی . و
جهتله عسکر طاقی ایران سفرینی یا سلطان سلیمک ذاتنه

• بوندن بشقه مرحومك ايران سفیرینی ایسته مامکده
ایکی مطالعه سی دهها وار ایدی؛ برنجی درجه ده
دوتماک انهرامی فی الحقیقه سیاستجه هیچ بر تأثیر حاصل
ایتماش ایسه ده دولت علیه تیمور وقتدنبری هیچ
بر یرده وبا خصوص دور ظهـورندنبری اوروپانک
قارشیسنده او یله بر مغلوبیت کورماش اولسنه نظراً
دوتما حادسه سی اوزرینه بزده بر درجه یه قدر اعتماد
ظفر آزالق واو جهته له اوروپاجه عثمانلیلرک پرتو
اقبالنی سوندیرمکه امیدلر چوغالمق طبیعی ایدی .
بو حالده ایسه اوروپاده ینه بر اهل صلیب اتفاقی ظهور
ایده بیلک الك غالب احتماللردن بولندیغندن، صقواللی
مرحوم النده کی قوه اسلامیه نک مجموعنی او خطر
ملفوظه قارشی مهیا طومتق فکرنده بولنوردی .
بو فکری ایسه عین حکمت ایدی؛ زیرا خلافت
اسلامیه نک تحت اجلانده سلطان سلیمان کبی، یدعین
سطوتنی اوروپانک بغرینه قدر اوزاتمش ایکن
نست یسار همتیله ایران حکومتک ارکاننی لرزه ناک
ابده جک بر هیکل مهیب جلادت موجود دکل ایدی .
کندی شخصاً نه قدر بیوک اولسه موقعی طبقات
حکومتک ایکنجی درجه سنده بولندیغندن، اقتدار
وقامنک استعدادینه کوره دنیانک ایکی قطعه سنه بردن

استعدادی باشیله ؛ قدرت جلادتنی بونی ایله متناسب
قیاس ایدرلر ایدی ! هله عثمانیلرک سطوتنی سلطان
سایمک ، سلطان سلیمانک ذاتلریله قائم عد ایلدکلری
ایچون دولت علیه ایله امتحان اقبال میداننه چیقمقده
شاعرلرینک — یاراسه نیک کونشی قولتوغنده صاقلامسینه —
احتمال ویرمسی قییلندن بر طاقم خیالات عجمانه به قاپلقدن
کندیلمی آله مدیلر .

ایشته او آرزولرک ، او خیالارک نتیجه سی ایدی ،
که ۹۸۶ تاریخنده خلافت اسلامیه ایله دولت صفویه
بر برینه اعلان حرب ایلدی .

او وقت مقام صدارتده بولنان صفوللی محمد پاشا
مرحوم محاربه نیک وقوعنی ایسته مزدی ؛ چونکه (تن)
ایله (ولغایی) برلشدیروبدی بحر حرز اوزرندن تورانه
بر طریق وصول آچمق وایرانک تپه سنده بر آلت تهدید
پیدا ایتک امیدنی غائب ایتدیکی زماندنبری دولتک حالنده
(او زمانلرک افکار حکیمه سندن معدود اولان) سن
وقوف علامتلمی استدللاه باشلادی . بوفکر اساساً
خطا ایدی ؛ فقط او خطاتک منشائی صفوللی دکل
زمانک درجه معلوما تیدر .

فی الحقیقه پریخانک پرمقارندن خنایرینه قانلر
 آقهرق ، بر قوجه سریر سلطنته چیقاردیغی اسماعیل
 ثانی او مقام عالیدن کندی اوضاع غریبه سیله حسیض
 خنایه سقوط ایش ؛ ویرینه محمد خدابنده کبی ، کوزینه
 میل چکلش ، دنیایی کورمز اولش ، بلکه حیساتی
 قرانلق زندانلر ایچنده قالانلرک چکدکلری عذابلر
 حکمنده بولش ، وجود راحتندن بشقه دنیاده هر لذتن
 محروم اولدیغندن ، کیسه ایله اوغراشمقن دکل حتی دنیاسندن
 ییله بتون بتون اوصاشمش بر آدم کلش ایدی .

امراسنک ، قرناسنک اکثری ده شاه اسماعیل طرفندن
 کوزینه میل چکیلان حسین قلی خلیفه و او قبیلدن
 اولان رفقای فلاکتی ایدی ؛ مع مافیسه ینه عثمانلی ایله
 محاربه آرزوسندن چکنزلر ایدی .

ایرانک اوزمانکی حکومتنه کورلر عالی دنیسه
 لایقدر .

کورلر عالنده ایدیلر ، که پریخانک هر فعلندن ،
 کونشک آچلیشنده کی نورانی شکلر کبی ، لمعان ایدن
 پرتو ذکابی کورمدیلر نظرلنده شهر یار خانمک سیرتندن
 اولان خیانت - بعض چپکلر ده مند میج زهرلر کبی - صورتنده کی
 حسن حالی ایله مستور قالیردی .

هنوز نوجواناق عالنده بولسان حزه میرزانک

وقعه‌ری برید اقتداره اسناد ایتکه مألوف اولان
اصحاب تخیل، شاهک زوالنی پریخاندن بیلسلردی .

بزم تاریخلردن بعضیلرینک روایتنه باقیلیرسه
اسماعیل ثانی ایرانده سنیلک قوتیله کندی سلطنتنی
تأسیس ایتکه چالش‌دیغنی حالده خلافت اسلامیه‌ده
شیعیلک قوتیله مقابله ایتک فکرنده ایدی . ضعف
قلب، ضعف عقل اصحابی دائماً ایکی یوزلی، ایکی
مشرابی، ایکی مذهبی بولمغنی اقصای مهارت قیاس
ایدرلر ! جمع اضداد عقلاً محال اولدیغنی کبی، ماده
دخی محال اولدیغنی دوشونه‌مزلر . قارلر، تپیلر ایچنده
ایز کوروب‌ده هیچ برینه اعتماد ایده‌مدکلری حالده هیچ
برینی غائب ایتماک ایچون بر طرفدن بر طرفه قوشان
عجمی یوخیلر کبی، ایکی طریق آره‌سنده هلاک
اولورلر .

تاریخلرمنک بر طاقی‌ده ایران محاربه‌سنک وقوعنی
عثمانیلرک ایراندن بعض یرلر آلق طمعنه‌جل ایتک
ایستملرسه‌ده حقیقت حالده، دولت علیه‌نک دور
سلیمانیه‌بی آندیره‌جق و کوپرلی زمانه کلنجه‌یه قدر
اک صوک و بر درجه‌یه قدر اک پارلاق شعشعه سلاحی
عد اولنه‌جق، او محاربه شاه اسماعیل ثانی‌نک یوقاری‌ده
بیان ایتدیگمز فکر غریبندن نشأت ایتشیدی .

آياغتک آلتنده کی بلوطلرک رعدينی، برقنی، بارانی،
کورلدیسنی اکلنجه طرزنده کورنلر کی، اسماعیلک
حرکاتی بر طرز بیقیدانه ایله کورردی. چونکه قدرت
عقلیه جه اسماعیله فائق اولدیغندن امین، واسماعیلک شدتی
ایسه — طبیعی بولندیغی موقع تمایزه نظراً — کندی دامن
ایقیلنه یتشه میه جکسندن مطمئن ایدی.

شاه اسماعیل، متعرض مزاره کیرمکله اعتراضک آرقه سی
کسیلر، کوزه میل چکلمکله نظر رقابت ده قپانیر قیاسنده
ایدی. فقط مغدورلر اسماعیلک امر یله اعدام اولنان
رؤسانک اولادینی مزار کی ساکت، میت کی سرویرمز
بر آلت انتقام اتخاذا ایتدیلر.

نهایت شاه اسماعیل، سلطنتندن بر یچق سنه کچر
کچمز، بر رمضان کیسه سی ندیم خاصی اولان حاواجی
زاده حسن بکله برابر بر او طه ده وفات ایدی.

اسماعیلک نه صورتله تلف اولدیغی معلوم دکلدرد؛
اوطه نك قپوی آچلدیغی صره ده حسن بکک حیاتندن
بر رمق قالمش ایسه ده او حیات دخی یالکز بر رمق
ایدی. بناء عایه بر ایکی دقیقه صکره، زائل اولدی.
و بناء علیه وقعه نك صورت جریانندن، حسن بکک
اقاده سندن اولسون، تاریخه بعض معلومات سطحیه قالمق
قصیب اولدی. یالکز اسبابی پرده خفاده قالمش

سلطنته واصل اولور اولمز اولا پریخانک طرفدار یله
اوغراشمغه باشلادی؛ شمخالی اولدیرمکه چالشدی؛ مقتدر
اولمه مدی . فقط شروانه قدر فراره مجبور ایتدی .
بونکله ده قناعت ایتدی؛ برادرلندن؛ اقر باسندن صاع
قلانلرک اوزمانلرک عادت ملعونه سی اوزره کوزلرینه میل
چکدی . حسین قلی خلیفه بی قهقهه دن قزوینه کلنجیه قدر
« پدرم تعبیری کبی » برطاقم عنوان مفخرت وحتی قزوینه
کلدیکی زمان آنک خانه سنه نازل اولمق کبی، برچوق علام
امنیتله اغفال ایده رک، کویا دولتک زمام اداره سنی انه
تسایم ایتش کورینور ایکن . او بیچاره بی ده برقاج کون
ایچنده اخوانی، اقر باسی کبی . نور نظردن محروم
ایلدی .

زمان سلطنته قدر حلم و عاطفته فوق العاده شهرت
قرانمش اولان اسماعیل ثانی غرض کارانغی، کیندارانغی
اودرجه یه کتورمش ایدی، که یوقاری ده حالندن بحث
ایتدی کمر حسین بک یوز باشی بی - کندی علمینده
بولندیغی و بلکه اهنده بولندیغی جهته له - دار السلام
یاخود دارسلامت بیلهرک، صیغندیغی بغداددن بیک درلو
دسایس و تدابیر ایله پای تحتنه کتیردی؛ و کلیر کلز اعدام
ایلدی .

پریخان اوزمانلرک یوکسک طاغیرده بولنوب ده

شمخال حسین قلی خلیفه بی کورچی طاقنک اک نافند
الکلامی اولدیغی ایچون سرایه جلب ایتدی؛ آرهلرنده
مذاکره لر کچدی؛ نهایت ینه پریخانک امرینه تابع
اولدیله؛ طهماسب اولادندن اوزمان قهقهه قلعه سنده
بولنان اسماعیل ثانی بی تخته اجلاس ایچون دعوت
ایلدیلر.

پریخانک اسماعیلی انتخابنه سبب اوزمانه قدر
کوستردیکی حلم و سکون و میل عدالت ایدی، که اننه
بر فرصت کچرسه عمومی بختیار و خصوصیه ایرانلیلری سنی
ایده جک کبی، کورینور و پریخانه ده - قدرتی دسیسه
منحصر اولان حریصلرک افکار عالیله اصحابنه دائمًا
تأدیه ایده کلدکلری - جزیه تملقده دوام ایدر
طورردی.

اسماعیل عالیله، عالیله و هله طرز احتیالیله پریخانک
نظرنده کندیسنی اولدقجه انسانه بکرز برشی کوسترمش
اولدیغی کبی؛ قزک موهوبات فطریه سنی یالکر
واسطه اجرا اولق قابلیتندن عبارت کوردیکی ایچون
همشیره سنی، بعض قاتلرک قصدینی فعله کتیردکن صکره،
قیروب ده بر طرفه آتدکلری سلاحلر قیلندن عد
ایتمشیدی.

تفصیلات و یرن فرانسزجه تاریخلرده بر خیلی اوصافی
تصویر اولمشدر .

شمخال طهماسبک حرملری هانکی قومہ منتسب
اولدیغنی و اولادینک هر بری هانکی حرمندن طوغدیغنی
بیلہ مزدی . یالکز بیلدیکی پریخانک والسدهسی اولان
همشیرهسی ایلدی ، که اوده اون درت سنه اول وفات
ایتمشدی . بونکله برابر ایرانک او زمانکی حالی « هر بر
عشیرتک بکی بر بشقه پادشاه ! » مألنه تمامیلہ مظهر اولدیغنی
کبی ، امرادن هر کیم رقیبیرینه غالب اولورسه حکومتی ده
کندی قبیلہ سنده تقرر ایتمک ایستدیکنندن ، شمخال
طهماسبک چرکس والدهدن طوغمه بر چوجوغنی پادشاه
ایتمک فکرینه دوشدی . بناءعلیه ایچلرنده حسب جهتیلہ
چرکس هانکیسی اولدیغنی همشیره زادهسی پریخانندن
سؤال ایلدی .

پریخان اوزمانه قدر بعض کره بلوطلرده کورینان
الکتریق قز یلدیسی قدر هائل برحالده طوررکن
بردنبه ییلدیرم قدر پارلاق ، ییلدیرم قدر مددهش بر
قهقهه ایلہ « دایی ! ایچلرنده چرکس یالکز بنم . فقط سن
ملک مظفر مزیتنده بر آدم دکلسک ، که شجرة الدر کبی
بنی پادشاه ایتمک الکن کلسون ! » دیدی دایسنی
ارقه سنه قاتهرق ، سرایده کی دائره سنه چکلدی .

مشعلها، فریادراهِ حیدر میرزا نامنه بر سور سرور
 اجرا ایدرلردی . اچریسنه کیرنلر ایسه خنجرلره قلیچلره
 او سور سروره قارشی بر ماتمخانه ترتیبیه مشغول اولورلردی .
 پریخان او هنکامه بلانک آره سندن قورتیلوبده
 جراتنک ، درایتنک ، شکل و شمائلنک اوضاع غریبه سنه
 و یردیکی نفوذ متحکمانه قوتیه کرجی طاقنی بولندقلاری
 موقعده حیران حیران طولاشدیردیغی صروده ایدی ،
 که شمخال سرایده کی حیدر میرزایی طرفدارلیله برابر
 محواتدکن صکره ، کیردیکی قیونک محافظه سنه
 براقدیغی سلاح ارقداشلرینک امدادینه شتاب ایلدی .
 یوقاریده تصویر ایتدیکن جسم غریبی کورنجه اوده
 حیرته قالدی . اوده قارشیسینده بر قاق آدیم آتماق
 درجه لینه کلدی . برخیلی تردددن صکره ، کوکن
 اینمش بر ملک ، یردن چیقمش بر پری ظن ایتدیکی وجودک
 همشیره زاده سی پریخان اولدیغنی اکلادی ده اندن صکره
 یاننه تقریبه جرات ایده بیلدی .

(پریخانک ذاتی اشخاص متخیله دن ، اوصافی مبالغات
 شاعرانه دن ظن اولمسون ! عثمانلی تاریخلرینک
 هانکیسنه مراجعت ایتسه کز نامنی و فعلیاتنک انجمنی
 کوررسکز ، عثمانلی ، ایرانلی وقوعاتنه دائر اولدقجه

بوشکل غریب پر یخان ایدی . حیدر میرزانک
 آلقشلارینی ، حیدر میرزا طرفدارلرینک سرای ایچنده
 اولان تسلطلرینی اویقودوشکنده ایشیده رک ، و همان
 یرندن قالفه رق ، کچه لک کوملکیله دیشاری یه آتیش ؛
 و بر برینک فاندده یوزمکه و یابوغولغه چالیشان ایکی طاقم
 آره سندن بر قور یچنک یره دوشن قلیجی قاهره رق ، و دیگر
 بر قور یچنک نردبان باشنده ترک ایتدیکی حیوانه بنه رک ،
 قپودن دیشاری هجوم ایتش ایدی .

سرایک داخلنده اویله بر ملحه ظهورینه سبب
 اولانلرک بر طاقی حسین بک یوز باشینک عسکری بر
 طاقی ده شمخال طرفدارلری اوله رق ، چونکه شمخال
 پر یخان واسطه سیله طهماسبک مرض موت حالنده
 اولدیغنی او کندیکی کبی ، کرجیلره قور یچیلر حیدر
 میرزایی اجلاس ایله اوغراشمقده بولندقلرینی ده کندیکنک
 اطرافده قرانیدیغنی واسطه لردن خبر آلمش و بناء علیه
 کندی فرقه سنی سائر فرقه لره مغلوب ایتماک ایچون
 یاننده کی چرکسلره سرایک بر بشقه قپوسندن ایچری
 داخل اولمش ایدی . حسین بک یوز باشینک بیانی دیوان
 قپوسنی جبر ایله تخریب ایدرک ایچری هجوم ایلدیکی
 یکورنجه مقابله سنه عزم ایلدی . سرایک خارجنده اولانلر

صاچیلردی ؛ دوداقلرنده آپلماش ایکی غنجه کبی ،
طوقونولسه قان دوکیله جک ظن اولنورجه سنه بر حرت
کورینوردی آرقه سننده بر خفیف بیاض بلوط مهتابی
سته ایده ییله جک قدر وجودینی صاقلار ؛ وحتی قان
طامله لرندن حاصل اولان لکه لره باقیلیرسه بلوطدن زیاده
هاله یه بکرز بر کوملک ، النده شدتلی روزکار ایله قوسیت
حاصل ایتش ؛ چیچکی لیلایق داللی رنگ و شکلنده بر قلیچ
وار ایدی .

اوله طبیعتک فوقنده عد اولنه جق بر وجود هیچ
کیسه نك انتظار ایتدیکی ، دوشونمیدیکی بر زمانده میدانه
دهشت انداز ورود اولنجه سراي. قیوسی اوکنده
بولمان عسکری عالم دیکردن نازل اوله بر مخلوق کورمش
قدر بهت ایچنده براقدی . کرجیلرک اللری تترمه که ،
الرنده کی سلاحلریه دوکلکه باشلادی .

کورینان سواری ایسه همان طوپلانان خلقک
اوزرینه یوری یهرک ، و هیچ لقردی سو یاکه حاجت
کورمیه رک ، قلیچنک اشارتیه اورادن صاولمیرینی امر
ایدر طورردی . عسکر طاقنک یاقدیغی مشعله لردن
چهره سنک بر طرفنه قورقوج بر قزیلاق عکس ایلش ؛
بر طرفنده پارلاق بر ضیا دهها منضم اولمشدی . کندی
بو حال ایله صحیحاً بزم عالمک خارجنده یارادله بر جسم
روحانی کبی ، کورینوردی .

اچون حیدر میزرای ذهنده ترجیح ایله کرجی رئیس لرینک
اتفاقنه داخل اولدی .

ارباب اتفاق دها طهماسب بالین احتضارده ایکن ،
حیدر میزرای بعض وسائط خفیه ایله سرایه ادخال
ایتمش ؛ و حتی شاهک ارتحال ایلدیکی دقیقه ده اچری ده
بولنان طرفدارلر قوتیله باشنه بر تاج دخی کیدیرمش
ایدیلر .

طهماسبک وفاتی دیشارییه عکس ایدر ایتمز کرک
حسین بک ، کرک کرجی رؤسای انتخاب ایتدکلی
پادشاهی القشلاق اچون سلاح بدست اوله رق ،
سرای جوارینه هجوم ایتدیلر ؛ و دعا و تهنیت صدالری
عیوقه چیقارمغه باشلادیلر .

اوصره ده ایدی ، که سرایک اوفاق قپولرندن بری
کمال شدتله آچلدی ، اچنندن آت اوزرنده بر غریب
مخلوق میدانه آتلدی ؛ آتی بیاض و فقط قان طامبلرندن
اویک قرینه بکره مش ؛ و بلکه بر نوع قپلان شکلی
باغلامشدر .

حیوانک اوزنکیلرینه قدر دو کیله رک ، اوجلری قانه
بولانمش اولان صاحجلری منتهای غروبده کورینان سیاه
یلوطلری آندیردی .

کوزلرندن ایکی ثابته کبی ، اطرافه نور جوال

نفسانیه سنه فوق العاده انهمك ایدردی . جان یا بقدن ،
قان ایچمکن هیچ بر وقت چکنمزدی .

بو اوچ قوه غالبه دن طهماسیک وفاتی صره بستده
یالکز پریخان یاننده موجود اوله رق ، عسکر ایسه
کرجی و چرکس رؤساسنک تحت نفوذنده ایدی ، که
کرجیلرک ریاستی میرزا علی خان کرجی و حسین قلی
خلیفه یه و چرکس امراسنک ریاستی ده داغستان حاکی
اولان شهنشاهه عاند ایدی .

شهنشاه پریخانک دایسی اولدیغی کبی ، حسین قلی
خان ایله علی خان کرجینک ده طهماسب شهرزاده لرندن
میرزا حیدره والده سی طرفندن قرابتلری وار ایدی .
فقط عسکر طاقنک منتظم و اک کترتلیسی سرائک
محافظة لنگنده بولنان و بزم اوزمانکی بوستانجیلر جکمنده
اولان قوریجیلر اوله رق ، آنلرک ریاستی ده « حسین بک
یوز باشی » نامنده غایت جری بر ذاته مفوض ایدی .

شاه طهماسب وفات ایتدیکی کبی ، حسین بک یوز
باشی شهرزاده لر دن برینی کندی قوتیله سریر سلطنته
چیقارمق و او سایه ده برسلطنت معنویه مالک اولمق
طمعنه دوشهرک ، قوریجیلری باشنه جمع ایلدی و کرجی
طاقنی چرکس فرقه سندن ده قوتلی کوردیکی

آمال معصومانیه نسبت مشتهیات منفعت پرستانه
قیلندن ایدی .

سن جهتیه تجربه سی ده! غالب اولدیغی کبی ،
حرکاتی ده مادیات ایله ، منفعت ایله اوغراشانلر یولنده
بولدیغی ایچون پریخانه غلبه ایله بیلسی - بو دنیای
دینک احوالنه نظراً - طبیعی - کورینوردی . فقط
شهریار خاتمده - بشرک هر نوع اقتدارینه بر قاچ قات
تأثیر ویرمک شانندن اولان - جسارت قوتی نابود ایدی
پریخانه ایسه او قوت بیوک بیوک قهرمانلره عطف اولمسی
قابل اوله جق درجه لرده موجود ایدی .

حزه میرزایه کلنجه .

بو ذات فطرة والده سنه هیچ بکره مزدی ؛ شهریار
ییلان مزاجنده ایسه کنیدیسی قیلان طبیعتنده ایدی .
ییلاندن قیلان طوغه بیله جکنی کیم مأمول ایدر ؟ فقط
قوة فاطره هر محالک ایجادینه قادردر .

حزه میرزا فوق الغایه جسور ایدی ؛ دنیاده هیچ
بر مهلکه دن چکنمزدی . عسکر لکجه بیوک بر استعداد
طبیعی یه مالک ایدی . حتی اشاغی ده کوریلور ، که
اوز تیمور زاده کبی ، زمانک الک بیوک واک تجربه لی
عسکر یله اوغراشمغه مقتدر اولدی . فقط امراض

بر وجود اوله رق ، جبهه سنده مهتابه قارشی طوتمش
کومش لوحه لر کبی ، صاف بر پرتو ، چهره سنده
کونشه طوغری آپلش کلر کبی ، پنبه بر نور جولان
ایردی . مخمور کوزلی ، پریشان صاحلری سودا
کبی ، خیال عاشقانه کبی ، حزین ایدی . اندامنه باقلسه ؛
مایه سی الماس معدنلرنن آلمش ظن اولنوردی . او قدر
نازک ، او قدر روحانی بر وجود ایچنده بر آتشین فکر ،
بر آهنین قلب مستور ایدی ، که او فکر آتشین آفتابک
ضیاسی کبی ، طوقوندیغی یرلری تنور ایده بیلر ، او قلب
آهنین کره زمینک صلابتی کبی ، دکه بر حادثه ایله
ازلمکدن مصون بولنوردی .

شهریار خانم ایسه قرقنه یاقلاشمش ؛ و فقط کنجک
ظراوتنی غائب ایتماش ییلان کبی ، رنگ آمیز بر حسن
ایچنده کورینور ؛ ییلان کبی ، ظاهرده ضعیف و فقط
حقیقته قوتلی بر بنیه مالک اولمش ؛ ییلان کبی ، عاجز
قالدیغی زمان پرلده سورینور ؛ ییلان کبی ، وجهه
مقصودینه وصول ایچون ایزینی ستر ایده جک ا کری
بوکری یوللره سالک اولمش بر غریبه روزکار ایدی .

پریخانه نسبت کوزلکی کله نسبت زقوم چیچکی ،
اخلاقی روحانیاته نسبت سفلیات ماده ارزوسی
خیالات عالییه نسبت اغراض نفسانیه ، کلنجه سی

یاریسندن زیاده سنی غارت ایدن - جنکیزه یقین مال ادخار
ایتمک کبی ، بر طاقم مظالم طاقتفرساییله برابرینه پدری
زماننده تأسس ایدن دولتی هم عثمانیلرک ، هم شیبانیلرک
قهر و سطوتندن محافظه ایده بیلدیکی اچون اونجهی
عصرک ظلمه سندن و فقط اکا برندن معدود بولنان شاه
طهماسب اللی اوچ سنه لک بر سلطنت میدده دن صکره ،
۹۸۴ تاریخنده دار مجازاته انتقال ایتشیدی .

عصرک اصحاب اقتدارجه برکت دوری اولدیغندن
میدر نه در ؛ ایران قطعیه سی ده طهماسبک وفاتیه اداره
و بلکه تقایب اموره مقتدر ارباب مزیتدن خالی قالمدی .
طهماسبک سکز ارکک اولادی بر برندن آشاغی شیلر
ایسه ده بر قرنی ایله بر کلینی عالم سیاستده ، بر حقیدی ده
میدان شهامتده کندیبی قدر و بلکه کندندن زیاده
شان المیق استعدادینه مالک ایدیلر .

قری دیدیکمز « پریخان » کلینی ایسه اکبر اولادی
اولدن « محمد خدا بنده » نک زوجه سی « شهر یاز » خاتم ،
حقیدی ده « خدا بنده » ایله « شهر یارک » محصول عمری
اولان « حزه میرزا » در .

اوزمانلر اون سکز اون طقوز یاشلرنده بولنان
پریخان طبیعتک فواره بدایعندن صچرامشده انجماد
ایتمش بر عمود نورانی وصفنه لایق اوله جق قدر کوزل

تاریخ لردن بر تفصیل اکلاشیر، که اوزمانلر
قریمده « قالغایلق » ولی عهدلك ، صدر اعظملق ،
سردار اكرملك كبی ، بر طاقم حیثیات و خدمات
جلیله بی جامع ایدی .

خانلك عزل و نصبی ایسه خلافت اسلامیه نك
صلاحیتی داخلنده اوله رق ، اككثريت اوزره دخی
خانلك برینه قالغایلر نصب اولنه کلیردی .

اشته مرکز سلطنتده اویله بر صلاحیتك قریمده
عادل کرای فطرتنده بر ذاتك وجودی محمد کرای فاسد
فاسد تصورلرینی اخفا مجبوریتنده بولندیرردی .

کره زمین اوزرنده بر برینه التصاق ایتیه جك ایکی
نقطه منته اولدیغی کبی ، جزمینك فطرتی ده ظاهرده
عادل کرایك تمامیه ضدی کبی ، کورینورکن حقیقتده
هرکسدن زیاده اكا متقارب ایدی .

ایرانده اسماعیل صفوییه خلف اولان و سلطان
سلیمان قانونینك شمشیر قهرندن کندینه بر مقر حکومت
اتخاذ ایده میه جك قدر دهشتیاب اولق ، بیچاره
شهزاده ، سلطان بایزید کبی ، بر مهمان نجیبی بعض
منافعه قربان ایلك ، — عموم تبعه سنی صویهرق ، آسیانك

اوله رق ، مائی کوزلی ایسه اورنک ایچنده - **كوك**
یوزینک غروب بلوطلی آره سندن کوج حال ایله
ظاهر اواه بیلش ایکی آی پارچه سی کبی - کورینوردی .
- او بلوطلرک تأثیر ضیا ایله یکرنک اولدیغی حالده
آچیق لانه رق ، قویولانه رق ، بر چوق رنکرده کورندیکی
کبی - عادل کرایک چهره سی ، صاچلری ، قاشلری ،
خط نوظهوری ده صار یلق ایچنده درلو درلو صار یلقلر ،
پیدا ایدردی .

قریم خانلرینک ، خان زاده لرینک وحتی خلقنک
البسه سی ده استانبولک او زمانکی ائوانه بکره مزدی .
آرقه لرینه کیدکاری شیلر اولدقجه صیتی و بناء علیه
وجودلرله متناسب ایدی . باشلرنده قاقوق یرینه
بر کوزل سیاه قالماق وار ایدی . عادل کرایک بویولده
اولان لباسی ایسه چهره سنه کیجه نك هاله مهتابه
یاقیشدیغی قدر یاقیشردی .

عادل کرای فطرة شاعر اولدیغی قدرده عسکر
یارادلمش ؛ وطهارت وجدان و قوه عرفانی کنسیدنی
بر مسلک دیانت و حیته سوق ایتشیدی . مرکز خلافتی
اسلامک نقطه استنادی بیلیر ؛ و او جهته سلطنت
عثمانیه نك دوام سطوتنی کندی بقای حیاته مرجع
طوتاردی .

چیمق ایستر! کندی وجودینی لایقیله ادارهیه مقتدر
دکل ایکن کره زمینی ضعیف قوللریله سورکلیه سورکلیه
بشقه بر نقطه فیضه ، بشقه بر مرکز کاله کوتورمکه
چالیشیر! بو قدر طاقت کلز اقدام ایله تاب وتوانی
کسیلنجه یا قفسده سیاه پردهلر ایچننده محبوس اولش
اولان باللرک نغمه سی قدر خزین ، یا کره دن تنفسه
کافی هوا بولنه میه جق درجه ده آیر یلوب ، حدتله آشغی
سوز یلان شاهینلرک صداسی قدر آجی فر یاداره باشلار .
ایشته شعر او درلو فر یادار ، شاعر ایسه او مزاجده ،
او فطرتده یارادیلان بیچاره لدر . اون بش هجایی
افاعیل وتفاعیله توفیق ایتکه ، یکر می سکر کله یی بر برینه
قافیه یامغه مقتدر اولانلر دکل .

صدددن آیرلیه لم ! عادل کرای طبعاً بر پیولک شاعر
یرادلدیغی کبی ، قابلیات ذهنیه سنک سائر جهتلری ده
اونسبتده یعنی فوق العاده بر مرتبه ده ایدی .

وقتا که تحصیل زمانی ایرشدی ؛ کندینه تعلیم
اولنان کتابلری کویا دنیایه کله دن اول اوقومش کبی ،
کوردیکنی بر باقشده آکلاردی . بر حالده که ده
یکرمی یاشنده ایکن زمانک علماسندن معدود اولشدی .
عادل کرایک بر مزیتی ده اندامنده کی لطافت ایدی ؛
چهره سی پنبه ایله مزین صارییه مائل بر رسکده

اوده حرکتنه کندى اختيارينك فوقده بر قدرت مانع
اوله کلدیکنی کوستر ایدی .

چوجوق بیومکه باشلادی؛ باغچه لرده اوینایشی
بيله ينه بشقه چوجوقلره بکره مزدی . انه بر یپراق
آلیر هوایه آتاردی ؛ یپراق نسیمک تحریکیله اهتراز
ایتدکجه اوزرینه تصادف ایدن نورک کوستردیکی
خفیف خفیف تموجلره باقار کوك یوزندهده چوجوقلر
یپراق آتیشیورلر ، کورینان ییلدیزلر او یپراقلرک
پارلاقغیدر کبی، بر طاقم خیالاته ذاهب اولوردی .

هواده بر آتیش بوجکی کورردی ، قرك بر پارچهسی
یره دوشمش ده قرك کبی ، اوچیور ظنده بولنیوردی .
دها یاشی تحقیقات و معلومات ایله اوغراشمغه مساعد
اولسدیغی زمانلر بيله خیالی کندینه مخصوص بر عالم
ترتیب ایتکه مقتدر اولمش ؛ و بلکه « بر تصویرله سکاییک
عالم ایجاد ایلرم ! » تخیلنی حقیقت صورتنده کوستره جک
درجهیه کلمشدی ؛ چونکه طبعاً شاعر ایدی .

شاعر نه در ؟ « طبیعتک اک سودالی زمانلرنده کی
حزین حزین تبسملرندن یرادلش بر مخلوق ! ... » خنده -
لرندن - کلمه شبنم کبی - کریه اثرلری ؛ کریه لرندن -
بلوطده قوس قزح کبی - ابدسام علامتلی کورینور -
طبیعتنه هر مخلوقدن زیاده اسسیر ایکن طبیعتک فوقنه

فقط خان اولدیغی صره ده « قالغای » نصب
ایلدیکی برادری « عادل کرای » کندی فکرنده، کندی
کندی مسلکنده دکل ایدی . عادل کرای جزمیدن
بر قاچ آی اول بر بهار صباحنده کونشله برابر طوغمش ؛
ودها طوغر طوغز عالمک فناسنه ، بنی آدمک ابتلاسنه
واقف ایش کبی ، آغلامغی اعتیاد ایش ایدی .
کویا که شیخ غالب حسن وعشقنه زینت ویرن نینسک

« ای ماه او یو بو آز زماندر !

چرخک سکا مقصدی یماندر ؛

زیرا قتی تندوبی اماندر ؛

لطف ایشی ده ا کر کماندر !

ظنم بو که پک خراب اولورسک ! »

یتدینی عادل کرایک دایه سی لسانندن سو یلشدر .

کویا که « تا طوغدیغم کوندنبری کرایم . »

مصراع بر جسته سی صاحبک خیالنه عادل کرای یش

نظرندن کچدیکی زمان صادر اولشدر .

چوجق امکلمکه باشلادی ؛ بر حالده امکردی ، که

اوزمانلر محکوملره طاقیلان کله لر کبی ، عالمک محنتندن

بر کره یاپلشده آیاغنه ربط اولنمش ظن اولنوردی !

ایکی آدیم آتدیغی زمان - دنیا دوزرکن نصل بر قوه

غالبه نک پنجه قهرنده زبون اولدیغی کوستر ایسه -

عزیزانینہ اوغرا دیغنی حالده طریق حقده استقامت
نمای ثبات اولان بعض مناره لر کبی ، جله نك فوقنده
کورینه رک ، جله یه الله یولنی ککوستر مک خدمتنده
بولنوردی .

ایشته صفوللینک مهارت اداره و مکانت سیاسی
قوتیله ایدی ، که جزمینک مبادی نشأتنده بر طاقم
نوظهور مقرر بلر ، نوهوس متغلبلرک سیئه سنه اوغرایه رق ،
کوک اخلاق و کرک قوای مادیه جه انحلاله بر استعداد
کلی کوستر مکده اولان سلضنت عثمانیه اغیاره قارشی
اسکی دهشت و عظمتنی محافظه ایدر طورردی .

— ۴ —

اوزمانلر حکمنجه کرک نجابه و کرک قدره دول
اسلامیه نك اعظمندن معدود اولان و خلافتک شمال
حدودینه قورلمش بر بیوک اردوسی حکمنده بولنان
قریم خانلغی ده دولت کرای دورنده کی شعشعه سنی ضایع
ایمکه باشلامشیدی ؛ چونکه دولت کرایه خلف اولان
سمین (سمیز) محمد کرای وجودجه قانی صو کلمش
بر مستسقی عد اولنه جق درجه لده شیشمان بر شی اولدیغنی
کبی ، بوزلمش ؛ انتفاخ ایتمش بر قلبه مالک ایدی . جنکیز
آیننک تجدیدینی اسلامک اتحادینه ، کندی استبدادینی
خلافت اسلامیه نك بقاسنه ترجیح ایدردی .

قانون پرورانہ سی ایسہ بریکیلرک ہوس و تسلط لری نہ
قویا حائل اولمشیدی .

فی الحقیقہ پادشاہ مرحوم حق شناس و قدر آشنا
اولدیغندن، ہر نہ وقت صقوللی بی کوررسہ بونجہ تجارب
کار آکاهانہ وبر درایت فلاطون پسندانہ ایله مؤید اولان
عرضلرینی قبول ایلدیکی خالدہ او یس پاشالر ، قاضی
زادہلر بودین والیسی بولنان عمجہ زادہ سی مصطفی
پاشایی اعدام ایچون میراخور فرهاد آغایی جلالدقده
قوللانمغه و معتمدلرندن نشانجیسی منشآت صاحبی مشهور
فریدون بکی و کتخداسی خسرواغایی ، ککہ بری
یازی، بری اجراآت خصوصنجه ایکی ید اقتداری حکمنده
ایدیلر، خدمتندن آیرمغه مقتدر اولدیلر . حتی دائره -
سندہ بولنان اصحاب امتیازک زعامتلرینی، تیمارلرینی بیله
ضبط ایله کرک پاشایی ، کرک توابعنی هر درلو قوت
و حیثیتندن محروم برافغه چالشدیلر .

فقط پاشانک بخشایش قدرتدن نائل اولدیغنی علو
ہمت ، استحقاق مرجعیت ، نظر حکیمانہ ، اطوار
وظائف پرورانہ کبی ، مزایاتی نزع ایتمک اللرندن کلدیکی
ایچون ینہ قوہ ادراک و حمت و اعانہ صبر و سکینت
ایله مسند و وقارینی محافظہ ایدر، وبر چوق یلیدیرم

وآتش طوفانلری آره‌سندن یکریمی قدر سفینه قورتاره
باش و اوروپانک قوای مجموعه‌سنه قارشی او قدر
دهشتلی بر انهمزام ایچنده بیله قلبنک جوهر صلابتنه
خلل کلامش اولان سیف مسلول جلادت قلیج علی
پاشا بیله ایرتسی سنه‌یه بر دونما یتشدیره بیلک فکرینی
ایشیدنجه — خیالات آره‌سنده قلانلر کبی — تتره‌مکه
باشلامش ایکن، «پاشامایوس اوله ! اقتضا ایدن دونماتک
دمیرلرینی کومشدن ، یلکنلرینی اطلسدن ، ایپلرینی
حریردن یایمق بودولت ایچون ممکندر.» دیان وفی الحقیقه
بر قیش ایچنده قرق بیک عسکر وطائفه ایله مجهز ایکی
یوزدن زیاده سفینه وجوده کتیره‌رک ، قپودان علی
پاشا کبی ، عمرنده فلکه باش اکلامش بر مجاهده بیله ید
غالبه‌سنی اوپمک ایچون حضورنده باش اکدیرن
او صقولیدر .

فی الحقیقه صقوللی سلیم ثاینک وفاتندن صکره ،
سرای همایونجه بر درجه‌یه قدر مستقل ایدی . چونکه
پادشاهک شهرزاده لکتری اثناده او یس پاشا کبی ، قاضی
زاده کبی ، خدمتلری شرفندن بهره دار اولانلرک
هر بری جلوس همایوندن صکره ، برر ایکنجی پادشاه
اولغی قورمش و صقوللینک متانت وزیرانه وحسیت

کونش غروب ایتدکن صکره ، ضیاسنی بر درجهیه
قدر ادامه ایدن قر کبی ، سلطان سلیمانک ارتحالندن
صکره، او عصرک پرتو اقبالی ده صقوللی حفظ ونشر
ایدردی .

سلطان سلیمانک وفاتندن صکره ، آلمانیا ایمپراطورلغی
طرفندن کوردیکی بعض علایم خصومت اوزرینه
« راحت طورمز سه کز ایکی حدودک اورتہ سنده
بر کچلمز چول پیدا ایدردہ شرکردن امین اولورم »
تهدیدیلہ اوروپایی لرزان دهشت ایدن او صقوللیدر . (*)
بحر حرز یولیلہ آسیا داخلرینہ اجرای حکم ایدہ
بیلک ایچون تن ، وولغا نہرلرینی بر جدول ایلہ
براشدیروبدہ سلیم اولک اقصای مقاصدی اولان اتحاد
اسلامہ او طرفدن بر طریق وصول بولقلہ اوغراشان
او صقوللیدر .

سلیم ثانی دورندہ مؤذن زاده قپودان علی پاشانک
ادارہ سنندہ کی عثمانلی دونمائی - شارل کنک ولد مادر
بخطاسی اولان - « دون ژوان » ایلہ مرحوم خیرالدینک
رقیب مغلوبی اولان مشهور « آندریا دوریا » بتون بتون
محو ایدرجه سنہ مغلوب ایتکلہ (**) یالکز او خون

(*) روایت حامردن آئمہ در .

(**) دونماتک انہزامی ۹۷۹ تاریخ ہجریسنده وقوع بولشد .

تاریخنده ومحمد ثالث زماننده اگری ملحمه کبراسنک
قرانلسنه سبب مستقبل اولان مرحوم خواجه سعد الدین
ایدی .

ارکانک اوچنجیسی . — دردنجیسی اولان غضنفر اغا
وخصوصیله جانفدا قادین نزد پادشاهیده نفوذ کلام
ایله شهرت بولدقوری کبی ، او نفوذی ده یوزده طقسان
اعتباریله خیره صرف ایدرلردی .

یمنک فاتح حقیقیسی عد اولمغه شایان اولان
نورسیدکان جلادتدن اوزتیمور اوغلی عثمان پاشایمنده سنان
پاشانک قهر رقیبانه سندن قورتیلهرق ، باد جنوبی
سرعت وحدتیه استانبوله کلمش وبر از مدتجک صقوللی
مرحومک پدرانه فقطمر بیانه شدتلرینه اوغرادقندن صکره ،
سجناق بکلکی ایله آناتولی نی طولاشمغه باشلامشیدی .

(آشاعیده کی تفصیلاتدن آکلاشیله جغی اوزیه)
یکچیر یلرک حفظ نظامی یولنده مسندینی وحتی نفسینی
مخاطره قویان روان وکنجه فاتحی فرهاد پاشا میرآخورلق
ایله خدمت پادشاهیده اثبات استحقاق ایدنلرک بری ایدی .
اوزمانک اک بیوک آدمی ایسه سلطان سلیمانک اک
صکره کی صدر اعظمی اولان صقوللی محمد پاشا مرحوم
ایدی ، که عثمانلیلرک قانونی دورنده اولان عظمت شانته
بر تمثال مشخص اولهرق ، اخلافه یادکار قالمشیدی .

عثمانیلیره ، تاتارلره ، ایرانیلیره عائد اولدیغندن ،
بنده کزده سوزمی دنیانک او جهتلرینه حصر
ایده جگم .)

سلطنت سانیه جه جزمینک زمان ظه—ورنده بو قدر
آدم ضایع اولغله برابر ، دفتر اکا بر قیامامشدی . قلیج علی
پاشا خیرالدینک ، طورغودجهنک ، پیاله‌نک اورو پایه
قارشی آق دکرده حاصل ایتدکلری طوفان استیلا
دهشترینی ادامه ایدر طورردی .

یمنک ، تونسک برنجی فاتحلری اولان خادم سلیمان
پاشا ، پیاله پاشا یر آلتنده منزوی ایسه او ملکده فاتح
ثانیسی اولان سنان پاشا قبه همایونده وزیر رابع مقامنده
اوطورردی .

قبریسک فتحنده بر همت ومهارت فوق العاده ابراز
ایدن واو جهتله عثمانلی سرعسکرلرینک برنجیلرندن
معدود اولان قره مصطفی پاشا وزیر ثالث ایدی .

ارکان ار بعه نامیله مشهر اولان ودولتک قوای
معنویه سی حکمنده بولنان درت ذاتک برنجیسی مملکتده
ارتشا ومداهنه‌نک موجدی صایلان شمس پاشا ایسه
ایکنجیسیده صدیقی بر عزم ، عمری بر توفیق ، عثمانی
بر فداکارلق ، حیدری بر جلادت ایله (۱۰۰۵)

مرقدینه، سلیمان قانونی فلکدن اقبالنه حرمة ایاغنه
دوشمش برقبه کبی، کورینان مشهدینه چکمشدی .
خیرالدین مرحومک قبرنده کی آغاچلردن، چمنلردن
کیلرینه یدکن و یاکمچیلرینه قانلی کفن اولغه اوزنه رک
یرادلمش کبی، بیاضلی قرمزلی چیچکلر آچیلغه
باشلامشیدی .

دولت کرای ثانینک او طوپراغی یانارط-اغلردن
آلمش قلبی، او پارلاقلی فجر شمالی یه غبطه رسان اولان
فکری خاک فناده، ظلمات عدمده مستور اولمشدی .

عثمانلی ملکنده بو اعظمه قلیچیله، قلمیله خدمت ایدن
اصحاب قدرندن پیر محمد پاشایی اوغلی تسمیم ایتدی ! مقبل
ابراهیم پاشا، احمد پاشا جلاد النده جان تسلیم ایلدیلر .
زنبیللی، ابن کمال، ابوالسعود، رستم پاشا؛ پرتو پاشا مسند
اقبالی سدير غفرانه تحویل ایتشلردی . طورغودجه پاشا،
پیاله پاشا، صالح پاشا، رمضان پاشا دریای رحته غرق
اولشلردی .

(حکایه نك متهاسنه قدر او قونلیدیغی حالده
آکلاشیله جغی وجهله جزمینک هند ایله، اوروپا
ایله، توران ایله هیچ مناسبتی یوق ایدی، که اورالده
ظهور ایدوبده اسملرینی یوقاریده ذکر ایتدیگمز
اعاضدن تکرار بحثه حاجت اولسون . یالکز صدد

آیلهرق، انسانلر ایچون بری مایع بری هوئی ایکی سیه
بلای احتیاج دها پیدا اولغه باشلامشیدی .
ایشته سرگذشتنی یازمق ایستدیکمز « جزمی » ده
« موسم ادراك غرائب » وصفنه لایق اولان او عصرک
رجالندندر . ترجمه حالی او یله وقایع عظیمه دن معدود
دکلسده ذاتاً برغرابتی جامع اولغله برابر، دولتک بر بیوجک
محرار به سنهده تعلق ایلدیکی ایچون نظر مطالعهیه شا .
یسته در اعتقادنده بولندق آنک ایچون تحریرینه جسارت
ایدیورز .

جزمی دنیایه طقوز یوز آلتش ایکی تاریخنده کلدی .
فقط انسان ایچنه طقوز یوز سکسان ایکی تاریخنده
قارشیدی؛ یعنی اوزمان — ترفنده یتشمش میوهلر کبی —
وقتمسز آثارینی کوسترن فطانتی سایه سننده پدردن
موروث برسپاهی تیمارینه مالک اولمش؛ اوزمان کندینی
انسان بیله رک، انسان ایچون لازم اولان مسائل معیشتله
اوغراشمغه، شخص تجربیه ایتمکه، ایش او کرتمکه باشلامش
ایدی .

اوسرهده ایسه سلطان سلیم اول جنت اعلادن
کندینی آرایه آرایه دنیایه اینمش بر قصر حکمنده اولان

شمسی ودور ارضی اثبات ایدہ رک، تابع اولدیغی بر دینک معجزات باقیه سندن اولان بر آیت کریمه نك مال عالسنی فنا ایضاح ایلمشیدی .

ینه او عصر ایچنده ایدی، که دنیالری احاطه ایدہ جک بر طوفان معرفتی ذهننه صیغیشدیره بیلک خارقه سنه مظهر اولانلردن مشهور « واسقادوغاما » عمان ایچنده مستور اولان امید برونی طریقنی کشف ایتمکله پور . تکیزل اشجاری آلتون ثمره لر ویرر، نباتاتی کومش چیچکلر آچار برکیما باغچه سی اطلاقنه شایان اولان هندستانک محصول ثروتندن اورو پای مستفید ایتمکه باشلامشر ایدی .

ینه او عصر ایچنده ایدی، که حکم غالبانه نك جهان مدینتی زیر پای استبدادنده ازمک ایچون یاپلش بر تمثال آهنینی حکمنده اولان ناپولیونلری، بسمارقلری بیله بر چوق تلاشله دو شورن « ژزویت » جمعیتی زادکاندن ایکن، دینلجیلکه قدر تنزل ایتمش؛ کوزی آحیق فقط آیاغی طوپال، صورتی انسان و فقط کندی شیطان بر مخلوق غریبک سایه تعصب و ریاسنده تأسس ایلمشیدی .

ینه او عصر ایچنده ایدی، که یمندن قهوه ، امر یقادن توتون بر برینی متعاقب خلقک معرض هوساتنه

ینه او عصر ایچنده ایدی، که سنیلرک سلاحیه چورلش بردارۀ آهینن ایچنده قالان ایرانده « صفوی » طرفدارانک تعصبی اساسنی قانلرله تخمیر ایدهرک، بر دولت « شیعیه » تشکیلنه مقتدر اولشدی .

ینه او عصر ایچنده ایدی، که آلمانیا ایمپراطوری مشهور « شارل کن » سلطان سلیمانک قوه قاهره سینه قارشی طور مق ایچون سنلرجه اوغراشدقدن و ویانه بی عثمانلی محاصره سی و مجارستان و خرواتلغ اکثر جهتلرینی اسلام استیلانی آلتنده کوردکن صکره، کندیسنه سرانی حکومته بدل بر مناستری مزار دنیوی اختیار ایتشیدی .

ینه او عصر ایچنده ایدی، که اوروپاده « لوتر » پروتستانلق نامنه بر مذهب جدید آچهرق، اصحاب تشلیشی ایکی به تقسیم ایتشیدی .

ینه او عصر ایچنده ایدی، که اسپانیولر غرناطه مدینتکاهنی مظلوم، مکسیقا وحشت آبادینی موصوم قاننه غرق ایدهرک شرقده، غر بده تماشاسی نظر حکمته قان آغلاده جق بردهشتلی غروب لوحه سی پیدا ایلشردی .

ینه او عصر ایچنده ایدی، که دنیاره صیغیشه مامقده ضیای شمس ایله رقابت ایدن بر ذکا (°) ابعاد مطلقه بی سیر ایدرجه سینه بر طاقم تدقیقات ریاضیه ایله استقرار

(°) « کوپرنیق » .

اولان و فتوحاتك كثرت و وسعته نظراً اعظم جها .
نكيران عد اولنان تيمورك برقاچ يوزيك عسكر و بيك درلو
مشاق سفر ايله ضبط ايده بيلديكي هندستاني همان
اون بشيك كشي ايله برقاچ يوزيك عسكره مالك بردولتك
الندن نزع ايتشیدی .

ينه او عصر ايچنده ایدی، که « شیرخان فرید » افغانلی
بر عسرك اوغلی ايکن، خصائل جهانستانسی قوتيله
هندك شرق شماليسنده كندينه مخصوص بردولت تشكيل
ايدرك، « بار » سلطنتی كبی، نوظهور و بناء عليه هر درلو
قدرت و عصبیته مالك بردولتی مضمحل ایتك درجه سنه
كتيردكن بشقه عمری مساعد اولسه اوده سلطان سلیم
اول كبی، جهانكیرلكه بر يوك استعداد ابراز ايتشیدی .

ينه او عصر ايچنده ایدی، که تورانده « دولت شیبانیه »
و خصوصيله سلاطين « شیبانیه » دن « عبیدالله » دولت
« جنكيزیه » نك « برکه خان » (*) زمانده اولان ششعه
اقبالنی اعاده ایدر و یره جك قدر پارلامغه باشلامش ایدی .

(*) برکه خان باتوخان اولاددن ودشت حكمدارلرین اوله رق
اولان جنكيزدن اول اسلام ايله مشرف اولان ذاتدر . قیچاق و مغو .
استانده حكمی جاری ایدی . طونه و بلغارستاندن كچه رك استانبولك
محاصره سنه كلش و روم ایمرطور لغنی خراجكذار ايتشدر . آباق خان
و خصوصيله خلافت عباسیدنك انقراضدن صكره هلاكو ابله غالبانه خیلی
محاربه لری واردر . جنكيز خاندانك اعاظندندر . اصل اسمی (بركای)
اوله رق اسلامنی اظهار ایتدكن صكره زمانك عثمانی تفالاً (بركه) تسمیه
ایتدیلر .

اونجی عصرک مزیتی بویله اکیلاته منحصر دکلدیر:
ینه او عصر ایچنده ایدی، که سلیمان قانونی عثمانلی
بیراغنی شفقرا ایچنده طوغمش برهلال کبی، ویانهده،
تبریزده، اسپانیاده، هندستانده طولاشدیرهرق، دنیانک
شرقنه، غربنه شهعه نشار حیرت ایلشیدی.

ینه او عصر ایچنده ایدی، که خیرالدین پاشا سفائن
جهادینک طوب دومانلرینی ابر رحمت کبی، آفاق طوته جق
برحاله کتیره رک، آق دکری لواء الحمد محمدینک سایه استیلاسنه
آلدقن صکره، غنیمت غزاسی اولان قوجه بر ملکک (۱)
تاج سلطنتی خلافت اسلامیه نک عتبه اقبالنه تقدیم ایله
حاکم ایکن، خادملیکی اختیار اتمک کبی، یکانه بر حیت
اظهار ایلشیدی.

ینه او عصر ایچنده ایدی، که دولت کرای ثانی ایکنجی
هجومنده مسقوه طرفلرینه آتشرن استیلا اولهرق، شمالک
قارلی، بوزلی صحراری ایچندن کویا اوچ عصر صکره
کله جک بر جهانگیره درس عبرت (۲) و بروسیه مأمورینه
نمونه امتثال (۳) کوسترر کبی، صنایعی بر یانار طماغ پیدا
ایلشیدی.

ینه او عصر ایچنده ایدی، که «بابر خان» جدی

(۱) جزایر ملکی .

(۲) برنجی ناپولیون .

(۳) مسقوه یی یاقان روسقویچین .

ایلدیکی کبی، طباعتک الک یوک واک فائده لی اکلاندن
معدود اولان قالب چلیکرینی « شفر » ینه طقوزنجی
عصرده اختراع ایلشدی . فقط اوننجی عصر ایچنده
ایدی، که جهان معرفتده کرچکدن بر « دوران حشر »
وجوده کتیرمکه باعث اولان وفطرت بشری مستعد اولدیغی
استکمالاته ایصال ایچون همان طبیعت کلیه قدر خدمتی
کوریلان اوصنعت جلیله سحر اولق، خطاطلرک منفعته
مغایر بولنق وحتی الک فائده سز لغویاتدن صایلق کبی،
حیوانلره بیله یاقیشمه جق بر طاقم تعریضات ومانعاتدن
قورتیلهرق - حیفا که اسلام ملکنده بیاغی ظهوری بیله
خبر آلمقسزین - اوروپانک هر طرفنه انتشار ایلدی .

فی الحقیقه مشهور قرستوف قولومب (*) سفینه نوحدن
طوپراق تحریسنه کیدن کوکرجین کبی، بر شدتلی طوفان
اعتراض آره سندن چیقارق، آمر یقایی کشف ایله عالم
انسانیتنه ینه بو عالم ایچنده برجهان دیگر الحاق ایتکه
طقوزنجی عصرده موفق اولشدی . فقط اوننجی عصر
ایچنده ایدی، که اوروپالیر آمر یقانک همان هر جهتنه
صوقیلهرق، قدرت فاطره دن بشقه هیچ صنعت کورماش
اولان او بیله برجهان غیبک حاوی اولدیغی هر درلو خزان
فوائددن حصه یاب اولمغه باشلامشر ایدی .

(*) قولومب کوکرجین دیمکدر .

میلیونه قریب اسلامی بر حکومتک سایه رایتنه جمع
ایتمک و جنوباً مصر و یمنده خطبه سنی اوقوتدیغی کبی،
شمالاً دخی مسقویه ولهستانک وسطرینه قدر کتیبه
اقبالنک مقدمه لرینی ایصال ایتمک جهت لر یله مالک اولدیغی
یرلره نسبت اسکندرک فتوحاتی کورهیه نسبت ربع
مسکون درجه سنده براقان تیمور طقوزنجی عصر
رجالندن ایدی . فقط اوننجی عصرده ایدی، که سلطان
سسلیم اول کره زمینی بر پادشاه ایچون آز کوره رک،
سکز سنه دن عبارت اولان دور سلطنتنده مصر ایله
عموم عربستان ویاری کوردستانی بر مرکز ره ربط
ایلدکن بشقه خلافت اسلامییه بی وظائفنی بحق اجرایه
مقتدر بر خاندانه نقل ایده رک، اسکندر، جنکیره و حتی
تیموره داغ درون اولان جهانگیرک فکرینک اسلامیت
قوتیه حصولنه لازم اولان اسبابی استحضار ایلدی .

فی الحقیقه هر نظر تدقیقه نیجه یوزیک مشاور،
هر قلم تحریره نیجه یوزیک معاون و یرمک شانندن
اولان طباعت « فوستر » نامنده بر صاحب خیرک
همتیه طبیعتک خزینه الغیب احسانندن میدان ظهوره
طقوزنجی عصرده چیقدیغی و بصمه نك بغیر حق
موجدی عد اولنان « فوست » و « کوتبرغ »
اوصنعت جهان بهادان طقوزنجی عصرده استفاده

ماعددا اورو پانک اکثر جهاتنی استیعاب اینلیان خرسیتیانلق
عالمزنده « مأمون ایله » شارل فلانیک ارتحاللرندن صکره
ملوک طوائف و اهل صلیب محارباتندن ماعددا تاریخچه
اهمیت کوتورر و خصوصیه انسانیته تعلق ایدر؛ همان
هیچ بروقه ظهور ایتمشکن، انزای بشرک فکر واقدا -
منده کوریلان بوسکون عادت پرستانه یدنجی عصرده
برمیل ایجاد ایله ختام بولدی . حتی آتشی پله انسانیتک
پنجه غالبانه سنده محکوم ایلمک شانندن اولان نظر حکمت،
باروتک محاربه لرده استعمالنه او عصر ایچنده باشلامش؛
وبرقوجه عالمی زور بازوی عرفانیه ایستدیکی شکله کتیرمک
استعدادینی حائز اوله رق، وجوده کلان فاتح باروت
کبی، بر قوه مقاومت سوزی طوپچیلق صنعتنده اجرا
ایلدیکی تعدیلات و امکالات ایله اسلحه نك هر نوعنه تفوق
ایده جک بر حاله طقوزنجی عصرده کتیرمشدی . فقط
اوننجی عصرده ایدی، که باروت طوپدن تفنکه انتقال
ایلدیکندن، ارباب حرب ملائکه عذاب کبی، اللرنده برر
تازیانه آتشین استعمال ایتمکه مقتدر اولدیلر .

فی الحقیقه اوتوز بش سنه لک بر اقدام طاقت
بر اندازانه ایله طولاً « ازمیر » کورفرندن « مغول »
و عرضاً « دکندن » قچاق صحرالینک منتها سنه قدر
امتداد ایدن یرلر ایچنده اوزمانلر موجود اولان درت یوز

جزئی

تاریخہ مستند حکایہ

برنجی فصل

— ۱ —

ہجرتک اونجی عصری ، کہ برنجی سنہ سنہ
اوچنجی خاندان خلافتک اونجی پادشاہی اولان سلطان
سلیمان قانونینک ولادتق اقبال استقبالنه براءت استہلال
اولمشیدی؛ وقوعات و کشفیات عظیمہ جہ تاریخ انسانیتک
اکثر قرونہ تفوق ایدر :

کویا کہ ید قدرت برقاچ بیک سنہلک مآثر جلیلہ یی
بریرہ طوپلامشده نظر حکمتہ قارشی بر معجزہ دہا کو -
ستمک ایچون یوزیلدن عبارت بر زمان ایچنہ صیقشدیرمش
ایدی .

فی الحقیقہ شرقده « قتیبة بن مسلم » ک اعدامی غربده
« عبدالرحمن الفہری » نک انہزامی اوزرینہ طولاً « پیرنہ »
طاعلریلہ « قوبی » چوللری و عرضاً بحر محیط جنوبی
اللہ قچاق حدودلری داخلندہ قالان اسلامیت واسپانیادن

PL
248
K45C4
v.1



899058 .

Kemal, Nazim

III

نامق کمال

جزئی

Cezmi

تاریخہ مستند حکایہ

۷۰۱ جزو اول

مجلس معارفک رخصتیلہ طبع اولنمشدر

استانبول

(مهران) مطبعہ سی - باب عالی جادہ سندہ نومبر ۷

۱۲۹۹

۱۸۸۱

P 3 / 37

PL
248
K45C4
v.1

Kemal, Namik
Cezmi

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY
